

Jalé' e cajmée` dsea` i óo` ta` quíá'- Fidiée`

Mi` cacuø` Dsea` Jmáang` júu` quiá'r` e ni'ing` dsea` Jmiguí` quiá'- Fidiée`

¹ Jnea` Lucas nicajmée` e la'uii` coo` jì e catíng` 'nù, Teófilo, lí` fé` jalé' e cajmée` Jesús jogui jalé' e ca'er` lati` mi` canaaiñ` jmóor` ta` quiá'r` ² cartí` mi` caguié` jmí` e cangáañ` fí` ñifí`. Dsu` lajee` ná` gui e nidséñ` do, caseáañ` jaléng` i dsea` quiá'r` i caguíñ` i cangí` cóo`r` do, jo la'eéang` cóo`r` Jmiguí` quiá'- Fidiée` casí`-reiñ` jalé' e 'né` nijméñ` do fí` quini` jaléng` dsea`. ³ Jo dsu` lana nijmée` e e jì la quiá'- mi` cangí`ba' e cajúng` Dsea` Jmáang` jogui cajíb`tur calé` catú` jo cajmijnéng` 'ña'r` jee` jaléng` i dsea` apóo` i óo` ta` quiá'- Fidiée` do e laco` niliñí` dsea` do e lajam`-ba' e nicajíb`tur. Jo mi` cangí` jo, cateéang`guir jíi` tuló` jmí` fí` jmigüí` la, jo lajee` jo éeng` 'ña'r` jee` jaléng` i dsea` do e dseéang`- nicajíb`tur, jogui lajee` jo ca'e'r` jaléng` i dsea` í` jial iing` Fidiée` cár` nifí` quiá'- dsea` jmigüí`.

⁴ Jo lajee` e táam`bi Jesús cóo`r` jaléng` i dsea` quiá'r` do, jo casí`r` jaléng` í` e ja` mí` uoiñ` do lajminá` fí` Jerusalén, jogui casí`-guir dsea` do cajo jo cajíñ`-:

—Nijøøm`-ba' fí` Jerusalén la cartí` niliti` lajii` e júu` e nicacuø` Tiquié` e 'nú` lami` jééng`gui, lí` laco`gui jíi` e nicafíi` i 'nú` jééng`gui cajo. ⁵ Dsu` e já`-ba' e i Juan do caseáañ` dsea` jmí` cóo`r`

jmiĩ, dsu' lajeẽ lajminá- jnea~ nicuóøø^ 'nú' e niñíng`na' Jmiguí quiá'- Fidiéẽ.

Mi~ cangáng'- Jesús fí ñifí-

⁶ Jo mi~ cangá jo, i dsea` quiá'- Jesús i teáng- cóo'r~ do fí mó' Olivos ie~ jo cajmingí'r- dsea` do lala:

—Fíi'ii!, ¿su lana nicatí í' e nijmée^tu' e ni'neeng~naa' dseata~ qui^naa' yee~naa' fí góo`naa'?

⁷ Joba' cañíi' Jesús quiá'- i dsea` do jo cajíiñ'-:

—Ja` 'né- ñí'na' e~ jmiĩ o'gui e~ jiĩ nijmé- Tiquié'e Fidiéẽ jalé' e nijmér-, co' jiĩ' ñia'bre ñir' jogui sea` fí quiá'r- e nijmér- e jo. ⁸ Dsu' mi~ niñíng`na' Jmiguí quiá'- Fidiéẽ lajaang` lajaang`na', job nilisea` bí quií-na' e laco' nigüiguiá'na' júu^ quié-e fí la'úng- jee~ fĩ Jerusalén cóo'gui latøøng- lí se' Judea, jogui lajobi cajo fí lí se' Samaria, jogui fí la'úng- fí jmigüí.

⁹ Jo mi~ lí- casí'r- lajo, lajeẽ teáng- i dsea` quiá'r- do jóøm-breíñ', canaang` Jesús soor` fí yú^ jmigüí cartí caquiiñ'- jee~ cabøø` jníí, jo jo cangáng- guir dsea` do.

¹⁰ Jo lajeẽ teáng- i dsea` do jóør- fí lí cangáng'- Jesús, cóo` cajném- gáng- dseañu^ i qui' 'mi' té fí lí teáng- i dsea` do ¹¹ jo cajíiñ'- casí'-reiñ':

—Dsea` Israel i seeng` fí Galilea, ¿jiali' teáng-na' jóø-na' fí yú^? Co' Fidiéẽ nicatø'r- fí ñifí i Jesús i cangí cóo'~ 'nú' do, jo laco' cañí-na' jial cajgóor- fí yú^ do, lajob nijáa'tur fí jmigüí la calé' catú- mi~ nití- í' lajo.

Mi' caguñ' Matí e ni' r' cuaiñ' quía' Judas Iscariote

12 Jo mi~ cangí jo, caquim' i dsea` cangi' cóo' Jesús e fí' mó' Olivos do, jo cangolím'tur fí' Jerusalén, co' quiáb' nées e fi' jo, jogui jí' jo cuóøng`ngí dsea` Israel mi~ jmí e jmi'íñ'. 13 Jo mi~ caguilíñ' fí' jo, cangotáaiñ' fí' coo`dsí' sináú e tú`fíng-, co' fí' job lí~ nineáaiñ'. Jo i dsea` i caseáng' fí' jo siir` Tú` Simón jogui Jacóo` jogui Juan jogui Dí` jogui Lii~ jogui Mó` jogui Bartolomé jogui Mateo jogui jaang'gui i sii` Jacóo` jóo` Alfeo, cóo`gui jaang'gui i sii` Simón i líng' dsea` celote, jo cóo' jaang'gui cajo i sii` Judas rúng' Jacóo`. 14 Jo jalém' i dsea` na seáíñ' contøøng- e feiñ' Fidiée` colíing` cóo' jaléng' rúng' Jesús cóo'gui Yá^, niquíá' dsea` do, cóo'gui jaléng' dseamí caguiaang`gui.

15 Jo jaléng' dsea` i caseáng' fí' jo tí'bre ciento veinte. Jo nineáaiñ' lajim`bre mi~ caráang- i Tú` Simón do jo café'r` júu` quiá'r- jo casí'r- dsea` do:

16 —Dsea` rú'uu', ne~baa' e calitib~ jalé' e cajíng'- Jmiguí quiá'- Fidiée` la'eáang` cóo' i dsea` áang` quí'ii' i sii` Daví^ i caliséng` malí~ eáang`, jo catéer` fí' ni~ jì` quiá'- Fidiée` lí` fé' uii~ quiá'- i Judas Iscariote do i cacá- nifí' quiá'- i dsea` i 'ní' cangáng- Jesús mi~ casaiñ'- dsea` do. 17 Jo i Judas Iscariote do líiñ' jaang` dsea` i lamí` quíng` jee~ jnea^, dsea` lí'íi' dsea` quiá'- Jesús, jo seab` guiée^ quiá'r- cóo' jalé' ta~ e jmoo`naa'. 18 Dsu' mi~ cangí e ca'níiñ' dsea` do, jo cóo' e cuu- e calí'r- quiá'- lají' e 'lí^ e cajméer` do, calár- coo` uó-, jo fí' job ca'ng' 'ñia'r' jo cajngang' 'ñia'r', jo e fí' ni~ uó- dob catóíñ' jo cajná' moguir~ jogui

tu'r ca'guib` jo cajúm-bre. ¹⁹ Jo mi` caliñí jaléng` dsea` seeng` fí Jerusalén e calí lado, joba' catéer` e nilisii` Acéldama e uó` do e guóng` cóo` jmíí` quiá'r- Uó` lí Catuy` Jmí'øøng`.

²⁰ Jo cajíng` gui i Tú` Simón do uii` quiá'- Judas Iscariote:

—Jo tóo` cóo` fí ni` jì quiá'- Fidiée` e sii` salmos lala:

'Né` e jøb` nijé` ée` quiá'r-;

jo jíi` jaang` ja` ii` nigüea`.

Jogui tóo` gui cajo:

'Né` e jaang` gui i nijmé` ta` cuaiñ` quiá'r-.

Jo lajob tóo` fí ni` jì quiá'- Fidiée`.

²¹⁻²² 'Joba' 'né` niguíng` naa' jaang` gui i ningí` cóo` jneaa` aa' i ni'íng` cuaiñ` quiá'- i Judas Iscariote do, jogui røøb` niguiá` naa' júu` jial mi` cají` tu Jesús mi` cangí` e cajúñ`. Dsu' 'né` e líiñ` jaang` i cangí` cóo` jneaa` aa' lata` catí` mi` casée` Juan jmíí` quiá'- Jesús jogui cartí` mi` cangáiñ` fí ñíí`.

Jo lanab cajíng` Tú` Simón casí'r` jaléng` i dsea` do ie` jo.

²³ Joba' caguíng` jaléng` i dsea` do gáng` dseañu': jaang` i sii` Sé` Barsabás jogui sii` bir Justo cajo, cóo` jaang` gui i sii` Matí`.

²⁴⁻²⁵ Jo mi` cangí` jo, jaléng` i dsea` do cami'r` Fidiée` lala jo cajíñ`:

—Fíi` naa', 'nu` b` dsea` nicuúí` dsíí` dsea` lajaang` lajaañ`. Míi` naa' 'nu` e nííí` jnea` i` lajee` lajì huáng` i dsea` la nicaguín` e ningí'r` cóo` jnea`, dsea` guíjáng` naa', dsea` ca'uíng` naa' dsea` quíí`, e ni'íñ` cuaiñ` quiá'- i Judas Iscariote do, dsea` nicangáiñ` fí lí` catíñ` uíi` e dsee` e ca'éer` do.

26 Jo mi~ cangî jo, cacóor` e quiá'- ii` nilí` la-
jee` lajî huáaiñ` do; joba' Matí`bing' calí`, jo íb`
ca'íng` cuaiñ` quiá'- i Judas do, jo colim~ canaaiñ`
ngir` cóo` i dsea` apóo` guijáng` do ladsifí` lado.

2

*Mi~ ca'íng` dsea` quiá'- Dsea` Jmáang` Jmiguí`
quiá'- Fidié`*

1 Jo mi~ cangî jo, jo cagüeá` coo` jmii~ quiá'- dsea`
Israel e sii` Pentecostés quiá'- mi~ catî cincuenta
jmii~ e canaang` roo` jalé` e jnir`. Jo ie~ jo, dob
nisiseáng` jaléng` dsea` quiá'- Dsea` Jmáang` e fí` lí`
tíiñ` e seáiñ` do.

2 Jo lajee` teáaiñ` e fí` dsíí` sinúu` jo, coo`
canúu` bre e ii` fí` yá` jmigüi` laco'gui ii` mi` íí` guí`
e teá` eáang`, jo coob` mi~ canaang` ii` fí` la'úng` e fí`
dsíí` sinúu` lí` neáaiñ` do, 3 jo cajnéng` coo` e líí`jiu`
la líí` mi~ sóng` jî` fí` yá` guí` lajaang` lajaang` i dsea`
do. Jo cajé` coo` e jo quiá' lajaang` lajaaiñ` do.
4 Jo lajob` ca'íñ` Jmiguí` quiá'- Fidié`, jo lajaang`
lajaam`bre canaaiñ` fé'r` jmíí` e jíé` e ja` mí` cuíir`
jéeng`gui líí` laco'gui ta~ jmóo` e Jmiguí` do jee` ír`.

5 Jo ie~ jo teáang` fíng` dsea` Israel fí` Jerusalén i
jalíng` fí` la'úng` fí` jmigüi` e laco' nijmitir` lajii`
e táng` dsea` do fí` jo e jmiféiñ` Fidié`. 6 Jo mi~
canúur` e ii` do lafa' e íí` guí`, jo casítíng` rúíñ`
jogui caseáng` rúíñ` ladsifí` lado fí` jo, fí` lí` neáang`
dsea` quiá'- Dsea` Jmáang`. Jo mi~ caseáiñ` lajiiñ`
do e fí` jo, ja` ñir` jiali' núur` e nífé` i dsea` do jmíí`
quiá'r` lajaang` lajaaiñ`.

7 Jo dsíng' cangogá' dsír' jaléng' i dsea' i caseáng' do ie~ jo, co' ja' í dsír' e ninír' jalé' e jo, jo canaaiñ' sáiñ' lajee' yaaiñ' lala:

—iDsea' góo'naa' dsea' Israel i seeng' fí' Galileabi lajñng' i fé' na! 8 Jo çjali' nua~naa' e fé'r' jmí' qui~naa'? 9 Jo jmaquíim'bi li~ see~naa' lajaang' lajaang'naa', co' lab néeng'naa' lana dsea' góo'naa' dsea' Israel i seeng' fí' Partia, jogui i seeng' fí' Media, jogui dsea' Elam, cóo'~gui dsea' Mesopotamia, jogui cóo'~ dsea' i seeng' fí' Judea, jogui i seeng' fí' Capodocia, cóo'~gui dsea' seeng' fí' Ponto, cóo'~gui dsea' seeng' fí' Frigia cóo'~gui fí' Panfilia li~ se' Asia, 10 jogui cajo dsea' seeng' fí' Egipto, cóo'~gui dsea' seeng' fí' li~ se' Libia quiá'~ laco' Cirene jogui quiém'bi dsea' cajo i jalíng' fí' Roma 11 i líng' dsea' Israellatí' mi~ cangáang'~, jogui i líng'~gui jobi nica'uíñ'~ laco'gui jneaa~aa', dsea' Israel. Jogui quiim'~bi dsea' i jalíng' fí' li~ se' Creta cajo cóo'~gui fí' li~ se' Arabia. Jo lajaang' lajaam'baa' nua~naa' e fé'r' jmí' qui~ii' e quiá'~ jial laniing'~ 'gøng' Fidiée' cóo'~ jalé' e jmóor' do jee~ dsea'.

12 Jo dsíng'~ dsigá' dsír' lajññ', co' ja' ñir' jiali' calí' la do, jo sáiñ' lajee' yaaiñ'~:

—¿E~ uing' e calí' jalé' e lala, faa~aa'?

13 Dsa' i líng'~gui i dsea' i caseáng' do jmineam'~breiñ' do jo fé'r':

—iMéeb' nica'íñ'~ na! iE ni'íim'biñ' na! Joba' fé'r' lajo.

Jalé' e casí'~ Tú^ Simón dsea' i teáng'~ do ie~ jo

14 Jo mi~ canúu~ Tú^ Simón e fé' i dsea' do lado, joba' caráaiñ'~ café'r' uii~ quiá'~ lajññ' la'ó' calíñ'~

dsea` ngi' cóo~ Jesús, jo lalab casí'-reiñ' do cóo~ júu^ teá:

—Dsea` rú'uu' dsea` Israel cóo~gui jaléng` dsea` jiéng` i nineáng' fí' Jerusalén la, núu~na' júu^ e nifá'^a la jogui quie`na' cuente røø. ¹⁵ Co' jnea'^ ja` íng'naa' laco'gui la í óo'na', co' ee'bi, nábi nití~ la ii~ ñú~ la'ee'. ¹⁶ Jo ja` lí' laco' la í óo'na', co' lanagui niliti~ laco'gui cajíng'- Joel i café` cuaiñ~ quiá'- Fidié~ mali~gui mi~ cajíñ'- lala:

¹⁷ Lalab nidsijéé' mi~ nijaquíéng' e ni'íng~ jmigüû, co' lalab cajíng'- Fidié~ mali~gui:

Nicuøø^ø Jmiguû quié~e laca'íng~ dsea` jmigüû;
jogui jaléng' jóo'na' dseañu` dseamî niguiár~ júu^ e fé'r` cuaiñ~ quié~e,

jogui jaléng' siming` ninír` laco'gui mi~ quir` jalé' e nijmee~e,

jogui jaléng' dsea` yúu~ niquir~ jalé' e nidsijéé' cøøng`gui.

¹⁸ Jogui nicuøø^ø jaléng' dseañu` dseamî i jmóo` lajii~ e iing~ jnea~ Jmiguû quié~e,

jo lajob niguiár~ júu^ cuaiñ~ quié~e mi~ nití~ í' lajo.

¹⁹ Jogui fí' yú'^ jmigüû nijmee~e jalé' e quí'~i jmi~ e dsigá` dsí' dsea`,

jogui fí' guóo~ uø~ la ninî dsea` jmi'øøng~ cóo~'gui jí' e coo` jogui niróo~ jmiñi~ e 'ñuu`.

²⁰ Jo jo` nijnea`gui jí' iee`,

jogui si' yúum~ bre nijnéiñ` laco'gui la lí' jmi'øøng~.

Jo nidsijéé' jalé' e jo nú'-gui e jmi~ laniing~ 'gøng' do

mi~ nijáa'tu Dsea` Jmáang~ fí' jmigüû la e niq-uidsir' í' quiá'- dsea` jmigüû.

²¹ Jo jaléng' dsea` i mi' jnea~ e nijmicóo~'ore,

dsea` íb` ì nileáng` e ja` ni`íñ` iihuí` mi` nití` í`
lajo.

Jø lanab lí` júu` quiá`- Fidiée` e ca`íng` Joel
mali`gui eáang`.

²² Jø lalab cajíng`- gui Tú` Simón casí`r` dsea` góor`
dsea` Israel ie` jø:

—Núu`-gui` jalé` e júu` e nifí`i` 'nú` la. Lají`-baa`
nine`naa` guiú` jalé` e quí`~ Jesús ì seeng` fí`
Nazaret jmí` jmóor`, jø dsigá` dsí` dsea` cóo`~ jalé`
lí` e quí`r` jmí` jmóor` la'eáang` cóo`~ Fidiée`. Jøba`
caline`naa` e dsea` íb` casí`ñ` dsea` do fí` la. ²³ Jøgui
cajáng` dsea` Jesús fí` jaguóona` lí` laco` nisi`í`
quíá`- Fidiée` lamí` jéeng`gui, co` lajòb nisi`í`ñ`
quíá`- dsea` do. Jøgui 'nú` caséng`na`re cartí` ca-
jngang`na`re e cateáang`na`r fí` dse` crúu` la'eáang`
cóo`~ jaléng` dsea` soo` dsí` rúng`na`. ²⁴ Dsui` Fidiée`
cajméer` e cajíb`tu` dsea` do, jøgui caleám`bre dsea`
do ní` 'mó-, dsuco` ja` cuøøng` e Jesús nijé`-guir`
e 'ííñ`. ²⁵ Dsuco` lalab cajíng`- dseata` quí`-ii`
Daví` mali`gui eáang` e fé`r` cuaiñ` quiá`- Jesús mi`
cajín`- lala:

Contøøm` ñii` e Fí`i` Fidiée` quier` nifí` quié`-e la-
caang` fí` lí` ngí`,

jøgui í`bi` ì to` fíng` jnea` jíé` fí` lí` seen`,
jøba` dseáng`- ja` e fí`í` quié`-e jíí`- coo`.

²⁶ Jø dseáng`- eáam` íáang` dsii` cartí` øø` quiá`- e
íáang` dsii` do,

jø contøøm` seen` e ta` dsii` e jéem` Fí`i` jnea`.

²⁷ Co` ja` nicuø`- Fidiée` fí` e nija` jnea` fí` dsí` tó` ée`,
o`gui nicuør`- fí` fa` lí` nijgié` lajò ngúu` táan`n, dsea`
güean`^n ì jmóo` lajíí` ta` e iing` ír`.

28 Co' dsea`íb` dsea` ca'e' jnea` jial laco' niliseen` fí`
jmigüi` cóo'r`,

jō lajoba' eáam` nili'iaang` dsii`, co' colim`
niliseen` cóo'r`.

Jō lanab jii` lí' júu` quía'- dseata` quí-ii' Daví'^ e
café'r` cuaiñ` quía'- Jesús.

29 'Jō fii` guíi` 'nú', dsea` rú`naa', cuóø`tea' jnea`
fí' e nifón`n` 'nú' car` ngocáng` dsii` e i quí-ii'
dseata` Daví'^ do ja` fé'r` uii` quía'r` 'ñia'r', co'
e já`ba' cajúm`bre jogui ca'am`bre cajo, jō e ée`
quía'r` do sijí`bi latí` lana jee` jneaa`aa'. 30 Dsü' i
Daví'^ do calíñ` jaang` dsea` i café` cuaiñ` quía'-
Fidiée` mali`gui eáang`, jogui ñi`bre guiá` e Fidiée`
cacuør` dseáng` júu` já` quía'r` e nicuóñ` jaang`
lajee` i dsea` sijur` do i nilíng` dseata` dsea` féng`
quí-ii', dsea` líi` dsea` Israel. 31 Jō e lafa' nijóøb`
i dseata` Daví'^ do jō café'r` uii` quía'- Dsea`
Jmáang`, i dsea` i casíng` Fidiée` fí` jmigüi` la e
quía'- nijíb`tu dsea` do mi` ningf` e nijúuiñ` ie` mi`
cajín` e ja` nijé` i dsea` na fí` dsí' tó` ée` quía'r`,
o'gui nijgié` jalé` ngúu` táaiñ` fí` dsí' e too` ée` do.
32 Jō lajob lí', co' Fidiée` cajméer` e cají`tu Jesús
mi` cangf` e cajúñ`, jō lajaléb` e calí` do neb`
jneaa`aa' lajii`naa'. 33 Jogui mi` cangf` e cají`tur do,
cangáñ` fí` lí` guing` Fidiée` fí` ñifí` e ngogüear`
lí` lí` dsée` laco' guing` dsea` do. Jō fí` job ca'íng`
dsea` do e Jmigiú` e cacuør` Tiquiá'r` Fidiée` e laco'
nicuør` jaléng` dsea` quía'r` lí'^ laco'gui júu` e
nicacuør` lamí` jéeng`gui. Jō e lab lajii` e nicañí`
'nú' jogui e nicanáa`na' lajee` lana. 34 Dsüco' o' i
'líi` dseata` Daví'^ i cangáng` fí` ñifí` la quie` ngúu`
táaiñ` do laco'gui cangáng` Jesús, dsüco' 'ñiab' i

Daví[^] do cajíñ^{^-} lala ie[~] jo:

'Ñia['] Fidié[~] casí^{'r^-} Fíi[^]naa['] jo cajíñ^{^-}:

“Fí['] lab niní[^] lí^{^-} lí['] dsée['] laco['] guiin^{~n} la

³⁵ cartí['] nijmee[~] jnea[~] e nilinúu[~] jaléng[^] dsea[^] júu[^]
quíí^{^-}, jaléng[^] i[^] ní[^] níng^{^-} 'n^u.”

³⁶ 'Jo güiline[~]baa['] guiú^{^-} jaléng[^] jneaa[~]aa['], dsea[^]
lí[^]ii['] dsea[^] Israel, e i[^] Jesús i[^] cateáang['] 'nú[^] fí['] dse[^]
crúu[^] do, í[^]bing['] cacuøøng[^] Fidié[~] e líiñ['] Fii[~] quiá^{^-}
jaléng[^] dsea[^] jmiguí[^], jogui['] caleáañ['] jneaa[~]aa['] jee^{^-}
dsee^{^-} quí^{^-}ii['] cajo.

³⁷ Jo mi[~] canúu^{^-} jaléng[^] i[^] dsea[^] i[^] siseáng['] do e
júu[^] quiá^{^-} i[^] Tú[^] Simón do, dsíng['] calíñ^{^-} fí[^]í[^]. Joba[']
cajmingí^{'r^-} i[^] Tú[^] Simón do cóo[^]gui i[^] dsea[^] apóo[^]
caguaiang[^] gui do jo cajíñ^{^-} casí['] reiñ[^]:

—Dsea[^] rú[^]uu['], ¿e[~] míí['] sea[^] uii[~] quiá^{^-} jalé[^] dsee^{^-}
e nica[']ee^{^-}naa[']?

³⁸ Jo cañí[^] Tú[^] Simón quiá^{^-} jaléng[^] i[^] dsea[^] do jo
cajíñ^{^-}:

—'Né^{^-} quí^{^-} jíng[^] yaang[~]na['] fí['] quini[~] Fidié[~],
jogui['] nisáng[^]na['] jmí[^] lajaang[^] lajaang[^]na['] laco['] cuø[']
lí[~] e nilíng[^]na['] dsea[^] quiá^{^-} Dsea[^] Jmáang^{^-}, jo lajoba[']
ni[']líng^{^-} Fidié[~] jalé[^] dsee^{^-} quí[^]na['], jogui['] nicuø^{'r^-}
'nú[^] Jmiguí[^] quiá^{'r^-} cajo. ³⁹ Jo e Jmiguí[^] e niñíng[^]na[']
do quiá^{'r^-} catím^{^-}ba['] cóo[^]gui jaléng[^] jóo[^]na['] cajo
cóo[^]gui lajüng[^] jaléng[^] dsea[^] lí[^] doñí['] jié[^] fí['] seeiñ[^],
lí[^] lajaléng[^] i[^] nisi[']íng[^] quiá^{^-} Fidié[~] i[^] ni[']uíng^{^-}
dsea[^] quiá^{'r^-}.

⁴⁰ Jo cóo[^] e júu[^] lab jogui['] cóo[^] e jié[']gui cajo
e caliúng['] Tú[^] Simón jaléng[^] i[^] dsea[^] i[^] caseáñ['] fí[']
Jerusalén ie[~] jo, jo lalab casí['] reiñ[^]:

—iJáang^l yaang[~]na^l fí jaguó^l Fidiée[~] e laco^l ja^l nigüilíng^{na} fí lí[~] lí[^] lí[^] laco^lgui dsilíng^l jaléng^l dsea^l dsee[~] dsea^l qui^l!

41 Jo lajob jü^l lí^l júu[^] quiá^l Tü[^] Simón e casí^r i dsea^l do. Jo lajob lí^l, jaléng^l i dsea^l i já^l calíng[~] lajú^l júu[^] quiá^l i Tü[^] Simón do, cajgáam[~] bre jmü^l e laco^l cuó^l lí[~] e ca'uíng[~] dsea^l do dsea^l quiá^l Dsea^l Jmáang[~]. Jo ie[~] jo 'ní milgui dsea^l i ca'uíng[~] dsea^l quiá^l Dsea^l Jmáang[~], jo caquim[~] bre cóo^l jaléng^l i dsea^l quiá^l Dsea^l Jmáang[~] caguaang[~] gui do ie[~] jmü^l jo. 42 Jogui lajü^m i dsea^l do dseáng^l ja^l jmitúng[~] dsír^l lajú^l e júu[^] e guiá^l jaléng^l i dsea^l apóo[^] do, jogui røø^b jmóor^l jmá^l jü^l cóo^l jalé^l e sea^l quiá^l r[~]. Jogui lajobi cajo e féiñ^l Fidiée[~] jogui seáng^l rúíñ^l lajü^l do e gø^r ir[~] colíng[~] e laco^l jmiguiéng^l dsír^l Dsea^l Jmáang[~].

Jalé^l e guiá^l e ca'éé^l la'uii[~] dsea^l i já^l calíng[~] júu[^] quiá^l Dsea^l Jmáang[~]

43 Jo ie[~] jo lajalém^l dsea^l dsigá^l dsír^l jalé^l e lí[~] e qui^l jmü^l e jmóo^l jaléng^l i dsea^l apóo[^] do. 44 Jo lajaléng^l i dsea^l i nijá^l calíng[~] júu[^] quiá^l Dsea^l Jmáang[~], eám^l guiá^l conrøø^l seeiñ^l, jogui jmóor^l jmá^l jü^l lajú^l e sea^l quiá^l lajaang^l lajaaíñ^l; 45 có^l 'nü^l bre jalé^l e sea^l quiá^l r[~], jo e cuu[~] e lí^r do jmóor^l jmá^l jü^l lí[~] jialco^l lí[~] 'né[~] quiá^l r[~] lajaang^l lajaaíñ^l. 46 Jo laco^l jmü^l seáng^l rúíñ^l fí sinü[^] guá^l, jo fí quiá^l la'ó^l rúíñ^l eám^l íáang^l dsír^l gø^r ir[~] colíng[~] e ja^l jmijløng^l yaaiñ^l, 47 jogui jmiféiñ^l Fidiée[~]. Jo jaléng^l dsea^l eám^l guiá^l fé^r uii[~] quiáiñ^l, jogui laco^l jmü^l laco^l jmü^l jmóo^l Fidiée[~] e fíng^l gui dsea^l ca'uíñ[~] dsea^l quiá^l Dsea^l Jmáang[~].

3

Mi~ ca'láang~ jaang`dsea`jlúung~

¹ Jo cōo` jm̃i~ i Tú^ Simón do cōo`~gui Juan cangoliñ~ fi' guá'- fé'` quiá'- dsea` góor` dsea` Israel e si' fi' Jerusalén la ii~ 'ni' e ca'lóo~, cō' e oor~ jo t̃ing` dsea` Israel e dsiféeiñ~ Fidiée'. ² Jo e fi' guá'- jo dsigüea` jaang` dsea` i jlúung~ latí' mi~ cangáang~. Jo fi' job dsijéeng` dsea` i dseañu` jlúung~ do lacōo` jm̃i~, jo dsigüeeiñ~ fi' cōo` o'nú^ quiá'- e guá'- do e sii` Li~ Niguo'^ e lacō' mi'r` jaléng` dsea` i dsitáng~ fi' jo jalé' e 'nér~.

³ Dsu' mi~ cangáng~ i dsea` jlúung~ do Tú^ Simón cōo`~gui Juan e tí' li~ nidsitáaiñ~ fi' dsí' e sinúu^ guá'- do, joba' cajíng'- i dsea` jlúung~ do casí'r~ i dsea` gáng~ do:

—Já^ cuó'^ jnea~ lajii~ e iáang` o'?

⁴ Jo lico' cajøom~ Tú^ Simón cōo`~gui Juan i dsea` jlúung~ do, jo cajíng'- Tú^ Simón casí'-reiñ':

—Jøøng` jnea^.

⁵ Joba' tiib~ cajeiñ' do lí'^ eáam' cango'gó` dsíir', cō' líiñ~ e liing~ ee` nicuøb'- i dsea` do ír`.

⁶ Joba' casí'- Tú^ Simón i dsea` jlúung~ do jo cajíñ'-:

—Ja` oo~ cutee` o'gui cunée` fa' e nicuøø`ø` 'nu~, dsu' lajii~ e cuøøng` cuøø` nicuø`baa: la'eáang` cōo`~ 'ñia' júu^ quiá'- Dsea` Jmáang~, dsea` seeiñ~ fi' Nazaret, ráan'- jo ngi~.

⁷ Jo mi~ calí~ fé'` Tú^ Simón lajo, cat̃iñ~ guoo` dsée' quiá'- i dsea` jlúung~ do jo caseang`neiñ'; jo dsifi' lajob cat̃ing~ bí' t̃i~ i dsea` jlúung~ do cōo`~gui lut̃iir^'. ⁸ Jo lico' ca'ím~ i dsea` jlúung~ do, jo dsifi' lajob casíñ'-, jo canaañ~ ngi'bre jóng. Jo mi~ cangí'

jo, ca'í-bre cóo' i dsea` gáng- do fí dsí' sinúu` guá'- e ningir', jo cangáin'- ñiñ' fí dsí' jo e jmiféin' Fidié'.

⁹ Jo mi~ cangá- jaléng' i dsea` do e cangib' i dsea` jlúung' do jogui e jmiféin' Fidié', ¹⁰ joba' eám' cango'gó' dsí' i dsea` do, jogui cafóm'bir cajo mi~ cangár- e ca'láam- i dsea` jlúung' do, co' niñib' i dsea` do e i dsea` jlúung' dob i lamí- gua` e fí o'nú` guá'- li~ sii Li~ Niguo'^ do e mir' jalé' e 'nér-.

Mi~ café' Tú^ Simón júu` güi- quía'r-

¹¹ Jo mi~ cangá jo, i dsea` jlúung' i ca'láang- do dseáng'- jo` tiuum-bre Tú^ Simón cóo'gui Juan. Jogui lajím' i dsea` teáng- fí do ie~ jo eám' cango'gó' dsír', jogui canaañ' e dsiliñ- e fí sigui' quía'- guá'- fé' do fí li~ sii Ni'núu' quía'- dseata~ Salomón, co' fí job taang~ i dsea` gaang` do. ¹² Jo mi~ cangá- Tú^ Simón e guilíng- jaléng' i dsea` do fí do, joba' casí'- reiñ' jo cajíñ'-:

—¿Jialí' dsi'gó' óo' 'nú', dsea` rú'naa' dsea` Israel, uí' e ca'láang- i dseañu' la? ¿Jialí' jøng~na' jnea'^ gó-naa'? Co' o' jnea'^ dsea` cajmi'leáng^naa' i dseañu' la fa' cóo' la'eáang' e 'gøng'naa' o'gui la'eáang' e dsíng'- jmiféng'naa' Fidié'. ¹³ Dsu' Fidié' i cajmiféng' 'li~ yúu' quí-ii' i sii Abraham jogui Isáa' jogui Jacóo^ cóo' jaléng'gui dsea` áang' quí-naa', íb` Fidié' i caguiéng- yú'gui i Fii'naa' Jesús i jmóo' lajii' e iing~ dsea` do. Dsu' 'nú' cajáang~na'r fí quini' jaléng' dseata~, jogui cagui-jeaang~na'r fí quini' dseata~ dsea` féng' i sii Pilato. Jo i dseata~ í lamí iiñ~ e nileám-bre Jesús, dsu' 'nú' ja` cacuó'na' fí lajo fa' e caleáañ` dsea` do. ¹⁴ Jogui lafa' e nilaang- na're dsea` líiñ' jaang` dsea`

güeang[^] jogui éer[^] røø[^], dsu[^] lí[^] ríquib[^] cajmee⁻na'. Co[^] 'nú[^] camí[^]na' e caláang⁻ jaang[^] dsea[^] i 'léé[^] i nicajngang[^] dsea[^] rúng[^] lafa[^] e nilaang⁻na' ír[^],
 15 jogui lajobi camí[^] 'nú[^] e cajnga[^] dsea[^] quiá[^]-
 i dsea[^] i cuø[^] jneaa[~]aa' e see⁻naa' cøøng[^] cóo[^]-
 Fidié[^] lata[~]. Dsu[^] Fidié[^] cajméer[^] e cají[^]tu dsea[^]
 do calé[^] catú⁻ jee[~] jaléng[^] 'lii[~], jo ne[~]baa' guiá⁻
 lajih⁻naa', dsea[^] lí[^] dsea[^] apóo[^], jalé[^] e jo. 16 Dsu[^]co[^]
 e la'eáang[^] e jáb⁻ calíng⁻ i dsea[^] jlúung[^] i jøøng[^]
 máang[^]na' la e quí[^]b[^] Jesús jmi[~] e cajmi[^]leáaiñ⁻
 dsea[^] do, joba[^] nicalibíim⁻tur jogui nica[^]láam⁻bre
 lana lí[^] laco[^]gui nicañí⁻na' na.

17 Jo niñi[^]baa guiá⁻, dsea[^] rú[^]naa' dsea[^] Israel,
 e ja[^] ñí[^]b[^] 'nú[^] o[^]gui dsea[^] i quie[^] nifi[^] quí⁻ii' ñir[^]
 jalé[^] e cajmee⁻na' mi[~] cajngang[^]na' Jesús. 18 Dsu[^]
 mi[~] cajngang[^]na're, job dseáng[^]- cajmiti[~] Fidié[^]
 lajii[^] júu[^] e cacuø[^] lamí[~] jéeng[^]gui e cagua[^] jaléng[^]
 dsea[^] i café[^] cuaiñ[~] quiá[^]r⁻ mi[~] cajíñ⁻ lala, e
 dseáng[^]- nisi[^]í[^]ba' e nijnga⁻ dsea[^] quiá[^]- i dsea[^] i
 sijeeng[^]naa' fi[^] jmigü[^] la i nisíng⁻ Fidié[^] i nileáng⁻
 jneaa[~]aa' jee[~] dsee⁻ quí⁻ii'.

19 Joba[^] fi[^]i 'nú[^] e quí[^]- jíng[^] yaang[~]na' fi[^]
 quini[^] Fidié[^] jogui jáang[^] yaang[~]na' fi[^] jaguór[^], jo
 lajoba[^] ni[^]ñi⁻ dsee⁻ quí⁻na'. Jo jangám⁻ Fí[^]naa'
 Dsea[^] Jmáang⁻ nijmér⁻ e nili[^]íáang[^] óo[^]na' jogui e
 niliseeng[^]na' juguiá⁻ júu[^] røø[^] cóo[^]r[^]. 20 Jo Fidié[^]
 nisíng⁻tur Jesús fi[^] jmigü[^] la, jo dsea[^] íb[^] cajo[^] i
 caguíng[^] dsea[^] do latí[^] mi[~] uíng[^] e laco[^] niliñ⁻
 dsea[^] quie[^] nifi[^] quí⁻ii', dsea[^] lí[^] dsea[^] Israel, lí[^]
 laco[^]gui nicajíñ⁻ lamí[~] jéeng[^]gui. 21 Dsu[^] lajee[^] lana,
 fi[^] ñifi[^] bi 'né⁻ seeiñ[^] cartí[^] mi[~] niguiá⁻tu Fidié[^]
 guiá⁻ lajalé[^] e sea[^] fi[^] jmigü[^] laco[^]gui toø[^] fi[^] ni[~] jì

quiá'r- jogui laco'gui casí'r- dsea` quiá'r- i café`
 cuaiñ` quiá'r- maliñ`gui eáang', ²² lí'^ laco' cajíng'-
 Moi` ie` jo ie` mi` casí'r- jaléng'`'liñ` dsea` cóong'~
 qui`naa' lala: "Fí`naa' Fidiéeb` niguíng'` jaang`
 dsea` lajee` dsea` góo`naa' i nifé` cuaiñ` quiá'r- lí'^
 laco'gui caguíñ'` jnea` e fá`a cuaiñ` quiá'r- . Jogui
 'né` jmee`na' nú`ba' jalé` júu^ quiá'r- . ²³ Dsaco'
 jaléng'` dsea` i ja` nilijí'~ jalé` júu^ quiá'- dsea` do,
 ni'ím`bre jo ni'nám`bre conguaí` jee` jneaa`aa',
 dsea` lí`hí' dsea` quiá'- Fidiéé`."

Jo lanab cajíng'- Moi` ie` jo.

²⁴ 'Jo lajim` dsea` i café` cuaiñ` quiá'- Fidiéé`
 maliñ`gui eáang', canaang` latí' cóo'~ Samuel cartí`
 lana, røøb` júu^ caguiar' quiá'- jalé` e dsijéé' lajee`
 lana. ²⁵ Jogui 'nú`bi cajo catíng`na' lají'~ júu^ e
 cacuø' Fidiéé` lamí` jéeng'gui la'eáang' cóo'~ dsea`
 i caguiaí` júu^ quiá'r- . Jogui nicatím`bi 'nú' cajo
 júu^ e nisilí' quiá'- Fidiéé` cóo'~ jaléng'` 'liñ` dsea`
 cóong'~ qui`ii'. Dsaco' Fidiéé` casí'r- Abraham
 ie` maliñ` do mi` cajíñ'- lala: "Ni'ee`e guiá` cóo'~
 lajñng` dsea` seeng` fí' la'úng` fí' jmigüi' la'eáang'
 cóo'~ jaang` dsea` sijú'^ i nijáa' mi` nití' í' lajo." Jo
 lajob cajíng'- Fidiéé` casí'r- Abraham ie` jo. ²⁶ Jo
 mi` cangí' e cajmijí'`tu Fidiéé` i jóor` Dsea` Jmáang`
 do, la'uii` casíñ` dsea` do jee` jneaa`aa', dsea` lí`hí'
 dsea` Israel, e laco' niñíng`naa' e ni'náng`naa' jee`
 jalé` e 'lí'^ e jmoo`naa' lajaang` lajaang`naa'.

Jo lanab lí' jalé` júu^ e caguiaí` Tú^ Simón ie` jo.

4

*Mi` caguiéng'- Tú^ Simón cóo'~gui Juan fí' quini`
 dseata`*

1 Jø lagui'ná'^bî fé' Tú^ Simón cóo'~gui Juan júu^ quiá'r~ fí' quini' jaléng' dsea` e fí' guá'- fé' quiá'- dsea` góor` dsea` Israel do, mi~ caguilíng~ jmid-sea` cóo'~gui i fii~ quiá'- dsea` jmóo` í^ guá'- do jogui cóo'~bir dsea` Israel i líng' dsea` saduceo cajo. 2 Jø jaléng' i dsea` í^ eám' liguiñ~ dsu' e Tú^ Simón cóo'~gui Juan ngir' ta~ e' dsea` e quiá'- jí'tu jaléng' dsea` mi~ ningí e júuiñ'- lí^ laco'gui calí- cóo'~ Jesús. 3 Jø casam'-bre i dsea` gáng~ do dsifí lado uí'~ e jø, jø catáng'neiñ' 'nuñí^ e laco' niquidsir' í' quiáñ'- do mi~ nijneá, co' nica'lóob~ mi~ casang'-neiñ' do. 4 Dsu' fíim' jaléng' dsea` i nicanúu~ e júu^ e guía' dsea` do nicajám' yaaiñ~ fí' jaguó' Jesús, jø lajúí'~ dseañu'^bî cadsíñ~ jiu~ ja` 'ñiá` mil la'ó' ca'uiñ~ dsea` quiá'- Dsea` Jmáang~ ie~ jø.

5 Jø mi~ cajneá~ e jmiñ~ jø, caseáng' jaléng' dsea` quie' nifí quiá'- dsea` Israel fí' do fí' Jerusalén cóo'~gui jaléng' dsea` cóøng'~ quiá'r~ jogui jaléng' tifa' quiá'- júu^ quiu' ta~ quiá'- dsea` Israel. 6 Jø jee~ job quiéeng` Anás i líng' dsea` mogui~ quiá'- jaléng' fii~ jmidsea` quiá'- dsea` Israel, jogui jmid-sea` Caifás, jogui Juan, jogui Jaang~, lí^ lajaléng' dsea` sinúu^ caguiaang~gui quiá'- i dsea` mogui~ quiá'- jaléng' fii~ jmidsea` do. 7 Jø jaléng' i dsea` í^ caquiur' ta~ e nitøø'r Tú^ Simón cóo'~gui Juan fí' jee~ lí~ teáaiñ~, jø fí' jee~ job casíñ'- dsea` do, jø lalab cajmingí'r~ dsea` do ie~ jø, jø cajíñ'-:

—¿i~ nicacuø' 'nú' fí' e cajmilleáng'na' i dsea` na?, osi ¿i~ júu^ quiá'- é?

8 Jø co' Tú^ Simón eáang' jmicóo'~ Jmiguí quiá'- Fidié' quiá'r~, joba' cañíir' quiá'- i dsea` góor` do jø cajíñ'- casí'-reiñ':

—E laba' fii~i 'nú', jaléng' dsea` teáng-na' nifí quí-ii', cóo~gui jaléng' 'nú', dsea` cøøng' quí-ii', ⁹ cō' 'nú' jmingii~na' quiá'- jalé' e guiá' e nicajmó^naa' cóo~ i dsea` lamí~ jlúung' na e laco' niliñí^na' jial calí' e ca'láaiñ-. ¹⁰ Joba' nijmób^ jnea' júu^ fí' quini' 'nú' e laco' niline^naa' cóo~gui dsea` Israel caguaang~gui e i dseañu' i sing' quini~naa' lajii~naa' la'ó' tée~naa' la ca'láaiñ-la'eáang' cóo~ Dsea` Jmáang~ i seeng' fí' Nazaret, i dsea` i cateáang' 'nú' fí' dse' crúu^ do, jogui i cajmijí'tu Fidiée' calé' catú-. ¹¹ Jo 'nú' í' óóna' e i Jesús do líiñ' lafa' cōo' cuu~ e ja' ta~ íng^ quiá'- tíi' fii', dsu' o' já' e lajo, dsuco' dsea` do lanagui nilíiñ' lafa' e cuu~ e niing~gui lajee~ lajalé'. ¹² Jo jíi~ i Jesús dob dsea` cuøøng` nileáiñ~ jneaa~aa' jee~ jalé' dsee- quí~naa', cō' jo' i seeng' i jiéng'gui fí' la'úng~ fí' jmigüü' fa' e nicacuøøng' Fidiée' i nileáng~ jneaa~aa' jee~ dsee- quí-ii'.

¹³ Dsu' mi~ cangá~ jaléng' dsea` i teáng~ nifí quiá'- dsea` Israel do e eáang' ja' 'gó' Tú^ Simón cóo~gui Juan e fé'r' jalé' júu^ quiá'- Dsea` Jmáang~, joba' eámam' cangogá' dsí' i dsea` do mi~ canúur~ jial tíing' Tú^ Simón fé'r', cō' niñí'bre e ja' 'ga' lí' mí jmitíng' dsea` do, joba' calilí'r^ e dsea` cangí' cóo~ Jesús líiñ' do laji' huáaiñ-. ¹⁴ Jo jíi~ ja' e bí' sea' quiá'- i dsea` do fa' e nijmér~ dsee- quiáiñ'- do, cō' jee~ dob sing' i dsea` i nica'láang~ do. ¹⁵ Joba' caquiñ' i dsea` quie' nifí do ta~ e ca'uøøm' Tú^ Simón cóo~gui Juan fí' caluu~ lajee~ cateá' fí' quini' i dsea` fíng' i siseáng' do. Jo mi~ cangí' jo, jo canaang' i dsea` i siseáng' do síiñ' lajee~ yaaiñ' jo sí' rúíñ':

16 —¿E~ nijmó^oo' cóo' i dseañu' gáng- na? Co' lajii' dsea` seeng` fí Jerusalén ñir e nicajmeeeñ` li~ lajii' e cangaiñ` e tiiñ, jo ja` cuøong` fé^naa' e o' já' e jo. 17 Jo e laco' jo` nini' gui lajii' júu^ e guiar' do jee~ jaléng` dsea, joba' nité^baa' fò' quiá'r- e laco' jo` ningi' guir guiar' júu^ cuaiñ` quiá'- i Jesús do.

18 Jo lajob cajméer`; catób'-tureiñ' do e fí li~ siseáng' i dsea` fíng` do, jo caquiá'r' ta~ quiáiñ'- do e jo` ee` nifé'guiiñ' o'gui níé'-guiiñ' do jii' coo` júu^ cuaiñ` quiá'- Jesús. 19 Dsu' i Tú^ Simón do cóo' gui Juan cañir` quiá'- i dseata~ quiá'r- do jo casí'-reiñ':

—Íi` óo' 'nú' yaang~na' jial e guiá'-gui, ¿su guiá'-gui e nijmití^naa' lajii' ta~ quiá' 'nú' laco'gui e nijmití^naa' la'uii~ ta~ quiá' Fidiée'? 20 Co' ja` cuøong` e nitú^ jnea^ e nifé^naa' lajii' e nicane~naa' jogui lajii' e nicaná^naa' quiá'- Jesús.

21 Jo mi~ canúu- jaléng` i dsea` i quie' nifí do jalé' e júu^ jo, caleáb`tu casí'-reiñ' do e liing~ ee` nijmeáng`neiñ'; dsu' ja` cateá- dsír' fa' cajméer` lajo, jo catiúum~breiñ' do, co' ja` cadsé'r' jial uiing~ e nijmér- lajo, co' lajii' dsea` i teáng- do ie~ jo jmiféiñ' Fidiée` quiá'- lajii' e calí- do ie~ jmi~ jo. 22 Jo i dseañu' i ca'láang- la'eáang` cóo' güea' quiá'- Fidiée` do ningóor' lí'gui tuló` jii'.

Mi~ camí' dsea` quiá'- Dsea` Jmáang- Fidiée` e nijmícoo' i quiá'r-

23 Jo mi~ ca'uøong` Tú^ Simón cóo' gui Juan e fí li~ siseáng' dsea` do co' nisilaam~bre, joba' caseáng'tu rúñ' cóo' jaléng` i apóo^ rúñ' caguaang-gui do, jo cajmea'reiñ' júu^ jalé' e

cajínᵀ jaléngᵀ fii~ jmidsea` quiáᵀ- dsea` góor` dsea` Israel cóoᵀ~gui jaléngᵀ dsea` cóøngᵀ~ quiáᵀrᵀ. ²⁴ Jo mi~ catóᵀ' jmaᵀ' rúinᵀ e júu^ do, jo caféinᵀ' Fidiéeᵀ conguaᵀ lajiiᵀᵀ do jo cajínᵀ-:

—Fíi'ii', 'nub` dsea` cajmeeᵀ- yú^ jmiḡüü` cóoᵀ~gui guóoᵀ~ uó^ jogui jaléᵀ jmiḡ lí^ lajaléᵀ e sea` quiáᵀ- laca'íngᵀ~ laca'íngᵀ~. ²⁵ Jo lalab casíᵀ~ 'nu` i dseata~ Daví^ i cajméeᵀ lajiiᵀ e iing~ 'nu` do, jo la'eáang` cóoᵀ~ Jmiḡuú` quíᵀ- cajmeᵀr` lala:

Ja` dseeng` e niliḡuúing` jaléngᵀ dsea` jmiḡüü` quiáᵀ- Fidiéeᵀ.

Ja` e ta` íng^ e nijmé- dsea` Israel e ni'í- dsír' jaléᵀ e ja` ta` íng^.

²⁶ Coᵀ lajaléngᵀ dseata~ dsea` féngᵀ i quiuᵀ ta` fí jmiḡüü` la jmicóøngᵀ~ yaaiᵀᵀ fí quiniᵀ Fidiéeᵀ, jo coliiᵀ~ cóoᵀ~ i dsea` quieᵀ nifí quí-ii' 'ní' níinᵀ- 'nu', Fí'naa', coliiing~gui cóoᵀ~ Dsea` Jmaang` i nicaguínᵀ- 'nu` do.

Jo lanab cajmeᵀ i dseata~ Daví^ do.

²⁷ Jo síᵀ~naa' 'nu', Fí'naa', e lajob calí- mi~ dseata~ Herodes cóoᵀ~gui dseata~ Poncio Pilato caseángᵀ rúinᵀ fí la fí Jerusalén cóoᵀ~ jaléngᵀ dsea` i ja` língᵀ dsea` Israel cóoᵀ~gui jaléngᵀ dsea` góo`naa' dsea` Israel, e cajméeᵀ 'ní' níinᵀ- Jóoᵀ Jesús i güeangᵀ^ i jmóo` lajiiᵀ e iing~ 'nu` do i caguínᵀ do.

²⁸ Jo jaléngᵀ i dsea` do nicajméeᵀ jaléᵀ e na, coᵀ lajob si'í quí- 'nu` e nidsijéeᵀ jaléᵀ e na, jo nicalitib~ lana.

²⁹ Jogui lana, Fíi'ii', 'nu` bi dsea` ninuuᵀ jaléᵀ e ga` e féᵀ i dsea` do uii~ quí-ii', jobaᵀ miiᵀ~naa' 'nu` e nicuó^baᵀ bí jaléngᵀ jneaᵀ^, dsea` jmooᵀ-naa' lajiiᵀ e iinᵀ, e niguiá^guíᵀ júu^ quíᵀ- e ja` 'gó`naa'. ³⁰ Jogui jmicóoᵀ~ jneaᵀ^ cóoᵀ~ güeaᵀ^ quíᵀ- cajō e quiiᵀ~naa'

jmii~ nijmi'leáang^naa' jaléng' dsea` dsée'~ jogui e nijmó^naa' jalé' e li~ jogui jalé' e quii'~naa' jmii~ la'leáang' cóo'~ Jóo' Jesús i güeang'^ do.

Jø jii'~ lanab lí' júu^ quiá'- i dsea` apóo^ do e caféiñ' Fidiée' ie~ jø.

³¹ Jø mi~ cató' féng' i dsea` apóo^ do Fidiée', dsifi' ladob cajlé- fí lí' siseáng' lajiiiñ' do. Jø Jmiguí' quiá'- Fidiée' eáam' jmicóo'~ quiá'r- lajiiiñ' e laco' guiar' júu^ quiá'- Fidiée' fí ni~ fiñ' e ja 'gó'r' jii'~ capí'^.

Jalé' e sea` quiá'- dsea` quiá'- Dsea` Jmáang- lí' e røøb` quiá'r- lajiiiñ`

³² Jø eáam' fíng' jaléng' dsea` quiá'- Dsea` Jmáang-, jogui røøb` dseáng'- síiñ' jogui røøb` éer` lajaléiñ' do. Jø jii'~ jaaiñ' do ja' jmóor' e lajii'~ e sea` quiá'r- lí' quiá'r- yaaiñ~, co' jalé' e jø røøb` quiá'r- lajiiiñ'. ³³ Jø jogui i dsea` apóo^ do eáang' gui nisea` bí quiá'r- e guiar' júu^ quiá'- jial mi~ cají'tu Fii'naa' Dsea` Jmáang- mi~ cangí e cajúiiñ-; jogui Fidiée' eáam' jmicóo'r~ lajiiing' i dsea` do cóo'~ güea'^ quiá'r-. ³⁴ Jø lajiiim' i dsea` do sea`ba' e 'né'r-, co' jaléng' i óo' uó- osi 'nar~ é, jøba' 'ní'bre e jø, jø e cuu- e lí'r' do fí jaguó' i dsea` apóo^ dob ngíiñ'. ³⁵ Jø íguib nijmé- jmá'-jiu lajee~ lajiiiñ' do lí' jialco' lí' lí' quiá'r- lajaang' lajaam'bre. ³⁶ Jø lajòb cajø cajmée' jaang' dsea` Israel i líng' dsea` levita i sii` Sé' i niseeng' fí cóo' lí' sii` Chipre. Jø i dsea` í calisír' quiá'- i dsea` apóo^ do Bernabé, e guóng' dsea` i jmicóo'~ jaléng' dsea` rúng'; ³⁷ jø i dseañu' la ni'óo'bre cóo' uó-, jø ca'ní'bre' do, jø e cuu- e calí'r- quiá'- e uó- e ca'ní'r' do, fí jaguó' i dsea` apóo^ dob caguiar' laji`.

5

Dsee e ca'ée`Ananías cóo`~ Safira

¹ Jo mi~ cangîgui lajo, ca'nîb` jaang` dseañu` i siî Ananías colîng` cóo`~ dseamî quiá'r` i siî Safira cóo` uó`. ² Jo røøb` casîng` i dseañu` do cóo`~ dseamî quiá'r` e caje`bre cóo`~ condseá' e cuu` e calí'r` do, jo dsu' jîi` condseá'-ba' cacuø'r` i dseá` apóo` do. ³ Jøba' lalab casí'- Tú` Simón i Ananías do jo cajîñ'-:

—Ananías, ¿jialí' cacuøø` fí uø' e calí' fiî i 'ling' i siî Satanás fí o' e cajmee'- adseaan' quiá'- Jmîguí quiá'- Fidiée`, jogui cajé' cóo`~ condseá'- e cuu` e calí'- quiá'- uó` e ca'nîi` do? ⁴ ¿Su o' quií' e uó` do? Jogui mi~ cangî e ca'nîi~, ¿su o' quií' e cuu` e calí'- do? ¿jialí' calí' o' e cajmee'- lajo? Jo o' jîi` cóo`~ jnea`, dseá` apóo`, nicajmee'- adseaan', co' cóo`~ Fidiéeb` dseá` nicajmee'- lajo.

⁵⁻⁶ Jo mi~ calí' núu` Ananías e júu` jo, dsifí lajob caquîñ'- jo cajúm`bre. Jo mi~ cangî jo, caguilîng` tú` 'nî mîng'~ siming', jo caquîñ' 'mî' i 'liî Ananías do jo cangojéeng`neiñ' fí li` ca'áam`breiñ' do. Jo jaléng' dseá` i caliñí' lajîi` e calí' do ie` jo dsíng'~ caføiñ'.

⁷ Jo mi~ cangî 'nî oor` lajo, caguíéng' dseamî quiá'- Ananías fí jo, jo jîi` ja` ñir' jalé' e nicalí' do. ⁸ Jo cajmingí'- Tú` Simón i dseamî quiá'- 'liî Ananías do jo cajîñ'-:

—Jmée' jnea` júu`, ¿su ca'nîi`ba' e uó` do cóo`~ jîi` 'móo` e nicafée'na' do?

Jo cañí' i dseamî do:

—E já', lajob calí', co' ca'nîi`baa' cóo`~ jîi` e 'móo` jo.

9 J_oba' casí' T^u Simón i dseam^h do:

—¿Jiali' casiing[~]na' røø' c^oo' dseañ^h quiá' e cajmee⁻na' adseaang[~]na' quiá' Jmiguí' quiá' Fidiéé? Lana dob nijalíng[~] i siming^h i cango'áang[~] dseañ^h quiá' do, j_ogui 'n^ugui nijéiñ⁻ e nidsi'áaiñ[~] lana.

10 J_o dsifi' laj_ob caquing^h i Safira do uii[~] t^h T^u Simón e ni'liim[~]bre. J_o mi[~] caguilíng⁻ i siming^h do, ni'liim[~] i dseam^h do. J_o cangojéem⁻breiñ^h do fí' lí' ca'áaiñ⁻ j_o cataiñ⁻ cáang[~] e lí' ca'áng⁻ i 'lí' dseañ^h quiá'r⁻ do. 11 J_o laj_hing[~] dseá' quiá' Dseá' Jmáang⁻ i teáng⁻ do ie[~] j_o c^oo'gui jaléng^h dseá' i caliñi' jalé' e calí' do, eáam' cafóñ^h.

Jalé' e lí' e quí' dseá' apóo' jm^h e cajméer'

12 J_o mi[~] cang^h j_o, jmigui^h jalé' lí' e quí' jm^h cajmée' i dseá' apóo' do jee[~] jaléng^h dseá'. J_o laj_hm[~] i dseá' quiá' Dseá' Jmáang⁻ do seáiñ^h fí' guá' fé' quiá' dseá' Israel lí' sii' Ni'núu' quiá' dseata[~] Salomón. 13 Dsu' j_ui' jaang[~] dseá' jiéng^h ja' teá' dsír' e nidsitáaiñ⁻ c^oo' i dseá' do doñi' fa' eáam' jmí'gó'reiñ^h do. 14 J_o lajee[~] j_o ngóo' lí'fím' jaléng^h dseá' i jáng^h yaang[~] fí' jaguó' Dseá' Jmáang⁻, do dseañ^h j_ogui dseam^h. 15 J_o jaléng^h dseá' uóøiñ[~] jaléng^h dseá' dsée' quiá'r⁻ e dsíiñ[~] ni' 'ma', j_o dsijéeiñ[~] fí' jee[~] 'núu' e laco' mi[~] ningíng⁻ T^u Simón fí' j_o, fa' j_ui' capí' i' quiá'bre nití' lí' teng^h jaang[~] gáng⁻ i dseá' dsée' do, j_o laj_ob ni'leáaiñ⁻ do. 16 J_ogui fím' dseá' i seeng[~] fí' jalé' fí' e téé' quiá' Jerusalén dsilíiñ[~] fí' j_o e jéeiñ[~] jaléng^h dseá' dsée' quiá'r⁻ c^oo'gui jaléng^h dseá' i jée' i 'líng^h quiá'. J_o lajaléng^h i dseá' do 'láam⁻bre.

Mi[~] cangotáang[~]tu i dseá' apóo' do fí' dsí' 'n^hi'

17 Jo i dsea` mogui~ quiá'- jaléng' fi~ jmid-sea` quiá'- dsea` Israel cóo'~gui jaléng' dsea` Israel i líng' saduceo eáang' calí- dsihuúĩñ' quiá'- i dsea` apóo^ do cóo'~ jalé' e jmóoiñ' do. 18 Joba' casam'~bre i dsea` apóo^ do, jo catáng'neiñ' fi' dsí' 'nũí^ quiá'- fi'. 19 Dsu' lajee~ teáaiñ'~ e dsí' 'nũí^ dob, casíng' Fidiéé~ jaang' ángel quiá'r-, jo íb i caneáa' jnı^ quiá'- e 'nũí^ do lajee~ uøø, jo ca'uøøm~bre i dsea` apóo^ do, jo mífing' cası'-reiñ' do lala:

20 —Güilíng-tu' fi' dsí' guá'- fé' do quií-na', jo güisı́-tu' jaléng' dsea` fi' jo jial laco' niliseeiñ' cøøng' cóo'~ Fidiéé~ lata~.

21 Joba' mi~ cajneá- e jmı~ cóo'gui do, ee'gui cangolíng^ i dsea` apóo^ do fi' lí si' e guá'- fé' do quiá'r-, jo cangotáaiñ'~ dsí', jo canaaiñ' e'r' jaléng' i dsea` i caseáng' fi' jo lí^ laco'gui ta~ caquiı' i ángel do.

Jo lajee~ jo, i dsea` mogui~ quiá'- jaléng' fi~ jmid-sea` do cóo'~gui jaléng' dsea` quiá'r- i teáang-gui do, cató'r- jaléng' dseata~ i quie' nifi' quiá'- dsea` Israel. Jo mi~ nisiseáiñ' lajaléiñ' do, cahuı' ta~ e nidsitée i néé ni~ guá'- do i apóo^ i teáang'~ dsí' 'nũí^ do, jo nidsijgeáang-neiñ' e fi' lí siseáng' dsea` do. 22 Dsu' mi~ caguilíng- i dsea` néé ni~ guá'- i sı́^ ngotée i dsea` apóo^ i teáang'~ fi' dsí' 'nũí^ do, jo mi~ caguilíñ' fi' jo, jo ii` cadséiñ' jıı~ jaang'. Jo caquiı'~bre e quiéer e júu^ do fi' quini~ i dsea` siseáng' do jo lalab cası'-reiñ':

23 —Mi~ caguie-naa', dseáng'- jnı' guiáb- jnı^ quiá'- e 'nũí^ do, jogui i 'lée- i jmóo' í^ do, dob teáaiñ- fi' quini~ jnı'; dsu' mi~ caneáanaa', jıı' jaang' jo ii` seeng' fi' dsí' jo.

24 Jo mi~ canúu~ i fii~ jmidsea` do cóo~gui dsea` mogui~ i fii~ i née' ni~ guá'- fé' do e júu^ jo, joba' canaaíñ` sáiñ` e~ nidsijée' quiá'r~ cóo~ i dsea` góor` do. 25 Jo lajee` jo, cóo` caguiéb~ jaang` dsea` i quie' júu^ e fí' lí~ siseáng' dsea` do, jo lalab casí'r~ dsea` í:

—I dsea` i cateáng' 'ná' 'nañí^ do, dob niteáaiñ` fí' dsíí' sináú^ guá'- fé' quí~na' lana e e'tur.

26 Joba' cangolíng^ i fii~ née' ni~ guá'- do cóo~gui jaléng^ dsea` quiá'r~ e cango'néem^breiñ' do. Jo mi~ cadséng'neiñ' do, ja` ee` cajmeáiñ'` jji~ cóo, co' 'gó'bre fíng casí'ló' i dsea` i teáng~ do cuu~ ír'. 27 Jo catø~breiñ' do fí' lí~ siseáng' i dseata~ i quie' nifí' quiá'- dsea` Israel. Jo mi~ caguiliñ` fí' jo, lalab casí'- jaléng^ i dsea` mogui~ quiá'- jaléng' fii~ jmidsea` do ír':

28 —Jnea'^ nicaté^baa' fø' quí~na' jéeng'gui e jo ni'é^na' jaléng^ dsea` cuaiñ~ quiá'- i dsea` góo'naa' i sií` Jesús do, jo jøø~na' lana e fí' latøøm~ fií` Jerusalén nicaguiá^na' e júu^ jo, jogui la quie'gui jnea'^ iing~na' cuó^na' dsee~ cuaiñ~ quiá'- e cang' dsea` quiá'- i Jesús do.

29 Joba' cañíi` Tú^ Simón cóo~ i apóo^ caguaiang~gui do, jo cajíñ'- casí'r~ i dsea` góor` i siseáng' do:

—Laniing~gui eáang' 'né' e jmití^naa' jalé' ta~ quíu' Fidiée` laco'gui e nijmití^naa' ta~ quíu' jaléng^ dsea` jmigüí. 30 Co' i Fidiée` i jmiféng' 'líi~ dsea` cøøng~ quí~naa' do, dsea` íbing' cajmée` e cají'tu Jesús, i dsea` góo'naa' i cajngang'na' fí' dse' crúu^ do. 31 Jogui Fidiée` nicaseáng'neiñ' do, jogui nicaguiéeiñ` lí'- lí' dsée' laco' guíiñ~ 'ñia'r', jogui nicacuø'reiñ' do ta~ e nicár` nifí' quiá'-

dsea` jmiɡuî, jogui e leáiñ` dsea` jee` jalé` dsee` quiáiñ`. Jogui cajmée` Fidiée` lajõ e laco' niqui'` jíing' yee` naa' fí' quiniŕ, jneaa`aa' dsea` líí'í' dsea` Israel, jõ lajõba' ni'íiñ` dsee` qui`ii'. ³² Jõ neb` jnea`^ guiú` la'uiing` e júu` jõ lí`^ laco'gui la ñí' Jmiguî` quiá'` Fidiée` cajo, jõ e Jmiguî` jõ e nicacuø' Fidiée` jaléng` dsea` ì núu'` júu` quiá'r`.

³³ Jõ mi` canúu` ì dsea` Israel ì siseáng'` do lajii'` júu` quiá'` ì dsea` góor` Tú` Simón do, dsifí' ladob caliguiñ` jõ cartí' mi` iin` nijngám'` breiñ' do. ³⁴ Dsu' jee` ì dseata` ì siseáng'` do niquiéng` jaang` dsea` Israel ì líing` dsea` fariseo ì sii` Gamaliel, jõ líiñ' jaang` tifa'` quiá'` júu` quiu'` ta` quiá'` dsea` góor`, jõ eámam` jmi'gó` jaléng` dsea` ì tifa'` do. Jõ ì tifa'` do caróor` lí` guiñ` jõ caquiur' ta` e ca'uøøng` tea ì dsea` apóo` do e lí` siseáiñ' do. ³⁵ Jõ mi` cangí` jõ, ì tifa'` fariseo do casí'r` jaléng` ì dsea` ì siseáng'` do ie` jõ, jõ cajíñ`:

—Dsea` góo`naa' dsea` Israel, ñiing` óo`na' cóo'` jalé` e í' óo`na' nijmee`na' cóo'` ì dsea` góo`naa' na. ³⁶ Téé' óo`na' ie` ningóo`jiu do caseáng` ì dseañu'` ì sii` Teudas do teá' `ñia'r` e jíñ'` e líiñ' jaang` dsea` laniing`, jõ fíim' dsea` caligóin` lí` lí' quiú` ciento dsea`bing' cangotáang` cóo'r` ie` jõ. Dsu' cajngam'` dsea` ì Teudas do mi` cangí` jõ, jogui jaléng` dsea` quiá'r` casojóm`bing' do, jõ jíi'` jõ cadséng` quiá'r`. ³⁷ Jõ mi` cangí`gui lajõ, coo` jmiñ` e cali'íng` dsea`, caróo` jaang` dseañu'` ì sii` Judas ì seeng` fí' Galilea ì cajíng'` e líiñ' jaang` dsea` laniing`; jõ fíim' dsea` calí'r` ì caligóng` ie` jõ. Dsu' mi` cangí`gui lajõ, dseab` cajnga'` quiá'r` cajo, jogui jaléng` ì dsea` quiá'r` do casojóm`biñ'

do cajo. ³⁸ Joba' fñ̄ jnea' 'ná' e tiúung'na' jaléng' ì dsea' na, jò ja' quíng'na' júi' coo' cóo'r̄. Co' faco' e júu' la quía' lajúi' yaang' dsea' jmigüi, cuóøm'bi ningíng'. ³⁹ Dsu' song e júu' la e quía' Fidié', joba' ja' quí' jmi' nilí' 'ná' e ni'íng'na'. Joba' fñ̄ i 'ná' e ñiim' óó'na', jò jie' mi' jmee'na' e teáang'na' ga' uii' quía' Fidié'.

Jò mi' calí' e fé' ì tifa' Gamaliel do e júu' jò, calím' ì dsea' do júu'. ⁴⁰ Jò catób' tur ì dsea' apóo' do calé' catú' fí' lí' siseáng' ì dsea' fíng' do; jò mi' niteáaiñ' do, jò cabóøng' neiñ' jogui' calí' tur 'goo' quía' do e jò niguiá' guíñ' do júu' quía' ì Jesús do. Jò mi' cang' jò, joguiba' caleáng' neiñ' do. ⁴¹ Jò ca'uøøm' ì dsea' apóo' do e fí' jò e íaang' dsíir', co' Fidié' bing' ì nicacuø' ír' e laco' nidsing' iñ' iihu' uí' Jesús. ⁴² Jò canaang' tu ì dsea' apóo' do e e'r' jaléng' dsea' júu' quía' Jesús laco' jmi', jogui' guiar' jalé' e júu' do fí' dsí' sinúu' guá' fé' quía' dsea' Israel e si' fí' Jerusalén jogui' lajobi' lacaang' fí' sinúu' quía' dsea' cajo.

6

Mi' ca'náaiñ' guiáng' dsea' ì nijmicóo' quía' e nilí' guié' jalé' e 'né'

¹ Jò ie' jò, eám' ngofíng' dsea' ì jáng' yaang' fí' jaguó' Dsea' Jmáang'; joba' ì dsea' ì fé' jmi' griego canaaiñ' jmiquí' dsíir' quía' ì dsea' Israel ì fé' jmi' hebreo, jò fé'r' e jaléng' dseam' griego ì 'ñi' ja' íñ' røø' lajúi' e ngíñ' e 'né' laco' jmi'. ² Joba' caseáng' ì dsea' guitúung' do lajaléng' dsea' ì nilíng' dsea' quía' Dsea' Jmáang' jò casí' reiñ' do jò cajíñ' :

—Ja` dseeng` e jnea` nitú`naa' e guia`naa' júu`
 quiá'- Fidiéé` e laco' nijmó`naa' guiéé` lajii' e
 si'í` niñíng`na'. ³ Joba' fñi`i` 'nú', dsea` rú`naa'
 dsea` quiá'- Dsea` Jmáang`, 'néeng` rúng`na' lajee`
 la'ó'` yaang`na' guiáng` dseañu' i` la'ó'` nicuíng`
 rúng`na' røø` cóo'` jogui` ningáng`na' quiá'-
 rúng`na' jogui` i` la'ó'` nijmicóo'` Jmiguí` quiá'-
 Fidiéé` quií`na'. Joba' dsea` í`bing' niguiá`na' ni` e
 ta` jmóo` guiéé` na. ⁴ Jo` jnea` nijmó`bñi' ta` féng'
 Fidiéé` jogui` ta` guia' júu` quiá'- Dsea` Jmáang`
 lajee` jo` cajo.

⁵ Jo` lajim` i` dsea` do casaiñ` røø` ie` jo. Joba'
 ca'naiñ` Tée~, jaang` dseañu' Israel i` já'- líng`
 júu` quiá'- Dsea` Jmáang` car` ngocáng` dsíir` jogui`
 i` jée' Jmiguí` quiá'- Fidiéé` quiá'-, cóo'`gui` Lií`
 cóo'`gui` Prócoro cóo'`gui` Nicanor cóo'`gui` Timón,
 jogui` Pármenes jogui` cóo'` Nicolás, jaang` i` niseeng`
 fí' Antioquia, jo` i` dsea` í` nicaquí'` jíng'` 'ñia'r' e laco'
 nica'uiñ` dsea` Israel. ⁶ Jo` mi` cangí` jo, cangosíng`
 yaaiñ` fí' lí` teáng` dsea` apóo`, jo` í` guibing'` camí'
 Fidiéé` uii` quiáiñ` do, jogui` miñing` caquidsir`
 guóor` moguiñ` lajaang` lajaaiñ` e laco'` cuø'` lí` e
 ca'íñ` e ta` do.

⁷ Jo` lajob` ngóo'` ni' júu` quiá'- Fidiéé`, jogui` ngóo'
 dsifím`bi` i` dsea` i` jáng` yaang` fí' jaguó` dsea` do
 fí' Jerusalén. Jo` jñi`gui` i` fñim` jmidsea` Israel íñ` júu`
 quiá'- Dsea` Jmáang` ie` jo.

Mi` casaiñ`- Tée~

⁸ Jo` co'` eáam' `gøng'` i` Tée~ do la'eáang'` cóo'`
 güea'` `gøng'` quiá'- Fidiéé`, joba' jmóo`bre jalé'` e
 quií'` jmñi` jogui` jalé'` e lí` fí' jee` dsea` seeng` fí'
 jo. ⁹ Jo` cóo'` jmñi` fñim'` dsea` Israel dsea` góo'` i` Tée~

do canaang` jmiquíng'⁻ dsír' cóoĩñ~ do, jō ì dseà` Israel ì fñng' do quiéeng` ì líng' dseà` ì teáng'⁻ jee` 'lé' e sii` Liberto colíng` cóo'⁻ dseà` ì seeng` fí' Cirene cóo'⁻ gui fí' Alejandría, jōgui jaléng'⁻ dseà` seeng` lí se' Cilicia cóo'⁻ gui lí se' Asia cajo. ¹⁰ Jō jaléng'⁻ dseà` í'bing' canaang` jmiquíng'⁻ dsí' cóo'⁻ ì Tée~ do, dsu' ja' lí' guir fa' e røø` nicóng` júu` quiá'r` cóo'⁻ ì Tée~ do, có' eáam' tuiñ` do la'eáang' cóo'⁻ Jmiguí' quiá'⁻ Fidiée~. ¹¹ Jōba' ì dseà` í' ca'náaiñ` dseà` 'léng'⁻ ì nijmé` dsee` uii~ quiá'ñ'⁻ do e laco' nicuø'r` dsee` ì Tée~ do e féiñ` do jmang'⁻ júu` gá uii~ quiá'⁻ Moí` jōgui uii~ quiá'⁻ Fidiée~ cajo. ¹² Jō lajob calí', júu` job teá` casá'⁻ jaléng'⁻ dseà` Israel ì seeng` fí' do colíng` cóo'⁻ jaléng'⁻ dseà` cøøng'⁻ quiá'r` cóo'⁻ gui jaléng'⁻ tifa' quiá'⁻ júu` quiu' ta` quiá'r`, jō jmang'⁻ ì calí' 'ní' níim` ì Tée~ do. Jōgui jaléng'⁻ ì dseà` Israel do casam'⁻ bre Tée~ jō caguijeáaiñ` fí' quini` jaléng'⁻ dseata` ì quie` nifí' quiá'r`. ¹³ Jō mi~ caguilíñ` fí' jō, dob niteáang` dseà` ì nisi'neaang` ì nifé' gá uii~ quiá'⁻ Tée~, ¹⁴ jō lalab cajíng'⁻ ì dseà` do:

—Nicanú`naa' e fé' ì Tée~ do cuaiñ~ quiá'⁻ Jesús ì seeng` fí' Nazaret e ni'ím` bre guá'⁻ fé' qui`naa' e si' fí' Jerusalén, jōgui e nijmisíiñ` jalé' e qui'⁻ tñ'naa' jmoo`naa' e casée' Moí~ do e 'né` jmití`naa'.

¹⁵ Jō ì dseata` Israel do cóo'⁻ gui ì dseà` ì neáng' do ie` jō, mi~ cajøøiñ` Tée~, jō cangáng` neiñ' do e lí' niñ~ laco' lí' ni~ jaang` ángel ì casíng` Fidiée~.

7

Mi~ cajmi'øng' 'ñia' Tée~ cóo'⁻ layaang` júu`

1 Jo mi~ cangf̂ jo, i dsea` mogui~ quiá¹- jaléng¹ fi~ jmidsea` quiá¹- dsea` Israel do cajmingi¹r- i dsea` góor` Téé~ do song e jáb¹- lajú¹~ júu^ e nicanúur- fé¹ dsea` uii~ quiáiñ¹- do. 2 Joba¹ cañí¹ Téé~ quiá¹- i dsea` mogui~ fi~ jmidsea` do jo casí¹-reiñ¹ lala:

—Núu~na¹ júu^ quié~e, dsea` cóøng¹~ qui~ii¹ jogui dsea` rú¹naa¹ dsea` lí¹í¹ dsea` Israel. Cajmijnéem¹ 'ñia¹ Fidiéé~ qui~ii¹ i laniing- 'gøng¹ do fí¹ quini~ 'lii~ yáuu¹~ qui~ii¹ Abraham malii~gui eáang¹ lajee~ e cateáang¹ 'lii~ yáuu¹~ do fí¹ Mesopotamia lajee~ e nú¹-gui nidsér- e nidsigüear¹ fí¹ Harán. 3 Jo lalab casí¹- Fidiéé~ dsea` í ie~ jo: “Túu¹ góo¹ cóo¹~gui jaléng¹ dsea` siju¹^, jo niguó¹^ fí¹ guóo¹~ uó¹ li~ ni¹éé~e 'na¹.”

4 Jo lajob cajmée¹ 'lii~ yáuu¹~ qui~ii¹ Abraham, cagüi¹í¹bre e fí¹ Caldea do jo fí¹ dob cangogüear¹ fí¹ Harán. Jo mi~ cangf̂ jo, cajúm¹ tiquiá¹r¹. Jo Fidiéeb¹ cató¹ quiá¹- i Abraham do fí¹ Canaán fí¹ lí¹ néé¹ jneaa¹aa¹ lana. 5 Dsu¹ ja¹ cacuø¹ Fidiéé~ dsea` í júi¹~ coo¹ uó¹ ie~ jo. Jo Fidiéé~ casí¹r¹ 'lii~ yáuu¹~ Abraham e nicuø¹¹-bre dsea` siju¹ dsea` do e uó¹ do, nañí¹ fa¹ júi¹~ jaang¹ jóo¹ 'lii~ yáuu¹~ Abraham ja¹ mí¹ seeng¹ ie~ jo. 6 Jogui casí¹-bi¹ Fidiéé~ i Abraham do e jaléng¹ dsea` Israel i líng¹ dsea` áang¹ qui¹naa¹ nidsiliñ¹ e nigüear¹ e liiñ¹ dsea` fi¹ jié¹ fí¹ coo¹ ni¹ guóo¹~ uó¹ e néé¹ huí¹. Jo fí¹ job nijméiñ¹ do ta¹ lacó¹ dsea` si¹niing¹ jogui gab¹ nidsingüiñ¹ do lajee~ quiú¹ ciento júi¹. 7 Jo casí¹-bigu¹ Fidiéé~ i Abraham do jo cajíñ¹¹: “Jnea¹ nicuøø¹ø¹ iihuí¹ jaléng¹ dsea` i nijmeáng¹ ta¹ jaléng¹ dsea` quié~e e liiñ¹ do dsea` si¹niing¹. Jo mi~ ningf̂ jo, ni¹uóm¹ jaléng¹ i dsea` quié~e do fí¹ jo, jo jaléng¹ í¹ nijmér¹

lajjúi~ e iim~baa e fí' guóo~ uó~ na." Jo lanab casí~ Fidiéé~ i Abraham do ie~ jo.

8 'Jo Fidiéé~ cacuø'r júu^ 'lii~ yúu~ Abraham, jo catigua~ júu^ e tóo~ li~ fí' ngúu' táang~ lajjú~ yuu~ siñuu^ e laco' cuø' li~ e Fidiéeb~ líng' Diéé~ quiá'r~, jo lajob ta~ caquiú' Fidiéé~ quiá~ 'lii~ yúu~ Abraham e nijmiti~bre e jo. Joba' mi~ tí~ li~ caliséng~ jaang~ jiuung~ siñuu^ quiá'r~ i calisí Isáa', jo catéé~bre li~ fí' ngúu' táaiñ' do mi~ cadsíñ~ jñiá~ jmi~ lí^ laco' ta~ cahuí' quiá'r~. Jogui lajob cajmée~ i Isáa' do mi~ caliséng~ jaang~ jóor' siñuu^ i calisí Jacóo^, jogui lajob cajmée~ Jacóo^ cajo cóo~ laji guitúung~ jóor' siñuu^ i caliséng~ quiá'r~. Jo i guitúung~ dseañu^ íb' lí' tiquiá' laji guitu' lé' dsea Israel i líng' dsea` áang' qui~ii' do.

9 'Jo có' jaléng' i jóo' Jacóo^ i líng' dsea` áang' qui~ii' do calí~ dsihuú~bre quiá~ i rúñ' i sií Sé^ do, joba' ca'nú~breiñ' do cóo~ dsea` i seeng' fí' Egipto, jo i dsea` í fí' job cajéeng~neiñ'. Jo dsu' eáam' cajmicóo~ Fidiéé~ quiá~ i Sé^ do, 10 jo caleám~breiñ' do jee~ jalé' iihuú' e sií^ e nidsingúñ' do, jogui cacuø'reiñ' do e tím~biñ' eáang', jogui cajméer' e guiúb~ ca'ée~ i dseata~ dsea` féng' quiá~ Egipto cóo'r~, jogui cacuø'reiñ' cóo' ta~ e líñ' do dsea` nu'luu~ quiá~ dseata~ dsea` féng' e fí' Egipto do, jogui e née' niñ' do fí' nu~ i dseata~ féng' do cóo' gui jaléng' i dsea` i jmóo' ta~ fí' jo.

11 'Jo mi~ cangí jo, cajá~ jii' oo~ fí' latøng~ Egipto cóo' gui fí' Canaán, jo eáam' iihuú' cangongúng~ dsea` cóøng~ qui~naa' có' jo` sea' e nidó'r~. 12 Dsu' mi~ caliñí i Jacóo^ do e seab` micui'íee' fí' Egipto, joba' fí' job casíñ` jaléng' jóor' i líng' dsea` áang'

quí-ii' do. Jo e job la'uii~ ya' e cangolíñ^ do fí Egipto.

13 'Jo mi~ cangolíng~tu i jóo' Jacóo^ fí Egipto e catí tú~ ya', joguiba' cajmée` Sé^ júu^ cóo~ jaléng^ i dsea` í e rúññ^ dsea` ngáang~ cóo~bre liññ' do. Jo lajob caliñí' i dseata~ Egipto do e dsea` Israel líng` Sé^ laco'gui jneaa~aa'. 14 Jo mi~ cangí jo, caquiui' Sé^ ta~ e nidsé~ tiquiá'r^ Jacóo^ colíng~ cóo~ jaléng^ dsea` sinúu^ quiá'r~ fí lí guing~ dsea` do fí Egipto. Jo lí^ lajee~ lajññ^ la'ó' cangolíñ^ fí jo tíbre setenta y cinco.

15 'Jo lajob cajmée` Jacóo^, cangogüeá'bre fí Egipto cóo~ jaléng^ dsea` sinúu^ quiá'r~. Jo fí job cajúññ~, jo fí jobi cajo cajúng~ jaléng^ dsea` áang' quí-naa'. 16 Jo jalé^ móo` teáang~ i Jacóo^ do cangocóor^ fí Siquem lí se' Canaán, jo ca'óor~ fí dsí' tó` ée` lí calá~ 'lii~ yúu~ Abraham quiá'~ jaang' i calisí Hamor e fí Siquem do.

17 'Jo mi~ nijaquíéng' e nijmiti~ Fidiée~ lajii~ júu^ e cacuø'r' 'lii~ yúu~ quí-ii' Abraham lamí jéeng'gui eáang', jo eám' nicangofíng~ dsea` áang' quí-ii' dsea` Israel e fí Egipto do. 18 Jo ie~ jo mi~ caguá jaang'gui dseata~ dsea` féng' i caquiui' ta~ e fí Egipto do, jo i dseata~ í jo` calicuíñ` Sé^. 19 Jo i dseata~ í, eám' ga` ca'éer` cóo~ jaléng^ dsea` góo~naa' dsea` Israel, jogui caquiui' i dseata~ do ta~ e 'né~ nitiúuiñ~ do jaléng^ yuu` siñuu^ quiá'r~ e laco' nijúuiñ~ do.

20 'Jo ie~ job cajo cangáang~ i yuu` siñuu^ Moi~ do, jo eám' iáang' dsí' Fidiée~ cóo~ i yuu~ do. Jo sejmii'biñ' do cajmicuóo` quiá'r~ lajee~ gaang' sí'. 21 Jo coob` mi~ catí í' e 'né~ nitiúuiñ~ i yuu~

do quiá'r⁻, j_oba' cangotiúum[˘]bre. J_o jaang[˘] simí[˘] quiá'⁻ i dseata[˘] dsea[˘] féng'[˘] Egipto do, íb[˘] cadséng'[˘] i yuu[˘] do, j_o cató⁻bre fí quiá'r⁻, j_o cajmicuáang[˘]neiñ' do lafa' j_oo[˘]bre. ²² J_o mi[˘] cacuaiñ⁻ do, calitím[˘]bre lajii[˘] e tiiing[˘] dsea[˘] egipcio, j_ogui eáam[˘]bi 'gøiñ'[˘] cajo e tiiñ[˘] jalé[˘] júu[˘] c_oo[˘] gui jalé[˘] e jmóo[˘] dsea[˘] do cajo.

²³ J_o mi[˘] cadsí⁻ i Moi[˘] i líng[˘] dsea[˘] áang[˘] qui⁻ii' do tuló⁻ jii[˘], ca'í[˘] dsíir[˘] e nidsi[˘]eer[˘] dsea[˘] góor[˘] dsea[˘] Israel i taam[˘]bi fí Egipto do. ²⁴ J_o mi[˘] caguiér⁻ fí j_o, cangáiñ⁻ jaang[˘] dsea[˘] egipcio i táang[˘] jmáng[˘] jaang[˘] dsea[˘] góor[˘] dsea[˘] Israel. J_o cajmi[˘]øm[˘] Moi[˘] i dsea[˘] góor[˘] do, j_ogui cajngam[˘]'bre i dsea[˘] egipcio do.

²⁵ J_o í[˘] dsíí[˘] i Moi[˘] do e nililí[˘] jaléng[˘] i dsea[˘] góor[˘] dsea[˘] Israel do e la'eáang[˘] c_oo[˘] íbre nileáng⁻ Fidiée[˘] jaléiñ[˘] do, j_o dsu[˘] ja[˘] calilí[˘] i dsea[˘] góor[˘] do jalé[˘] e j_o. ²⁶ J_o mi[˘] cajneá⁻ laj_o, ngó⁻tu Moi[˘] calé[˘] catú⁻ e cango[˘]eer[˘] dsea[˘] góor[˘] dsea[˘] Israel. J_o mi[˘] caguiér⁻ fí j_o, cangáiñ⁻ gáng⁻ la'ó[˘] dsea[˘] góor[˘] i taang[˘] ta[˘] tiiing[˘], j_oba' cali[˘]iiñ[˘] e nisíng⁻tuiñ[˘] do røø[˘] j_o casí⁻reiñ[˘]: “¿Jiali[˘] taang[˘] 'nú[˘] ta[˘] tiiing[˘] la'ó[˘] rúng[˘]'na?”

²⁷ J_oba' i dsea[˘] i jmáng[˘] i jaang[˘]gui do caligúim⁻bre quiá'⁻ Moi[˘], j_o ca'lem[˘]'breiñ[˘] do j_o casí⁻reiñ[˘] lala: “¿I[˘] cagúing[˘] 'nú[˘] e lín[˘] jaang[˘] fii[˘] qui⁻ii' i quidsi[˘] í[˘] jee[˘] jnea[˘]? ²⁸ ¿Su[˘] í[˘] o[˘] e nijngan[˘] jnea[˘] laco[˘]gui cajngan[˘] i dsea[˘] egipcio do lado guiée⁻?”

²⁹ J_o mi[˘] canúu⁻ Moi[˘] e júu[˘] j_o, cagüi[˘]'í[˘]bre fí Egipto j_o cangó⁻r cangogüear[˘] fí c_oo[˘] guóo[˘] uó⁻ e née[˘] huüi⁻ e sii[˘] Madián. J_o fí j_ob caguár[˘] laco[˘] jaang[˘] dsea[˘] i jáa[˘] fí lí[˘] huüi⁻. J_o fí j_ob caliséng[˘] gáng⁻ j_oor[˘] siñuu[˘].

30 'Jō mi~ cangî tuló~ jii` lajo, coo` jmii~ lajee` e ngí' Moi` fí' coo` guóo~ uó~ lí~ ja` ii` 'ga' lí' dsea` seeng` fí' quiá~ coo` mó~ e sii` Sinaí, jō fí' jōb cangár~ coo` 'matóo' e gui~ ia` jì' dsu' ja` e coo`. Jō lajee` jōb cajmijnéeng` 'ñia' jaang` ángel quiá~ Fidiée` e fí' jee` jì' quiá~ e 'ma` e gui` e ia` jì' do. 31 Jō eáam' cango'gó` dsíí' Moi~ mi~ cangár~ e jō. Jogui mi~ cangoquiéiñ' cartí' quiá~ gui e laco' nijóor~ guiá~ e jō, jō canúur~ luu~ Fidiée` e guicajíng~ lala: 32 "Jneab~ Fidiée` i jmiféng' jaléng' 'lii~ dsea` cóøng~ quí~na' i calisí' Abraham cóo~ gui Isáa' jogui Jacóo`."

Jō mi~ canúu~ Moi~ e júu^ jō, eáam' cafóiiñ' car` cajlém~bre, jō jii~ jō` niteá` dsír' fa' nijóø~guir e lí' gui~ 'matóo' e ia` jì' do. 33 Jō guicaiñí'tu Fidiée` quiá~ Moi~ jō casí~reiñ' do lala: "Uóø~ lomii~, Moi~, dsuco' güeam'^ e ni~ guóo~ uó~ lí' sí'ø' na lana, co' quiáb~ sín'n. 34 Jō nicamó~baa guiá~ jial tíí' iihuú' e íng' dsea` quié~e, dsea` Israel, i taang~ fí' Egipto, jogui nicanú~bú' jalé' dsee~ e jmóo` dsea` egipcio quiá'r~. Jōba' cagüén~n 'ñiá'a e laco' nijmicóo'baare e nileáiñ. Jō fii~i 'nu` e lana nisín^n 'nu` fí' Egipto e laco' nigüileaan~ jaléng' dsea` quié~e."

35 Jō casí~ gui Tée~ i dsea` do e júu^ la:

—Jō nañí' fa' ja` cali'ing~ dsea` Israel e i Moi~ do nicár~ nifí' quiá'r~ jogui casí~biguir lala cajo: "¿I' caguíng' 'nu` e lín' jaang` fii' quí~ii' i quidsi' í' jee~ jnea'?" jō dsu' Fidiée` casíiñ i Moi~ do jee~ jaléng' dsea` quiá'r~ e niquiú'r~ ta~ jaléng' dsea` góor` dsea` áang' quí~ii', jogui e nileáng~neiñ' jee~ iihuú' e íñ' fí' Egipto. Jō ca'íñ' e ta~ jō la'eáang'

cóo' i ángel i cajnéng' fí e li~ gui' 'matóo' e ia' jì do jò dsu' ja' coo'. ³⁶ Jò i Moi' dobing' ca'uóøng' jaléng' dsea' áang' quí-ii' dsea' Israel fí Egipto, jò í'bing' lajee' tuló' jii' cajméer' jalé' e li~ jogui jalé' e quí'r~ jmi~ la'eáang' cóo' güea'^ quía'- Fidiéé' lajee' jéeiñ' dsea' áang' quí-ii' mi~ cacuo'r' fí mar Rojo jogui mi~ cangir' fí jee' uó^ quíú'. ³⁷ Jogui i Moi' dobi cajo i casí'- jaléng' dsea' góor' dsea' Israel cóo' e júu^ la: "Fidiéé' nijmér' e fí jee' 'nú' nigüi'íí' jaang' dsea' i nifé' cuaiñ~ quía'- dsea' do laco'gui la jmóo' jnea~." ³⁸ Jogui Moi~bi cajo i ca'íng' júu^ quía'- i ángel do fí yú'^ mó' Sinai; jò lí' jò cangáiñ' quía'- 'li~ dsea' áang' quí-ii' dsea' Israel lajee' e siseáiñ' do fí ni~ guóo'~ uó- quíú'. Jò Moi~bi cajo i ca'íng' e júu^ quía'- Fidiéé' cóo' e cuø e see' naa' cøøng' cóo'~ Fidiéé' lata~, jò í'bi cajo dsea' cangáiñ' fí jaguóo'naa' e júu^ jò, dsea' lí'naa' dsea' góor' dsea' Israel.

³⁹ 'Dsu' ja' cali'iing~ jaléng' 'li~ dsea' áang' quí-naa' fa' calinúur~ júu^ quía'- dsea' do o'gui calijí'r~ júu^ quíaiñ'- do cajo, co' cali'iiñ~ e niqum'~tur calé' catú' fí Egipto. ⁴⁰ Jò i dsea' Israel do casí'r- Aarón, jaang' rúng' dsea' ngáang' cóo'~ Moi' do, jò casí'- reiñ' lala: "Jmilíng' diéé~ quí-ii' i ni'é'- jneaa~aa' fí. Co' ja' ne~naa' e~ calí- cóo' i Moi' do i ca'uóøng' jneaa~aa' fí Egipto, co' ja' mí' cagüeam'bir e fí yú'^ mó' lí' cangór' do". ⁴¹ Jòba' cajmeáang' i dsea' Israel dsea' áang' quí-ii' do jaang' diéé~ i líng' la líng' güitá' jiuung~ cóo'~ layaang~ cunéé'. Jò mi~ cangí' e cajmilíiñ~ i diéé~ do, jò canaaiñ' jmifém'breiñ' do, jò jngaiñ' jaléng' jó' e cuøiñ' i diéé~ do, jogui jmóor' jmi~ e jmiféiñ' i diéé~ í' cajo i cajmeáaiñ' cóo'~ layaang~ guóor' do.

42 'Jō uíi'~ jōba' ca'náam~ 'ñia' Fidiée' cōo'~ jaléng' dsea` quiá'r~ dsea` Israel dsea` áang' qui'~i', jō ja` cajnr' fí quiá'ñ'~ do e nijmiféiñ' jaléng' náu' i sitōng'~ yá'~ jmigüí; cō' lajōb toō~ fí ni~ jì quiá'~ Fidiée' e cajme' i dsea` i café' cuaiñ~ quiá'r~ maliñ~ gui eáang' mi~ cajíñ'~ lala:

Dsea` Israel:

'Ná', lajee' tuló~ jii` e cangi'na' fí ni~ guóo'~ uó~ quiú, ja` cajmi'goo'na' jnea~ fa' cajngang'na' jó' i cacuóøng'~na' jnea~.

43 Cō' 'nú' ie~ jō cajmée'~na' 'náu' li~ cajmiféng'na' i diée~ i sii` Moloc cōo'~ gui náu' quiá'~ i diée~ i sii` Refán.

Jō lajì huáang~ i diée~ î yaam~ 'nú' ca-jmeaang'na're.

Jō uíi'~ jōba' nisín^n 'nú' cartí cōo` guóo'~ uó~ li~ huíi` tí dogui laco' li~ se' Babilonia.

Lanab toō~ e fí ni~ jì do.

44 Jō café'bi Tée~ júu^ quiá'r~ jō casí'~reiñ' jō cajíñ'~:

—Jō lajee' ngí jaléng'~ 'li~ dsea` cōøng'~ qui'~naa' fí jee~ guóo'~ uó~ quiú, quier' cōo` 'náu' e lí' cōo'~ layaang~ 'mi', jō fí dsí' jōb jmiguiéng' dsír' jalé' júu^ e cacuø' Fidiée' ír` lami~ jéeng'gui. Jō e 'náu' do calí~ dseáng'~ laco' ta~ caquiú' Fidiée' quiá'~ Moí' lí^ laco'gui jii'~ í' e ca'íng' dsea` do quiá'~ Fidiée' mi~ cangár~ jalé' e jō. 45 Jō mi~ cangi' jō, jaléng' dsea` áang' qui'~naa' ca'ím'bre e 'náu' 'mi' do. Jō mi~ cagüilíñ' cōo'~ Josué e fí guóo'~ uó^ la, quiebre e 'náu' 'mi' do, jō quiebre cajo mi~ calí'r~ jalé' uó~ quiá'~ jalé' fiñ e caguiee~gui e cacuø' Fidiée' jaléng' i dsea` î. Jō lajōbi jmóor` latí mi~ catí í' e caquiú' dseata~ Daví' ta~. 46 Jō eám' calí'iaang'

dsí' Fidiéé' cóo' i dseata~ Daví^ do, jogui Daví^ cali'iiñ~ cajme'r' cóo' 'núu' fí' lí~ nijmiféng' dsea` i Fidiéé' qui-ii' jogui i líng' Fidiéé' quiá'- 'líi~ yúu~ Jacóo^ cajo. 47 Jo dsu' i jóo' Daví^ i sii` Salomón, í'bing' i cajme' e 'nu~ Fidiéé' do. 48 Jo dsu' Fidiéé' dsea` féng' dsea` ñíng' ja` seeiñ' fí' dsí' 'núu' e jmo' dsea` jmigüi yaaiñ~ lí^ laco'gui cajíng' i dsea` áang' qui-ii' i café' cuaiñ~ quiá'- Fidiéé' malí~gui eáang' i calisí Saí^ mi~ cajíñ'- lala:

49 Jnea~ Fidiéé', jo fí' ñifíb- lí~ guiin~n quiá'^u ta~,
jogui fí' guóo' uó- la lí~ jmi'íng' tíi.

Jogui 'nú', dsea` Israel, ¿e~ íng' 'núu' e nijméé' 'nú'
quié-e?,

jogui, ¿jie~ fí' lí~ nijmi'ín'n cajo?

50 Dsoco' 'ñiáb' jnea~ cajmé-e lajalé' e sea` fí'
la'úng- fí' jmigüí.

Jo lanab jíi' líi' júu^ quiá'- Fidiéé' e cajme' Saí^ fí'
ni~ jí' quiá'r- malí~gui eáang'.

51 Jo café'bi Téé~ júu^ quiá'r- jo cajíñ'-:

—Dsu' 'nú' quié^na' logua~ dsea` i ja` cúing' Fidiéé' jogui dsí' dsea` i ja` cúing' dsea` do cajo, co' saam` áa'na' jmoo'na'. Jogui røøb` líng' 'nú' cóo' jaléng' 'líi~ dsea` áang' qui-naa', co' contøøm- 'ní' máang'na' Jmiguí quiá'- Fidiéé'. 52 Co' jaléng' i dsea` í'bing' eáam' ga` cajmeáiñ' jaléng' dsea` i café' cuaiñ~ quiá'- Fidiéé' malí~gui jo cajngam'bre jaléng' dsea` í' mi~ caféiñ' cuaiñ~ quiá'- i dsea` i ja` røøng` dsee- i tí' lí~ nijáa' do. Jogui lanagui nicagüém- fí' jmigüí la i dsea` i ja` røøng` dsee- do, jo dsu' 'nú' 'níb' cañíng'na're cartí canjngam'ba're. 53 Jo nañí' fa' e nica'íng'na'

júu^ quiá' ta~ quiá'- Fidiéé' la'eáang' cóo'~ jaléng' ángeles quiá'r~, jō dsu' ja` cajmee~na' núu~na' e jō.

Mi~ cajnga' dsea` quiá'- Téé~ cóo'~ layaang~ cuu~

⁵⁴ Jō mi~ canúu~ jaléng' i dsea` quié' nifí' quiá'- dsea` Israel e júu^ quiá'- Téé~ do, dsing'- caliguiñ~ quiá'- dsea` do carji` tur' majar~. ⁵⁵ Dsu' i Téé~ do eáam' jée' Jmiguí' quiá'- Fidiéé' quiá'r~, jō caséer' nir~ fí' yá'^ jmigüi' jō cangár~ cateá' fí' lí' laniing' 'gøng' quiá'- Fidiéé', jōgui' cangáiñ~ Jesús e sing' dsea` do lí'^ lí' dsée' cáang' Tiquiá'r^ Fidiéé'.

⁵⁶ Jō casí'- Téé~ i dsea` siseáng' do:

—jJóø~na! Lana móo'o fí' ñiff~, jō dob máan'n i dsea` i cajá~ fí' ñiff~ e líiñ' jaang' dsea` jmigüi'; jō máan'nre e siñ' fí' lí' lí' dsée' lacó' guing~ Fidiéé'.

⁵⁷ Jō dsu' i dsea` i teáng~ do i 'náng' Téé~ cajni'bre loguar~ jō canaaiñ' guiar' 'goo' lajiiñ' do e nisaiñ' Téé~ jō casam'-bre. ⁵⁸ Jō caguíng'neiñ' do fí' caluu' e fiñ' jō, jō canaaiñ' táang'neiñ' cuu~; jō jaléng' i dsea` i 'ní' ní~ quiá'r~ do caséer' sí'r^ cóo'~ jaang' siming' i siñ' Saulo lajee' e táang'neiñ' do cuu~.

⁵⁹ Jō lajee' jō canaang' Téé~ e féiñ' Fidiéé' jō cajíñ'-:

—Fíi' Jesús, ín'~ jmiguí' quié~ e jmii~ na.

⁶⁰ Jō mi~ cangí' e café'r' e jō, casí'r' uó~ jnir~ jō canaaiñ' fé'r' teá':

—Fíi', ja' jmée'~ cuente e dsee~ e ca'éé' i dsea` la. Jō mi~ calí~ café'r' e júu^ na, jō cajúm~bre.

8

Mi~ cajmeáng' Saulo ga` jaléng' dsea` quiá'- Dsea` Jmáang~

¹ Jo røøb` casíng` ì Saulo do cóo` jaléng` ì dsea` ì cajnga` quiá` ì Téé` do.

Jo `ñia` ie` jmíi` jo canaang` jaléng` ì dsea` do jmáañ` jaléng` dsea` quiá` Dsea` Jmáang` ì neáng` fí` Jerusalén. Jøba` casojøm` jaléng` ì dsea` í, jo cangolíiñ` fí` guóo` uø` lí` se` Judea cóo`~gui lí` se` Samaria; jo jíi` ì dsea` apóo`^ dobing` caje`gui fí` jo. ² Jo cóo` tú` míng` dsea` ì jmí`gó` Fidiée` , íb` ca`áang` ì `líi` Téé` do, jo eám` caljijuung` dsír` uii` quiáañ` do cajo. ³ Jo lajee` jo ì Saulo do ngír` lacoo` sínúu` quiá` jaléng` dsea` ì cuíng` Dsea` Jmáang` e jmáañ` ga` jaléng` dsea` do jogui` tøør` laguidseang` jaléng` í jo dsijeáañ` fí` dsíi` `nuañi` ; jo do quiéng` jaléng` dseañu` jogui` jaléng` dseamí`.

Mí` cagua` dsea` júu` quiá` Dsea` Jmáang` fí` lí` se` Samaria

⁴ Jo lajee` jo, jaléng` dsea` quiá` Dsea` Jmáang` ì ca`uøøng` fí` Jerusalén do naaiñ` guiar` júu` quiá` Dsea` Jmáang` lacoo` fí` lí` guilíiñ` quiá` jial nileáng` jaléng` dsea` jee` jalé` dsee` quiá`r`. ⁵ Jo jee` ì dsea` í quiéng` jaang` ì sií` Líi~, jo í cangór` fí` cóo` fíi` laniing` lí` se` Samaria, jo fí` job` canaaiñ` e`r` jaléng` dsea` júu` quiá` Dsea` Jmáang`. ⁶ Jo fíim` dsea` seáañ` e` fí` lí` táang` ì Líi` do, jo lajiiñ` do eám` ngocáng` dsír` núur` júu` quiá` Dsea` Jmáang` e` guia` dsea` do, jogui` ní`bir` cajo` jalé` lí` e` quíi` jmíi` e` jmóo` dsea` do. ⁷ Jo ie` jo ì fíim` dsea` ì jée` ì `líng` quiá` cajmi`leáng` ì Líi` do, jo jaléng` ì `líng` do dsíng` óor` mí` uøiñ` lí` teáañ` dsíi` jaléng` ì dsea` do. Jogui` ca`láam`-bi` jaléng` dsea` ì caang` tíi` cóo`~gui jaléng` dsea` ì ja` lí` ngí` jíi` capí`. ⁸ Jo

jaléng' i dseá i seeng' fí jo eáam' cali'íáang' dsír' cóo' jalé' e cajmée' i Lii' do ie jo.

⁹ Dsu' e fí fi' jo niseeng' jaang' dseañu' i sii' Simón, jo nijmóor' ta' dseá láang' latí' maliib~; jo ninicajár' ta' jmigóong' jaléng' dseá i seeng' e fi' lí se' Samaria do, jo fé'r' e jii' íbre líiñ' jaang' dseá i niing' gui lajee' lajing'. ¹⁰ Jo jaléng' dseá dseáng' cóo' gui'náb' núur' e ngocáng' dsír' lajii' júu' e guia' i Simón do, jo lalab fé'r' cuaiñ' quiáñ' do:

—I nab dseañu' i sii' i 'gøng' eáang' quiá' Fidié'.

¹¹ Jo lajalém' i dseá do já' líiñ' júu' quiá' i Simón do, có' la'eáang' cóo' e láaiñ' do nicalí' bre nicajmigóoiñ' dseá lajii' maliib' e eáang'. ¹² Jo dsu' mi' já' calíng' jaléng' i dseá í jalé' júu' e guia' i Lii' do quiá' jial iing' Fidié' cár' nifi' quiá' lajaang' lajaang' dseá jmigüí, jogui cuaiñ' quiá' Jesús i líng' Dseá Jmáang' i sijeeng' dseá Israel, joba' dseañu' dseamib' jáng' yaaiñ' fí jaguó' Fidié' mi' núur' jalé' júu' e guia' i Lii' do, jo mifíing' casaam'bre jmii' e laco' cuø' lí e níliiñ' dseá quiá' Dseá Jmáang'. ¹³ Jo jiguí i Simón do já' calíiñ' jalé' júu' e caguia' i Lii' do, jo cajgáam'bre jmii' cajo, jo canaañ' ngir' cóo' i Lii' do doñí' jíe' fí lí' ngiñ' do, jo sóong' dsigá' dsír' nír' jalé' e lí' e quíiñ' do jmii' jmóor'.

¹⁴ Jo mi' caliñí' jaléng' i dseá apóo' i neáang' fí Jerusalén do e ca'íng' jaléng' dseá i seeng' fí lí' se' Samaria jalé' júu' quiá' Fidié', joba' casíiñ' Tú' Simón fí jo cóo' gui Juan. ¹⁵ Jo mi' caguiliñ' do fí jo, canaañ' mi'r' Fidié' uii' quiá' jaléng' dseá quiá' Dseá Jmáang' i seeng' fí Samaria do e laco'

ni'íñ' do Jmiguí' quiá'- Fidiée', ¹⁶ co' lamí~ jéeng' gui jíi~ jaang' ja' ií' mí' ca'íng' Jmiguí' quiá'- dsea' do, co' lico' nicajgáaiñ- jmí' bî e laco' cuø' lí' e nilíiñ' dsea' quiá'- Dsea' Jmáang-. ¹⁷ Jo Tú^ Simón cóo'~ gui Juan caquidsir' guoor' fí' moguí~ lajaang' lajaang' i dsea' quiá'- Dsea' Jmáang- do, jo lajob ca'íñ' do Jmiguí' quiá'- Fidiée' lajaang' lajaaiñ'.

¹⁸ Jo mí~ calilí'^ i Simón do e ím' jaléng' i dsea' do Jmiguí' quiá'- Fidiée' e lico' quidsí' i dsea' apóo^ do guoor' fí' moguiñ~, joba' dsifí' lajob casí'r- i dsea' do jo cajíñ':

¹⁹ —Nicuøø^baa 'nú' cuu- e nijmee-na' e nilí'b' jnea~ cajo e nicuøø^ø jaléng' dsea' Jmiguí' quiá'- Fidiée' e lico' niquidsii- guoo`o moguir~ laco' gui la jmoo` 'nú' na.

²⁰ Joba' cañí' Tú^ Simón quiá'- i Simón do jo casí'- reiñ':

—iNe~duu' e~ 'lí'^ nilíin'- cóo'~ cuu- quíi', co' ca'í' o' e cóo'~ cuu- quíi'-ba' nilí' lajii~ e ngíng' dsea' cuø' Fidiée'! ²¹ Ja' ee' catíng- 'nu' jíi~ capí'^ e ta~ la, dsuco' ja' í' o' laco' catíng- fí' quini' Fidiée'. ²² Tú^ lajii~ e 'lí'^ e í' o' na, jo míi~ Fidiée' e ni'íng- guir dsee- quíi'- quiá'- lajii~ e ca'íi' o', jo ne~duu' su cuøøng' gui lajo quiá'r-. ²³ Co' nilí'^baa e dsíng'- dsihuín' laco' sin' na, jogui dsee- quíi'- jéeng' 'nu' lafa' 'ñúum'^ba'.

²⁴ Jo cañí' i Simón do quiá'- Tú^ Simón jo casí'- reiñ':

—Féeng'^na' Fíi'naa' Fidiée' uii~ quié- e e laco' ja' güiguiéé' güilín^n jalé' e nicafée'^na' na.

²⁵ Jo mí~ cangî jo, mí~ cangoyúung'^ e cajmée' i dsea' apóo^ do júu^ quiá'- jalé' e guiá- e nicajmée' Fidiée' cóo'r~ jogui caguiar' júu^ quiá'- Fíi'naa'

Jesús fí jo, jo lajee˘ e niteáaiñ˘ fí e ngoliñ˘ fí Jerusalén canaaiñ˘ guiar˘ júuˆ quiá˘- Fí˘naa˘ Jesús fí jmiguiab˘ jalé˘ fíi˘ píˆ e téel˘ lí˘ se˘ Samaria cartí caguilíng˘tur fí Jerusalén.

Lii˘ cóo˘˘ jaang˘ dseañu˘˘ i seeng˘ fí Etiopía

²⁶ Jo mi˘ cangi˘ jo, casíng˘ Fidiée˘ jaang˘ ángel i cajmijnéeng˘ 'ñia˘˘ fí quini˘ i Lii˘ do, jo lalab cajíñ˘- casí˘-reiñ˘:

—Gua˘ guiá˘ quiá˘˘, jo gua˘ fí lí˘ lí˘ uóø˘- laco˘ ngóo˘ fí Jerusalén e guiée˘ cartí fíi˘ Gaza; jo e fí jo ngíng˘ la tóo˘ ni˘ guoo˘˘ uó˘- quiá˘˘.

²⁷ Jo lajob cajmée˘ Lii˘, caguiéem˘ guiá˘ 'ñia˘˘r˘, jo cangó˘-bre fí lí˘ caqui˘˘ i ángel do ta˘. Jo guiá˘˘ fib˘ cajíng˘ rúíñ˘ cóo˘˘ jaang˘ dseañu˘˘ i niseeng˘ fí Etiopía i nilíng˘ jaang˘ dseata˘ dsea˘ féng˘ i jmóo˘ ta˘ 'mea˘ cuu˘ quiá˘˘- reina Candace e fí góor˘ do. Jo i dseañu˘˘ do nicangór˘ fí Jerusalén e cango-jmiféiñ˘ Fidiée˘, ²⁸ jo e ni˘iuuiñ˘ fí e ngang˘˘tur fí góor˘ e guiiñ˘ fí coo˘˘ ni˘ bóø˘˘ e jñu˘ cuea˘. Jo lajee˘ jo, ngaiñ˘ ir˘ coo˘˘ jì e cajme˘ Saí˘˘, jaang˘ dsea˘ i café˘ cuaiñ˘ quiá˘˘- Fidiée˘ mali˘˘gui eáng˘. ²⁹ Jo cajíng˘˘ Jmiguí˘ quiá˘˘- Fidiée˘ casí˘r˘ i Lii˘ do:

—Gua˘ jo güiquiéeng˘ laco˘ ngo˘ e bóø˘˘ do.

³⁰ Jo mi˘ cangoquiéeng˘ Lii˘ fí jo, joba˘ canúur˘ e í i dseañu˘˘ do e jì e cajme˘ i Saí˘˘ do, joba˘ cajmíngi˘˘reiñ˘ do jo cajíñ˘˘:

—¿Su ngám˘˘ba˘ e í˘ na?

³¹ Jo cañíi˘ i dseañu˘˘ do quiá˘˘- Lii˘ jo cajíñ˘˘:

—U˘, ja˘ ngán˘˘n, co˘ jii˘˘ jaang˘ ja˘ ii˘ seeng˘ ni-jmeá˘˘- jnea˘ júuˆ e˘ guóng˘ jalé˘ e too˘˘ la.

Joguı i dseañu˘˘ etiope do cató˘r˘- Lii˘ e caguáiñ˘˘ do ni˘ e bóø˘˘ do colíng˘ cóo˘˘r˘.

32 Jò lalab fé^l e fí^l ni^l jì^l lí^l gui'ná^l í^l r' do:
 Cangojéeng`dsea`ír` fí^l lí^l nijúuiñ^l
 laco'gui la jéeng`dsea`jaang`jo'se^l i dsijngáaiñ^l;
 jò jí^l capí^l ja`ee`ca'óor`laco'gui ja`óo`jaang`jo'se^l
 mi^l sitíng`dsea`jñá^lre^l.

33 Jò gab`cajmeáng^l dsea`ír`, jò jí^l jaang`ja`seeng`
 i quidsí^l í^l quiá^lr` røø^l.

Jò jí^l jaang`jo`i^l quí^l jmi^l nijmé^l jú^l cuaiñ^l
 quiá^l jaléng^l dsea`sijur`cò^l cajnga^l dsea`
 quiá^lr`,

jòba' conguaí cango'íiñ` fí jmi^lgü^l la.

Jò lanab lí^l jú^l e í^l i dseata^l etiope do.

34 Jò mi^l calí^l í^l r' e jì^l do, jò cajmingí^l i dseata^l do
 cajmingí^l r' Lii^l jò cají^l:

—Jme^l uii^l dié^l, jmé^l jnea^l jú^l i^l cuaiñ^l
 quiá^l fé^l i Saí^l do e fí^l ni^l jì^l la. ¿Su quiá^l r' 'ñia^l r'
 ofa^l quiá^l i jjiém^l é?

35 Jòba' canaang` Lii^l jma^l r' jú^l i dseañu^l do e
 cuaiñ^l quiá^l Jesús guøng^l e fé^l e fí^l ni^l jì^l lí^l iñ^l do;
 jò ngí jò casí^l reiñ^l quiá^l jial láang` Jesús jaléng^l
 dsea`jee`jalé^l dsee`quiáiñ^l. 36 Jò lajee`teáaiñ^l
 fí^l la do, cò^l caguilím`bre lí^l sea`jmi^l, jòba' lalab
 cajíng^l i dseata^l etiope do casí^l r' Lii^l:

—Lab sea`jmi^l e la. ¿Já^l cuøng`nisán^l jmi^l,
 faa^laa^l?

37 Jòba' cañí^l Lii^l quiá^l i dseañu^l do jò
 casí^l reiñ^l:

—Song já^l lín^l e ngocáng^l o^l jú^l quiá^l Jesús,
 cuøm`nisán^l jmi^l.

Jòba' cañí^l i dseata^l do:

—Jáb^l lín^l e i Jesús do líiñ^l i Jò^l Fidié^l
 camíng^l do.

38 Jo dsifí ladob caqui^u i dseata~ do ta~ e cajé e b^oo~ lí~ dsíiñ^ do; jo cajgáñ~ e fí lí~ sea~ jmiñ do, jo fí job caseáng~ Lii~ jmiñ i dseata~ do e laco' cuo' lí~ e ca'uíiñ~ do dsea` quiá'- Dsea` Jmáang~. 39 Jo mi~ calí~ u^ooñ~ fí dsí' jmí, jo Jmiguí quiá'- Fidiéeb~ cacó~ quiá'- Lii~, jo jo` cangáng~ gui i dseata~ do ír; jo ca'íb~ tuiñ' do fí iuuiñ~, jo dsíng~ iáng` dsíir' cangáñ~ fí góor. 40 Jo catí coo` fiñ e siñ Azoto nicaguié~ Lii~, jo fí job canaaiñ` ngir' fí lacoo` lacoo` fiñ e guiar' júu^ quiá'- Dsea` Jmáang~ cartí caguiér~ fí coo` fiñ lí~ siñ Cesarea.

9

*Mi~ cajáng` 'ñia' Saulo fí jaguó` Dsea` Jmáang~
(Hch. 22:6-16; 26:12-18)*

1-2 Jo co' ie~ jo ja' mí caqui^u bi dsí' Saulo e í dsíir' e nijngáñ~ jaléng' dsea` quiá'- Dsea` Jmáang~, joba' cangór~ fí quini~ dsea` mogui~ quiá'- jaléng' fiñ jmidsea` quiá'- dsea` Israel ie~ jo e cangomir' fí e nidsér~ fí lacoo` guá'- quiá'- dsea` góor` dsea` Israel e tée~ fí fiñ Damasco e nidsisíiñ~ jaléng' dseañu~ dseamí i já'- líng` júu^ quiá'- Dsea` Jmáang~, jo nitóo` reiñ' do e 'ñúuiñ~ fí dsí' 'nuiñ^ e tée~ fí Jerusalén. 3 Jo cangúm` Saulo fí e nijmér~ lajo, joba' fí Damasco cangór~. Jo dsu' mi~ nijaquiém' e niguiéer' e fí jo, coo` cajneáb~ coo` jì e teá eáng' lacúng' lajíng` e lí~ ngóor' do, jo e jì do jnéng~ jáa' catí yá'^ jmigüí. 4 Jo dsifí lajob caquíng' Saulo fí ni~ uó~, jo mifíng` canúur~ e líng~ iñ guicafé' fí yá'^ jmigüí jo guicajíñ~ s'r` Saulo:

—Saulo, Saulo, ¿jialí' jmáan~ ga' jnea~?

5 J_oba' cañíi' Saulo quiá'- i guicafé' do j_o cajíñ'-
—¿i' 'nu, Fíi'i?

J_o cañíi'tu i guicafé' do j_o cajíñ'-:

—Jneab~ Jesús i ngi' 'nu' jmáan'~ ga' lana, j_o ja' ta~
íing^ quiá'- e jmoo' laj_o, co' lí' lí' eáang'gui jmáang'~
uóø'ba' e jmoo' laj_o.

6 J_o dsíng'- cafóng' Saulo mi~ canúur- lado, j_oba'
cañíir' j_o cajíñ'-:

—Fíi'i, ¿e~ iin'~ e nijmee~e?

J_oba' cañíi'tu i guicafé' do j_o cajíñ'-:

—Ráan'-, j_o gua~ fí' Damasco, j_o fí' j_ob nihuí' ta~
e~ 'né- nijmée'.

7 J_o jaléng' dsea` i ngolíng- gui cóo'~ Saulo ie~ j_o
dsíng'~ cafóñ', co' canúu-bre e luu~ e guicafé' do,
dsu' j_ui~ jaang' ja' i' cangáñ'. 8 J_o mi~ caróo- Saulo
e lí' caquiñ'- do, j_o mi~ néé' júu^ e cajóør- dsu' j_o'
nijneá' jminir' j_ui~ capí' co' nitium-bre. J_o i dsea`
i ngolíng- cóo'r~ dob ca'méeng` ír` cartí' caguiér-
cartí' Damasco. 9 J_o fí' j_ob cajer' 'ní' jmíi~ tøøng- e
ja' jné'r' j_ui~ capí' o'gui' gø'r' caj_o.

10 J_o e fí' Damasco do niseeng` jaang` dseañu' i
líng` dsea` quiá'- Dsea` Jmáang- i nisii Ananías. J_o
coo' jmíi~ cajmijnéeng` 'ñia' Dsea` Jmáang- fí' quini`
i dsea` í' lafa' mi~ quir', j_o casí'r- dsea` do lala:

—¡Ananías!

J_oba' cañíi' Ananías quiá'- dsea` do j_o cajíñ'-:

—Lab sín'n, Fíi'i.

11 J_o cajíng' Fíi'naa' Dsea` Jmáang- casí'r- i
Ananías do:

—Ráan'-, j_o gua~ fí' coo` jee~ 'núu' lí' sii Derecha.
J_o mi~ niguie' quiá'- jaang` dsea` i sii Judas, j_o
nijmingín'~ jaang` dseañu' i sii Saulo i seeng`
fí' Tarso, co' lana guiiñ~ féiñ' jnea~. 12 J_o jnea~

nicajmé-e e nicangáng- Saulo 'nu' lafa' mi~ quir' e guie' fí' lí' guiiñ~, jo niquidsi' guóo' fí' moguir~, jo lajōb nilijné'tur calé' catú'.

¹³ Jo mi~ canúu- Ananías e jo, lalab cañír` jo cajíñ'-:

—Fí'i, fím' dsea` nicajmea'r' jnea~ júu^ uii' quiá'- i dseañu' í' quiá'- jalé' e ga' e nicajmeáiñ' dsea` quií'- fí' Jerusalén. ¹⁴ Jogui lana nijáar' fí' la e niquier' júu^ quiá'- jaléng' fii~ jmidsea` e nisáiñ' jaléng' dsea` quií'- jo nidsiteáng'neiñ' fí' dsí' 'nuñí'.

¹⁵ Joba' cañíi' Fí'naa' Dsea` Jmáng- quiá'- Ananías jo cajíñ'-:

—Gua~, jo güijmiti' lajii' ta~ quiá'u, co' jnea~ nica'náan-n i dseañu' do e niguiár- jalé' júu^ quié-e jee~ jaléng' dsea` i ja` líng' dsea` Israel cóo' gui jaléng' dseata~ dsea` cóong' quiár- jogui fí' quini' jaléng' dsea` Israel cajo. ¹⁶ Jo jnea~bi ni'éé^e Saulo jial tí' iihuí' 'né- nidsingíiñ- uii' quié-e.

¹⁷ Jo dsifí' ladob cangó- Ananías fí' lí' niguiing~ i Saulo do. Jo mi~ caguiér- fí' jo, ca'í-bre fí' dsí' sinúu^ lí' guiiñ~ do, jo caquidsir' guóor` moguiñ' do, jo cajíñ'- casí'-reiñ':

—Saulo, rú'uu', i Fí'naa' Jesús i cajmijnéeng' 'ñia' lajee~ iuun'- fí' e ñi' fí' la casíiñ' jnea~ lana e nijmee~ e nilijné'tu' calé' catú' jogui e niñín' Jmiguí' quiá'- Fidié'.

¹⁸ Joba' caquidsi' Ananías guóor` fí' yú'^ mogui~ Saulo, jo dsifí' lajōb casojiú' e líí' la líí' hui'^ 'ñu' jmini' dsea` do, jo dsifí' ladob calijné'r'. Lí- jo caróor- jo mifíing` cajgáaiñ- jmii' e laco' cuo' lí~ e ca'uiñ- dsea` quiá'- Dsea` Jmáng-. ¹⁹ Jo mi~ cangí'

jo, cagø'r` ir` jo catim`tur bí quiá'r-. Jo caje`bir
cøø` tú` jmí` mi` cangî jo cøø` jaléng` dsea` quiá`-
Dsea` Jmáang` ì neáang` fí Damasco.

*Mi` caguia' Saulo júu` quiá`- Dsea` Jmáang` fí
Damasco*

²⁰ Jo lajee` job canaang` Saulo guiar` júu` quiá`-
Dsea` Jmáang` lacøø` guá` quiá`- dsea` góor` dsea`
Israel e tée` fí Damasco, jo sí'r` jaléng` dsea` e ì
dsea` góor` Jesús do líng` ì jøø` Fidié` camíng` do.

²¹ Jo jaléng` dsea` ì núu` e júu` quiá`r- do, sóong`
dsigá` dsír` jo fé'r`:

—¿Su ø` ì nabí ì dseañu` ì ngí` jmáng` ga` jaléng`
dsea` quiá`- Dsea` Jmáang` ì neáang` fí Jerusalén?
Jo ¿su ø` ì nabí cajo ì cagüéng` fí Damasco la e
nitøø` e 'ñúung` jaléng` dsea` quiá`- Dsea` Jmáang`
fí quini` jaléng` fí` jmidsea` quiá`- dsea` Israel fí
Jerusalén?

²² Jo dsu` lajee` jo, eáang`gui cuø`r` bí 'ñia` Saulo e
guiar` e júu` do. Jo jalém` ì dsea` Israel ì seeng` fí
Damasco do cajer` jí` ja` ñir` e` dseáng`- niñir`, cø`
ì Saulo do guiar` júu` e dseáng`- jáb` e Jesús líiñ`
Dsea` Jmáang` ì sijeeng` dsea` Israel.

*Mi` caláang` Saulo fí jaguó` dsea` góor` dsea` Is-
rael*

²³ Jo mi` cangîgui lajo, jaléng` dsea` Israel ì
seeng` fí Damasco do canaaiñ` síiñ` røø` jial ni-
jngáiñ` ì Saulo ì líng` dsea` góor` do. ²⁴ Jo dsu`
ca`øm` Saulo júu` lajii` e í` dsí` ì dsea` do e ni-
jmeáng`neiñ`. Jo uøø` jmí`b` neáang` ì dsea` ì
siteeng` ír` do fí oo`- íá` cuu` e ñí` eáang` lí` güi`líng`
jee` fí` Damasco e quiá`- siteeiñ` e nijngáng`-neiñ`.

²⁵ Dsu` cøø` uøø` jaléng` ì dsea` quiá`- Dsea` Jmáang`

ἰ neáang' fí Damasco do cataiñ' Saulo fí dsí' cōo' 'matá' e fe', jo cajgiáang' neiñ' do fí dse' e iá' cuu' e si' lacúng' fi' do, jo lajob caleáaiñ' dseá' do.

Mi' caguiéng' tu Saulo fí Jerusalén

²⁶ Jo mi' cang' jo, caguiém' tu Saulo fí Jerusalén, jo cali'iiñ' e niseáiñ' coling' cōo' jaléng' dseá' quiá' Dseá' Jmáang' ἰ neáang' fí jo; dsu' lajim' ἰ dseá' do 'góm'breiñ', co' ja' já' líiñ' e niling' Saulo dseá' quiá' Dseá' Jmáang'. ²⁷ Jo dsu' jaang' dseañu' ἰ si' Bernabé caguijéiñ' Saulo fí quini' jaléng' dseá' apóo' ἰ neáang' fí Jerusalén, jo cajea'reiñ' júu' jial cangáng' Saulo Fí'naa' Dseá' Jmáang' lajee' iuiñ' fí e ngóor' fí Damasco, jogui jalé' e caféng' Fí'naa' Dseá' Jmáang' ír', jogui jial teá' dsí'r' guiar' júu' quiá' Jesús e fí Damasco do.

²⁸ Jo lajob mi' caje' Saulo fí Jerusalén, jo colim' canaaiñ' ngir' cōo' dseá' quiá' Dseá' Jmáang' ἰ neáang' fí jo. ²⁹ Jo dseáng' ngocáng' dsí'bre guiar' jogui síiñ' júu' quiá' Dseá' Jmáang' jee' jaléng' dseá' Israel ἰ fé' jmí' griego. Jo dsu' lajaléng' ἰ dseá' í' jmóor' úung' e nijngám' bre Saulo. ³⁰ Jo mi' calilí' ἰ dseá' quiá' Dseá' Jmáang' ἰ caguiaang' do e í' dsí' ἰ dseá' do lado, joba' caguim'bre Saulo fí fi' Jerusalén, jo cangojéeng' neiñ' do fí Cesarea; jo mi' cang' jo, caguiéng' neiñ' do fí góor' lí' si' Tarso.

³¹ Jo jaléng' dseá' quiá' Dseá' Jmáang' ἰ seeng' fí lacaang' lí' se' Judea cōo' lí' se' Galilea cōo' guí' lí' se' Samaria juguiá' júu' rōb' niseeiñ', jogui eáang'gui ngóo' lijá' líiñ' jalé' júu' quiá' Dseá' Jmáang' car' ngocáng' dsí'r'. Jo lajalém' bre jmóor' úung' e jmiféiñ' Fí'naa' Dseá' Jmáang', jo lajob ngóo' lí'ing' dseá' ἰ jáng' yaang' fí jaguó' Dseá'

Jmáang⁻ laco^o jmi^h laco^o jmi^h la'eáang' cóo^l
Jmiguí' quiá⁻ Fidiée'.

*Mi⁻ cajmi'leáang⁻ Tú[^] Simón jaang⁻ dseañu^l i
caang⁻ tii⁻*

³² Jo lajee⁻ jo ngí^l i Tú[^] Simón do e dsi'eer⁻ jaléng^l
dsea⁻ quiá⁻ Dsea⁻ Jmáang⁻, jo lajee⁻ jo cangór⁻ fi'
co^o fi^h li[~] sii⁻ Lida e cango'eer⁻ jaléng^l dsea⁻ ib⁻ cajo
i neáang⁻ fi' jo. ³³ Jo mi⁻ caguiér⁻ fi' jo, cadséiñ^l
jaang⁻ dseañu^l i caang⁻ tii⁻ i sii⁻ Eneas, jo ningóo'
mi⁻ jñiá⁻ jii⁻ e niráaiñ^l do co^o li[~] ráaiñ⁻. ³⁴ Jo lalab
casí^l Tú[^] Simón i dseañu^l i jo cajíñ⁻:

—Eneas, Dsea⁻ Jmáang⁻ nijmi'leáaiñ⁻ 'nu⁻ jmi^h
ná. Ráan^l, jo sée⁻ li[~] ráan^l.

Jo dsifí⁻ lajob caróo⁻ Eneas e li[~] ráaiñ^l do. ³⁵ Jo
lajalém^l dsea⁻ seeng⁻ fi' Lida cóo^l gui⁻ fi' Sarón
cangár⁻ e caróob⁻ i Eneas do, joba⁻ cajám^l yaaiñ⁻
fi' jaguó⁻ Dsea⁻ Jmáang⁻ ie⁻ jo.

*Mi⁻ cajmijí⁻ tu Tú[^] Simón jaang⁻ dseamí⁻ i sii⁻ Dor-
cas*

³⁶ Jo ie⁻ jo niseeng⁻ jaang⁻ dseamí⁻ i líng⁻ dsea⁻
quiá⁻ Dsea⁻ Jmáang⁻ fi' co^o fi^h li[~] sii⁻ Jope. Jo i
dseamí⁻ do nisiir⁻ Tabita, e guóng^l Dorcas cóo^l
jmí⁻ griego. Jo i dseamí⁻ i contøøm⁻ jmóor⁻ jalé^l e
guiá⁻ jogui⁻ jmicóo^l r⁻ jaléng^l dsea⁻ i ja⁻ sea⁻ e 'né⁻.
³⁷ Jo ie⁻ jo nicalidséeb⁻ i Dorcas do, jo cajúm⁻ bre.
Jo jaléng^l dsea⁻ i seeng⁻ cóo^l r⁻ do ie⁻ jo caláng^l neiñ⁻,
jo caquiáang⁻ neiñ⁻ fi' dsí⁻ sinú[^] 'nú⁻ yá^l. ³⁸ Jo e fi^h
Jope do quiáb⁻ né⁻ laco^l gui⁻ né⁻ e fi^h Lida e fi' li[~]
táang⁻ i Tú[^] Simón do. Jo co^l caliñib⁻ jaléng^l dsea⁻
quiá⁻ Dsea⁻ Jmáang⁻ i neáang⁻ fi' Jope e fi' Lidab
táang⁻ Tú[^] Simón, joba⁻ dsifib⁻ casíñ⁻ gáng⁻ dseañu^l
fi' do; jo mi⁻ caguilíñ⁻ fi' jo caguisí⁻ reiñ⁻ do lala:

—Tú[^] Simón, má⁻aa' fí' Jope lajminá⁻.

³⁹ Jō cangób⁻ Tú[^] Simón cóo^o'[~] i dsea[^] do fí' Jope. Jō mi[~] caguiér⁻ fí' jō, jō caguijéeng[^] neiñ' do fí' lí[~] ráang[^] i dseam[^] 'lii[~] do. Jō jaléng[^] dseam[^] 'nii⁻ i niteáang[^] lí[~] ráang[^] i 'lii[~] do dsíng[^] qui[^] r' car^hr' lacúng[^] lajíng[^] lí[~] sing[^] Tú[^] Simón mi[~] caguié⁻ dsea[^] do fí' do; jō ca'e[^] reiñ' jalé[^] mi[^] ñúung[^] cóo^o'[~] gui jalé[^] 'mi[^] e jeié[^] e nica[^] mí[^] i Dorcas do jōgui e nicang^hiñ[^] cuó[^] dsea[^] do lami[~] seeiñ'. ⁴⁰ Jō ng[^] jō, caqui^u' Tú[^] Simón ta[~] e ca'uøøm[^] jaléng[^] i dsea[^] i teáang[^] e sinúu[^] do fí' caluu[^]. Jō lí[~] jō, casí[^] r' uó⁻ jnir[~] jō canaiñ[^] féiñ[^] Fidié[^], jō lí[~] jō, mifíng[^] cajøøiñ⁻ i 'lii[~] do jō cajíñ[^] casí[^] reiñ[^]:

—i Tabita, ráan[^]!

Jō dsifí[^] ladob caneáa[^] i dseam[^] do jminir[^], jō mi[~] cangáiñ⁻ Tú[^] Simón, caróo⁻ bre jō caguár[^]. ⁴¹ Jō Tú[^] Simón cat^hiñ⁻ guoo[^] i dseam[^] do jō casíng[^] neiñ[^]. Jō lí[~] jō, cató[^] tur jaléng[^] dsea[^] quiá[^] Dsea[^] Jmáang⁻ i ca'uøøiñ[^] e fí' sinúu[^] do cóo^o'[~] gui jaléng[^] dseam[^] 'nii⁻ i teáang[^] do, jō ca'eiñ[^] jaléng[^] i dsea[^] do i dseam[^] do e nicají[^] biñ[^] do. ⁴² Jō jalém[^] dsea[^] seeng[^] fí' Jope caliñir[^] jalé[^] e calí⁻ do ie[~] jō, jō fíim[^] dsea[^] cajáng[^] yaaiñ[~] fí' jaguó[^] Dsea[^] Jmáang⁻ ie[~] jō. ⁴³ Jō mi[~] cangí[^] jō, huøøm⁻ bi cajé[^] Tú[^] Simón e fí' fii[^] jō fí' quiá[^] jaang[^] dseañu[^] i sii[^] Simón i nijmóo[^] ta[~] jmi[^] ua[~] loo[^] jó[^].

10

Tú[^] Simón cóo^o'[~] jaang[^] fii[~] 'lé⁻ i sii[^] Cornelio

¹ Jō ie[~] jō niseeng[^] jaang[^] dseañu[^] i sii[^] Cornelio fí' cóo[^] fí' lí[~] sii[^] Cesarea i nilíng[^] fii[~] quiá[^] cóo[^] 'lé[^] e sii[^] italiano. ² Jō i Cornelio do colíng[~] cóo^o'

jaléng' dsea` sinúu^ quiá'r-, røøb` eáam' jmiféiñ' Fidié' jogui eáam' núu'r~ jalé' júu^ quiá'- dsea` do, jogui jmicóo'~ bir cóo'~ cuu- jaléng' dsea` Israel i ja` sea` e 'né-, jogui contøøm- féiñ' Fidié' cajo. ³ Jo cóo' jmii~ ngóo'jiu la ii- 'ni' e ca'lóo- i Cornelio do líng~ ee` cangár- lafa' mi~ quir', jo dseáng'- røøb` cangáiñ- jaang` ángel i líng' guoti~ Fidié' i ca'í- fí lí guiiñ~ jo cajíng'- dsea` do lala:

—¡Cornelio!

⁴ Jo dob cajé' i Cornelio do jóøiñ- i ángel do, jo eáam' 'gó'r' cajmingí'r- dsea` do lala:

—¿E~ 'né- jmee~e, Fí'i?

Jo cañi' i ángel do quiá'- Cornelio jo cajíñ'-:

—Ninúub- Fidié' jalé' júu^ quií'- mi~ føn're, jogui níbre jalé' e guiá- e jmoo' e jmicóo'~ jaléng' dsea` i 'né- licóo'~. ⁵ Jo lana nisín'^ dsea` quií'- fí Jope jo nidsite'r' Simón i sii Tú^ cajo e nijaiñ' fí la. ⁶ Jo lana dob guiiñ~ fí quiá'- jaang`gui i sii Simón cajo, jaang` dseañu' i guiiñ~ fí 'ni' jmiñí'^ i jmoo` ta~ jmi'ua~ loo~ jó'.

⁷ Jo mi~ cangoyúung'~ e cangáng'- i ángel i café' quiá'r- do, dsifí lanab cató'- i Cornelio do gáng- dsea` 'léeng'~ quiá'r- cóo'~gui jaang` 'lée- i nicuíñ` guiá- jogui i eáam' jmí'gó' Fidié' cajo. ⁸ Jo mi~ calí- jma'reiñ' do júu^ jalé' e cangár- do cóo'~gui e cajíng' i ángel do, jo casíim'breiñ' do fí fii Jope.

⁹ Jo mi~ cajneá- e jmii~ jo, lajee' gui'nang'~ teáaiñ~ do fí jo nijaquíém' niguilíñ- fí Jope, jo ningóo' guieñí'- ie~ jo, jo lajee' job cajgóo- i Tú^ Simón do fí yá'^ 'núu' e lí guiiñ'~ do fí Jope e cangoféiñ'~ Fidié'. ¹⁰ Jo sóng- nijmi'aaiñ- lajee' jo, jo ni'iiñ~ dó'r- i~bre. Jo lajee' guiiñ'~ dob, lajee'

e née` guiá- e nidó'r-, canaang` nír` jalé` e cacuø` Fidié` e si'íiñ` e ninír` lafa' mi~ qui' dsea`. ¹¹ Jo cangár- e cana' fí yá^ jmiǵüí, jo jnéeng- cajgó- coo` e lí' laco' coo` 'mi' e fe`, jo jnéeng- 'ñúu~ laji` quiú` quiúung~. ¹² Jo e dsíi' 'mi' do jnéeng- teáng- langíng- íng~ jó' nuu` i dsí~ tú- guoo` jogui tú- tí-, jo quiéeng` gui cajo jaléng` mi' coo~ jaléng` qui' jogui langíng- íng~ tá'. ¹³ Jo canúur- e cajíng- jaang` i guicafé` jo guicajíñ- do:

—Ráan-, Tú` Simón, jngang` i jó' na jo quié`.

¹⁴ Jo Tú` Simón cañír` jo cajíñ-:

—U~, Fíi, jíi~ cóo~ née~ ja` mí cacún!-n jaléng` i jó' na, co' lajo ta~ huí' fí ni~ júu^ quiu` ta~ qui`naa', jnea!^ dsea` lí'naa' dsea` Israel.

¹⁵ Joba' guicajíng- tu` i guicafé` do:

—Jalé` e jíng- Fidié` e cuøøm` lí` cø^, ja` e ta~ e fo!^ 'nu` e ja` cuøøng`.

¹⁶ Jo mi~ catí` ní` née~ e guicafé` i dsea` do e júu^ jo, cangób- tu` e 'mi' do fí yá^ jmiǵüí. ¹⁷ Jo cajé` Tú` Simón í dsíir' e` guøng` jalé` e cangár- do. Jo lajee` jo caguilím- i dsea` quiá- Cornelio do fí quiá- i Simón do e níngí` cangir' jmingír`. Jo mi~ caguilíñ- fí lí~ guíng~ i Tú` Simón do, ¹⁸ jo cajmingír` cóo~ júu^ teá` su dob lí~ guíng~ jaang` dseañu` i sii` Simón i sii` bi Tú` cajo.

¹⁹ Jo lajee` jo, dobi` sing` Tú` Simón e í dsíir' quiá- jalé` e cangár- do mi~ tí lí~ café` Jmiǵüí quiá- Fidié` jo casí- ír` lala:

—Janú`, Tú` Simón, nab teáng- gaang` dseañu` i 'náng' 'nu`. ²⁰ Ráan- jo guó^ cóo'r~, jo ja` ee` í o' jíi~ coo~, co' jneab~ dsea` casín- n i dsea` na fí la.

21 Jo cajgám̄ i Tú^ Simón do lí~ dsíiñ^, jo cango'liñ~ i dsea` quiá'- Cornelio do jo cajín'- casí'-reiñ':

—Jneab~ i ngi'na' 'náng'na'. ¿E~ júu^ quié'na'?

22 Jo cañíi' i dseañu' gaang` do jo cajín'-:

—Jáa'naa' ta~ quiá'- jaang` fií~ 'léé- quí-naa' i sii` Cornelio, jaang` dseañu' i guiúng- eáang` jogui contøøm- jmiféiñ' Fidiée. Jo jaléng' dsea` góo' dsea` Israel eáam' jmi'gór` dsea` do jogui 'neáaiñ` cajo. Jo jaang` ángel quiá'- Fidiée` casí'- ír' e nitó'r' 'nu` fí' quiá'r- jo ninúr- lajii' júu^ quí'- e 'né-nifi'^re.

23 Jo catób'- Tú^ Simón i dseañu' gaang` do fí' sináú^ lí' guiiñ~, jo dob cajer' coliiing~ e uøø` jo. Jo mi~ cajneá- lajo, cangób- Tú^ Simón cóo' i dsea` do fí' Cesarea, jogui cangolíim-bi cóo'r~ cóo` tú- máng'~ dsea` quiá'- Dsea` Jmáang- i neáang' fí' Joje.

24 Jo mi~ cajneá- cóo'gui jmi~ lajo, joguiba' caguiliñ- cartí' Cesarea fí' lí' niguiing~ i Cornelio do sijeeng` ír' coliiing~ cóo'~ jaléng' dsea` sináú^ quiá'r- cóo'~gui jaléng' dsea` i cuiiñ` eáang' i cató'r- fí' quiá'r- e laco' ni'iñ' i Tú^ Simón do. 25 Jo mi~ caguié- i Tú^ Simón do fí' jo, dob nisíng' i Cornelio do o'nú^ e nigüijeeng`neiñ'. Jo mi~ cangáng- rúiiñ', dsifí' ladob casí' Cornelio uó- jnir~ fí' quini' i Tú^ Simón do e laco' nijmiféng'neiñ'. 26 Dsu' Tú^ Simón dsifí' ladob caseang'neiñ' jo casí'-reiñ':

—Ráan'-, Cornelio, co' jnea~ lín'n jaang` dsea` jmigiú' laco' 'nu`.

27 Jo lajee` gui'ná'^ siiiñ` ladob, ca'í- Tú^ Simón fí' dsíi' sináú^, jo fíim' dsea` nisiseáng' fí' jo mi~ cangotáaiñ'. 28 Jo lalab casí'- Tú^ Simón i dsea` do:

—Niñíb^ 'nú' e jnea^, dsea` lí'naa' dsea` Israel, ja` cuóøng` e dsitóo'~naa' dsí' sinúu^ quiá'~ dsea` la 'nú' i ja` líng' dsea` Israel, o'gui cuóøng` siing~naa' cóo'~ dsea` la 'nú' cajo. Dsu' lana Fidiéé` nica'e'r' jnea` e jo` cuóøng` e nifá'^a e dsea` la 'nú' i ja` líng' dsea` Israel fa' e uóng~na'. ²⁹ Joba' mi~ caguilíng~ dsea` quíi'~ e tór' jnea~, dsifib' cagá~a cóo'r~, jo jii'~ cóo' ja` ee' dsee~ casée'~e. Joba' iin~n dseáng' dsii~ e~ ta~ cate'na' jnea~.

³⁰ Joba' cañí` Cornelio quiá'~ Tú^ Simón jo ca-jíñ'~:

—Ningóo' quiú` jmii~ lana, jo e í' laco' ngóo' lana, lab guin~n fí' sinúu^ la e jmifén'~n Fidiéé` la ii'~ 'ni' e ca'lóo~. Jo lajee` jo, cóo' cajném~ jaang` dseañu' i qui' cóo' 'mi' e ji' eáang', ³¹ jo cajíñ'~ casí'r~ jnea~: “Cornelio, nicanúub~ Fidiéé` jalé" júu^ quií'~, jogui nicalíñi'bre jalé" e guiú~ e nicajmee'~ cóo'~ jaléng" dsea` i ja` sea` jalé" e 'né~. ³² Quiúu'~ ta~ dsea` quíi'~ jo güiguilíñ~ fí' Jope, jo güiguíte'r' jaang` dseañu' i sii` Simón, sii`bir Tú^ cajo, i táang` fí' quiá'~ jaang`gui dseañu' i sii` Simón i guíing~ 'ni'~ jmiñí'^ i jmóo` ta~ jmi'ua~ loo~ jó'.” ³³ Joba' dsifí' lajob casín~n dsea` quíe~ e e caguitéer` 'nu, jo eáam' guíú~ la nicajmee'~ e nicañí'ba'. Jogui lana lab nisee~naa' lajih~naa' fí' quini` Fidiéé`, jo eáam' ii~naa' nú'naa' jalé" júu^ e ca'ling'~ 'nu` quiá'~ Dsea` Jmáang~ e catíi~naa' e ninú^naa'.

Jalé" júu^ quiá'~ Tú^ Simón e cafér' fí' quiá'~ Corne-lio

³⁴ Jo mi~ cató' fé" i Cornelio do, jo canaang` Tú^ Simón fé'r' júu^ quiá'r~ jee~ jaléng" i dsea` i siseáng' fí' quiá'~ i Cornelio do jo cajíñ'~:

—Ná̄ guiba' nínɡán'n røø' e doñí' iib dsea` íng' Fidiéé' ja' e líí' ií dsea', ³⁵ cõ' ím' Fidiéé' dsea' i jmi'gõ' ír' jogui' i jmóo' e guiá' cõo'r~ doñí' jíé' fí' lí' seeíñ. ³⁶ Jõ Fidiéé' cangíñ' júu' quiá'r- la'eáang' cõo'~ jaléng' jnea'^, dsea' líí'naa' dsea' Israel, quiá'~ jial niliseeng' dsea' juguiá' júu' røø' la'eáang' cõo'~ Dsea' Jmáang~, cõ' íb' Fii' jaléng' dsea' jmi'güí'. ³⁷ Jõ guiáb- ñí' 'nú' jalé' e calí' ie~ ja' mí' ngóo' eáang' fí' guóo'~ uø' qui'naa', jnea'^ dsea' líí'naa' dsea' Israel, jõ canaang' jalé' e jõ catí' Galilea mi~ cangí' e caguia' Juan júu' quiá'r- e 'né' nisáng' dsea' jmi' e laco' cuø' lí' e qui'~ jing' yaaiñ' fí' quini' Fidiéé'. ³⁸ Jõ ñíñí' 'nú' cajo' jial cacuø' Fidiéé' Jmi'guí' quiá'r- Jesús i cacuáng' fí' Nazaret, jõ cõo'~ e bí' jõ cajmée' Jesús jman' e guiá', jogui' cajmi'leáaiñ' jaléng' i íng' iihu' uí' e fii' i 'ling'^ quiá' ta' quiá'r-; jõ jalé' e jõ calí'r- cajmээр', cõ' seem' Fidiéé' contøøng- cõo'~ ír'. ³⁹ Jõ caneb~ jnea'^ jalé' e guiá' e cajmée' Jesús ie~ jõ fí' Jerusalén, lí'^ latøøng- lí' se' Judea. Jõ mi~ lí' cøøng' lajo, cateáang' dsea' ír' fí' dse' crúu' jõ fí' jõb cajúíñ. ⁴⁰ Dsu' Fidiéé' cajmээр' e cají'b'tu dsea' do mi~ cadsíng- 'ní' jmi' lajo, jogui' cajmээр' e cajnéng- dsea' do jee~ jnea'^. ⁴¹ Dsu' ja' cajmijnéeng' 'ñia'r' jee~ lí'^ doñí' ií dsea', cõ' lajii'~ jee~ jneab'^ cajmi-jnéeng' 'ñia'r', dsea' i nicaguíng' Fidiéé' lajii'~ lamí' jéeng'gui' quiá'~ e nijmó'naa' júu' røø' jalé' e calí' cõo'~ Jesús. Jõ jneab'^ dsea' ca'né'^ caquiee'naa' cõo'r~ mi~ cangí' e cají'tur' calé' catú'. ⁴² Jogui' Jesús casíñ' jnea'^ e niguiá'naa' júu' quiá'r- jee~ jaléng' dsea', jogui' e nijmó'naa' júu' røø' e Fidiéeb' dsea' casíñ' dsea' do e niquidsir' í' jee~ jaléng'

dsea` jmīgüí` i` jí`gui cóo`~gui jaléng` i` ni`l̄ing` mī catí` í` lajo. ⁴³Jo jaléng` dsea` i` nicafé` cuaiñ` quiá`- Fidié` lajii`~ mali` eáam` café`r` cuaiñ` quiá`- Jesús, jogui cajím`~bir cajo e doñi` ii` dsea` i` jáng` yaang` fi` jaguó` Jesús ni`ím` dsee`~ quiá`r` la'eáang` cóo`~ dsea` do.

Mī ca'ing` jaléng` dsea` i` ja` l̄ing` dsea` Israel Jmiguí` quiá`- Fidié`

⁴⁴Jo laco` gui`nang`~ sim`bi Tú` Simón e fé`r` jalé` júu` quiá`- Dsea` Jmáang`~ fi` jee` i` dsea` i` siseáng` do, mī` tí` lí` canḡing` jaléng` i` dsea` do Jmiguí` quiá`- Fidié`. ⁴⁵Jo jaléng` i` dsea` Israel i` ni`l̄ing` dsea` quiá`- Dsea` Jmáang` i` caguilíng` cóo`~ Tú` Simón fi` quiá`- i` Cornelio do, eáam` cangogá` dsír` mī` calilí`r` e canḡim` jaléng` dsea` i` ja` l̄ing` dsea` Israel Jmiguí` quiá`- Fidié`~ cajo, ⁴⁶co` núur` s̄ing` i` dsea` do cóo`~ jmíi` e jié`gui laco` jmíi` quiá`r` jogui jmiféiñ` Fidié`~ cajo. ⁴⁷Joba` cajíng`- i` Tú` Simón do casí`r` i` dsea` do ladsifí` lado:

—Jii`~ jaang` ja` ii` cuøøng` jníng` e nisáng` i` dsea` la jmii` e laco` cuø` lí` e ni`l̄iñ` dsea` quiá`- Dsea` Jmáang`, co` nica'ím`~bre Jmiguí` quiá`- Fidié`~ laco`gui nica'íng`~ jnea`^ cajo.

⁴⁸Jo caquiui` Tú` Simón ta` e cajgáam` i` dsea` do jmii` e laco` cuø` lí` e ni`l̄iñ` dsea` quiá`- Dsea` Jmáang`. Jo mī` cangí` jo, jaléng` i` dsea` do cami`r` Tú` Simón e fa' nijé`~bi dsea` do cóo` tú`~ jmii` cóo`r` fi` jo.

11

E` uiing` e caguiar` júu` quiá`- Dsea` Jmáang` fi` jee` dsea` i` ja` l̄ing` dsea` Israel

1 Jō mi~ cangî jō, jaléng' dsea` apóo` cōo'~gui jaléng' dsea` quiá'~ Fidié` caguaang`gui i neáng' lacaang` lî se' Judea, caliñir' júu` e jaléng' dsea` i ja` líng' dsea` Israel nica'ím'bre cajo júu` quiá'~ Dsea` Jmáang`. 2 Jō mi~ caguiéng'-tu i Tú` Simón do fí' Jerusalén, i líng' dsea` Israel i líng' dsea` quiá'~ Dsea` Jmáang` canaaiñ` cuø'reiñ' dsee` 3 jō sí'reiñ':

—¿Jiali' caguié'~ lacaang` quiá'~ jaléng' dsea` i ja` líng' dsea` Israel jō caguiquié' cōo'r`?

4 Jō canaang` Tú` Simón jma'reiñ' júu` latí' uing~ quiá'~ jalé' e calí` do jō cajíñ'~:

5 —Lajee` táan`n fí' Jope, jō lajee` guiáang' e fón'n Fidié`, camó`o líng' ee` camó`o lafa' mi~ qui' dsea`; jō camó`o cajgó` fí' yá'^ jmigüi' cōo' 'mi' e fe' eáng', jō 'ñúu'~ lajî quiú' quiúung'~, jō catisí' fí' lî sín'n. 6 Jō mi~ cajóø`ø røø` dsí' e 'mi' do, jō camó`o e teáng'~ langíng` íng'~ jó' nuu` i dsí' tú` guoo` jōgui tú` tí` cōo'~gui jaléng' mi' jōgui jaléng' qui' cōo'~ langíng` íng'~ ta'. 7 Jō canú`u e líng' i` guicafé' jō guicajíñ'~: “Ráan'~ na, Tú` Simón, jngan' i jó' na jō cun're'.” 8 Jō cafá`-a: “U~, Fíi', jii'~ cōo'~ néel' ja` mí' cacún'~ n jaléng' i jó' na, cō' lajō ta` huí' fí' ni~ júu` quiu' ta` qui'naa', jnea'^ dsea` lí'naa' dsea` Israel.” 9 Jōba' canú`-túu e luu` e guicafé' fí' guiá'^ güi do jō casí'~ jnea` lala: “Jalé' e jíng'~ Fidié` e cuøøng` lí' cø'^, ja` ta` e fo'^ 'nua` e ja` cuøøng` jme'^ lajō.” 10 Jō 'ní' néel' catí' e jgóo' e 'mi' do; jō mi~ cangoyúung'~, jō cajgóob`-tu fí' yá'^ jmigüi'. 11 Jō lajee` guiáang'~ e móo`o jalé' e jō, caguilíng` gaang` dseañu' i 'náng' jnea` i jalíng` tí' Cesarea caguilíñ` fí' lî` guin`n do. 12 Jō caqui'~

Jmiguí quiá' Fidié' ta' jnea' e cangó'o cóo' i dsea' do e ja' casé'e jii' cóo' ta' uí' e ja' líng' dsea' do dsea' Israel. Jo cóo' baa' jnúng' gui i dsea' quiá' Dsea' Jmáng' la cangó'o. Jo mi' caguié' e fi' Cesarea, lajalé' baa' cangotó' naa' fi' quiá' jaang' dseañ' i sii' Cornelio. ¹³ Jo fi' jo cajmea'r' jnea' júu' jial cangáin' jaang' ángel i líng' guotii' Fidié' fi' quiá'r'; jo cajíng' i ángel do casí' rein' do lala: "Síng' dsea' quí' fi' Jope, jo güiguite'r' jaang' dseañ' i sii' Simón, i sii' bi Tú' cajo. ¹⁴ Jo íbing' nijíng' jial cuóøng' nileáng' na' jee' dsee' quí' na' colíng' cóo' jaléng' i seeng' quí' na'." ¹⁵ Jo mi' canaang' e fón'nre, job mi' cangáin' Jmiguí quiá' Fidié' lajaléin' do lí' laco' gui cangíng' jnea', dsea' lí' naa' dsea' Israel, lati' mi' uing'. ¹⁶ Jo joguib cadseng' dsii' lajii' e cajíng' Fí' naa' Dsea' Jmáng' lamí' cateáin' cóo' jnea' fi' jmigüi' la mi' cajín' lala: "E já' ba' e Juan caseáin' dsea' jmii', dsu' 'nú' nisáng' na' jmii' cóo' Jmiguí quiá' Fidié'." ¹⁷ Jo song Fidié' cacuø'r' i dsea' i ja' líng' dsea' Israel Jmiguí quiá'r' laco' gui cacuø'r' jnea', dsea' lí' naa' lajo mi' ca' íng' naa' júu' quiá' Fí' naa' Dsea' Jmáng', joba' çí' jnea' e nijñ'n' lajii' ta' quiá' Fidié'?

¹⁸ Jo mi' canúu' jaléng' i dsea' Israel i líng' dsea' quiá' Dsea' Jmáng' jalé' júu' quiá' Tú' Simón, dsifi' lajob jo' e cañír' jii' cóo' quíain' do, jo canaain' jmiféin' Fidié' jo fé'r':

—E jáb' e nicacuø' Fidié' jaléng' dsea' i ja' líng' dsea' Israel e niquí' nijíng' yaain' fi' quinir' laco' cacuø'r' jnea', jo lajoba' ni' uíin' dsea' i catíng' seeng' cøøng' cóo' Fidié' lata'.

Jaléng' dsea` quiá'- Dsea` Jmáang- i seeng' fí' Antioquía

19 Jo ie~ do, mi~ cangí e cajnga' dsea` quiá'- i Téé~ do, mi~ canaang` jmáng' dsea` ga` jaléng' dsea` quiá'- Dsea` Jmáang-, joba' i líng~ i dsea` í cangolíñ^ cartí lí~ se' Fenicia jogui lí~ se' Chipre cóo'~ Antioquía lí~ se' Siria. Jo mi~ caguiliñ- fí' jo, canaañ e'r' jaléng' dsea` Israel júu^ quiá'- Fí'naa' Jesús, dsu' júi~ dsea` í'bing' ca'e'r' jo ja' ca'e'r' dsea` jíéng'gui. 20 Jo nañí' fa' e lajob cajmér-, dsu' cóo' tú- máng'~ dsea` i niseeng` fí' lí~ se' Chipre cóo'~ gui fí' Cirene i nica'íng' Dsea` Jmáang- ie~ do caguiliñ- fí' Antioquía, jo caguia`bre júu^ quiá'- Fí'naa' Jesús jee~ jaléng' dsea` i ja` líng' dsea` Israel. 21 Jo eáam' cajmicóo'~ Jmiguí quiá'- Fidié~ quiá'- i dsea` do, joba' fíim' dsea` i ja` líng' dsea` Israel caqui'~ cajíng' yaaiñ fí' quini~ Fidié~ ie~ jo; jogui catá'bre jalé' e lamí~ tiiñ` jmóor` jééng'gui jogui ca'uíñ- dsea` quiá'- Dsea` Jmáang-.

22 Jo mi~ caliñí' i dsea` quiá'- Dsea` Jmáang- i neáang' fí' Jerusalén do jalé' e calí- fí' Antioquía, joba' casíñ` i Bernabé do fí' jo. 23 Jo mi~ caguíé- í fí' jo, cangár- e dseáng'- já'-ba' e nica'uíng- dsea` quiá'- Dsea` Jmáang- jaléng' i dsea` i ja` líng' dsea` Israel i seeng` fí' jo. Jo eáam' cali'íáang` dsí' i Bernabé do ie~ jo, jogui casí'r- jaléng' i dsea` do e ja` nitiúuñ'- do Dsea` Jmáang-, jogui e nijmiti~bir e ngocáng` dsíir' jalé' júu^ quiá'- dsea` do cajo. 24 Jo i Bernabé do líiñ` jaang` dseañu' i guiúng- eáang', jo contøøm- jée' Jmiguí quiá'- Fidié~ quiá'r- cóo'~ jalé' e jmóor` do, jogui jáb'- líiñ` júu^ quiá'- Dsea` Jmáang- car` ngocáng` dsíir'; jo lajob fíim' dsea`

ca'uiñ̄ dsea` quiá' Dsea` Jmáanḡ iē j̄o.

25-26 J̄o mī cangf̄ j̄o, j̄o cangó̄ Bernabé fí Tarso e cango'néeiñ̄ Saulo. J̄o mī cadséiñ̄ dsea` do, cajéem`breiñ̄ do fí Antioquía. J̄o fí j̄ob cajer` laji` huáaiñ̄ do lajee` cōo` j̄ii` t̄ønḡ e e'r` f̄iing` dsea` júu^ quiá' Dsea` Jmáanḡ. J̄o e fí Antioquía dob lī la'uiī calisî dsea` quiá' Dsea` Jmáanḡ jaléng` ñ̄ dsea` ñ̄ cajáng` yaanḡ fí jaguó` Jesús.

27 J̄o iē j̄o, cōo` tú̄ m̄iing` dsea` ñ̄ jmóo` ta` e fé'r` cuaiñ̄ quiá' Fidiéé` ca'uøøiñ̄ fí Jerusalén j̄o cangoliñ̄ fí Antioquía. 28 J̄o mī caguiliñ̄ fí j̄o, jaaiñ̄ do ñ̄ sii` Agabo casíng` 'ñia'r` fí quini`gui, j̄o cajíñ̄ la'eéang` cōo` Jmiguí quiá' Fidiéé` e tí nijáa` j̄ii` oo` fí j̄o. J̄o jalé` e j̄o cangojéé` lajee` j̄ii` quiá' jaang` dseata` dsea` féng` ñ̄ calisî Claudio. 29 J̄o Joba' jaléng` dsea` quiá' Dsea` Jmáanḡ ñ̄ neáang` fí Antioquía ca'f̄ dsír' e nisíñ̄ jalé` e nijmicóo'r` ñ̄ dsea` quiá' Dsea` Jmáanḡ ñ̄ neáang` fí lī se' Judea, li^` jíé` j̄ii` lī quá'r` jm̄ī, 30 j̄o lajob cajmээр`. J̄o la'eéang` Bernabé j̄ogui Saulo cangolí jalé` e do quiá' jaléng` dsea` cōøng` ñ̄ neáang` fí lī se' Judea.

12

Mī cajnga' dsea` quiá' Jacóo^

1-3 J̄o lajee` j̄o, lajee` jmóo` dsea` Israel jm̄ī quiá'r` e gø'r` iñí^ e ja` quie^` quiéeng`, j̄o iē j̄o canaang` Herodes Agripa, jaang` dseata` dsea` féng` ñ̄ quiu' ta` fí Jerusalén, j̄o canaiñ̄ jmáiñ̄ ga` ñ̄ l̄iing` dsea` quiá' Dsea` Jmáanḡ ñ̄ neáang` fí j̄o. J̄o lajee` j̄o, caquiur` ta` e cajnga' dsea` quiá' ñ̄ Jacóo^ cōo'` ñis̄i', jaang` dsea` ñ̄ óo` ta` quiá' Fidiéé`; j̄o ñ̄ dsea` í l̄iñ̄ jaang` dsea` ngáang` cōo'`

i Juan do. Jo mi~ calilí^ i dseata~ Herodes do e
 catib` dsíí jaléng^ dsea` Israel e cajnga^ dsea` quiá^-
 i Jacóo^ do, joba^ caquiur^ ta~ e catám^ i Tú^ Simón
 do cajo. ⁴ Jo mi~ catáin^ dsea` do jo caquiur^ ta~ e
 dsíí 'nuñib^ caíin^- do ladsifí lado. Jogui mifíng`
 caquiur^ ta~ guiñúung^- 'lée^- quiá^- i nidsijmée^-
 í i Tú^ Simón do, jogui e nijmér^- dsiguiéng^ tá^- la
 quiúung^- dsea` e laco^ ja` sitúung^; jo í dsír^ e mi~
 ningfí e jmí~ doba^ nisíin^ dsea` do fí quini^ jaléng^
 dsea` fií. ⁵ Jo e eáam^ba^ jée^ 'lée^- quiá^- i Tú^ Simón
 do lí iuuin^- e laco^ ja` dseáang^~ niliúng^- 'ñia^r'. Jo
 lajee^ jo, lajalém^ dsea` quiá^- Dsea` Jmáang^- féin^
 Fidiée^ uii~ quiá^- dsea` do e ngocáng^ dsír^ .

*Mi~ cagúing^ jaang^ ángel quiá^- Fidiée^ Tú^ Simón
 fí dsíí 'nuñí^*

⁶ Jo mi~ nijneá^ e uóø^ joba^, síí^ e nidsijéng^
 i dseata~ Herodes do Tú^ Simón fí quini^ jaléng^
 dsea` fií e niquidsir^ í^ quiáin^- do. Dsu^ 'ñia^ e
 uóø^ jo, dob ráang^ Tú^ Simón güiññ^ fí dsíí e 'nuñí^
 do, jo 'ñúu^~ guóor^ cóo^~ ní^ cadena, jogui teáang^-
 jmá^- jáng^ 'lée^- i jmóo^ í^ ír^ lacataang^ cáaiñ^, jogui
 jiéng^gui 'lée^- i teáang^- jmóo^ í^ e o'nú^ 'nuñí^ do.
⁷ Jo lajee^ jo, coo^ cajném^- jaang^ ángel i casíng^
 Fidiée^ fí lí ráang^ i Tú^ Simón do fí dsíí 'nuñí^,
 jo jlo^ cajneá^- fí latøong^- e dsíí jo. Jo i ángel
 do cangoquieein^ lí~ ráang^ Tú^ Simón jo cagüir^
 mo'uóø^ dsea` do; jo dsifíbi cajné^- dsíin^ do lí~
 ráaiñ^ güiññ^, jo lalab casí^- i ángel do ír^:

—Jminá^ ráan^- na, Tú^ Simón.

Jo dsifí lajob casojiá^ e ñí^ cadena e 'ñúu^~ guoo^
 Tú^ Simón do. ⁸ Jo cajíng^- i ángel do calé^ catú^-
 casí^- dsea` do:

—Quí' sí' lajminá- jogui 00'~ lomih'~.

Joba' lajob cajmée` Tú^ Simón ladsifí lado. Jo cajíng'~gui i ángel do casí'r- dsea` do lala:

—Te' 'mijñá' iá~ lúu'~ jo má-aa' cóo'~ jnea~.

⁹ Jo dsifí lajob cango'leáng' i Tú^ Simón do laco' cagüi'í' i ángel do, jo jíi'~ ja ñir' si já'- si ja' já'- lajii'~ e jíng'~ i ángel do, có' nír' e do lafa' mi' qui'bre.

¹⁰ Jo cangám'bre li~ teáng' i 'lé- do la'uii~, jo lí- jo, cangáiiñ' li~ teáng- cóo' 'lé'gui. Jo mi~ tí li~ ningóo' uóiiñ' fí cóo' o'nú^ li~ lí' layaang~ ní^ e mifíng' ni'uóiiñ' cartí caluu', 'ñiab' e jní^ do caná, jo ca'u00m'bre. Jo cueeb'jiu capí' li~ cangoliñ' e ngír colíng~ lado. Jo mi~ cangoyúung'~ jo, catáub- i ángel do quiá'- i Tú^ Simón do, jo 'ñia'biñ' do cangáng'~guir.

¹¹ Jo mi~ calilí'^ i Tú^ Simón do e dseáng'- jáb'- jalé' e cangongüiñ- do joba' cajíñ'-:

—Nab nicamó-o e dseáng'- já'-ba' nicasíng' Fidiée' i ángel do quiá'r- e cajaleaaiñ' jnea~ fí jaguó' i dseata~ Herodes do e laco' ja' calí'r- cajmicóo'~ rúiiñ' cóo'~ dsea` góo'o dsea` Israel fa' ee' cajmeáiñ' jnea~.

¹² Jo mi~ cangí e calilí'r^ e jo, condséeb' cangáiñ'- fí quiá'- jaang` dseamí i sii Yá^, niquiá'^ jaang` dseañu' i sii Juan, sii'bir Marcos cajo. Jo fím' dsea` quiá'- Dsea` Jmáang- siseáng' fí jo e féiñ' Fidiée' lajee' jo. ¹³ Jo mi~ caguiéng'- i Tú^ Simón do fí jo, dsifí lajob cabár' jní^ o'nú^ e tór' i dsea` teáng'~ dsíi' do e laco' nineaiñ'- do 'núu'. Joba' cangó- jaang` simí^ i jmóo' ta~ i sii Rode e ngoñír' i~ i bá' e jní^ do. ¹⁴ Jo dsifí mi~ calicuír' luu~ i Tú^ Simón do, sóng- cali'iaang` dsíir', jo lafa' e

nineár- e 'nau' do e ningíng- Tú^ Simón, dsifí lajob caquing'-tur cangojmée'r' i teáng'~ dsí' do júu^ e Tú^ Simómbing' sing' bá e jní^ do. ¹⁵ Jo cajíng'- i dsea` teáng'~ do casí'r- i simí^ do:

—¡Ngaam` 'nu, simí^!

Dsu' i simí^ do jíñ'- e já'-ba' e Tú^ Simómbing' guisíng'^ e tór` o'nú^.

Dsu' i dsea` caguaang- do cañír`:

—O' Tú^ Simón do. Jangám- i ángel i jmóo` í quíá'-bre do.

¹⁶ Jo lajee` síng` i dsea` do lado, dob sing' Tú^ Simón e bá'bir jní^ fí caluu`. Jo lí^ mi~ caneáar' e jní^ do, joguib calilí'r^ e Tú^ Simómbing' nising', jo sóong^ cafóin' mi~ cangáin- dsea` do. ¹⁷ Dsu' i Tú^ Simón do cajméer` lí` cóo'~ guóor` e laco' jo` ta'li i dsea` do mii~. Jo mi~ ní'uuiñ- dsí' sinúu^, joguiba' cajmea'r' i dsea` do júu^ la'uiing~ laná'- jial cajmicóo'~ Fidiée` quíá'r- e cagüi'í'r' dsí' e 'nuñí^ do jo cajíñ'- casí'-reiñ':

—Jmée'~na' júu^ Jacóo^ cóo'~gui dsea` quíá'- Dsea` Jmáang- i caguaang- gui do jalé' e guiá' e cajmée` Fidiée` cóo'~ jnea~ fí dsí' 'nuñí^.

Jo mi~ calí- síin` lado, jo cagüi'í'bre jo fí lí~ jíéb' cangór-.

¹⁸ Jo mi~ cajneá- coo'gui jmii~, mi~ cangá- jaléng'^ i 'lée- do e jo` Tú^ Simón seeng` fí dsí' 'nuñí^, sóong- cangogá dsí'r lajaléin' do, co' jíi~ ja` ñir' e` calí- cóoiñ' do. ¹⁹ Jo mi~ caliñi i dseata~ Herodes do e jo` Tú^ Simón seeng` fí dsí' 'nuñí^, joba' caquiur' ta~ e calí'ném'~biñ' do, dsu' jo` lí~ cadséng'neiñ'; joba' cató'r- lajüing` 'lée- i sí'í^ cajmée` í^ quíá'- Tú^ Simón do, jo caquiur' ta~ e cajúm-~biñ' do lajüin`

dsifí lado uí~ e caláang~ i Tú^ Simón do. Jo mi~ lí~ cøøng`gui lajo, cagüi`hib` dseata~ Herodes lí~ guiñ~ lí~ se` Judea, jo cangór~ cangogüear` fí Cesarea.

Mi~ cajúng~ i dseata~ Herodes Agripa do

²⁰ Dsu' ie~ jo, sóong^ nisigüing^ i dseata~ Herodes do quiá'- jaléng` dsea` i niseeng` fí Tiro cóo~ Sidón, dsu' i Herodes do i 'né- nicuø- fí e nilisea` jalé' e nidø'- i dsea` seeng` fí Tiro cóo~gui i dsea` i seeng` fí Sidón; joba' i dsea` seeng` fí lajì tú- fii` jo dseáng'- 'néb- e niliseeiñ` røø` cóo~ i dseata~ do e laco' nilisea` jalé' e gøiñ' do. Jo calí'-bre jaang` dseañu` i líng` jaang` dsea` nu'luu~ quiá'- i dseata~ Herodes do i sii` Blasto, jo cacuø'reiñ' do cuu- e laco' niféiñ' do uii~ quiáiñ'- . Jo lajoguiba' calí'r- e sñiñ` cóo~ i dseata~ Herodes do. ²¹ Jo catéeiñ' do cóo` jmii~ lí~ e iñ~ nisiñ- cóo~ jaléng` i dsea` do. Jo e jmii~ jo, dsea` seeng` fí Tiro cóo~gui fí Sidón caguiliñ- fí lí~ guiing~ i dseata~ Herodes do. Jo ie~ jo i dseata~ Herodes do caquí'r- si'r^ lali e jlo^gui e sea` quiá'r-, jo caguár` ní~ 'masii~ quiá'r- lí~ guár` mi~ quidsir' í', jo canaaiñ` bír` güí- quiá'r- jee~ jaléng` i dsea` fii` do. ²² Jo mi~ canúu- jaléng` i dsea` do jalé' júu^ quiá'- i dseata~ Herodes do jo canaaiñ` fé'r` teá lala:

—iJaang` diée~ i fé' na lana, o' dsea` jmigüi na!

²³ Jo dsifí lajob jaang` ángel quiá'- Fidié~ cajméer` e catóm' i dseata~ Herodes do e dséer` ladsifí lado, co' cacuø' fí e cajmiféng` dsea` ír` laco' Fidié~ 'ñia'r'. Jo cajúm~ i dseata~ Herodes do cóo~ jmohuí' e cacuø' i ángel do e cagø' joo~ ír`.

²⁴ Dsu' lajee~ jo, eáng`gui ngóo' ni' júu^ quiá'- Fidié~ jogui doñí' jiéb' ninúu` dsea` e júu^ jo.

25 Jo mi~ tí li~ cató' ta~ quiá'- i Bernabé cóo'~gui Saulo fí' Jerusalén, jo cangolím`tur fí' Antioquía, jo téé`bre Juan i sií`bi Marcos cajo.

13

Mi~ canaang` Bernabé cóo'~ Saulo e guiar' júu^ quiá'- Fí'naa' Jesús lacaang` fí' lí' jié'

1 Jo mi~ caguiliñ` fí' Antioquía caseáin' cóo'~ jaléng` dsea` quiá'- Dsea` Jmáang- i nineáang' fí' jo, jo jee~ jo niquiéeng` jaléng` dsea` i fé' cuaiñ~ quiá'- Fidiéé` cóo'~gui jaléng` tifa' quiá'- júu^ quiá'- dsea` do; jaaiñ` do nisiir` Simón i sií` Simón Le', jaang`gui i sií` Lucio i caliséng` fí' Cirene, jaang`gui i sií` Manaén i cacuáng- colíing~ cóo'~ i dseata~ Herodes do i calíng- dseata~ dsea` féng' quiá'- Galilea, jogui Bernabé cóo'~gui Saulo do. 2 Jo cóo` jmíi~ lajee` guiáang~ teáang~ i dsea` do e jmiféiñ' Fí'naa' Fidiéé` jogui jmóor` ayuno e ja` gø'r' ir~ lajee` jo, casí'- Jmiguú` quiá'- Fidiéé` ír` lala jo cajíñ'-:

—Cuøng'~na' jnea~ i Bernabé na cóo'~gui Saulo quiá'- e nináiñ` jmér- lajíi'~ ta~ e nicatøø`-øre na.

3-4 Jo mi~ cangoyúung' e féiñ' Fidiéé` jogui caméer` ayuno, dsifí' lajob caquidsí' i dsea` do guóor` fí' mogui~ Bernabé cóo'~gui Saulo e lacø' cuø' lí' quiá'- lajíi'~ ta~ nidsilíiñ'- do. Jo mi~ calí- jo, ca'í' breiñ' do júu^, jo cangolím`biñ' do, jo cóo'~bre i Juan Marcos do i jmícóo'~ quiá'r-.

Mi~ caguia' gáng- i dsea` óo` ta~ quiá'- Fidiéé` júu^ quiá'- Dsea` Jmáang- fí' Chipre

5 Jo Jmiguú` quiá'- Fidiéeb` casí'` quiá'- i Bernabé do cóo'~gui Saulo fí' cóo` oo- jmíi e sií` Seleucia e née'`ni'` jmiñí'`. Jo mi~ caguiliñ` fí' jo, cangotáaiñ'-

fí coo` dsíí móo' jo cangolíñ^ fí coo` oo- jmíi li~ sií Salamina e néé fí li~ se' Chipre. Jo mi~ caguiliñ- fí jo, jo cagám-bre e móo' do, jo dsifí lajob cangolíñ^ fí li~ téé^ guá'- quíá'- dsea` góor` dsea` Israel jo canaañ` guiar' júu^ quíá'- Fidiéé' fí jo.

⁶ Jo mi~ cangí jo, cangíiñ' la'úm- e ni~ uó^ e néé ni~ jmiñí^ do cartí caguiliñ- fí oo- jmíi e sií Pafos. Jo fí job cajíñ' jaang` dsea` Israel i sií Barjesús, jo cóo'~ jmíí griego siir` Elimas. Jo i dseañu" do nilíiñ' jaang` dsea` láang` i ngí ta~ jmigóøng` jaléng' dsea`, co' jíñ'- e líiñ' jaang` i fé" cuaiñ` quíá'- Fidiéé', dsu' o' já'- e lajo. ⁷ Jo i dsea` láang` do nilíiñ' jaang` i jmóo' lajii' e iing~ dseata` dsea` féng' i sií Sergio Paulo, jaang` dseañu" i tiing` eáng'. Jo mi~ caliñí i dseata` dsea` féng' do e fí góo`bre nitáang` Bernabé cóo'~ gui Saulo, joba' cató'~ reiñ' co' iñ~ ninúr- júu^ quíá'- Fidiéé' e guiaiñ' do. ⁸ Dsu' i dsea` láang` do cajnímbre quíá'- i dseata` dsea` féng' do e lacó' ja já'- nilíiñ" do júu^ quíá'- Fidiéé' e guía' i Saulo do. ⁹ Jo eáam' jéeng` Jmiguí quíá'- Fidiéé' i Saulo do i sií bi Paa- cajo, joba' cajóøiñ- i Elimas do la'úung` ¹⁰ jo casí'r- dsea` do:

—'Nu` lin' jaang` adsee` féng' jogui jóo' fii i 'lingí^; co' jni' fí quíá'- jaléng' dsea` i iing~ jmé- e guiú-. ¿Jialí' jniñ" fí quíá'- jaléng' dsea` i iing~ nisíng" yaang~ fí guiú- cóo'~ Dsea` Jmáang-? ¹¹ Lana Fíi'naa' Fidiéé' nicuó'r- 'nu` coo` iihuí, jo nijá^ e jo lí jóø'~ jíi'~ capí^ cartí mi~ niquiá'- Fidiéé' ta~ e nilíjné'tu' calé' catú-.

Jo dsifí lajob calinú` jmini' i Elimas do, jo canaañ` jmóor` quijí- i dsea` i nisó' 'ma'u' quíá'r- co' jo lí jóør- jíi'~ capí^'. ¹² Jo mi~ cangá- i dseata~

dsea` féng' do e calí- lado, dsifí' lajòb já'- calíñ- júu^ quiá'- Dsea` Jmáang- co' eáam' dsigá' dsír' jalé' júu^ quiá'- dsea` do e e' ì dsea` apóo^ do.

Mi~ cangolíng^ Paa- cóo'- Bernabé fí' Antioquía li~ se' Pisidia

¹³ Jo mi~ calí- ta~ quiá'- ì Paa- do cóo'~gui Bernabé cóo'~gui Juan Marcos e fí' Pafos do, jòba' ca'uøøm`bre fí' jò e teáaiñ~ fí' dsíí' móo', jò cangolíñ~ fí' Perge e néé' fí' lí'^ lí' 'ngóo'~ jmiñí'^ lí' se' Panfilia. Dsui' ì Juan Marcos do jò` cangó'-guir cóo'iñ~ do, jò caquim'-tutur fí' Jerusalén. ¹⁴ Jo mi~ cangí' jò, ca'uøøm` ì Paa- do cóo'~gui Bernabé fí' Perge, jò cangolíñ~ fí' cóo'gui fii' lí' sii' Antioquía e néé' lí' se' Pisidia. Jo mi~ caguilíñ~ fí' jò, cóo' jmiñ' lajee~ e táng` dsea` góor` dsea` Israel e jmi'íñ', cangotáaiñ~ fí' guá'- quiá'- dsea` do, jò fí' jòb caguár` jee~ jaléng' dsea` ì teáng~ do ie~ jò. ¹⁵ Jo mi~ cangoyúung~ e ca'í' ì dsea` do e júu^ quiu' ta~ quiá'- Fidiéé~ cóo'~gui e júu^ quiá'- jaléng' dsea` ì café' cuaiñ~ quiá'- Fidiéé~ do mali~gui eáang', jò mi~ cangí' jò, ì dsea` ì néé' ni~ e guá'- do casí'r- ì dsea` gáng- do jò cajíñ'-:

—Rú'uu', song sea` júu^ e iing~na' fong'^na' jaléng' dsea` góo'na' la e laco' nijmicóo'~ quiá'r-, cuøøm` fong'^na'r lana.

¹⁶ Jo dsifí' lajòb caróo- ì Paa- do lí' guiiñ~, jò cajméer` lí' cóo'~guóor` e laco' ninú- ì dsea` do júu^ quiá'r-, jò lalab cajíñ'- casí'r- ì dsea` do:

—Núu-na' júu^ quié- e jaléng' 'nú', dsea` góo'oo' dsea` Israel, jògui jaléng' 'nú' dsea` ja` líng'na' dsea` Israel ì jmi'goo'na' Fidiéé~ quí- jnea'^:
¹⁷ Lajúi'~ mali' eáang' Fidiéé~ caguíñ' 'lii~ dsea`

cóong'~ quí-ii', jō lajee~ e neáaiñ' fí Egipto, cajmée Fidiée~ e eáam' cangofíiñ', doñí' fa' líiñ' dsea seeng' fí fí lí o' góor'. Jō mí~ cangí jō, ca'uóøm`bre ì dsea` do fí Egipto la'eáang' cóo~ e 'gøiñ' do. ¹⁸ Jō lajee~ tuló~ jii' e cangiñ' do fí ní~ guóo~ uó~ quiú~, cajméeb` Fidiée~ féng' dsíir' uii~ quiáiñ'- do. ¹⁹ Jō mí~ caguilíng' ì dsea` cóong'~ quí-ii' dsea` Israel do fí lí~ se' Canaán, ca'íim~ Fidiée~ jaléng' dsea` ì neáang' fí jō; guié~ fiñ' ca'íiñ~ ie~ jō e laco' caliseá' uó~ e cacuø'r' 'líi~ dsea` cóong'~ quí-ii' e fí lí~ se' Canaán do. ²⁰ Jō mí~ cangí cuatrocientos cincuenta jii' e caguá' dsea` cóong'~ quí-ii' dsea` Israel fí Egipto, joguíb cacuóøng' Fidiée~ lajüing' dsea` î dsea` ì cacá~ nifí' quiá'- dsea` góor' ì líng' dsea` cóong'~ quí-ii' do. Jō dsea` góo`oo' ì sii' Samuel ì fé' cuaiñ' quiá'- Fidiée~, í'bing' cacá~ nifí' quiá'- dsea` áang' quí-ii' do cartí' lí~ cadséng~. ²¹ Jō mí~ cangí joguiba' dsea` góo`oo' camíiñ' Fidiée~ jaang' dseata~ dsea` féng' ì niquiá'- ta~ quiá'r~ jee~ la'ó' dsea` góo`oo' do. Jōba' Fidiée~ cacuóøiñ' jaang' dseata~ dsea` féng' ì calisí Saúl, jōó' jaang' dseañu' ì calisí Cis, siju~ Míng~, jaang' lajee~ guitúung' 'lé' dsea` áang' quí-ii' do; jō ì Saúl dob caquiú' ta~ quiá'- dsea` áang' quí-ii' lajee~ tuló~ jii'. ²² Jō mí~ cangí jō, caguíim` Fidiée~ ì dseata~ Saúl do e líiñ' ta~, jō caguíeeiñ' jaang' dseañu' ì sii' Daví' ì nilíng~ dseata~ dsea` féng' quiá'- dsea` Israel, jōó' jaang' dseañu' ì sii' Isaí. Jō lalab cajíng'- Fidiée~ e éeiñ' ì dseata~ Daví' do ie~ jō: “Eáam' iáang' dsii` cóo'~ Daví' ì líng' jōó' Isaí, co' nijmiti`bre lajii' e iin~n.” ²³ Jō jaang' lajee~ dsea` siju~ ì dseata~ Daví' do, íb' dsea` góo`oo' Jesús ì cajíng'- Fidiée~

lajjú~ lamali'gui do i nisíñ~ fí jmiǵüû la e nileáiñ~ jneaa~aa' jee~ dsee~ quí~ii', dsea` lí'ñ' dsea` Israel, lí^ laco'gui júi~ júu^ e nicacuør' jéeng'gui. ²⁴ Dsu' nú~gui e cagüéng~ Jesús fí jmiǵüû la, cangi' jaang` dsea` góo'oo' i sií Juan e ni'r' júu^ jee~ jnea'^ dsea` Israel quiá'- jial 'né~ niquí'- jíng' yaang~ dsea` fí quini~ Fidié~ jo lajoguiba' cuøøng` nisáiñ~ jmiñ'. ²⁵ Jo mi~ nijaquíem'ba' e nité' ta~ quiá'- i Juan i seáng` dsea` jmiñ` do, cajíñ'- casí'r~ jaléng' dsea` lala: "Ja` í` óo'na' e jnea~ i dsea` i sijeeng'na' do i jíng'- Fidié~ i nisíñ~ fí jmiǵüû la, co' nabi nijaa` dsea` í` cøøng'guijju na, jo fí quini' í` ja` quíng' jnea~ co' sí' i capí^ ñí' 'ñúú' lomíir~."

²⁶ 'Dsea` rú'uu', jaléng' jnea'^ dsea` Israel dsea` siju~ 'lí~ yáú~ quí'ii' Abraham lí'naa', jogui jaléng' 'ná', dsea` ja` líng'na' dsea` Israel i jmi'gó' Fidié~, catím~baa' lajalé'naa' e juguíá~ e guiaa~ la quiá'- jial nileáng'naa' jee~ dsee~ quí~naa'. ²⁷ Dsüco' jaléng' jnea'^ dsea` Israel i seeng` fí Jerusalén cóo'~ lajaléng' dsea` quie' nifí quí~ii' ja` calilí'r^ i~ dseáng'- Jesús i cajíng'- Fidié~ i nisíñ~ fí jmiǵüû la e laco' nileáiñ~ jneaa~aa' jee~ dsee~ quí~ii', o'gui cangáiñ' jalé' júu^ quiá'- Fidié~ e cajme' i dsea` i fé' cuaiñ~ quiá'- dsea` do e í' dsea` fí lacoø` fí dsí' guá'- quí~ii' mi~ jmiñ~ e jmi'íng'naa'. Dsu' mi~ cateáiñ~ i Jesús do fí dse' crúu^, e júi~ yaaiñ~ ja` calilí'r^ e joguib caliti~ jalé' e cajme' i dsea` i café' cuaiñ~ quiá'- Fidié~ fí ni~ jì quiá'r~ mali~gui eáang'. ²⁸ Jo nañí' fa' júi~ coø` dsee~ ja` cadsé' dsea` góo'oo' dsea` Israel quiá'- dsea` góo'naa' Jesús e quiá'- nijngáiñ'- dsea` do, dsu' cangomí~bre fí dseata~ Pilato e quiá'- niquíá'- dsea` do ta~ e

nijngáiñ¹- Jesús. ²⁹ Jo mi[~] cangoyúum¹- e caliti[~] jalé¹ e fé¹ fi¹ ni[~] jì¹ quiá¹- Fidiée[~] uii[~] quiá¹- Dsea[~] Jmáang⁻ latí¹ jíí¹- mali¹“, jo cajgiáam⁻ bre dsea[~] do fi¹ dse¹ crúu[^] lí[~] cajúíñ¹“, jo cango¹áaiñ[~] fi¹ dsí¹ cō^o too[~] jiáa¹ laco¹ litíng[~] dsea[~] góo^o“. ³⁰ Jo dsu¹ Fidiée[~] cajméer[~] e cajíb¹tu dsea[~] do mi[~] cadsí⁻ 'ní¹ jmí[~] lajo. ³¹ Jo lajee[~] jmiguiá¹ jmí[~] cajmijnéeng[~] 'ñia¹r¹ jee[~] jaléng¹ dsea[~] i cangi¹ cóo¹r[~], tí¹ lí[~] se¹ Galilea jo cartí¹ Jerusalén. Jo jaléng¹ dsea[~] íb[~] i ninaang[~] guia¹ júu[^] quiá¹- Fí¹naa¹ Jesús jee[~] jaléng¹ dsea[~] jmigüú¹ lana colíng[~] cóo¹- jnea[~].

³²⁻³³ 'Jo jnea¹ cuø^o-naa¹ 'ná¹ lana e juguiá⁻ e cacuø¹ Fidiée[~] dsea[~] cøøng¹ qui⁻ii[~] lajíí¹- mali¹“, cō¹ nicajmiti[~] bre e júu[^] jo qui⁻naa¹, dsea[~] lí¹naa¹ dsea[~] sijur[~], mi[~] casííñ¹ Jóor¹ fi¹ jmigüú¹ la lí¹ laco¹gui la fé¹ fi¹ ni[~] jì¹ salmo e catí¹ tú⁻ do lí[~] fé¹ lala: “'Nub[~] Jóo^o, jo jmí[~] na nijmée[~] e niliñí¹ dsea[~] e jneab[~] lán¹n Tiquíí¹.” ³⁴⁻³⁵ Jo Fidiée[~] cajméer[~] e cajíb¹tu Jesús mi[~] cangí¹ e cajúíñ⁻, jogui¹ jo níjúung⁻ tur o¹gui nijgié¹ ngúu¹ táaiñ[~]; cō¹ lalab café¹ Fidiée[~] fi¹ ni[~] jì¹ quiá¹r⁻: “Nijmiti[~] baa la'eáang¹ cóo¹- 'na¹ jalé¹ júu[^] jlo¹ niguó¹ jogui¹ já¹- e cafí¹-i dseata[~] Daví¹”. Jogui¹ lalab café¹guir cajo: “Ja[~] cuø^o fi¹ e lí¹ nijgié¹ lajo ngúu¹ táang¹ 'na¹, dsea[~] güeang¹ quié⁻ e i jmóo¹ lajíí¹- e iing[~] jnea[~].” ³⁶ Jo o¹ quiá¹- Daví¹ fé¹ e júu[^] la, cō¹ mi[~] cajmiti[~] i Daví¹ do lajíí¹- e iing[~] Fidiée[~] e nijmér⁻, joguiba¹ cajúíñ⁻, jo fi¹ dob ca¹áiñ[~] fi¹ cáang[~] lí[~] si'aang[~] 'lí[~] tiquiá¹r[^], jo ngúu¹ táaiñ[~] cajgob¹ fi¹ nú¹- uø^o. ³⁷ Dsu¹ ngúu¹ táang¹ Jesús i cajmijí¹ Fidiée[~] quiá¹- do ja[~] cajgo¹ lajo.

³⁸ 'Dsea[~] rú¹naa¹, dseáng¹- 'né⁻ ñíb[^] 'ná¹ e jíí¹- la'eáang¹ cóo¹- Jesúsba¹ e íng⁻ Fidiée[~] jalé¹ dsee⁻

quí-ii'. ³⁹ Jōguí doñí' ì ì já'- líng' jalé' júu^ quiá'- dsea` do, nileám`bre jee~ jalé' dsee- quiá'r- fí quini~ Fidiéé'; cō' júi~ jaang` dsea` jmigüí caláaiñ- jee~ dsee- quiá'r- la'eáang' e jmitir~ júu^ quiá' ta~ e cajme' Moi~ do. ⁴⁰ Ñiing~ ó'na' jaléng' 'nú', dsea` rú'naa', e ja` cuø' fí yaang~na' e güitíng`na' laco' cajíng'- jaang` dsea` ì café' cuaiñ~ quiá'- Fidiéé' mali'gui eáang' mi~ cajme'r' lala:

⁴¹ Quié`na' cuente jaléng' 'nú' ì ja` júi~ júu^ quié- e o'gui já'- líng`na' e júu^ jō.

Jō güidsigá` ó'na' jōguí nijúum`ba',

cō' jmiguiá' jalé' e nijmee~ jnea~ jee~ 'nú'

jō júi~ capí^ ja` já'- nilíng`na', fa' jialgui la jalíng- dsea` e jma'r' 'nú' júu^ røø` quiá'- jalé' e jō.

Jō lanab cajíng'- Fidiéé' fí ni~ jì quiá'r-.

⁴² Jō mi~ calí- fé' ì Paa- do jalé' júu^ güí- quiá'r-, jō ca`uøøm`bre dsí' e guá'- do. Jō fíim' dsea` ì ja` líng' dsea` Israel cangolíiñ e cangomú'r' Paa- e niguiá-gui dsea` do júu^ mi~ nití- cōo'gui jmí~ e jmi'íng' dsea` Israel. ⁴³ Jō lajee~ ngolíiñ'- do, fíim' dsea` Israel cóo'~ jaléng' dsea` jiéng' ì nica'uíng- dsea` Israel ngolíiñ- colíng~ cóo'~ Paa- cóo'~gui Bernabé. Jō casí'r- jaléng' ì dsea` do e ja` nijmitúng- dsíiñ' cóo'~ Fidiéé', jōguí e güi'íib` dsír' røø` jalé' e guiá- e cajmée` Fidiéé' cóo'r~ e cangúíñ` e cacuø` dsea` do e íaang` dsír'.

⁴⁴ Jō mi~ catí cōo'gui semaan~ do, cōo' jmí~ e jmi'íng' dsea` Israel, fíing' dsea` ì seeng' e fí do caguilíiñ- e fí guá'- quiá'- dsea` Israel do e caguínúur^ júu^ quiá'- Fí'naa' Fidiéé' e guiá' ì Paa- do, jia` ja` latøøng- fíib` caguilíng- ie~ jō. ⁴⁵ Dsu' mi~ cangá- dsea` Israel ì ja` já'- líng' júu^ e guiá'

ἰ Paā do jial tíí f̄íng' jaléng' dseá̄ ἰ caseáng' fí dsíí sinúú guá' quiá'r̄ do, sóong^ calí- dsihuúñ̄ quiá'- dseá do, jō canaaiñ` fé'r` e jmang' júu^ e o' já'-ba' guia' ἰ Paā do, jōguí jmineam'^bre dseá do cajo. ⁴⁶ Joba' ἰ Paā do cóo'~gui Bernabé jíí' capí' ja`'gór` casí'r̄ jaléng' ἰ dseá góor` dseá Israel do, jō cajíñ' casí'-reiñ':

—E catíib- jnea'^ e 'né- guiá^naa' júu^ quiá'- Fidiéé' la'uui~ jee' 'nú'. Jō dsuco' 'nú' ja` iing~na' íing'~na' e júu^ do, jō lajoba' ja` catíng~na' e niliseeng~na' cøøng` cóo'~ Fidiéé' lata~, joba' jnea'^ fí jee~ dseá ἰ ja` líng' dseá góo'oo' dseá Israel canaang~naa' guiá^naa' júu^ quiá'- Fidiéé' lana. ⁴⁷ Co' lajob ta~ caquiú' Fí'naa' Fidiéé' fí ni~ jí quiá'r̄ malí~gui mí' cajíñ'- lala:

Jnea~ nisín^n 'nú' fí jee~ laca'íng'~ dseá ἰ seeng' fí jmígüí e lin' lafa' jí` quié'e, jōguí niguiá'^ jalé' júu^ quiá'- jial nileáng` dseá jee~ jalé' dsee- quiá'r̄.

⁴⁸ Jō mí~ canúu- jaléng' ἰ dseá ἰ ja` líng' dseá Israel júu^ quiá'- ἰ Paā do, sóong^ calí'íáang` dsíír', jō canaaiñ` fé'r` e eám' guia- júu^ quiá'- Fí'naa' Fidiéé' e guia' dseá do, jō dsifí lajob já'- calíng- e júu^ jō lajúí'~ dseá ἰ nisí'íng^ ἰ niliseeng` cøøng` cóo'~ Fidiéé' lata~. ⁴⁹ Jō lajob cani'- júu^ quiá'- Fí'naa' Dseá Jmáang- fí la'úng- e guóo'~ uó' do. ⁵⁰ Jō dsu' ἰ dseá Israel do caguiféeiñ' coo` tú- m̄íng'~ dseamí dseá Israel ἰ jmí'gó' Fidiéé' jōguí ἰ sí'góng'^ e fí jee~ fí do, colíng~ cóo'~ jaléng' dseá` quie' nifí quiá'- e fí do cajo, jō casíñ̄- røø' e cajmeáiñ' gab` Paā cóo'~gui Bernabé cartí' ca'uøøm~bre dseá do cartí' caluu' lí' se' e fí do. ⁵¹ Joba' dsifí lajob ca'uøøm~

ἰ Paā do cōo'~gui Bernabé cōo'~gui jaléng' dseā ἰ jmicōo'~ quiá'r̄. Jo mī caguiliñ̄ 'ni' e fī do, job cabó'r̄ 'lee' toō lom̄ir̄ laco' cuø' lī e ja' íng' dseā ír̄ e fi' fī e lī ca'uøøiñ' do. Jo dsifi' lajob cangoliñ̄^ fi' coo'gui fī lī sī Iconio. ⁵² Jo jaléng' dseā ἰ niliñg' dseā quiá'- Dseā Jmáang- ἰ seeng' fi' Antioquia, eáam' íaang' dsíir' cajer', jōgui eáam' jée' Jmiguí quiá'- Fidiée' quiá'r̄ cajo.

14

Lajee' taang~ Paā cōo'~ Bernabé fi' Iconio

¹ Jo mī caguiling- ἰ Paā do cōo'~gui Bernabé fi' Iconio, cangotáaiñ̄~ coling~ fi' dsíi' guá'- quiá'- dseā góor' dseā Israel e si' fi' jo lí' laco'gui quí'- t̄iñ̄. Jo co' guiar' jalé' júu^ quiá'- Dseā Jmáang- la'eáang' cōo' e 'gøng' quiá'- Jmiguí quiá'- Fidiée', joba' f̄im' dseā Israel cōo'~gui dseā ἰ ja' líng' dseā Israel já'- caliñ̄ jalé' e júu^ do iē jo. ² Jo dsu' jaléng' dseā Israel ἰ ja' já'- líng' e júu^ e guia' ἰ dseā góor' ἰ sī Paā do cōo'~gui Bernabé, canaiñ̄ jmiøøom'bre ἰ dseā ἰ ja' líng' dseā Israel e laco' dseā í̄ nijmér- e 'ní' níñ̄ jaléng' ἰ dseā quiá'- Dseā Jmáang- do. ³ Joba' mī canaang' calí- lado, huøø-bi caje' ἰ Paā do cōo'~gui Bernabé fi' jo e guiar' júu^ quiá'- Dseā Jmáang- e ja' 'gó'r̄ j̄i' cōo', co' tā dsíir' e eáam' jmicōo'~ Fí'naa' Fidiée' quiá'r̄. Jo ἰ Paā do cōo'~gui Bernabé canḡiñ̄ quiá'- Fidiée' e nijmér- jalé' e lī e quí'~ jmī. Jo cōo'~ jalé' e jo jmilī Fidiée' e já'- e júu^ e guia' ἰ dseā do quiá'- jial 'neáang' Fidiée' dseā jmiøøiñ̄. ⁴ Jo jaléng' dseā ἰ seeng' e fī Iconio do tú- 'lé' ca'uiñ̄-; cōo' 'lé' casíng' uiī quiá'- jaléng' dseā

Israel i ja` ca'íng' júu^ e caguaia' dsea` do, jogui coo` 'lé'gui casíng' uii~ quiá'- i dsea` apoo^ do. ⁵ Jo jaléng' dsea` Israel i ja` ca'íng' e júu^ do cóo'gui jaléng' dsea` i ja` líng' dsea` Israel casíiñ- røø` cóo' jaléng' dseata~ e quiá'- nijmeáiñ' ga` i dsea` apoo^ do, jogui nijmihu'ng` neiñ' cóo' layaang` cuu~. ⁶ Jo dsu' mi~ caliñi' Paa- cóo'gui Bernabé lajii' e í dsí' i dsea` do e gab` nijmeáng' neiñ', joba' cangoliñ^ e si'í^ jmí'óng' yaaiñ~ fi' Listra cóo'gui fi' Derbe, coo` fií e néé' lí~ se' Licaonia, ⁷ jo fi' job caguiar' júu^ quiá'- Dsea` Jmáang`.

Mi~ casí'ló' dsea` cuu~ i Paa- do fi' Listra

⁸ Jo mi~ caguiliñ- fi' Listra, fi' jo niseeng` jaang` dseañu' i nicaang` tii~ lati' mi~ cangáaiñ~, jo ja` lí ngír- jii' capi'^. ⁹ Jo dob guiiñ~ e núur' júu^ e guia' i Paa- do. Jo mi~ cangáng- i Paa- do dsea` do, dsifi' lajob calilí'r^ e i dsea` do jáb'- líiñ~ e quíib' Fidiéé' jmii~ e nijmi'leáng- ír'. ¹⁰ Jo dsifi' lajob cajíng'- i Paa- do casí'r- i dsea` jlúung' do e fé'r' teá' jo cajíñ'-:

—iRáan'~, jo jmee- sín'- røø'!

Jo dsifi' lajob ca'íng- i dseañu' do, jo lajob casíng' 'ñia'r' jo canaaíñ` ngíbre. ¹¹ Jo mi~ cangá- jaléng' dsea` i teáang- do ie~ jo lajii' e cajmée' Paa- cóo' i dsea` jlúung' do, dsifi' lajob canaaíñ` fé'r' teá' cóo' jmí' quiá'r- e éeiñ~ i Paa- do cóo'gui Bernabé jo jíñ'-:

—Gáng- diée~ nicagüilíng- jee~ jneaa~aa' i líng' la líng' dsea` jmigüí.

¹² Jo lajalém'bre fé'r' e i Bernabé do líiñ' jaang` diée~ quiá'r- i sii` Zeus jogui i Paa- do líiñ' jaang'gui diée~ quiá'r- i sii` Hermes, co' íbre dsea`

quier' nifi' e guiar' e júu^ do jee~ jaléng^ dsea` do.
 13 Jo e guá^- fí lí~ jmiféng^ dsea` i diée~ Zeus do,
 dob nisi^ dseáng^- lí í^- jee~ fi^ do, jo i jmidsea` i
 jmóo`ta~ e fí guá^- jo caguijéeiñ` jaléng^ güitá^ jogui
 caguicar~ jalé^ lí fí lí~ neáng` i dsea` gáng^- do, co'
 í dsíir' e nijmifém^ breiñ^ do coling~ cóo^~ jaléng^
 dsea` i teáng^- do ie~ jo lafa^ jaang` diée~ quiá^- bre;
 jogui lami~ í dsíir' e nijngáiñ^ i güitá^ do fí quini^ i
 dsea` gáng^- do e laco^ nijmiféng^ neiñ^'. 14 Dsu^ mi~
 calilí^ i Paa^- do cóo^~ gui i Bernabé do lajii~ e lí
 dsíi^ i jmidsea` do cóo^~ gui jaléng^ dsea` e nijmér^-
 cóoiñ^~ do, dsifí lajob ca'guír^- sír^ jo cangotáaiñ^~
 jee~ jaléng^ i dsea` do, jo canaañ^ sí'reiñ^ cóo^~ júu^
 e teá`:

15 —¿Jialí^ jmoo`na^ lana? Co' o^ diée~ jnea^,
 jnea^ lí'naa^ dsea` jmigüi^ laco'gui la líng^ 'nú'.
 Jo cajá-naa^ fí la uing~ job cajo e cajasíi'naa^
 'nú' e 'né- nitá'ba^ lajii~ e tñng^na^ jmoo`na^ lí^
 laco'gui iing~na^ jmee-na^ lana cóo^~ jnea^, co' ja
 ee` ta~ íng^ quí-na^ jii~ capí^ e jo, jo quí^- jíng^
 yaang~na^ fí quini^ Fidiée^ i dseáng^- já^- do, co' íb`
 dsea` cajméer^ jmigüi^ cóo^~ gui guóo^~ uó^- cóo^~ gui
 jmiñí^, lí^ lajalé^ e sea` la'úng^- fí jmigüi^'. 16 Jo nañí^
 fa^ lami~ jéeng^gui ja` cajníng^ Fidiée^ quiá^- jaléng^
 dsea` e cajméeb` dsea` lí^ doñí^ ee` já^- dsíir', 17 jo
 dsu^ contøøm^- nicajméer^ lí~ e seem^bre jee~ jaléng^
 dsea` jmigüi^ cóo^~ jalé^ e guiá^- e jmóor^, co' íbre
 dsea` jmóor^ e sea` jalé^ jmí^, jogui e jlob^ cuø^ jalé^
 e dsijnea~ fí ní^ guóo^~ uó^-, jogui e sea` lalíng^ jalé^
 e quiee~naa^, jogui íbre cuø^ e íáng^ dsí-naa^ cajo.

18 Dsu^ mi~ cangí^ e caféng^ i Paa^- do jaléng^ i
 dsea` do, guidseam^ calí'r^- cajníñ^ e ja` cajngang^

ī dsea` do jaléng` ī jój` ī sī'í` nijngáiñ`- e nicuóñ`- ī dsea` gáng`- do e nijmiféng`- neiñ` lafa' diée`.

19 Jō mī` cangf` jō, caguilíng`- cōō` tú` máng`- dsea` Israel ī jalíng`- fí' Antioquía cōō`-gui fí' Iconio. Jō ī dsea` í cajméer` e calí`- 'ní` níim`- dsea` Listra ī Paa`- do, jōgui casíñ`- røø` e cūub`- nisi'ló'r` dsea` do, jō lajōb cajméer`. Jō mī` cangf` e casí'ló`-reiñ` do cūu`-, jō cajnúung`-neiñ` fí' caluu` fíi` cō' líñ`- e cajngam`-breiñ` do. 20 Dsū' mī` cangf` jō, caguilíng`- jaléng`- dsea` quiá'- Dsea` Jmáang`- fí' lacúng`- lí` ráang` ī Paa`- do fí' caluu` e fíi` do, jō dsifí' lajōb carōō`-tuiñ` do, jō ca'íb`-tur e fí' jee` fíi` do. Jō mī` cajneá`- e jmíi` jō, ca'uøøm` ī Paa`- do cōō`-gui Bernabé e fí' jō, jō cangolíñ` fí' cōō` fíi` lí` sii` Derbe.

21 Jō mī` caguilíñ`- fí' Derbe, fí' jōb canaaiñ` guiar' júu` quiá'- Dsea` Jmáang`-, jō fí' jō fím` dsea` ī já`- calíng`- júu` e guía' dsea` do ie` jō, jō dsea` quiá'- Dsea` Jmáam`- ca'uíñ`-. Jō mī` cangf` jō, caquim`-tu ī Paa`- do cōō`-gui Bernabé fí' Listra cōō`-gui Iconio jōgui Antioquía. 22 Jō jalé` e fíi` na cangíng`-tur calé`- catú`-, jō caféiñ`' jaléng`- dsea` quiá'- Dsea` Jmáang`- ī seeng`- fí' jō e ja` nitiúuiñ`- do lajúi`- fí' guía`- lí`- niteáaiñ`- cōō`- Dsea` Jmáang`-; jōgui casí`-guireiñ` do cajo e jaléng`- dsea` ī iing`- e Fidiée`- nicá`- nifí' quiá'r`- 'né`- nidsingíñ`- jalé`- iihuí'. 23 Jōgui ca'náam`-bir fí' lacōō`- fíi` do cōō`- tú`- máng`- dsea` cōøng`- ī nicá`- nifí' quiá'- jaléng`- dsea` quiá'- Dsea` Jmáang`- ī seeng`- lacōō`- lacōō`- e fíi` do; jō mī` calí`- jō, cajméer` ayuno e lacō' jøøng`-guir caféiñ`' Fidiée`- uii`- quiá'- ī dsea` cōøng`- do. Jōgui caseáng`-neiñ` do lajaléiñ` do fí' jaguó` Fíi`naa' Fidiée`-, cō' jáb`- calíng`- dsea` do júu` quiá'-

dsea` î.

*Mi~ cangolíng`tu Paa` cóo` Bernabé fí Antioquía
li` se` Siria*

²⁴ Jo mi~ cangî e cataiñ` fí, jo cangaiñ` fí guóo` uó` li` se` Pisidia; jo mi~ cangî jo, caguiling`tur fí Perge li` se` Panfilia, ²⁵ jo fí job caguiar` júu` quiá` Dsea` Jmáang`. Jo mi~ cangî jo, cangolíng`tur fí cóo`gui fii` li` sii` Atalia. ²⁶ Jo fí job cangotáaiñ` fí cóo` dsíí` móo` jo cangoliñ` la dsí` ní` jmiñí` car` caguiling`tur calé` catú` fí Antioquía li` se` Siria fí li` cajáng` dsea` i Paa` do cóo`gui Bernabé fí jaguó` Fidié` quiá` e cangoguiar` júu` quiá` Dsea` Jmáang` fí jalé` e fii` do. Jo có` catób` e ta` do quiá`r`, joba` caquim`-tur. ²⁷ Jo dsifí mi~ caguiling`-tu Paa` cóo` Bernabé e fí Antioquía do, dsifí lajob caseaiñ` jaléng` dsea` quiá` Dsea` Jmáang` i neáang` e fí jo, jo cajmea`reiñ` júu` lajalé` e guiá` e cajmée` Fidié` cóo`r` lacaang` li` cangoliñ` do, jogui` jial cacuó` Fidié` e ni`íng` jaléng` dsea` i ja` líng` dsea` Israel júu` quiá` Dsea` Jmáang`. ²⁸ Jo mi~ cangî jo, huóø`-bi caje` Paa` cóo`gui Bernabé fí Antioquía li` se` Siria colíing` cóo` dsea` quiá` Dsea` Jmáang` i neáang` fí jo.

15

*Mi~ caseáng` rúng` jaléng` dsea` i quie` nifí` quiá`
dsea` quiá` Dsea` Jmáang` fí Jerusalén*

¹ Jo ie~ jo ca`uóøng` cóo` tú` míng` dsea` Israel fí Judea jo cangoliñ` fí Antioquía li` se` Siria. Jo mi~ caguiliñ` fí jo, canaaiñ` e`r` jaléng` dsea` quiá` Dsea` Jmáang` i neáang` fí jo e quiá` ja` nileaiñ` do jee` jalé` dsee` quiá`r` fíng` song` ja`

jmitir~ jaléⁿ jú^u quiá^r ta~ quiá^r Fidié^e e cajme^r Moí^r e nitó^l lí^r fí^r ngú^u táang^r jiuung~ siñ^{uu} quiá^r lí^r laco^r la litíng^r dsea^r Israel. ² Jo mi~ caliñí^r Paa^r cóo^l gui Bernabé quiá^r jaléⁿ e ni'e^r i dsea^r do, joba^r eáam^r lahuíng^r casíng^r i Paa^r do cóo^l i dsea^r í. Joba^r Paa^r cóo^l Bernabé cali'iñ^r cóo^l cóo^l tú^r míng^r gui dsea^r quiá^r Dsea^r Jmáang^r i jíéng^r quiá^r e nidsisiñ^r e jú^u do fí^r Jerusalén.

³ Jo dsea^r quiá^r Dsea^r Jmáang^r i neáng^r fí^r Antioquiábing^r caguié^r quiá^r. Jo mi~ cangíiñ^r fí^r lí^r se^r Fenicia cóo^l gui Samaria, cajmea^r jú^u jaléng^r dsea^r quiá^r Dsea^r Jmáang^r i neáng^r fí^r jo jial nicatú jaléng^r dsea^r i ja líng^r dsea^r Israel e lamí^r quí^r tñíñ^r e jmiféiñ^r dié^r e laco^r niteáañ^r teá^r fí^r guí^r cóo^l Fidié^e. Jo jalém^r i dsea^r quiá^r Dsea^r Jmáang^r do cali'iáang^r dsíir^r mi~ canúur^r e jú^u do.

⁴ Jo mi~ caguiéng^r Paa^r cóo^l Bernabé fí^r Jerusalén colíng^r cóo^l i dsea^r caguiaang^r gui do, joba^r i dsea^r quiá^r Dsea^r Jmáang^r i neáng^r fí^r do cóo^l gui jaléng^r dsea^r cóøng^r quiá^r cóo^l gui jaléng^r dsea^r apóo^u ca'iñ^r i Paa^r do cóo^l gui Bernabé cóo^l gui i dsea^r caguiaang^r do fí^r jo. Jo Paa^r cóo^l gui dsea^r caguiaang^r gui do cajmea^r jú^u jaléng^r i dsea^r í jial cajmicóo^l Fidié^e quiá^r quiá^r lajii^r ta~ e cangolíñ^r do. ⁵ Dsu^r cóo^l tú^r míng^r dsea^r Israel i líng^r dsea^r fariseo i nijá^r calíng^r jú^u quiá^r Dsea^r Jmáang^r caróor^r jo café^r jú^u quiá^r jo cajíñ^r:

—La guím^r 'né^r e jaléng^r dsea^r i ja líng^r dsea^r Israel i líng^r dsea^r quiá^r Dsea^r Jmáang^r nitó^l lí^r fí^r ngú^u táang^r jaléng^r jiuung~ siñ^{uu} quiá^r lí^r laco^r litíng^r jnea^r, dsea^r Israel. Jo gui la guím^r 'né^r e ni-

huí' ta~ quiá'r- e nijmiti~bre jalé' júu^ caguiee- gui e quiá' ta~ quiá'- Fidiée' e cajme' Moi~.

⁶ Jo caseám' yaang~ jaléng' i dsea` apóo^ do cóo' gui jaléng' dsea` cóong' quiá'- dsea` quiá'- Dsea` Jmáang- i neáang' fi' Jerusalén. Jo caseáin' do e laco' casáin- la'uiing~ laná'- quiá'- e júu^ do. ⁷ Jo mi~ cangoyúung' e nicasáin- lahu'ng', joba' caróo- Tá^ Simón jo café'r` júu^ quiá'r- jo cajin'-:

—Dsea` rú'uu', dsea` quiá'- Dsea` Jmáang-, niñib^ 'ná' e ningóob' eáang' ca'náang- Fidiée' jnea~ jee~ 'ná' quiá'- e niguiaa- jalé' juguiá- quiá'r- jee~ jaléng' dsea` i ja' líng' dsea` Israel e quiá'- jial nileáin' jee~ dsee- quiá'r-, jo lajob dsea` í ni'uíin- dsea` quiá'- Dsea` Jmáang-. ⁸ Jo Fidiée' dsea` cuír` dsí' lajaang` lajaang` dsea` jmigüi', jo cajméer` li~ e ím'bre i dsea` i ja' líng' dsea` góo'oo' dsea` Israel do, co' cacuø'rein' Jmiguí quiá'r- laco'gui nicacuø'r' jneaa~aa', dsea` líi' dsea` Israel, lajii' i ja' líng' júu^ quiá'r-. ⁹ Jo jii' coo' ja' ee' cagui' Fidiée' fa' jneaa~aa', dsea` Israel, lí'naa' jmaquíng' cóo' jaléng' dsea` i ja' líng' dsea` Israel, co' ca'im-bre dsee- quiáin'- do laco'gui ca'íin- dsee- quiá' jneaa~aa' la'eáang' e ja' lí'naa' jalé' júu^ quiá'r- e ngocáng` dsí'naa'. ¹⁰ Jo lana, jiali' ja' ja' líng'na' lajii' e nicajmée' Fidiée' quiá'- jial laang` dsea` jee~ dsee- quiá'r-? 'Ná' iing~na' cuø'na' i dsea` i ja' líng' dsea` Israel i ja' líng' júu^ quiá'- Dsea` Jmáang- coo' lee~ e jii' jneaa~aa', dsea` Israel, o'gui' líi' dsea` cóong' qui-ii' caquíi'naa' jmii~ casé'ee' quiá'- e niliti~ jalé' e júu^ quiá' ta~ do. ¹¹ Jo nine~baa' e røøb` nicaláang- naa' jee~ jalé' dsee- qui-ii' uii' e eám'

guiúng⁻ Fí⁻naa' Jesús e jí⁻ ja' catí⁻naa' lajo, jo ja' e lí⁻ su lí⁻ dsea` Israel o⁻si o⁻ lajo é.

12 Jo dsifí⁻ mi⁻ cangoyúung⁻ e café⁻ i Tú⁻ Simón do jalé⁻ júu⁻ quiá⁻r⁻, tiib⁻ caguá⁻ jaléng⁻ i dsea` do; jí⁻ coo⁻ jo` ee` cañír⁻. Jo lajee⁻ jo cajmée⁻ i Paa⁻ do cóo⁻ gui Bernabé júu⁻ quiá⁻ jalé⁻ e guiá⁻ jogui jalé⁻ lí⁻ e quí⁻ jmí⁻ cajmées⁻ jee⁻ jaléng⁻ dsea` i ja` líng⁻ dsea` Israel lajee⁻ cangir⁻ lacaang⁻ fí⁻ lí⁻ jíé⁻.

13 Jo dsifí⁻ mi⁻ cató⁻ fé⁻ i Paa⁻ do cóo⁻ gui Bernabé jalé⁻ júu⁻ quiá⁻r⁻, dsifí⁻ lajob caróo⁻ Tíaa⁻, jo café⁻r⁻ júu⁻ quiá⁻r⁻ cajo jo cajín⁻:

—Nú⁻na' jalé⁻ júu⁻ quié⁻e, jaléng⁻ 'nú⁻, dsea` rú⁻naa' dsea` quiá⁻ Dsea` Jmaang⁻. 14 Nab nicajmea⁻ i Tú⁻ Simón na jneaa⁻aa' júu⁻ jial mi⁻ canaang⁻ Fidiée⁻ e 'neáaiñ⁻ jaléng⁻ dsea` i ja` líng⁻ dsea` Israel, jogui nicaguíñ⁻ jee⁻ jaléng⁻ dsea` í⁻ e laco⁻ ni'uúíñ⁻ dsea` quiá⁻r⁻. 15 Jo lajaléb⁻ e nicajíng⁻ i Tú⁻ Simón na lana, røø⁻ dseáng⁻ lí⁻ cóo⁻ jalé⁻ e cajme⁻ jaléng⁻ i dsea` i café⁻ cuaiñ⁻ quiá⁻ Fidiée⁻ lají⁻ lamali⁻gui eáang⁻ lí⁻ fé⁻ lala:

16 Jo mi⁻ ningí⁻ e la, jnea⁻ Fidiée⁻ nigáab⁻túu calé⁻ catú⁻

jogui nijmées⁻túu e 'nú⁻ Daví⁻ e nicaquí⁻;

jogui nijmées⁻túu røø⁻ jalé⁻ cuí⁻ fíng⁻ quiá⁻,
jogui nijmi⁻ieeng⁻tu røø⁻.

17 Jo nijmé⁻ e jalé⁻ e jo e laco⁻ lajalém⁻ dsea` i ja` líng⁻ dsea` Israel nijmicuíñ⁻ jnea⁻ fí⁻ la'úng⁻ fí⁻ jmígüí⁻.

18 Jo jneab⁻ Fidiée⁻ i nicajmijnéeng⁻ jalé⁻ e na lají⁻ lamali⁻ eáang⁻,

jo nicacuó⁻baa júu⁻ quié⁻ e e jmee⁻ e jalé⁻ e jo.
Jo lanab cajíng⁻ Fidiée⁻ fí⁻ ní⁻ jí⁻ quiá⁻r⁻.

19 'Joba' fá' jnea~ e ja` 'né- nijmiguíng^naa' jaléng' dsea` i ja` líng' dsea` Israel i nicatá jalé' e qui' tuiñ` lamí` jéeng'gui e jmiféiñ' lí^ doñí' ee, jogui lana nijmiféiñ' i Fidié~ i já'- do. 20 Jo masíng^naa' cōo` jì quiá'r- lí~ niféeng'~naa'r e jo` cuóøng` e jmeáiñ' ta~ jalé' e cacuø' dsea` jiéng' i dié~ i o' já'- i jmiféiñ' do, cō' na 'lib'^ jalé' e jo, jogui e niquiúm'-bre e éer` dsee- e güiñ` cóo'~ dseañu' osi dseamî i o' quiá'r-, jogui e jo` nidó'-guir jmi'øøng- jó' o'gui ngu~ jó' 'lii~ i siyáang'v jmi'øøng-. 21 Co' jaléb' e júu^ quiu' ta~ na quiá'- Fidié~ e cajme' Moi~ nica'fb` jaléng' dsea` quie' nifi' quiá'- guá'- quiá'- dsea` góo'oo' dsea` Israel fí' lacaang` sinúu^ guá'- qui'-ii' e téé- fí' la'úng- jee~ fiñ` lacoō` jmiñ` mí~ tí' e jmi'íng'naa'.

22 Jo dsifi' mi~ cató' e café' i Tiáa~ do júu^ quiá'r-, lajalém' i dsea` apóo^ do cóo'~gui jaléng' dsea` cøøng'~ quiá'- dsea` quiá'- Dsea` Jmáang-, lí^ lajaléng' dsea` quiá'- Dsea` Jmáang-, casíiñ- røø` e ca'náaiñ- cōo` tú- máng'~ dsea` i nidsilíng- fí' Antioquía cóo'~ Paa- cóo'~gui Bernabé e nidsicar' e jì lí' toō~ júu^ e casíiñ'- do. Jo caguíñ' jaang` dseañu' i sii' Judas Barsabás jogui jaang` i sii' Silas, gáng- dseañu' i niing- eáang' jee~ jaléng' dsea` quiá'- Dsea` Jmáang-. 23 Jo lalab fé' e jì e quie' i dsea` do mi~ cangoliñ`:

“Lajalé' jnea'^, dsea` apóo^, cóo'~gui jaléng' dsea` cøøng'~ quiá'- jaléng' dsea` quiá'- Dsea` Jmáang- i neáang' fí' Jerusalén la, guicóo'~baa' jaléng' 'nú', dsea` rú'naa' dsea` quiá'- Dsea` Jmáang-, dsea` ja` líng'na' dsea` Israel jogui seeng'na' fí' Antioquía cóo'~gui lacoō` fiñ` lí' se' Siria cóo'~gui lí-

se' Cilicia. ²⁴ Nicalineb~ jnea'^ e nica'uøøng` cōo` tú~ máng'~ dsea` ì seeng` fí' la latiĩn` yaaiñ~, jō nicangoliĩn` e nicangojmiguiĩn` 'nú' fí' na cōo`~ júu` quiá'r~. Jōgui nicajmigøøiĩn` 'nú' e dseáng'~ 'né' e catĩm`ba' e nitó`na' lí~ fí' ngúu' táang`na' lí'^ laco' litĩng` dsea` gōo`oo' dsea` Israel cōo`~ jiuung` siñũu` quiá'~, jō dsu' ja` 'né~ jmee`na' lajō; jōgui nicajmigøøiĩn` 'nú' cajo e 'né~ jmiti`na' jalé' júu` quiu' ta~ caguiee`gui e cajme' Moi~. ²⁵⁻²⁶ Jōba' nicasiĩ~naa' røø` lajalé'naa' la e nica'neáng`naa' jaang` gáng~ dsea` lajee` la'ó' jnea'^ e nidsiliĩn` nidsi'eer~ 'nú' fí' na. Jō nijalíĩn` colĩng` cōo`~ ì dsea` rú'naa' ì 'neáng`naa' eáng' ì sii` Paa` cōo`~gui ì sii` Bernabé, gáng~ dsea` rú'naa' ì jiũ~ ja` mí' cajnga' dsea` quiá'r~ uí'~ e guiar' júu` quiá'~ Fíi'naa' Dsea` Jmáang~. ²⁷ Jō nisíng`naa' fí' na cajo ì Judas Barsabás cōo`~gui Silas la, jō íb` nijmeá'~ 'nú' júu` quiá'~ jalé' e la cartí' quini`na' na. ²⁸ Cō' lajii'~ e iing`~ Jmiguí' quiá'~ Fidiée` jōgui jnea'^ cajo e nimíi'~naa' 'nú' e jō` nijmée`gui' lajii'~ e ta~ huí'^ e jíe' do: ²⁹ Lico' 'né' e nitú`ba' e cø'^na' ngu` jó' ì nicacuøng' dsea` jaléng' ì diée` ì o' já'~ ì ja` quíi'~ jmiĩ~ jmé~ jíi'~ cōo`, jō jō` cø'^na' jmi'øøng~ jó' o'gui ngu` jó' 'líi' ì siyáang'~ jmi'øøng~, jōgui jō` ee`na' dsee~ e güĩng`na' cōo`~ dseañu` osi dseamĩ ì o' quiĩ`na'. Jō song` núu'~ba' jalé' e júu` la, jōba' guiáb~ ni'ee`na'. Jō lanab jíi'~ lí' júu` qui'~ii'. Jō güiliseem`ba' cōo`~ e guiá'~."

³⁰ Jō dsifí' mi~ cali'íng` ì dsea` quiúung~ do, cangolíim`bre cōo`~ ì Paa` do cōo`~gui Bernabé fí' Antioquía, jō quie`bre e jì e casíng` ì dsea` neáng' fí' Jerusalén do. Jō dsifí' mi~ caguilíĩn` fí' jō, dsifí' lajōb

caseáiñ^h jaléng^h dsea` quiá^h- Dsea` Jmáang⁻ i seeng^h fí jō, jō caja^h bre i dsea` do e jì do. ³¹ Jō mi^h ca^h jaléng^h dsea` quiá^h- Dsea` Jmáang⁻ e jì do, dsíng^h- cali^h iáang^h dsíir^h, cō^h jmang^h- juguiáb⁻ fé^h e fí ni^h jì do. ³² Jō cō^h i Judas Barsabás cóo^h- Silas do cang^h iñ^h quiá^h- Fidiée^h quiá^h-r⁻ e eáam^h tñiñ^h guiar^h júu^h quiá^h- dsea` do jee^h jaléng^h dsea^h, jōba^h mi^h café^h-r^h júu^h quiá^h-r⁻, cacuø^h guireiñ^h bí e laco^h já^h-gui niliñ^h júu^h quiá^h- Dsea` Jmáang⁻. ³³ Jō mi^h cang^h jō, jaléng^h dsea` quiá^h- Dsea` Jmáang⁻ juguiú⁻ ca^h-r^h júu^h i dsea` gáng⁻ do, dsu^h jii^h i Judas Barsabás do cangáng⁻ tur fí Jerusalén, jō íb^h quiée^h juguiú⁻ quiá^h- jaléng^h dsea` quiá^h- Dsea` Jmáang⁻ i neáang^h fí Antioquia i caguiéng^h ír^h do. ³⁴⁻³⁵ Dsu^h Silas cóo^h- Paa⁻ cóo^h- Bernabé do bi cajer^h fí Antioquia; jō fñm^h bi dsea` quiá^h- Dsea` Jmáang⁻ i jiéng^h cajé cóo^h-r⁻ e guia^h guir júu^h quiá^h- Dsea` Jmáang⁻ jee^h jaléng^h dsea` i seeng^h fí jō.

Mi^h cat^h tú⁻ née^h e cangi^h Paa⁻ ta^h guia^h júu^h quiá^h- Dsea` Jmáang⁻

³⁶ Jō mi^h li^h cøøng^h gui lajō, cōo^h jmi^h cajíng^h- Paa⁻ lala casí^h-r⁻ Bernabé:

—Má⁻ túu^h calé^h catú⁻, madsí^h ee^h naa^h jaléng^h dsea` rú^h naa^h dsea` quiá^h- Dsea` Jmáang⁻ i neáang^h fí lajalé^h fñ^h li^h nicang^h i naa^h e e^h naa^h jalé^h júu^h quiá^h- Dsea` Jmáang⁻ lamí^h jééng^h gui, jō dsine^h duu^h jial seeiñ^h lana.

³⁷ Jō Bernabé lamí^h iñ^h nijéiñ⁻ calé^h catú⁻ i Juan Marcos do. ³⁸ Jō dsu^h Paa⁻ jō cali^h iñ^h fa^h cajééng^h neiñ^h do, cō^h catúu⁻ biñ^h do quiá^h-r⁻ lamí^h jééng^h gui lamí^h caguiliñ⁻ fí cōo^h guóo^h-r⁻ uø^h li^h se^h Panfilia, jō jō e^h cajmicóo^h-r⁻ i Juan Marcos do

quia' Paa ni e ta do ie jo. ³⁹ Jo lahuim'jiu eáang' casíng i Paa do cóo' Bernabé uii' quia' i Juan Marcos do. Jo e jo cajmée e casojom-bre quia' ruiñ', jo Bernabé cajeeiñ i Juan Marcos do, jo cangotáaiñ' dsí' cóo' móo', jo cangolíim-tur la tóo' ni jmiñí' cartí li se' Chipre. ⁴⁰ Jogui i Paa do cató'r i Silas do i cangó cóo'r; jo mi cangoyúung' jo jaléng' dsea' quia' Dsea Jmáang- caguiar' fi jaguó' Fidiée' lajii' e ta e nidsiliiñ' do, jo dsifi' lajob cataiñ' fi'. ⁴¹ Jo cangolíng-tur laco' fi li se' Siria cóo' gui li se' Cilicia e cuø'r bí jaléng' dsea' quia' Dsea Jmáang- i neáang' fi jo e laco' ja`nijmitúng- dsíiñ' lajii' fi' guiú- li niteáaiñ- cóo' Dsea Jmáang-.

16

Mi cajmicóo' Timoteo i Paa do cóo' gui Silas

¹ Jo cagüi'hib' Paa cóo' Silas fi' Antioquia, jo caguiliiñ- la'uii' fi' Derbe. Jo mi cang' jo, caguiliiñ- fi' cóo' gui fi' e sii' Listra; jo fi' job calicuiiñ' jaang' dsea' i nilíng' dsea' quia' Dsea Jmáang- i sii' Timoteo, jóo' jaang' dseam' dsea' Israel i líng' dsea' quia' Dsea Jmáam- cajo, jogui tiquiaíiñ' do dsea' griegob nilíiñ'. ² Jo jaléng' dsea' quia' Dsea Jmáang- i seeng' fi' Listra cóo' gui fi' Iconio, guiáb- fé'r uii' quia' i Timoteo do. ³ Jo cali'ing' Paa e nijeiñ- Timoteo fi' li dsiguiar' júu' quia' Dsea Jmáang-, dsu' nú'- gui lajo cajmitib- i Timoteo do lajii' e tíng' dsea' Israel e tóor' li fi' ngúu' táang' lajii' dseañu', jo cajméer' lajo e laco' ni'ím' dsea' Israel laji' gaang' dsea' do cóo' júu'

røø' fí lĩ niguilíĩñ̄, cø' jalém' dsea` seeng' fí jø ñir' e dsea` griegob lĩng' tiquiá'^ i Timoteo do.

4 Jø mi~ cangî jø, catam' bre fí, jø lacøø' fiĩ e ngíĩñ̄, sí'r` jaléng' dsea` quiá'- Dsea` Jmáang- lajii' júu^ e quier' quiá'- dsea` apóo^ cøø'~gui jaléng' dsea` cøøng'~ quiá'- dsea` quiá'- Dsea` Jmáang- i neáang' fí Jerusalén. 5 Jø lajøb eáang' gui já' calíng- i dsea` do júu^ quiá'- Dsea` Jmáang-, jø lacøø' jmüb~ naang' dsifíĩñ'.

Mi~ cangáng- Paa- jaang` dseañu' i seeng' fí Macedonia lafa' mi~ quir'

6 Jø mi~ cangî jø, Paa- cøø'~ i dsea` gáng-gui do cangím'bre fí lĩ se' Frigia cøø'~gui lĩ se' Galacia, cø' Jmiguí quiá'- Fidiéé' ja` cacuø' fí ír' fa' e niguiár- júu^ quiá'- Dsea` Jmáang- fí lĩ se' Asia. 7 Jø caguilíĩñ̄ fí 'ni' lĩ iáng' cøø'~ Misia, cø' fí jøb í dsíir' e ningíĩñ̄ fí lĩ se' Bitinia, dsu' calé' catú- Jmiguí quiá'- Fidiéé' ja` cacuø' fí ír' e ningíĩñ̄ fí jø. 8 Jø lajøb cangíĩñ' lacuee' lĩ se' Misia cartí caguilíĩñ̄ fí cøø' oo- jmü lĩ sii' Troas. 9 Jø fí jøb, cøø' uøø' i Paa- do cangáiñ- jaang' dseañu' i seeng' lĩ se' Macedonia e lafa' mi~ quir', jø i dseañu' do siñ' fí quini' Paa- e mir' jmi'ee' jø jíñ': "Ngíing' fí Macedonia la, jø jmicøø'~ jnea'^." 10 Jø mi~ cangî e cangá- Paa- e jø lafa' mi~ quir', dsifí lajøb caguiá-naa' guiá- qui-naa', jnea~ Lucas cøø'~gui Silas cøø'~gui Paa-, jø cangó-naa' fí Macedonia, cø' calitab~ dsí-naa' e Fidiéé'bing' i catø- qui-naa' do e nidsiguia~naa' júu^ quiá'- Dsea` Jmáang- fí jø.

Mi~ cangolíng^ Paa- cøø'~ Silas fí Filipos

11 Jø dsifí lajòb ca'uøø-naa' fí Troas e téena' dsí' móo', jø ngó-baa' condsée' fí cõo' guóo' uó' lí se' Samotracia e néé' guiá' jóo' jmiñí'. Jø mi~ cajneá- lajõ, caguié-naa' fí cõo' oo' jmiñ' lí sii' Neápolis. 12 Jø fí jòb ca'uøø-naa' dsí' móo' cangó-naa' fí Filipos, cõo' fiñ' lí quiá' dsea Roma ta~, jøgui lí' cõo' fiñ' e laniing- quiá'- lí se' Macedonia cajo. Jø fí jòb cajá-naa' tú' 'ní' jmiñ'.

13 Jø lajee~ taang-naa' fí do, cõo' jmiñ' lajee~ e tíng' dsea' góo-naa' dsea' Israel e jmi'íñ', ca'uøø-naa' cangó-naa' fí 'ní' fiñ' do quiá'- lí iá' cõo' gua', cõ' fí jòb í dsinaa' e seáng' dsea' góo-naa' e féiñ' Fidiée~. Jø mi~ caguié-naa' fí jø, dob ca'íe-naa', jø canaang-naa' é'naa' júu' quiá'- Dsea' Jmáang- jaléng' dseam' i caseáng' fí do ie~ jø. 14 Jø jaang' lajee~ i dseam' caseáng' do ie~ jø nisiir' Lidia i niseeng' fí cõo' fiñ' lí sii' Tiatira, jø jmóor' ta~ 'niñ' 'mi' e jlo' eáang'. Jø i dseam' í eáang' jmiféiñ' Fidiée~, dsu' lajee~ núur' júu' e guiá' Paa-, Fidiée~ cacuø'r' i dseam' do e cana' moguiñ' e lacõ' ni'íñ' lajii' e júu' e guiá' i Paa- do. 15 Jø mi~ ca'íng' i dseam' do júu' quiá'- Dsea' Jmáang-, jø cajgáam-bre jmiñ' cõo' gui jaléng' dsea' sinúu' quiá'r- e lacõ' cuø' lí e ca'uíñ- dsea' quiá'- Dsea' Jmáang-. Jø mi~ cang' jø, cajíng' i dseam' do sí'r jnea'^:

—Song 'nú' dseáng'- já'- líng'na' e jnea' lín'n dsea' quiá'- Fí'naa' Dsea' Jmáang-, ñilíng-na' fí quié- e jø fí jòb nijá-na'.

Jø cam'r' jnea'^ jmi'ee~ e cajé-baa' fí quiá'r-.

Mi~ cajníng- Paa- cõo' Silas fí dsí' 'niñí'

16 Jo cōo`ya', lajee`ngóo'naa' fí lí seáng' dsea`góo'naa' e féiñ' Fidiée`, jo lajee`ngóo'naa' fí jo cajíng'naa' jaang`simí` i jmóo`ta` quiá'- fíir` e ja` e 'léeiñ'`jii` cōo`; jo i 'lim'`nijée' quiá'- i simí`do, jo la'eáang' cōo` i 'ling'`dob jmóor`jalé` e jmóor`. Jo jmóo` i 'ling'`do e lí` i simí`do gui'r` e` jalé` nilí dsa'ó` iée'. Jo cōo` e job lí` fí i simí`do jmiguiá' cuu-. 17 Jo i simí` í canaaíñ`ti'leáam`bre caluu`naa' jo fé'r`teá`jo jíñ'-:

—Jaléng' i dseañu` la líiñ' dsea` i jmóo`lajii` e iing` Fidiée` dsea`féng' dsea`níing', jogui`guiar`júu`sír` jaléng'`nú` jial nileáng` dsea`jee` jalé` dsee` quiá'r`.

18 Jo yejib`dseáng'- fé` i simí`do lajo, jogui`lajee` jmiguiab` jmi~ cajo`cartí` mi~ níngóo` guia` 'nib` dsí' Paa-, joba' cajíñ'- casí'r` i 'ling'` i jée' quiá'- i simí`do jo cajíñ'-:

—La'eáang' cōo` júu` quiá'- Dsea` Jmáang` quiá'u`ta` e júu` lí` iuun'- na.

Jo dsifí`lajob`catúu` i 'ling'`do quiá'- i simí`do.

19 Jo dsu'`mi~ cangá` i fíi` i simí`do e jo` lí` nilí`guir` cuu- la'eáang' cōoiñ`do, joba' casam`bre Paa- cōo`gui` Silas, jo cangojeáang`neiñ' fí`quini`dseata`dseáng'- guia` joo` e fi`do. 20 Jo i dseata` í`guib`cangojéeng`neiñ' fí`quini` i dseata` i quidsí` í', jo lalab`cajíng'- i fíi` i simí`do casí'r` i dseata` quidsí` í`do:

—I dsea`Israel la ngír`jmóor`ga`jee` fi~, 21 jogui`er`jalé` e ja`cuóøng`ní'íing`naa' o`gui`nijmití`naa', jneaa`aa' dsea`lí'í' dsea`romano.

22 Jo canaang`dsea` fi` e iíñ`nijmeám`breiñ' do, jogui` i dseata` quidsí` í`do caquiá'r`ta` e ni'uóíñ'-

do si¹ i dsea` do jogui nibóøng⁻neih¹ do cóo¹ si⁻.
²³ Jo mi[~] cangi[^] e cabóøng⁻neih¹ do eáang[^], jo fi[^] dsí[^]
 'nuñí^b catáih¹ dsea` do, jogui caqui^ar[^] ta[~] i dsea`
 i jmóo[^] í[^] 'nuñí[^] e nijméih¹ í[^] dseáng¹ røøb[^] i dsea`
 sijníng[^] do. ²⁴ Jo mi[~] ca'ing¹ i dsea` i jmóo[^] í[^] e 'nuñí[^]
 do e júu[^] jo, joba¹ catáih¹ i dsea` do cartí[^] a'gui dsí[^]
 e 'nuñí[^] do, jogui tiih¹ do cacúih¹ cóo¹ tú⁻ 'ma[^] e
 dsí[~] too[^].

²⁵ Jo ie[~] uøø[^] guienúu[^] job, lajee[^] e Paa⁻ cóo¹ gui
 Silas féih¹ Fidié[^] jogui ør[^] e quiá¹ jmiféih¹ Fidié[^]
 cajo, jo i dsea` caguiaang⁻gui i sijníng[^] do lico¹
 núu[^] bre, ²⁶ jo lajee[^] job, coo[^] cajób[^] uø⁻ e teá[^] eáang[^]
 jo canaang[^] sojá⁻ tii⁻ fii[^] quiá¹ e 'nuñí[^] do. Jo dsifí[^]
 lajob cana[^] jalé[^] jní[^] quiá¹, jogui casojiáb[^] jalé[^]
 ñí[^] cadena e 'núung¹ jaléng¹ i dsea` sijníng[^] do.
²⁷ Jo mi[~] cajné⁻ dsí[^] i dsea` i jmóo[^] í[^] 'nuñí[^] do jogui
 cangár⁻ e ni'óob[^] jalé[^] jní[^] quiá¹ e 'nuñí[^] do, joba¹
 dsifí[^] lajob caguir[^] ñisú[^] quiá¹ e si¹ níjngáng¹
 'ñia¹ r[^], co¹ í[^] dsír[^] e nicaláam⁻ jaléng¹ i dsea` sijníng[^]
 do. ²⁸ Dsu¹ dsifí[^] lajob guicafé[^] Paa⁻ e teá[^] eáang[^] jo
 guicajih¹:

—Ja[^] e jmáang¹ uø[^] jí¹ coo[^], co¹ lab té¹ naa¹
 lajih¹ naa¹!

²⁹ Joba¹ i dsea` jmóo[^] í[^] 'nuñí[^] do camir[^] coo[^] jí[^],
 jo ca'ír⁻ güi'í[^] fi[^] dsí[^] e 'nuñí[^] do e jléeih[^] dsu[^] e
 'gó¹ r[^], jo mi[~] caguiér⁻ li[^] teáang¹ dsea` do jo catúuih[^]
 uii[~] tii⁻ i Paa⁻ do cóo¹ gui Silas. ³⁰ Jo mi[~] cangi[^] jo,
 ca'uøøm[^] breih¹ do fi[^] caluu[^] jo cajmíng¹ reiñ¹:

—¿E[~] 'né⁻ jmee[~] e e laco¹ nileáan[^] n jee[~] jalé[^] dsee⁻
 quié⁻ e?

³¹ Joba¹ cañí[^] i dsea` do:

—Já' güilín' júu' quiá' Fí'naa' Jesús jō ni'lim' dsee' quí' cóo'gui dsee' quiá' jaléng' dsea' sináú' quií'.

³² Jō canaañ' sí'guir dsea' do cóo'gui dsea' sináú' quiáñ' júu' quiá' Fidié'. ³³ Jō 'ñia' ie' uóø' jō, i dsea' jmóo' í' e 'ñañí' do cajméer' mí' lí' sicuí' quiá' i Paa' do cóo'gui Silas. Jō lí' jō, cajgáang' i dsea' jmóo' í' 'ñañí' do jmí' colíng' cóo' dsea' sináú' quiá'r' e lacó' cuó' lí' e ca'uíng' jaléng' dsea' do dsea' quiá' Dsea' Jmáang'. ³⁴ Jō mí' cangí' jō, cató'r' i dsea' gáng' do fí' quiá'r' jō cacuó'reiñ' e cagó'r'. Jō i dsea' í' colíng' cóo' dsea' sináú' quiá'r' dsíng' cali'íang' dsíir', cō' jáb' caliñ' júu' quiá' Fidié'.

³⁵ Jō mí' cajneá' lajō, i dseata' i quidsí' í' do casíñ' tú' 'ní' míng' í' quiá'r' i quie' júu' quiá' i dsea' jmóo' í' 'ñañí' do e nileáñ' Paa' cóo'gui Silas. ³⁶ Jō lalab casí' i dsea' jmóo' í' 'ñañí' do Paa':

—I dseata' i quidsí' í' do nicasíñ' júu' quie' e e nilaam'ba' 'ná'. Jō nicuóøm' güilíng'na' juguí'.

³⁷ Jōba' cañí' Paa' quiá' i í' i quie' júu' do:

—Caquiú' i dseata' do ta' e cabóøng' dsea' jnea', dsea' calisé'naa' fí' lí' quiú' dsea' Roma ta', fí' jee' dsea' í' e jí' ja' mí' caquidsir' í' quí'naa', joguí' catáñ' jnea' 'ñañí'; joguí' lana iñ' leáñ' jnea' e íng', dsu' ja' uó'naa' cartí' güilíñ' yaaiñ' e ni'uóñ' jnea' song lajō.

³⁸ Jō cangocóob' i í' do júu' fí' lí' neáang' dseata' i quidsí' í' do. Jō mí' canúur' júu' e quie' i í' do, cafóm'bre cō' e canúur' júu' e dsea' i caliséng' fí' lí' quiú' dsea' Roma tab' líng' i dsea' gáng' do. ³⁹ Jō cangolíng' i dseata' quidsí' í' do e ngomir' jmí'ee'

fi' quini~ Paa- cóo~ Silas e nijméiñ'- do féng' dsír' quiá'- jalé' e calí- do. Jo mi~ cangî jo, ca'uøøm~bre jo camí'r' jmi'ee~ dsea` do e ni'uøm~biñ' e fi' jee~ fiñ` do. ⁴⁰ Jo mi~ cangî e ca'uøøng` i Paa- do cóo~gui Silas fi' dsí' 'næñí^, cangolím~tur fi' quiá'- Lidia. Jo fi' job cajíng'tu rúíñ^ cóo~ jaléng' dsea` quiá'- Dsea` Jmáang-, jogui cacuø'guir bí dsea` do cajo. Jo ngî jo, ca'uøøm~bre e fi' do, jo fi' lí~ jiéb^ cangolíñ^.

17

Mi~ cateáng` Paa- fi' Tesalónica

¹ Jo lajee~ gui'nang' e teáng' Paa- fi' cóo~gui Silas, cangíiñ' fi' cóo` fiñ` e siñ` Anfípolis cóo~gui Apolonia. Jo mi~ cangî jo, caguiliñ- fi' cóo` fiñ` e siñ` Tesalónica, jo fi' job sí' cóo` guá'- quiá'- dsea` Israel lí~ féiñ' Fidiée~. ² Jo có' lajii~ e tíng` Paa- e dséer' fi' guá'- quiá'- dsea` góor` dsea` Israel lacoo` née' mi~ tí jmi~ e jmi'íng' jaléng' dsea` î, jo lajee~ 'ní' semaan~ casíiñ- cóo~ jaléng' i dsea` i caseáng' do cuaiñ~ quiá'- jalé' e fé' fi' ní~ jì' quiá'- Fidiée~ e cajme' dsea` malí~gui eáang', jo sí'r` dsea` do ³ e dseáng'- 'né~ba' e cajúng- i Dsea` Jmáang- do; jo mi~ cangî e cajúíñ-, dseáng'- 'né' e cajíb'tur. Jo casí'- guir i dsea` do cajo jo cajíñ'-:

—I Jesús nab i líng' Dsea` Jmáang-, i dsea` i laang` jneaa~aa' jee~ dsee~ quí~ii', jo júu^ quiá'- i nab e ngí' jnea~ guíaa~ jee~ 'nú'.

⁴ Jo i líng~ dsea` Israel jáb'- calíñ- júu^ e guíá' i Paa- do cóo~gui Silas, jo røøb` canaiñ` ngír' cóo~ dsea` do. Jogui fíim~bí dsea` griego i eáang' jmi'gó` Fidiée~ cóo~gui fíing' dseamî i laniing- quiá'- e fiñ` do, jáb'- calíñ- e júu^ jo cajo.

⁵ Dsa' uí' e jo ca'uíng e jaléng' dsea` Israel i ja` ja' líng e júu` do, eáam' calí` dsihuíiñ' jogui caliguiñ` quiá' jaléng' i dsea` i calí` ja' líng e júu` jo. Joba' caseáiñ` tú` 'ní` máng' 'ná' fi' i tá' teáng` jee` 'núu' e laco' i dsea` í` nitá'r` má' jogui nijmiguíñ` jaléng' dsea` i neáang' fi' fi` jo. Jogui lajobi caguiliñ` fi' quiá'` Jasón e 'náñ' Paa` cóo'`gui Silas e laco' ni'uóng` neiñ' do jo nitóøreiñ' fi' quini` dsea` fi`. ⁶ Jo có' ja` cadséng'guir i dsea` i sí' 'náñ' do, joba' catór` Jasón laguid-seaang` cóo'`gui cóo` tú` máng'`gui dsea` quiá'` Dsea` Jmáang` i nineáang' fi' jo ie` jo, jo catóø reiñ' do fi' quini` dseata` e ta'r' má' jo fé'r` lala:

—I dseañu` do nica'lee`bre la'úng` fi' jmigüi cóo'` júu` e guiar' do, jogui fi' lab nicagüliñ` lana e iñ` jmér` lajo. ⁷ Jo i Jasón na nica'íng`neiñ' fi' sináú` quiá'r`, jo lajm`bre ja` jmi'gór' lajii` ta` quíu' dseata` dsea` féng'` romano, có' fé'r` e seem` jaang`gui dseata` dsea` féng'` i sií` Jesús.

⁸ Jo mi` canúu` jaléng' dsea` fi` e júu` do cóo'`gui jaléng' dsea` quie' nifi' quiá'` e fi` do, eáang'gui catóø` má'`. ⁹ Jo cuub` caguia' i Jasón do cóo'`gui i dsea` caguiaang` do fi' quini` dseata` e laco' calí'r` catáú` tu` i dsea` do quiá'r`.

Mi` caguilíng`gui Paa` cóo'` Silas fi' Berea

¹⁰ Jo mi` canúu` ie` jmí` jo, jaléng' dsea` quiá'` Dsea` Jmáang` casíñ` Paa` cóo'`gui Silas lajminá` fi' Berea. Jo dsifi' mi` caguiliñ` fi' jo, cangoliñ` fi' guá'` quiá'` dsea` góor` dsea` Israel lí' laco'gui la litíiñ` jmóor`. ¹¹ Jo jaléng' i dsea` Israel i seeng' fi' Berea eáang'gui iñ` ninúr` júu` guia' dsea` do laco'gui dsea` seeng' fi' Tesalónica, jo lajmináb`

caliñ' e júu^ jo, jogui lacoo` jmiib~ cuør' bî e jmitiñ' jalé' e júu^ too` fí' ni~ jì' quiá'- Fidiée' e gui'r' su e jáb'- e júu^ e cagua' Paa- do. ¹² Jo lajee` i dsea` í, fíim'bre já'- caliñ- e júu^ jo, jogui lajobi fíim' dseañu' dseamî griego i niing- i seeng` fí' jo jáb'- caliñ'- do júu^ quiá'- Dsea` Jmáang- e guiá' i Paa- do cóo`~gui Silas. ¹³ Dsu' mi~ caliñí' jaléng' dsea` Israel i seeng` fí' Tesalónica e nitáang` Paa- e guiar' júu^ quiá'- Fidiée' fí' Berea, joba' fí' job cangoliñ- cangojméer^ ga` cóo`~ jaléng' dsea` i seeng` fí' jo. ¹⁴ Joba' dsea` quiá'- Dsea` Jmáang- i seeng` fí' Berea cajméer` e lajmináb- cagüi'fí' Paa- fí' jo, jo cangór- condsee' fí' 'ni' jmiñí'^, dsu' fí' Bereab cajé' Silas cóo`~gui Timoteo lajee` jo. ¹⁵ Jo jaléng' dsea` quiá'- Dsea` Jmáang- i cóo`~ Paa- cangolím-bre cóoiñ'- do cartí' cóo` fí' e sií' Atenas. Jo mi~ cangî jo, caquim'-tur fí' Berea jo niquiéer` júu^ quiá'- Paa- e Silas cóo`~gui Timoteo nidsiliñ- fí' li~ táang` Paa- lajminá-.

Lajee` táang` i Paa- do fí' Atenas

¹⁶ Jo lajee` táang` i Paa- do fí' Atenas e sijeeiñ` Silas cóo`~ Timoteo, fi'íb^ eáang` caliñ-, có' i dsea` seeng` fí' Atenas do jie~ ja` latøng- fíib` jmiñéiñ' jaléng' diée~ i o' já'- i ja` quí'~ jmiñ' jmé- jii'~ cóo`. ¹⁷ Joba' eáam` títng` júu^ quiá'r- cóo` i dsea` góor` dsea` Israel cóo`~gui jaléng' dsea` caguaiang- gui i jmi'gó' Fidiée' fí' dsí' guá'- quiá'- dsea` Israel. Jo dseáng'- lacoo` jmiñ' lacoo` jmiib~ sñiñ' e júu^ do cajo cóo`~ jaléng' dsea` i seáng' fí' guiá'^ jóo` fí' quiá'- fí' Atenas. ¹⁸ Jogui lajobi i liing~ dsea` i jmitíng` júu^ quiá'- Epicuro cóo`~gui dsea` estoico i jmitíng` júu^ quiá'- Zenón, canaaiñ` s'f' rúñ' cóo`~

Paa⁻ cajo, jo i ling[~] i dsea[`] do fé'r[`] jo sí[^] rúin[^] laje[~] yaai[~] e éei[~] Paa⁻ jo fé'r[`]:

—¿E[~] e fé[^] i dsea[`] cuee[~] mi[^] m[^] na?

Jogui fé[^] gui i caguaang⁻ gui do:

—Lá[^] dsea[`] seeng[`] lí[~] jiéb[^] i na, jogui iin[~] nijmigøøi[~] dsea[`] cóo[^] jalé[^] e fé'r[`] na e quia[^] jaléng[^] dié[~] i 'míng⁻.

Jo fé'r[`] e jo có[^] uí[^] e guía[^] Paa⁻ júu[^] quia[^] Jesús, jogui jial mi[~] cajmée[~] Fidiée[~] e cají[^] tu dsea[`] do jee[~] jaléng[^] 'lí[~]. ¹⁹ Joba[^] cajéei[~] Paa⁻ fí[^] cóo[^] yú[^] cuo[^] lí[~] sii[^] Areópago fí[^] lí[~] tñng[`] jaléng[^] dsea[`] Atenas e seái[~] e síi[~] jalé[^] júu[^] quia[^]. Jo mi[~] caguié⁻ Paa⁻ fí[^] jo, jo cajming[^] i dsea[`] do ír[`]:

—¿Já[^] cuøng[`] line[~] naa[^] e jalé[^] júu[^] 'míng⁻ e quie[^] 'nú[^] e e[^] jnea[^]? ²⁰ Có[^] fó[^] 'nú[^] jmang[^] júu[^] jiéb[^] ji, joba[^] ii[~] naa[^] e nilínee[^] e guøng[^] e júu[^] jo.

²¹ Jo lajñng[`] i dsea[`] seeng[`] fí[^] Atenas do cóo[^] gui jaléng[^] dsea[`] i jalíng⁻ fí[^] lí[~] jié[^] i neáng[^] fí[^] do, contøøm⁻ tí[^] dsír[^] núur[^] jogui síi[~] lajñ[^] júu[^] 'mí[~] e quie[^] lí[^] doñí[^] ii[^].

²² Joba[^] caróo⁻ Paa⁻ jee[~] jaléng[^] i dsea[`] i neáng[^] do e fí[^] lí[~] sii[^] Areópago, jo cají[^] casí[^] jaléng[^] i dsea[`] do:

—Lalab fñ⁻ i 'nú[^], dsea[`] seeng[^] na[^] fí[^] la fí[^] Atenas, e jalé[^] e móo[^] quí[^] na[^] e líng[^] na[^] dsea[`] i eáng[^] jmiféng[^] fñng[^] dié[~]. ²³ Có[^] cangoyé[^] e fí[^] lí[~] seáng[^] 'nú[^] e jmiféng[^] na[^] jaléng[^] dié[~] quí[^] na[^], jo fí[^] job cadsé[^] e cóo[^] nife[^] lí[~] to[~] júu[^] e fé[^] lala: “Dié[~] i ja[^] mí[^] cúing[^] dsea[`].” E jáb[^] e fó[^] 'nú[^] quia[^] jaang[^] Dié[~] i ja[^] cúing[^] na[^], quia[^] íb[^] e nifñ[^] gui jnea[~] 'nú[^] lana.

²⁴ Jo dsea[`] íb[^] i cajmée[~] la'úng⁻ jmigü[^] cóo[^] gui jalé[^] e sea[^] fí[^] jo. Jogui íb[^] i líng[^] fí[^] jaléng[^] i neáng[^]

fi' yú^ jogui cóo~ jaléng^ ì seeng^ fi' jmigüî la, jogui ja^ guiiñ lí^ doñi' jie' sináú^ guá^- e cajme' dsea^ jmigüî, ²⁵ o'gui 'né^- e dsea^ jmigüî nito~ fíng^ ír^ osi ì nijmicóo~ ír^ é, co' íbre cuø'r^ jaléng^ dsea^ e jí'r^ jogui guî e cá^ dsea^ cóo~ gui lajalé'gui e jie'.

²⁶ 'Co' cóo~ jaang^ dseañub' cajmeáaiñ lajüing^ dsea^ ì seeng^ la'úng^- fi' jmigüî e laco' nigüear^ fi' lacaang^ guoo~ uø^-; jogui quiu'r^ ta~ jie~ jí~ seeng^ dsea^ fi' jmigüî, jogui jie~ fi' lí^ catíng^- nigüear^.

²⁷ Jo cajmeáng^ Fidiée~ lajüing^ jneaa~aa' e laco' ni'néng^~naa' dsea^ do, jo niguiém^'baa're song ni'néng^'na're. Dsaco' e jáb^- e ja^ huí~ seeng^ Fidiée~ cóo~ lajaang^ lajaang^ jneaa~aa'. ²⁸ Co' la'eáng^ Fidiée~ba' see~naa' jí'naa' jogui ngi'naa' lí^ laco'gui cajíng^- ì líng~ dsea^ góo'na' malí^ ì jmo' júu^ ie~ mi~ cajíñ^- lala: "Í siju~ Fidiéeb~ jnea^."

²⁹ 'Jo co' e já^- e lí'na' dsea^ siju~ Fidiée~, joba' ja^ cuøng^ e í^ óo'na' e Fidiée~ líiñ^ laco' jaléng^ diée~ ì jmáang^ dsea^ cóo~ cunee~ osi cóo~ cutee~ osi dsea^ cuu~ é, jo jmáang^ dsea^ jialco' iim~bre jaléng^ í. ³⁰ Jo Fidiée~ nicajmée~bre féng^' dsíir^ malí~gui eáang^ cóo~ jalé' e laang^ dsea^ cóo'r~, dsu' lana ni'quiur^ ta~ lajüing^ dsea^ ì seeng^ fi' la'úng^- jmigüî e ni'quí^- jíng^ yaaiñ~ fi' quini'r~, jo nitúr^ e jmóor^ jalé' e ja^ dseeng^, jo lajoba' ni'íng^- Fidiée~ dsee^- quiá'r-. ³¹ Co' Fidiée~ nicatée~bre coo~ jmü~ e ni'quidsir^ í' laco' si'í^ quiá^- jaléng^ dsea^ jmigüî la'eáng^ cóo~ ì dseañu^ ì caguíñ^ 'ñia'r^ do; jo Fidiée~ nica'e'r^ jaléng^ dsea^ e jo mi~ cajméer^ e cají'tu Dsea^ Jmáang^- jee~ jaléng^ 'lí~.

³² Jo mi~ canúu^- ì dsea^ seeng^ fi' Atenas do e fé' Paa^- cuaiñ~ quiá^- e jíb'tu dsea^ jee~ jaléng^ 'lí~, ì

liing~ i dsea` do lí^ calóøm~ bre Paa~ jogui i liing~ gui fé`:

—Cuóøm` lí` ná^naa' e fó` na cõõ`gui jmí~.

³³ Jo lí~ e jo, güi'íib' Paa~ fí' do. ³⁴ Dsu' i liing~ gui i dsea` do jáb'~ calíñ~ júu^ e guía' i Paa~ do. Jo jee~ î quiéeng` jaang` dseañu' i sií` Dionisio i líing' jaang` dseata~ quiá'~ Areópago, jogui jaang` dseamî i sií` Dámaris, jogui dsea` i jiéng`gui cajo.

18

Lajee` táang` Paa~ fí' Corinto

¹ Jo mi~ cangî jalé` e jo, cagüi'íib' Paa~ fí' Atenas, jo cangór~ fí' cõõ` fíi e sií` Corinto. ² Jo job calicuíñ` jaang` dseañu' i líing' dsea` Israel i sií` Aquila i niseeng` fí' cõõ` fíi lí~ se' Ponto. Jo ie~ jo ja` mí` ngóó` eáang' e nicagüi'líng` i Aquila do cóõ`~gui dseamî quiá'r~ i sií` Priscila e jalíñ` fí' Italia. Jo ca'uøøiñ` fí' jo cõ' i dseata~ quiá'~ Roma do i nisii` Claudio caquiur' ta~ e 'né` uøm` jaléng' dsea` Israel fí' Roma lí~ se' Italia. Jo cõõ` jmí~ cangó~ Paa~ e cango'eer~ i Aquila do cóõ`~gui Priscila, ³ cõ' røøb` ta~ óor` cóõ'iñ` do e jmo'r' 'núu'jiu cóõ`~ layaang` loo` jó' e laco' lí'r' e 'né~. Jo job cajé' Paa~ cóõ`~ i dsea` do e laco' nijmér~ ta~ colíng~. ⁴ Jo lacoõ` jmí~ mí` tí' e jmi'íng' dsea` góor` dsea` Israel, dsée' Paa~ fí' guá'~jiu lí~ seáng' i dsea` î e féiñ' Fidié~. Jo fí' job féiñ' jaléng' dsea` Israel cóõ`~gui jaléng' dsea` i ja` líng' dsea` Israel e laco' já'~ nilíng' dsea` do júu` quiá'~ Dsea` Jmáang~ e guiar'.

⁵ Jo mi~ caguilíng` Silas cóõ`~ Timoteo fí' Corinto fí' lí~ guíng~ Paa~ cóõ`~ Bernabé e jalíñ` fí' Macedonia, jo i Paa~ do catú`bre e ta~ jmóor` do, jo canaaiñ`

e guiar' júu^ quiá'- Dsea` Jmáang- laco` jmí~ laco` jmí~, jogui sí'r` jaléng` dsea` góor` dsea` Israel e dseáng'- já'-ba' e Jesús líiñ' i dsea` i cajíng'- Fidié` i nisíñ- fí' jmigüf` la lajii~ malí'. ⁶ Dsu' i dsea` Israel do 'níb' cangáñ- Paa-, jo canaaiñ` sí'reiñ' jmang'- júu^ ga`. Joba' Paa- cabó'r` 'lee' too~ sí'r^ e laco' cuø' lí~ e ja` jii~ dsea` ír', jo casí'r- i dsea` i ja` jii~ ír' do lala:

—Dsee- quí- na' yaam~ba' e nigüiling`na' fí' lí~ 'lí'^, dsuco' jo` e cuaiñ~ quié`-e. Latí' lanab nii~ i cóo` dsea` i ja` líng` dsea` góo` dsea` Israel e ni'ée`ere júu^ quiá'- Dsea` Jmáang-.

⁷ Jo mi~ cangí' jo, cagüi'íb' Paa- fí' dsí' e guá'-jiu do, jo cangór- fí' quiá'- jaang` dseañu' i sii` Ticio Justo i jmiféng' Fidié` contøøng-, jo cáang` e guá'-dob lí' quiá'r-. ⁸ Jo jaang' fii~ i néé' ni~ e guá'-jiu do i sii` Crispo cóo`~ lajaléng' dsea` sinuu^ quiá'r- jáb'-calíñ- júu^ quiá'- Fí'naa' Dsea` Jmáang-. Jogui lajobi fíim` dsea` i neáang' fí' Corinto, mi~ canúur- júu^ quiá'- Dsea` Jmáang-, jáb'-calíñ- joba' cagáam-bre jmí e laco' cacuø' lí~ e ca'uíñ- dsea` quiá'- Dsea` Jmáang-.

⁹ Jo coo` uøø` cajmijnéeng` 'ñia' Dsea` Jmáang- fí' quini` Paa-, jo e jo cangár- lafa' mi~ quir', jo cajíng'- Dsea` Jmáang- casí'r- dsea` do:

—Ja` jmoo` 'gó' jii~ capí'^, jo guia~gui júu^ quié`-e jee~ jaléng' dsea` jo ja` quiun'^ e jmoo` lajo. ¹⁰ Co' jnea~ seem~baa colíng~ cóo`~ 'nu', joba' jii~ jaang` dsea` ja` ii` lí' nijmeáng' 'nu' ga`. Co' fíim`bi dsea` niseeng` e fí' fi~ la i ni'uíng- dsea` quié`-e.

¹¹ Jo fí' Corintob cajé' Paa- coo` jii` dsi~ ca'ná'^ e e'r' i dsea` seeng` fí' jo jalé' júu^ quiá'- Fidié`.

12 Jo cōḡ nēe'~ lajee' jii' e calíng- jaang' dseañu' i sii' Galión dseata~ dsea' féng' quiá'- li' se' Acaya, jaléng' dsea' Israel i neáang' fí' do ie~ jo casaiñ- røḡ e nijmér- dsee- quiá'- Paa-. Joba' casang'- neiñ' jo cangojeáaiñ' fí' li' neáang' dseata~ dsea' quidsí' í'.
 13 Jo mi~ caguiliñ' fí' jo, lalab casí'r- i dseata~ do jo cajíñ'-:

—I dseañu' dsea' góo'naa' la ngir' ta~ jmigóøng' jaléng' dsea' quiá'- jial e 'né- niféng' dsea' Fidiée', dsu' ja' náu'r~ lajii'~ júu^ quiu' ta~ quií'-ii'.

14 Jo si'í' niñí'- Paa- e nisí'r' dseata~ Galión lajii'~ e 'náng' i dsea' do ír', dsu' jéeng'gui Galión cañir' quiá'- i dsea' Israel do jo cajíñ'-:

—Song dseáng'- lahuíng' nica'éé' i dsea' na osi líng' iñ' nicajngaiñ' é, joba' catíng- e niquidsii' í' fa' lajo. 15 Dsu' e na lí' lajii'~ júu^ e catíng'-na' yaam~ba' na quiá'- lajii'~ júu^ quiu' ta~ quií'-na', joba' yaam~ba' catíng'-na' niguí'~na' e na, cō' jnea~ ja' iin~n niquín'^n e júu^ na.

16 Jo caquiú' i dseata~ do ta~ e cagüi'íb' Paa- cóḡ~ jaléng' i dsea' caguiaang'-gui e fí' li' quidsí' i dseata~ do í'. 17 Jo lajüng' i dsea' i jmóo' dsee- quiá'- Paa- do casaiñ'- jaang'gui dseañu' i sii' Sóstenes i líng' fi'~ quiá'- guá'-jiu quiá'- dsea' Israel e si' fí' do, jo job cabóøiñ- i dsea' do fí' quini' li' neáang' i dseata~ dsea' quidsí' í' do, dsu' ja' e jíng'- dseata~ Galión jii'~ cōḡ quiá'- jalé' e jmóo' i dsea' do.

Mi~ caqing'-tu Paa- fí' Antioquía

18 Jo mi~ cang'ê jo, huóø-bi cajé' Paa- fí' Corinto. Jo mi~ cang'êgui lajo, ca'í'bre júu^ jaléng' dsea' quiá'- Dsea' Jmáang- i neáang' fí' do, jo cangolíñ' fí'

coo` oo- jmi~ e sii` Cencrea. Jo lajee` e taam~bir fi` jo, catu`r` cuo` moguir~ laco` tñng` dsea` góor` dsea` Israel e laco` niliti~ lajii`~ júu^ nicacuø`r` Fidiée` lamí~ jéeng`gui. Jo mi~ cangf` jo, cangotáaiñ`~ fi` dsíí` móo` coling~ cóo`~ Aquila cóo`~gui dseam` quiá`- í` i sii` Priscila jo colim~ cangolíñ`^ fi` lí` se` Siria.

¹⁹ Jo mi~ caguiling`tur e oo- jmi~ lí` sii` Éfeso do, job caseáng` Paa- i Aquila do cóo`~gui dseam` quiáañ`- i sii` Priscila, jo cangó-bre` ñia`r` fi` lí` sí` guá`-jiu quiá`- dsea` góor` dsea` Israel. Jo fi` job casíñ`- cóo`~ jaléng` dsea` í` i caseáng` fi` do ie~ jo.

²⁰ Jo i dsea` i siseáng` fi` guá`-jiu do casf`r- Paa- e fa` nijé`-bir huøø- cóoiñ`~ do, dsu` Paa- jo` cali`iñ`~.

²¹ Jo ca`f`bre` júu^ i dsea` do jo casf`r-:

—'Né- e seem`baa fi` Jerusalén e nití- jmi~ e nijaquiéeng` fi` jo. Jo lí`^ jial ta~ niquiá`- Fidiée` quié`-baa e nigáa`túu e ga`ee`e` 'ná` fi` la calé` catú-.

Jo mi~ cangf` jo, cagü`í`b` Paa- e fi` Éfeso do e iuuiñ`- fi` dsíí` móo`, ²² jo cangó-bre`tur fi` Cesarea, jo fi` job cajer` e laco` nicuø`r- guicóo`~ jaléng` dsea` quiá`- Dsea` Jmáang- i neáng` fi` jo. Jo mi~ cangf` jo, cangám`-tur fi` Antioquia, jo fi` job cajer` huøøb`-jiu.

²³ Jo mi~ lí` cøøng`gui lajo, cagü`í`b`tur calé` catú-, jo cangi`tur lacoo` lacoo` fi` e née` fi` lí` se` Galacia cóo`~gui lí` se` Frigia e cuø`guir` bí` jaléng` dsea` quiá`- Dsea` Jmáang- e laco` ja` nilitúng`- dsíñ`~ lajii`~ fi` niteáañ`- cóo`~ Dsea` Jmáang-.

Mi~ cagua` Apolos júu^ quiá`- Dsea` Jmáang- fi` Éfeso

²⁴ Jo ie~ jo caguíe- jaang` dseañu` dsea` Israel i sii` Apolos fi` Éfeso. Jo i dseañu` í` niseeiñ` fi`

coo` fii` e sii` Alejandría e née` lí` se` Egipto. Jo dsea` do eáam` jlo`^ tiiñ` guiar` júu` jogui eáam` cuír` jalé` e fé` fí` ni` jì` quiá`- Fidiée` e cajme` dsea` mali`gui eáang`. ²⁵ Jogui eáam` nicajmitiiñ` júu` quiá`- Fii`naa` Fidiée` e cajme` dsea` î, jogui dseáng`- e iáang` dsí`bre fé`r, jogui dseáng`- røøb` er` e júu` quiá`- Jesús do, doñí` fa` jii` e ñir` do e ca`e` Juan e quiá`- jial seáaiñ` dsea` jmii` lajee` cateáaiñ` fí` jmigüi` la, dsu` ja` ñir` e Jesús ca`er` e `né` sáaiñ` dsea` jmii` e laco` cuø` lí` e líiñ` dsea` quiá`r`. ²⁶ Jo` i Apolos do canaaiñ` guiar` júu` quiá`- Dsea` Jmáang` dseáng`- fí` dsí` guá`- quiá`- dsea` Israel e jii` ja` jáa` quiá`r` fa` `gó`r. Dsu` mi` canúu` i` dseañu` Aquila cóo`gui dseam` quiá`r` i` sii` Priscila júu` e guía` i` Apolos do, joba` cajéem`breiñ` fí` lí` jié` jo casí`-reiñ` dseáng`- laco` la lí` e fí` e `né` cá` dsea` e laco` niliseeiñ` cøøng` cóo` Fidiée`.

²⁷ Jo` mi` cangf` jo, cali`iing` Apolos e ningüiñ` fí` lí` se` Acaya. Joba` jaléng` dsea` quiá`- Dsea` Jmáang` i` seeng` fí` Éfeso do eáam` cajmicóo`-reiñ`, jogui casiiñ` coo` jì` quiá`- jaléng` dsea` quiá`- Dsea` Jmáang` i` seeng` fí` Acaya do e laco` ni`íng`neiñ` cóo` júu` røø` juguiú`. Jo` mi` cangf` jo, cangó`-bre fí` jo.

Jo` mi` caguié` Apolos fí` Acaya, eáang` cajmicóo`r` jaléng` dsea` i` calicuíng` Dsea` Jmáang` uii` e eáang` guiúng` Fidiée` cóo` dsea` do. ²⁸ Co` fí` quini` jaléng` i` dsea` i` neáang` do sí`r` jaléng` i` dsea` Israel e ja` í` dsiiñ` dseáng`- laco` catíng`, jogui se`r` teá` lajii` e fé` fí` ni` jì` quiá`- Fidiée` e dseáng`- já`-ba` e Jesús líiñ` i` dsea` i` casíng` Fidiée` fí` jmigüi` la e laco` nileáng` dsea` jee` dsee` quiá`r`.

19

Mi~ caguiéng'-tu Paa- fí Éfeso

¹ Jo lajee~ táang` i Apolos do fí Corinto li~ se' Acaya, jo i Paa- do cangáañ' fí li~ lí' jee~ mó', jo caguié-tur fí Éfeso. Jo fí job cajíñ' i fíing' dsea` quiá'- Dsea` Jmáang-, ² jo lalab cajmingí'- Paa- i dsea` quiá'- Dsea` Jmáang- do jo cajíñ'-:

—¿Su ca'ling'~ 'nú' Jmiguí' quiá'- Fidié~ mi~ já'- caling-na' júu^ quiá'- Dsea` Jmáang-?

Joba' cañí' i dsea` do jo cajíñ'-:

—Ja' mí' nú^ jnea'^ jíí'~ coo` ya' quiá'- e jo. ¿E~gui e jo?

³ Jo cajmingí'-tu Paa- i dsea` do jo casí'-reiñ':

—¿E~ uing~ quií'-na' mi~ cajgáang-na' jmíi' jóng?

Joba' cañí' tu i dsea` do quiá'- Paa- jo casí'-reiñ':

—Jnea'^ cajgáang-naa' jmíi' e casée' Juan e laco' cuo' li~ e caquí'- jing' yee~naa' fí quini~ Fidié~.

⁴ Joba' casí'-tu Paa- i dsea` do:

—Lajob lí', co' i Juan do caseáañ` dsea` jmíi' lajíí'~ i caquí'- jing' yaang~ fí quini~ Fidiéeb'; jogui casí'-bir jaléng' dsea` í cajo e 'né- ni'ím'biñ' do i dsea` i nijáa' cøøng'gui do mi~ nisóong- ír; jo dsea` íb` Jesús lana.

⁵ Jo mi~ canúu- jaléng' i dsea` i teáang- do lajo, dsifí' ladob cajgáañ- jmíi' e laco' cuo' li~ e ca'uiñ- dsea` quiá'- Dsea` Jmáang-. ⁶ Jogui mi~ caquidsí' Paa- guóor' fí mogui~ i dsea` do, dsifí' ladob ca'ing' i dsea` do Jmiguí' quiá'- Fidié~, jo canaañ` fé'r' jmíi' e jié'gui laco' jmíi' quiá'r-, jogui síiñ` jalé' júu^ e íñ' e jáa' quiá'- Fidié~. ⁷ Jo lajee~ lajñng' i dsea` do tír' guitúuñ` yaang~ dseañ'.

8 Jo mi~ cangî jo, lajee~ gaang` si`, dsée' i Paa- do fí' guá'- quiá'- dsea` góor` dsea` Israel, jo fí' job guiar' júu^ quiá'- Dsea` Jmáang- e ja' 'gó'r` jíí~ capí'^, jo s'í'r` jaléng` i dsea` do jogui 'nó'r` jial laco' já'- nilíng` dsea` do e iing~ Fidiéeb~ quier' nifi' quiá'- jaléng` dsea`.

9 Dsu' i líng~ i dsea` do ja' jí'r~ e júu^ do o'gui iin~ já'- nilíñ` cajo. Jo canaiñ` fé'r` fí' quini~ jaléng` dsea` jiéng` e gab` jalé' e júu^ do quiá'- jial cúing` dsea` Dsea` Jmáang-. Joba' Paa- cajmi-huíim- 'ñia'r` jee~ i dsea` góor` do, jogui cajéem`bre jaléng` dsea` quiá'- Dsea` Jmáang- i caguaiang- do, jo cangojéeng`neiñ` fí' coo` escueel~ quiá'- jaang` dseañu` i sii' Tirano, jo fí' job féiñ` i dsea` do júu^ quiá'- Dsea` Jmáang- lacoo` jmii~ lacoo` jmii~. 10 Jo lajob cajméer` lajee~ tú- jiiing~, joba' jaléng` dsea` Israel cóo'~gui jaléng` dsea` i ja' líng` dsea` Israel i neáang' fí' jalé' fií e tée'~ lí~ se' Asia canúur- júu^ quiá'- Fí'naa' Dsea` Jmáang- e caguaia' i Paa- do.

11 Jo lajee~ jo i Paa- do jmóor` jalé' e quí'r~ jmii~ la'eáang' cóo'~ güea'^ e cangíiñ` e cacuo' Fidiée~. 12 Jo seem` dsea` quier' jalé' paay~ quiá'r- o'si jalé' s'i'r^ fí' quini~ Paa- e fa' jíí~ capíb'^ nijnúng- dsea` do e 'mi' do, joba' i dsea` do nicóor` fí' quiá'r- fí' lí~ seeng` i dsea` dsée'~ do, jo cóo'~ e jo ni'leám- i dsea` dsée'~ do lajíí~ jmohuí' e líiñ`. Jogui lajobi jaléng` dsea` i jée' i 'líng'^ quiá'- dsihuúim- jaléng` í quiá'r- jo 'láam- bre.

13 Jo ie~ jo, i líng~ dsea` Israel i ngí' lacoo` fií e jmicaaiñ` e iin~ uóíñ- i 'líng'^ i jée' quiá'- dsea`, jo iin~ nijóor- su e já'- e uøng` i 'líng'^ i jée' quiá'- dsea` la'eáang' cóo'~ júu^ quiá'- Fí'naa' Jesús. Jo

lalab canaañ s'í'r` jaléng` i` 'ling`^ i` jée' quiá'- i` dsea` do:

—¡La'eáang' cóo`~ júu^ quiá'- Jesús e guía' i` Paa` do quiá'`u ta` e uøøng`na' lĩ` teáang`na' na!

14 Jo e jo cajmée` laji` guiáng`- jóo' jaang` dseañu` Israel i` sii` Esceva i` nilíng' jaang` fii` jmidsea` quiá'- dsea` Israel. 15 Dsu' cóo` néé'~ lajee` ngir' ta` jmóo` lajo, jo i` 'ling`^ i` jée' quiá'- i` dsea` do cañíir` quiáañ'- do jo cajíñ'-:

—Cuím` jnea` Jesús, jogui` ñi`bú i` i` sii` Paa` do, dsu' ja` ñii`- i` 'nú'.

16 Jo dsifí` ladob i` dsea` i` jée' i` 'ling`^ quiá'- do canaañ` quiém`bre lahuím' jaléng` i` jóo' Esceva do, jo dseáng`- lajím`biñ' do calí'r` caquiéñ' co' dsíng`- bíñ'. Jo cangolíim` i` dsea` síhuíng` do fí` quiá'r` mi` cangí` jo, dsu' ringúum`bre cangolíñ'.

17 Jo lajüing` i` dsea` Israel i` neáang' fí` Éfeso cóo`~ gui jaléng` dsea` i` ja` líng' dsea` Israel i` neáang' fí` job cajo, caliñi`bre jalé` e calí` do ie` jo, joba' eáam' cafóñ'. Jo lajob` ngóo' l'i`gøng' júu^ quiá'- Fí`naa' Jesús jee` jaléng` dsea`.

18 Jogui` fíim`bi jaléng` dsea` i` já'- calíng`- júu^ quiá'- Dsea` Jmáang`- ie` jo caguiliñ`- e røøiñ` dsee` quiá'r` fí` quini` jaléng` dsea` quiá'- jalé` e ga` e nicajmée` lami` jéeng`gui. 19 Jogui` fíim`bi jaléng` dsea` i` nicajmée` ta` dsea` láang` lami` jéeng`gui cajo caguiliñ`- quier' jì` quiá'r`- lĩ` too`~ jalé` e 'li`^ e jmitíñ, jo cajír' fí` quini` jaléng` dsea` i` teáang`- do ie` jo. Jo mi` caguo`- júu^ jial tíi` 'móo`~ téel` e jì` do, jmiguiub' eáang' cagüi`ñg', lí`^ lí` cincuenta mil cuteeb`. 20 Jo lajob` naang` ni`gui júu^ quiá'- Fí`naa'

Dsea` Jmáang- fí la fí na, jogui jmóo` e liñí dsea` cajo jial tí' 'gøng' Fidiée`.

21 Jo mi~ cangî e cangojée' jalé' e jo, joba' ca'î dsí' i Paa- do e nidsé-tur e nidsi'eer~ jaléng` dsea` quiá'- Dsea` Jmáang- i neáang' fí li~ se' Macedonia cóo'~ gui fí li~ se' Acaya, jo e mi~ ningî jo, ningíñ- tí Jerusalén. Jogui fé'bir cajo e mi~ ningî e dsér- fí Jerusalén, dseáng'- 'né-ba' e dsér- tí Roma.

22 Jo casíñ gáng- dsea` quiá'r- fí li~ se' Macedonia, i do i sii` Timoteo jo jaang'gui i sii` Erasto, jo laji huáaiñ'- do jmóor` ta~ jmicóo'~ Paa-. Jo Paa- fí do bi cajer' 'ñia'r' lajee` jo fí li~ se' Asia.

Mi~ caliseá` mii~ fí Éfeso

23 Jo ie~ jo, eáam' cató' dsea` mii~ fí Éfeso uii~ quiá'- e fíim' dsea` ca'uíng- dsea` quiá'- Dsea` Jmáang-. 24 Jo e mii~ jo ca'uíng- uii~ jaang` dseañu' i sii` Demetrio i nijmóo` ta~ cóo'~ layaang` cutee`. Jo i dsea` î nijmóor` ta~ jmiliing` guá'-jiu e lí' cóo'~ cutee`, jo e job guá'- quiá'- i diée~ i sii` Artemisa. Jo i Demetrio do jmiguiub' quíir' e 'léeng'~ jaléng' i dsea` i jmóo` ta~ cóo'r~ do. 25 Jo cóo` née'~ caseáiñ' dsea` i jmóo` ta~ cóo'r~ coling`gui cóo'~ jaléng' dsea` i jmóo` ta~ e røøb`jiu cóo'~ e ta~ jmóo` ír` do cajo, jo lalab casí'r- jaléng' i dsea` do:

—Dsea` rú'uu', niñíb^ 'nú' guiá- e la'eáang' e ta~ lab joba' guiúb- sea` jalé' e 'né- quí-ii'. 26 Dsu' laco'gui la júu^ sea` jogui ne~naa' cajo e i Paa- do ngir' fé'r' e jaléng' i diée~ i jmáang` dsea` cóo'~ guóor` ja` líiñ dseáng'- diée~ já'-; jo lajob nicalí'r- e nicaligøng` jaléng' dsea` i seeng' fí Éfeso la cóo'~ gui jaléng' dsea` i seeng' jie~ ja` latøøm- li~ se' Asia.

27 Jo lajii~ e juu^ e ngi i Paa- do fé'r, dseáam~ qui~ii' fíng ca'íng- lajii~ ta~ qui~ii' e sea, jogui la quié'gui guá~ quiá~ i dié~ i sii` Artemisa do nitáb` dsea` e jmicuír, jogui nitáb` dsea` e jmi'gór lajii~ e 'gøng' i dié~ î, dsuco' latøøng- li~ se' Asia jmiféng' dsea` ír, jo jie~ ja` latøøng- jmigüíb` cajo.

28 Jo mi~ canúu- jaléng' i dsea` i caseáng' fí do jalé' e jo, eáam' caliguiñ-, jo canaaiñ` óor` teá jo fé'r:

—¡Eáang' 'gøng' dié~ Artemisa qui~ii' i jmiféng' jnea', dsea` Éfeso!

29 Jo eáam' cangogáang` dsea` cóo~ jalé' e juu^ jo, jogui canaang` catá'r mii~ latøøng- e fi~ jo. Jo lajee~ jo, lajim`bre casam~ i dseañu` i sii` Gayo cóo~ Aristarco, gáng- dseañu` i seeng` fí Macedonia i nicóo~ Paa-. Jo cajñúung`neiñ' do carti' caguiliñ` fí li~ tñng` dsea` e seáiñ' colñng~ mi~ ee'go jmóor`.

30 Jo i Paa- do cali'iiñ~ e ni'ír e nifeiñ' i dsea` fñng` do, dsu' jaléng' dsea` quiá~ Dsea` Jmáang- ja` cacuør` fí lajo. 31 Jo jee~ i dseata~ dsea` féng' quiá~ li~ se' Asia do niquiéeng` cóo` tú- mñng' dsea` i niseeng` røø` cóo~ Paa-, jo casiiñ` juu^ e sí'reiñ' e guiá- gui e ja` ni'í dsea` do e li~ teáng' i dsea` fñng` do.

32 Jo lajee~ jo, jee~ i dsea` fi~ do, i lñng~ dsea` fé'r` cóo` juu^ jogui i lñng`gui e jié'gui, jo dsíng' téé~ mii~; jo fñm` i dsea` do jii~ ja` ñir` e uiing` e caseáiñ'. 33 Dsu' i lñng` i dsea` do casí'r- jaang` dseañu` i sii` Jaang- jalé' e calí- ie~ jo, jo íbing' casíng` dsea` Israel fí quini~ i dsea` fñng` do laguid-seaang`. Jo mi~ caguiér- fí quini~ i dsea` fñng` do, jo cajméer` li~ cóo~ guóor` e laco' nifé'r` uii~ quiá~ jaléng' dsea` Israel fí quini~ jaléng' i dsea` fñng` do.

34 Dsu' mi~ calilí' i dsea` fíng' do e i Jaang- do líiñ' dsea` Israel, dsíng' caliguiñ- jo canaaiñ` óor` teá lajee` tú- oor~ jo fé'r`:

—iEáang' 'gøng' diée~ Artemisa quí-ii' i jmiféng' jnea'^, dsea` Éfeso!

35 Jo mi~ casóong-jíu e ta' dsea` mii' do, i tijí quiá'- e fí' Éfeso do canaaiñ` féiñ' jaléng' i dsea` do jo cajíñ'-:

—Dsea` rú'naa' i seeng` fí' Éfeso, jalém' dsea` seeng` fí' jmigüü` ñir' e i dsea` seeng` fí' la née nír` guá'- quiá'- i diée~ 'gøng' i sii' Artemisa la, jogui fí' yú' jmigüüb` lí~ catóíñ' e líiñ' dsea` cuu~ jo catisíiñ' fí' la. 36 Jo jíi' jaang` dsea` ja` cuóøng` lí jíñ'- e o' lajo e na, joba' catii' na' jo ja` e jmoo'na' jíi' coo` e ja` mí' ca'í' óo'na' røø. 37 Co' lajì gáng- i dseañu' i nicajéeng` 'nú' fí' la ja` e mí' cajmeaiñ' jíi' coo` guá'- quí-ii', o'gui mí' café'r' e ga` uii~ quiá'- i sengfí' quí-ii' do cajo. 38 Jogui song i Demetrio do cóo'gui jaléng' dsea` i jmóo` ta` cóo'r` do nicadsé'r` dsee- quiá'- i dsea` na, dob neáang` jaléng' dsea` i quidsí' í' cóo'gui lí~ 'níiñ` dsea` fíng ee'go dsee- røøng` dsea`; jo fí' job lí~ catíng- e nijmér- dsee- fí' quini` i dseata` í, jogui job lí~ catíng- e nijmi'øng' yaaiñ` lajaang` lajaaiñ`. 39 Jogui song sea'gui júu` quié^na' e jié', dob cuóøng` lí jmee- na' fí' ní' fii' mí' seáng' dsea` fíiñ'. 40 Jogui cóo' jalé' e nicalí- na, eáam' dseáang' quí-ii' fíng ii' cajmée' dsee- quí-ii' quiá'- jalé' e nicajmó'oo', co' ja` e uiing` sea` jíi' coo` e nijmi'øng' yee~naa' fíng calingüi- e~ uiing` quiá'- e nicató' dsea` mii'.

41 Jo mi~ calí- fé' i tijí do e júu` na, jo ca'íi-bre júu` quiá'- jaléng' i dsea` siseáng' do jo cagüi'íi-bre.

20

Mi~ cangó-tu Paa- fí Macedonia cóo~ Grecia

¹ Jo mi~ casóong- e ta' dsea` mhi~ do, cató'~ i Paa- do jaléng` dsea` quiá'- Dsea` Jmáang- e laco' liing~ ee` niféng' neiñ' do. Jo mi~ cangí jo, ca'hi~ bre júu^ i dsea` í jo cangób-tur fí li~ se' Macedonia.

² Jo laco' laco' fii e téel~ fí jo cangór- e dsi'eer~ jaléng` dsea` quiá'- Dsea` Jmáang- i neáang' fí jo, jo eáang' jmicóo'~ reiñ' cóo'~ jalé' júu^ quiá'- Dsea` Jmáang-. Jo mi~ cangí jo caguiéb-tur fí li~ se' Grecia, ³ jo fí job cajer' gaang` si'.

Jo mi~ cangí jo, dseáng'- ni'iuuiñ- fí e nisó'r móo' e nidsé-tur fí li~ se' Siria mi~ caliñir' e jaléng` i dsea` góor` dsea` Israel do nicasiiñ- røø` e liing~ ee` nijmeáiñ' i Paa- do. Joba' ca'fí dsíí Paa- e caquim' tur fí guóo'~ uó- jo cangíng-tur calé' catú- fí Macedonia. ⁴ Jo cóo'~ bre jaléng` i dsea` la: jaang` i sii Sópater dsea` i seeng` fí Berea, jóo' jaang` dsea` i sii Pirro; jogui Aristarco, cóo'~ jaang`gui i sii Segundo i seeng` fí Tesalónica; jogui jaang`gui i sii Gayo i seeng` fí Derbe; jogui Timoteo, jogui lajobi Tíquico cóo'~ Trófimo, dsea` i seeng` fí li~ se' Asia. ⁵ Jo jaléng` i dsea` quiá'- Dsea` Jmáang- la jéem'bre cangolíñ^, jo doguib cajéiñ` jnea'^ cartí oo- jmii li~ sii Troas. ⁶ Jogui jnea~, Lucas, cají' rú'naa' cóo'~ Paa- fí Filipos, jo fí job ca'uøø'-naa' cangó-naa' e téel~naa' dsíí móo' mi~ cangí jmii e gø' dsea` iñi^ e ja` quie'^ quiéeng`. Jo lajee' 'ñiá' jmii~guiba' caguié-naa' cartí Troas, jo fí job cataang~naa' guié- jmii~; jogui fí job cajo cají' rú'naa' cóo'~ i dsea` caguiaang- do.

Mi~ cateáang` Paa- fí Troas

7 Jō e jm̄iñ la'uii~ quiá'- seamaan~ caseáng' rú'naa' jaléng' dsea` quiá'- Dsea` Jmáang- e quiá'- niquiee~naa' i'naa' col̄iing~ e laco' jmiguiéng' dsí'naa' Dsea` Jmáang-. Jō lajee~ jō café' Paa- güí- quiá'r- fí' quini~ dsea` i caseáng' e uóø` do. Jō co' iuung- Paa- fí' e nigüi'ñ bre mi~ nijneá' e uóø` jō, jōba' cueeb` júu^ quiá'r- cajméer` cartí uóø` guienúub'. 8 Jō fí' jōb tée'~naa' lajñi~ naa' fí' coo` 'núu' yú'^, jō fí' jōb sea` jmiguiá' jñ e jneá'. 9 Jō jee~ jaléng' i dsea` do quiéeng` jaang` siming' i sii' Eutico, jō i siming' i î` dob guiñ~ otoo` e núur` júu^ guia' Paa-. Jō co' eáam' cuee` júu^ quiá'- Paa- e café'r, jōba' cajá- jaligüing` i siming' do lajee~ guiñ~ do, jō caquiam'-bre e eáang'. Jō lajee~ guing~ i siming' do e güññ` lanab, coo` catóm'-bre cartí ni~ uóø`. Jō e otoo` tí' lí~ catóñ' do gui~ tí' lí~ catí 'ní' fíng- e 'núu' do. Jō mi~ cangoseáang' neiñ' do ni'ñim' biñ' do. 10 Jōba' cajgáng- Paa- e lí~ iuuiñ- guiar' güí- do, jō cangoseáaiñ~ i siming' do, jō caróøng' neiñ' do jō cajññ'- casí'r- i dsea` quiá'- Dsea` Jmáang- caguiaang- do:

—¡Ja` fóøng'~na', dsea` rú'naa'! Co' jñb'tu i siming' la.

11 Jō mi~ cangñ e caseang' Paa- i siming' do, cagóob-tur fí' lí~ iuuiñ- guiar' júu^ fí' lí~ catí 'ní' fíng- e 'núu' do. Jō fí' jōb cañññ` iñí'^, jō caquiee~naa' col̄iing~. Jō mi~ calí- e jō, canaam'tur fé'r` júu^ quiá'r- cartí cajneá- e uóø` jō. Jō mi~ calí- e jō, jō ngñ joguiba' ca'ír- fí' cangór-. 12 Jō mi~ cató- dsea` sinúu^ quiá'- i siming' do fí' quiá'r- e nicajñb'tuiñ', jōba' eáam' calí'íáang` dsí' jaléng' i dsea` do.

Mi~ cagüi'ñ Paa- fí' Troas jō cangór- fí' Mileto

13 Jo mi~ cangî jo, jnea^ cõo~ i dsea` caguaang-gui do cangojéem'baa' quiá'- Paa- e téel~naa' dsíí' móo' cartí' caguié-naa' tí' cõo` fií e sii` Aso. Jo fí' joguib si'í^ e dsitee-naa' Paa-laco' nicasi~naa' røø` jéeng'gui, co' 'ñia'r' cali'iiñ~ e cangór- e ngir' la tóo` ni~ guóo'~ uó-. 14 Jo mi~ cají'- rú'naa' cõo'r' fí' Aso, jo ca'í-bre dsíí' móo' lí- téel~naa', jo cangó-baa' fí' fií lí~ sii` Mitilene.

15 Jo mi~ cangî jo, ca'uøø-baa' fí' Mitilene, jo mi~ cajneá- e jmí~ cõo`gui do, cangiing~naa' fí' quini~ e fií e sii` Quío. Jo mi~ catí tú- jmí~ lajo, cangiing~naa' cõo` ni~ guóo'~ uó-jíu e nee' ni~ jmiñí'^ e sii` Samos. Jo cõo`gui jmí~ cali'í~naa' e téel~naa' fí', joguiba' caguié-naa' fí' Mileto.

16 Jo cajmó'naa' lajo, co' i Paa- do ja` cali'iiñ~ ngór- fí' Éfeso ie~ do lí'^ laco' ja` niquiíñ~ eáng' e dsér- fí' lí~ se' Asia, dsuco' iiñ~ e niguieíñ' lajmináb- fí' Jerusalén e nidsitííñ~ jmí~ Pentecostés e tí' fí' jo.

Júu^ güí- e cacuø' Paa- fí' quini~ dsea` cõong' i seeng' fí' Éfeso

17 Jo lajee~ táang' Paa- fí' Mileto, cató'r- jaléng' dsea` cõong'~ quiá'- dsea` quiá'- Dsea` Jmáang- i neáng' fí' Éfeso e nidsilííñ'- do fí' lí~ táaiñ' fí' Mileto.

18 Jo mi~ caguillíng- jaléng' i dsea` cõong' do, jo casí'- reiñ' jo cajíñ'-:

—Ñíb^ 'nú' guiá- jial guiá- nica'ee- cõo~ jaléng' 'nú' lati' mi~ cagüén-n fí' la fí' lí~ se' Asia. 19 Jogui contøøm- nicangî i jee~ 'nú' e jmóo'o lajii~ e iing~ Fíi'naa' Dsea` Jmáang-, jogui e ja` jmiféng' 'ñiá'a, jogui e jiuung~ dsi'baa cõo~ jalé' e lamí~ iing~ dsea`

góo'o dsea` Israel nijmeáiñ` jnea~ uí!~ e guiaa-
 júu^ quiá!~ Dsea` Jmáang-. ²⁰ Dsu' ja` catúu e
 guiaa- jalé" e júu^ na, co' jmang' jalé" júu^ e guiá-
 quíi-ba' e nica'ée-e 'nú" lacaang` jee~ dsea` jogui
 cajo lacaang` sinúu^ quíi-na'. ²¹ Jo eáang' nicañi-
 jaléng" 'nú", dsea` líng'na' dsea` góo'o dsea` Israel,
 cóo'gui dsea` i ja` líng' dsea` Israel, e niquí!~ jíng!~
 yaang-na' fí' quini~ Fidiée~ jogui e já!~ nilíng'na'
 júu^ quiá!~ Fí'naa' Dsea` Jmáang-. ²² Jogui lanagui
 nii' fí' Jerusalén laco' ta~ quíu' Jmiguí quiá!~
 Fidiée~ e jíi!~ ja` ñii- ee` nisijée~ quié-e jogui ee`
 nidsingún-n fí' jo. ²³ Jo lajúi!~ e ñii- e lacoó' fíi
 lí' níi, jmab' jnea~ júu^ Jmiguí quiá!~ Fidiée~ e
 nisijée~ 'nuñi^ quié-e osi jalé" iihuí' e jié'gui é.
²⁴ Dsu' ja` e lí' quié-e e seen- tá!~ e júun-n dsu'
 lifa' e jmiti~baa jalé" e ta~ na e iáang` dsii-, lajúi!~
 ta~ e ca'íin-n quiá!~ Fí'naa' Jesús e nijmiti~baa
 car` cató!~ cóo!~ jalé" ta~ guíá' júu^ e Fidiéeb~ dsea`
 nijmi'neáiñ` jneaa~aa' nañi' fa' ja` catúi-naa' e jo.

²⁵ 'Jogui lana niñi~baa e jíi!~ jaang` 'nú" jo`
 nimáang~gui' jnea~ calé" catú- fí' jmigüí la, dsu'
 lajee~ táan`n cóo!~ 'nú" nicanúu-na' júu^ e guiaa-
 quiá!~ jial iing~ Fidiée~ quier' nifi' quiá!~ jaléng"
 dsea` jmigüí. ²⁶ Joba' iin~n fíi' 'nú" lana, jaléng"
 dsea` cóong!~, e song seeng` 'nú" i ja` cajmicuíng`
 Dsea` Jmáang-, joba' o' dsee- quié-e song lajo.
²⁷ Dsaco' lajib' júu^ quiá!~ Dsea` Jmáang- e si'í'
 guiaa- jee~ 'nú" nicaajmiti~baa, jo jíi!~ coo' fa' ca-
 jmé-e e ja` cajmitii-. ²⁸ Jo lajob eáang' 'né- ñiing`
 óo'na', jogui jmee- í' yaang-na' cóo!~gui lajaléng"
 dsea` i líng' dsea` quiá!~ Dsea` Jmáang- lí' laco'gui
 ta~ nicaquíu' quíi-na' Jmiguí quiá!~ Fidiée~ e

ni'ling'na' laco' dsea`jmoo`i^`guiá- jo'se` quiá'- . Jo lajob 'né- nijmee-na' i^`jaléng` dsea` quiá'- Dsea` Jmaang-, co' la'eéang` cóo'~ jmi'øøiñ- 'ña'r' dob e ca'uíng-na' dsea` quiá'r-. ²⁹ Jo niñib` jnea~ e mi~ ningf e ninín`n do, nijalíng- dsea` jíéng`gui i iing~ nijmigøøng` 'nú', jo i dsea` i^` líiñ laco' ie'dsinúu^ i ni' oo- i iing~ nijmiguiéeng` quiá'- jaléng` dsea` e laco' nitiúung- dsea` Dsea` Jmaang-. ³⁰ Jo lajee` yaam~bi' nigüéang` i líing~ 'nú' i ni'é- júu^ e o' já'- e laco' nijmigøøng-na' dsea` quiá'- Dsea` Jmaang- e nijmitir~ e júu^ e o' já'- do. ³¹ Joba' 'né- e siñiim` áá'na' contøøng-; jogui téé' óo'na' e lajee` 'ní` jii` e calisén`n cóo'~ 'nú', dseáng'- ja` catúu e fón`n 'nú' jalé` juguiá- júu^ røø` cartí` quí'-baa uii~ quií'-na' na.

³² 'Jogui lana, dsea` rú'naa', nijáan`n 'nú' fí jaguó` Fidié` jogui cóo'~ jalé` júu^ e iáang` dsíí quiá'r-. Co' jii~ ib` dsea` lí'r' e jmicóo'r~ 'nú' e laco' nilicuíng`gui' Dsea` Jmaang-, jogui nicuø'r- 'nú' jalé` e si'í` nicuø'r- 'nú', dsea` líing`na' dsea` güéang` quiá'r-, lí^ laco'gui jii~ júu^ e nicacuø'r` jééng`gui. ³³ Dsu' ja` e mí` camíi~i 'nú' jii~ cóo', o'gui cuu- o'gui 'mi'. ³⁴ Jo ja` cajmé- e lajo, co' niñib- 'nú' guiá- e cajmé- e ta~ cóo'~ layaang~ guóo`baa e laco' sea'ba' jalé` e 'né- quié- e cóo'~gui jaléng` dsea` i ngí` cóo'~o cajo. ³⁵ Jo contøøm- nica'ée- e 'nú' e lajob 'né- nijmee-na' ta~, jogui e jmicóo'na' jaléng` dsea` 'né- quiá'- lajo, jo lajee` jo jmiguiéng` óo'na' lajii~ júu^ e cajíng'- Fí`naa' Jesús lajee` táaiñ` fí` jmi'güi` la mi~ cajíñ'- lala: "Juguiá- gui quiá'- i dsea` i líing~ ee`go cuø'r` dsea` rúñ` laco'gui i dsea` i líing~ ee`go íng` quiá'- dsea` rúñ`."

³⁶ Jo mi~ cangf e cajíng'- Paa- jalé` e júu^ na,

jo casí'r` uó` jnir~, jo caféiñ' Fidié` cóo~ jaléng`
 i dsea` caguiaang` do. ³⁷ Jo lajiiim` i dsea` do
 calijiuung` dsíir` jogui canaaiñ` róoiñ` Paa` jogui
 casá'r` guoo` dsea` do, ³⁸ jogui eáam`bi fi'í` caliñ`
 cajó, co' e cajíng` Paa` e jo` niníng`gui rúíñ`
 cóoiñ` do. Jo mi~ cangî` jo, cangojeáam` i dsea` do
 Paa` cartí` lí` ca'í` dsea` do fi' dsíí` móo'.

21

Mi~ cangáng`-tu Paa` fi' Jerusalén

¹ Jo ie~ jo, dob ca'í`^naa' júu^ jaléng` dsea` quiá`
 Dsea` Jmáang` i seeng` fi' jo, jogui jnea`^ cangó`-baa'
 condsee' fi' cóo` guoo`~ uó`-jiu e nee' ni~ jmiñí`^ e
 sii` Cos e téel`naa' fi' dsíí` móo'. Jo mi~ cajnea`
 lajo, caguié`-naa' fi' Rodas. Jo fi' job ca'u00`-naa'
 e cangó`-naa' fi' Pátara. ² Jo fi' job cajíng`-naa' cóo`
 móo' e iu~ fi' ngóo' fi' lí` se' Fenicia, joba' cóo` e job
 cangó`-naa'. ³ Jo lajee` ngóo`naa' ladob cane`naa'
 Chipre e nee' ni~ jmiñí`^, jo cajé` lí` lí` guoo`naa'
 tuung` mi~ cangiiing`-naa' fi' jo. Jo cangó`-baa' cartí`
 lí` se' Siria. Jo co' e móo' do ngóo' ngoca' lee~ fi' cóo`
 oo` jmiñ` lí` sii` Tiro e nee' lí` se' Fenicia, joba' cóo`
 e móo' job cangó`-naa'.

⁴ Jo e fi' job cajíng` rú`naa' cóo~ jaléng` dsea`
 quiá`- Dsea` Jmáang` i neáang` fi' jo, jo cóo`~ íb`
 cajé`naa' lajee` guié` jmiñ`. Jo Jmiguí` quiá`-
 Fidié` ninicasí`- i dsea` í e laco' nijmeaiñ`- do júu`
 Paa` e ja` nidsé` dsea` do fi' Jerusalén co' dseáam`
 quiá'r`.

⁵ Jo mi~ casúung` e guié` jmiñ` do, ca'u00`-baa'
 coliiing` cóo~ jaléng` dsea` quiá`- Dsea` Jmáang` i

neáng fí jo, jo jéeiñ`latøøng` sinúu` quiá`-bre cangojeaaíñ` jnea` fí` 'ni` jmiñí`^, dseañu` cóo`~ jaléng` dseamí quiá`r` jogui jaléng` jiuung` quiá`r`, jo colim` ca'uøø`-naa' catí` 'ni` fií` do. Jo mi` caguié`-naa' fí` 'ni` jmiñí`^, lajalé`naa' do casí`naa' uø` jni`naa', jo caféeng`-naa' Fidiéé`. ⁶ Jo lí` jo, ca'íi` júu` rú`naa', jo mifíng` casó`baa' dsíi` móo', jogui i dsea` do caquim`-tur cangolíñ` fí` quiá`r`.

⁷ Jo mi` ca'uøø`-naa' fí` Tiro, jo caguié`-naa' fí` Tolemaida. Jo fí` job cató` e ngi`naa' cóo`~ móo'. Jo fí` job cajo caféeng`-naa' jaléng` dsea` quiá`- Dsea` Jmáang` i neáng` fí` jo, jo cajé`baa' cóo`r`~ coo` jmií`.

⁸ Jo mi` cajneá` lajo, ca'uøø`-baa' fí` Tolemaida, jo caguié`-naa' fí` Cesarea. Jo mi` caguié`-naa' fí` jo, cangó`-naa' fí` quiá`- i Lii` do, dsea` i guía` júu` quiá`- Dsea` Jmáang` i quíng`~ jee` dsea` guiáng` i jmicóo`~ dsea` i óo` ta` quiá`- Fidiéé`, jo fí` job cajé`naa' cóo`r`. ⁹ Jo i Lii` do niseeng` quiúung` jóor` simí` i nicangíng` e jmóor` ta` fé` cuaiñ` quiá`- Fidiéé`.

¹⁰ Jo ningóob`jiu jmií` e taang`naa' fí` do mi` caguié` jaang` dsea` Israel i jáa' fí` Judea i nisii` Agabo; jo i dseañu` í` ni'óor` ta` e fé`r` cuaiñ` quiá`- Fidiéé`. ¹¹ Jo mi` cangoquiéeng` i dsea` do fí` quini`naa', jo catíiñ` e 'mi' e 'ñúu` tu' Paa`, jo cóo`~ e job ca'ñú`r` guóor` cóo`~ tir` jo cajíñ`-:

—Lalab nicajíng`- Jmiguí` quiá`- Fidiéé` e ni'ñúng` dsea` góo`oo' dsea` Israel i fií` quiá`- e 'mi' 'ñúu` tu' la, jogui nijáiñ` dsea` do jaguó` jaléng` dsea` i ja` líng` dsea` Israel.

¹² Jo mi` canú`naa' e júu` na, jnea` colíng`~ cóo`~ jaléng` dsea` quiá`- Dsea` Jmáang` i neáng` fí` Ce-

sarea, jō camíi'~naa' Paa~ jmi'ee' e lacō' ja` ni'ír' fí e nidsér~ fí Jerusalén.

13 Dsu' Paa~ cañíir` jō cajíiñ'~:

—¿Jialí' jiuung~ óo' 'ná' uii~ quié~ jnea~, jogui jmáang'~na' jnea~ e lín~n fí'í? Cō' ja` e lí' quié~ jnea~ e ni'ñúng' dsea` jnea~, cō' ja` 'gó'o e cartí' jngám'~bre jnea~ fí Jerusalén song lajō uíi'~ e jmóo'o ta~ guia' júu^ quiá'~ Fí'naa' Jesús.

14 Jō cō' ja` calí'~guí' e ca'í' júung^ Paa~ fa' e ja` nidsér~ fí Jerusalén, jō jíi'~ e laba' casíi'~guí'r:

—Güilíb` lajii'~ e iing~ Fidié' cōo'~ 'ná'.

15 Jō mi~ cangî e jō, caguiá^baa' guiá~ quí~naa', jō cangó~baa' colíing~ cōo'~ Paa~ fí Jerusalén. 16 Jō cangolíim~bi cōo'~ jnea'^ cōo` tú~ máng'~ dsea` quiá'~ Dsea` Jmáang~ i neáng' fí Cesarea.

Jō mi~ caguié~naa' fí Jerusalén, jō cangojé`naa' fí quiá'~ jaang` dseañu' i nilíng' dsea` quiá'~ Dsea` Jmáang~ lajii'~ líi~, jō siir` Mnasón, jaang` dsea` i seeng` fí lí' se' Chipre.

Mi~ cango'ee' Paa~ i Tiáa~ do

17 Jō mi~ caguié~naa' fí Jerusalén, jaléng' dsea` quiá'~ Dsea` Jmáang~ i neáng' fí jō ca'íiñ' jnea'^ e íaang` dsíir'.

18 Jō mi~ cajneá~ lajō, cangób~ Paa~ cōo'~ jnea'^ e cango'ee'naa' i Tiáa~ i quié' nifí' quiá'~ dsea` quiá'~ Dsea` Jmáang~ fí Jerusalén. Jogui ie~ jō, fí jōb siseáng' jaléng' dsea` cōøng' quiá'~ Dsea` Jmáang~ cajo. 19 Jō mi~ caguié~naa' quiá'~ i dsea` do, cacuø' Paa~ guicōo' jaléng' i dsea` siseáng' do. Jō mi~ cangî jō, casí'~reiñ' la'uiing~ laná'~ jalé' e cajmée' Fidié' cōo'~ ír' lajee' e caguiar' júu^ quiá'~ Dsea` Jmáang~ jee~ jaléng' dsea` i ja` líng' dsea` Israel.

20 Jo mi~ canúu~ Tiáa~ cóo'~ jaléng' dsea` cóong'~ do jalé' e guiá~ e cajmée' Paa~ la'ééang' cóo'~ güea' quiá'- Fidié~ jo canaaiñ` jmiféiñ' Fidié~. Joba' casí'r~ Paa~ jo cajíñ'~:

—Lajob líí, ruu~. Niñíb^ 'nu` e lajee~ dsea` góo`oo' dsea` Israel, i lí^ lí milbing' i nijá'~ calíng~ júu^ quiá'- Dsea` Jmáang~, jo lajiiim` i dsea` í jmo'r' 'goo` jo fé'r' e dseáng'~ guím'ba' 'né~ e nijmití'b#i' jalé' júu^ quiu' ta~ e casée' Moi~. 21 Jogui nicajméeb` i dsea` na júu^ e 'nu` nica'éé'~ jaléng' dsea` Israel i seeng` jee~ dsea` i ja` líing' dsea` Israel e jo` 'né~ nijmitir~ lajii'~ júu^ quiu' ta~ quiá'- Fidié~ e cajme' Moi~, jogui nicasí'~re e ja` 'né~ tér~ lí' fí' ngúu' táang` jiuung` siñuu^ quiá'r~ lí^ laco' litíng` jaléng' jnea'^, dsea` líi#i' dsea` Israel, o'gui 'né~ jmitir~ jalé' e tí'naa', dsea` líi'naa' dsea` Israel cajo. 22 Jo ¿e~gui' nijmó^oo' jóng? Co' niliñíb' jaléng' dsea` góo'naa' la e nicagüén'~ fí' la. 23 Jo jii'~ mí' laba' sea' e 'né~ jmée'^ lala: Lana seeng` quiúung~ dseañu` jee~ jneaa~aa' e iññ~ nijmitir~ lajii'~ júu^ e cacuø'r' Fidié~ lami~ jéeng'gui. 24 Joba' gua` cóo'~ i dsea` í jo güijmee~ jalé' e tíng` dsea` na laco' niliguiún'~ fí' quini~ Fidié~ colíng~ cóo'r~. Jogui qui~ quiá'- jalé' e 'né~ i dsea` quiúung~ do e laco' niliti~ lajii'~ e sí'í' fí' quini~ Fidié~, jo lajoba' cuøong` e nihuí'~ guir~ e laco' cuø' lí~ e cajmitir~ e júu^ do fí' quini~ Fidié~; jo lajob niliñir' lajiiñ' e o' já'~ jalé' e nicajíng'~ dsea` góo`oo' dsea` Israel uii~ quií'~ do, co' nicaliñí^bre e 'nu` núu~ba' lajii'~ júu^ quiu' ta~ quiá'- Fidié~ e cajme' Moi~ do. 25 Jogui nicasiing~naa' júu^ e nicasiñ'naa' røø` jalé'naa', dsea` téé~naa' nifí' quiá'- dsea`

quia'- Dsea`Jmaang-, jo caguiéeng~naa' júu^ quia'-
jaléng^ dsea` i ja` líng^ dsea` Israel i nijá'- calíng-
júu^ quia'- Dsea` Jmaang- e fé' lala: Ja` cuøøng`
cø'na' nguú' quia'- jaléng^ jó' i nicajíng^ dsea`
jiéng^ fí' quini~ diéé~ quia'r-, o'gui cuøøng` cø'na'
jmi'øøng- jaléng^ jó', o'gui ngu~ jaléng^ jó' i
nisiyáang^ jmi'øøng-, o'gui cuøøng` 'léer' e güüing`
dseañu` osí dseamf` cóo~ dsea` i o' quia'r-.

*Mi~ casó'-tu dsea` quia'- Paa- fí' dsí' guá'- fé' e si'
fí' Jerusalén*

26 Jo lajob cajmée` Paa-, cangó-bre cóo~ i dsea`
quiúung- do mi~ cajneá- lajo, jo cajmээр` jalé' e
caquiú' Moi~ ta~ laco' cuøøng` e niliguiúung- dsea` fí'
quini~ Fidiée~. Jo mi~ cangf` jo, ca'í-bre e dsí' sinúu^
guá'- fé' e si' fí' Jerusalén do quia'- e nijmér- júu^
cóo~ i dsea` quie' nifí' quia'- guá'- do lí' jmi~ e i
dsea` quiúung- do nijmité'r' jalé' e ta~ caquiú' Moi~
do e laco' cuøøng` nidsicar' jalé' e sí'í' e nicuø'r'
Fidiée~ lajaang` lajaaiñ`.

27 Jo mi~ nijaquiéem'ba' e nidsíng- e jmi~ guié-
do mi~ cangá- i líng~ dsea` Israel i seeng` fí' lí~
se' Asia e iuung- Paa- fí' dsí' sinúu^ guá'- do. Jo
dsifí' lajob canaaíñ` ta'r' mii~ jee~ jaléng^ i dsea` i
teáang- do, jo casaiñ'- dsea` do, jo canaaíñ` fé'r` teá'
jo cajiñ'-:

28 —Jaléng^ dsea` rú'uu' dsea` Israel ñilíng-na'
ñijmicóo~na' jnea'^ fí' la, co' lab sing' i dseañu'
dsea` góo'oo' i ngí' ta~ guia' júu^ e ja` cøøng` røø`
cóo~ lajii~ e tíi' fí' góo'naa', o'gui cøøng` røø` cóo~
júu^ quiú' ta~ quia'- Fidiée~ e cajme' Moi' cóo~ gui'
guá'- quí' ii' cajo. Jo ja` mí' cajmi'gór` guá'- güeang^

quí-ii', co' cajajéeiñ' fí' dsí' sinúú[^] guá'- quí-ii' dsea` i ja` líng' dsea` góo`oo' dsea` Israel.

29 Jo café[^] i dsea` do lajo, co' cangár⁻ lami[~] jéeng'gui e ngí' jaang' dseañu[^] i ja` líng' dsea` Israel i seeng' fí' Éfeso i sii' Trófimo cóo[^] Paa⁻ fí' Jerusalén, jo líiñ⁻ e caguijéeng' i Paa⁻ do i Trófimo do fí' dsí' sinúú[^] guá'-, dsu[^] o' já'- e cajméer' lajo.

30 Jo mi[~] canúu⁻ jaléng[^] dsea` i caseáng[^] ie[~] jo jalé[^] e fé[^] i do uii[~] quiá'- Paa⁻, jo sóong[^] canaaiñ[^] ta'r mii[^]. Jo dsifí' lajob caguiliing⁻ dsea` cuíir' fí' lí' sing[^] Paa⁻ dsu[^] núur' e téé[^] mii[^], jo caseáng[^] latøøng⁻ fi[^] fí' lí' taang[~] i Paa⁻ do. Jo jaléng[^] i dsea` do casam⁻bre Paa⁻ jo cajñúuiñ[^] dsea` do cartí' caluu[^] e guá'- do, jogui cajní[^]bre jni[^] quiá'- e sinúú[^] guá'- do cajo. 31 Jo sí[^] e tí' nijngám⁻bre i Paa⁻ do mi[~] caguié⁻ júu[^] fí' quini[^] fii[~] féng[^] quiá'- 'lée⁻ romano e sóong[^] ta' jaléng[^] i dsea` i seeng[^] fí' Jerusalén do mii[^]. 32 Jo dsifí' lajob cangoliñ⁻ cuíir' cóo[^] i 'lée⁻ quiá'r⁻ cóo[^]gui i quiu[^] ta[~] jee[~] ír' fí' lí' ta' i dsea` do mii[^]. Dsu[^] mi[~] cangá⁻ jaléng[^] i dsea` i siseáng[^] fí' lí' sing[^] Paa⁻ do e ngolíng⁻ i 'lée⁻ romano do cóo[^]gui fiir[~], jo caquium[^]bre e bõøiñ⁻ i Paa⁻ do dsifí' lado. 33 Jo i fii[~] féng[^] quiá'- i 'lée⁻ do cangoquiéeiñ[^] fí' lí' sing[^] Paa⁻ jo casang[^]-neiñ[^], jo caquiur[^] ta[~] e niñúuiñ[^] Paa⁻ cóo[^] tú⁻ ñí[^] cadena. Jo mi[~] calí⁻ e calñúuiñ[^] i Paa⁻ do, jo canaaiñ[^] jmingí'r⁻ i dsea` siseáng[^] do jo cajíñ⁻:

—¿I[~]gui i dsea` ná? ¿E[~]gui e nicajméer'?

34 Jo teá[^]gui eáang[^] café[^] jaléng[^] i dsea` do. Jo i líng[~] fé[^] e jié[^], jogui e jié[^]gui fé[^] i líng[~], jo ja` calí⁻ i fii[~] 'lée⁻ do fa' caliñir[^] e[~] uuing[~] e ta' i dsea` do mii[^]. Jo lí[^] caquiur[^] ta[~] e cangáng[^] i Paa⁻ do fí'

'núu' quiá' jaléng' i 'lée' do. ³⁵ Jo mi~ caguiling' i 'lée' i téé' Paa~ do fí' lí' téé' joo~ lí' soo' dsea' e nidsitáaiñ' e fí' dsí' sinúu^ quiá' jaléng' i 'lée' do, jo cadsím`bre i Paa~ do fí' yá'^ 'nar~, co' dsíng' ga` jmóo` jaléng' i dsea' i teáng~ do e iññ~ nijmeáiñ' ga` Paa~. ³⁶ Jo lajim` i dsea' do ngoliñ~ t'leáaiñ' laco' ngang' i Paa~ do e jée' i 'lée' do, jo ta'r' mii~ jo fér':
—iJngang'na' i dseañu' ná!

Mi~ cajmi'øng' Paa~ 'ñia'r' fí' quini` jaléng' dsea' fii`

³⁷ Jo tí' lí' nitám' i 'lée' do Paa~ fí' dsí' sinúu^ quiá' jaléng' 'lée' mi~ caféng' Paa~ i fii' 'lée' do cóo'~ jmí' griego jo casí'r':

—¿Su cuøøng` nisñng~teáa cóo'~ 'nu` cateá'?

Joba' cañí' i fii' 'lée' do quiá' Paa~:

—¿Su tím`ba' fo'^ jmí' griego? ³⁸ ¿Su o' 'nub' i dsea' egipto i 'ní' níng~ jaléng' dseata~ cóo'~ jaléng' dsea' ie~ ja` mí' ngóo' na i calí' caseáng' quiú' mil dseañu' fí' jee~ mó', jo cangir' ta~ jngang' dsea'?

³⁹ Jo cañí' i Paa~ quiá' i fii' 'lée' do:

—U~, o' í' jnea~. Jnea~ lín'n jaang` dsea' Israel, jo calisén`n fí' coo` fii' niing~ e sii' Tarso e née' lí' se' Cilicia. Jo car` uii~ diée~ cuøø'~tea' jnea~ fí' e nifón'`n jaléng' dsea' fii' lana.

⁴⁰ Jo cacuøb' i fii' 'lée' do fí' e nifé' i Paa~ do. Jogui dob nisiñ' cartí' yá'^ joo~ lí' teáng~ dsea' fíng' do, jo cóo'~ guóo`bre cajméer' lí' e caquiung' i dsea' do e ta'r' mii~. Jo mi~ ca'íi~ tii~, joguiba' canaang' Paa~ e féiñ' jaléng' i dsea' do cóo'~ jmí' hebreo jo cajíñ' casí'~ reiñ':

22

1—Dsea`rú`uu', dsea`góo`o dsea` Israel, cóo`gui jaléng` dsea` i líng' dsea` mogui` quí`ii', núu`na' júu` quié` e e nifá`a quiá`- jalé` e nicajmé` e e laco` ningáng`na' e o' já`- jalé` dsee` e cuø`na' jnea`.

2 Jo mi` canúu` jaléng` i dsea` Israel i teáng` do e fé` Paa` cóo`~ jmíi' quiáin`- do, eáang`gui tii` cajer'. Jo café`gui Paa`:

3 —Jnea` lín`n dsea` Israel laco` 'nú', jogui calisén`n fí` cóo` fii` e sii` Tarso lí` se` Cilicia. Dsu` fí` Jerusalén lab` lí` cacuán`n, jogui cajmitín`n cóo`~ jaang` tifa' i niing` quí`ii' i sii` Gamaliel. Jo fí` job cajmitín`n jalé` e títng` dsea` góo`naa' e jmóor` lajii`~ tí` malii` jogui latí` lana. Jogui contøøm` nicajmi`úun`n e nicajmitii` jalé` júu` quiu` ta` quiá`- Fidié` car` ngocáng` dsii` laco`gui la jmoo` 'nú' lana cajo. 4 Jo lami` jéeng`gui gab` cajmeáan`n jaléng` dsea` teáng` fí` guiá` cóo`~ Dsea` Jmáang`, jogui ca'nún`nre, jogui catán`nre dsii' 'nuñí` cóo` gui'náb`^, dseañu` dseamib`, jo seem` i líng` dsea` do cartí` cajúm`bre. 5 Jogui jaléng` i dsea` mogui` quiá`- fii` jmidsea` quí`ii' cóo`~gui jaléng` dsea` cóøng` quí`naa' ñi`bre guiá` dseáng`- e jáb`- lajob cajmé`e. Dsuo` í`bing` i cacuø` jnea` jalé` jì` e quiee` quiá`- dseata` i neáang` fí` Damasco e laco` nicuø`r` jnea` fí` e nijmán`^n dsea` quiá`- Dsea` Jmáang` i seeng` fí` jo, jo nitøø`re fí` Jerusalén, jogui nijmi`huín`nre fí` jo cajo.

*Mi` cajíng`- Paa` jial calicuíin` Dsea` Jmáang`
(Hch. 9:1-19; 26:12-18)*

6 'Dsu` ie` jo, lajee` e iuun` fí` ngóo`o fí` Damasco, jo mi` catí` í` e guieñí`- jóo`, jo lajee` e

nijaquíeíñ' niguiéé'e fí' Damasco, coo` cajném` coo` jí' e jí' e eáang' e jáa' fí' yá'^ jmiǵüî, jo dsíngl` cajneá` lacúng' lajín̄g` lí~ ngóó'naa'. ⁷ Jo dsifí' lajob caquín'-n fí' ní~ uó~, jo canú`-u e líng~ iî` guicafé' fí' yá'^ jmiǵüî jo guicajín'- sí'r' jnea~: “Saulo, Saulo, ¿jali' ngi' jmáan'~ jnea~ ga?” ⁸ Joba' cangñi-` quiá'- i guicafé' do jo cafá'-a: “¿I~ 'nñ, Fí'i?” Joba' cañí'tu i guicafé' do jo guicajín'-: “Jneab~ Jesús i caliséng' fí' Nazaret i ngi' 'nñ' jmáan'~ ga` lana.” ⁹ Jogui jaléng' dsea` i ngolíng-` cóo'~ jnea~ ie~ jo cangá`-bre e jí' do joba' eám' cafóíñ', dsu' ja` canúur-` luu~ i guicafé' do i cató'~ jnea~ do, jíi'~ jneab~ dsea` canú`-u. ¹⁰ Jo cangñi-` jnea~ quiá'- i guicafé' do jo cafá'-a: “¿E~ 'né~ nijmee~e, Fí'i?” Jo cañí'tu i guicafé' do jo guicajín'-: “Ráan'- jo gua~ fí' iuun'- fí' Damasco, jo fí' job nilijmeá'^ júu^ jalé' e 'né~ nijmée'^.” ¹¹ Jogui dsuco' tiuum-`baa cajá`a uíi~ e jí' e jí' e cajnéng-` do, joba' i dsea` i ngolíng-` cóo'~ o do, íbing' i cajéng' jnea~ cartí' caguié` e tí' Damasco.

¹² Jo e fí' jo niseeng' jaang' dseañu' i nisiî Ananías i eáang' jmi'gó' Fidiéé` jogui eám' núur~ júu^ quiu' ta~ quiá'- Fidiéé` e cajme' Moi~. Jo jaléng' dsea` góo'oo' i seeng' e fí' Damasco do guiáb-` fé'r' uii~ quiá'- i Ananías do. ¹³ Jo i Ananías do cangór-` fí' lí~ cajá`a. Jo mi~ caguiér-` fí' jo, jo casí'r-` jnea~: “Saulo ruu'~, gülijnéb'tu' calé' catú~.” Jo dsifí' lajob calijné'túu, jo nicuøøm` jøøø calé' catú~. ¹⁴ Jo cajíngl'-gui i Ananías do casí'r-` jnea~: “Tiquí'ii' Fidiéé` nica'náaiñ-` 'nñ' e laco' niliñí'^ jalé' e iing~ Fidiéé` e nijmée'^, jogui ca'náaiñ-` 'nñ' cajo e laco' nimáan'~ Dsea` Jmáang-` i líng' Fidiéé` i ja` dsee-` óo` jíi'~ coo` jogui ninúu'~

jalé" e fé'r`dseáng`- 'ñia'r'. ¹⁵ Co'`nub`dsea`ni'uín`- dsea` quiá'r`-, jōgui nijméé`~ dsea` júu`^ la'úng`- fí` jmīgüí` lajalé" e niñíí`- jōgui lajalé" e ninúu`- cajo cuaiñ`~ quiá'- Dsea` Jmáang`-. ¹⁶ Jōgui lana, ¿e` e sijeeng`~gui? Sín`- jō nisán`^ jmíi` e laco' cuø` lí` e ca'uín`- dsea` quiá'- Dsea` Jmáang`-, jōgui míi`- dsea` do e ni'íiñ`- dsee`- quíí`-."

Mí` cajméé` Paa` júu`^ jial mí` cango`eer`~ dsea` i` ja` líng` dsea` Israel

¹⁷ 'Jō mí` caquin`-n e cagüean`-n fí` la fí` Jerusalén, jō cangó`-o fí` guá'` fé" e cangofón`-n Fidiéé`. Jō lajee` jō camó`-o líng`~ ee` camó`-o lafa' mí` qui` dsea`. ¹⁸ Jō camán`-n Fíi`naa' Dsea` Jmáang`- e jíñ`- s'í'r` jnea`~ lala: "Jmí'úung` quíí'`, jō júu` lajminá`- fí` na fí` Jerusalén co' ja` nijmijíí` jaléng`^ i` dsea` i` seeng` fí` na lajii`~ júu`^ e guía" quíé`-e." ¹⁹ Jōba' jnea`~ lalab cangíi`- quiá'- dsea` na jō cafíi`-ire: "Fíi'i, ñib` i` dsea` do guiá`- e jnea`~ ngíi`- lacoø` lacoø` lí` téé`- guá'`- quiá'- dsea` góo`oo' e jmán`-n jaléng`^ dsea` i` cúing`^ 'nu, jōgui tøø`-re fí` 'nuñí`^ jōgui jmihuín`-nre cajo. ²⁰ Jōgui ie` do mí` cajngang`^ dsea` i` Téé` do, jaang` dsea` i` cajméé` lajii`~ e iing`^ 'nu` jōgui caguiar` júu`^ quíí`- cajo, dob síng`^ jnea`~ ie` jō e cuøø`- júu`^ quíé`-e e cajnga`^ dsea` quiá'- i` Téé` do. Jōgui jnea`~bi cajo dsea` cajmé` e í` si`^ i` dsea` i` cajnga`^ quiá'- i` dsea` do lajee` e cajngang`^neiñ`." ²¹ Jō dsu' cajíng`- Fíi'i Dsea` Jmáang`- casí'r`- jnea`~: "Teáng`^ fí` uø'`, dsuco' lana nisín`^n 'nu` fí` fíi` lí` huíi`^ lí` seeng` dsea` i` ja` líng` dsea` góo`^ dsea` Israel."

Mí` casíng`- Paa` cóo`^ jaang`^ fíi`-`léé`-

22 Jo jii~ job jii~ caquiuiñ' núur` júu^ quiá'- Paa~, co' mi~ canúur~ e nidsé~ dsea` do e niguiár~ júu^ quiá'- Dsea` Jmáang~ jee~ jaléng` dsea` i ja` líng` dsea` Israel, joba' canaaiñ` óo`tur jo fé'r': “¡Ja` 'né~ e seeng` i dsea` na fí` jmigüi` la! ¡Jngang`naiñ' na!”

23 Jogui ta`biguir mii~ jogui bó'r` 'lee` too~ si`r~, jogui bír` 'lee` fí` yá'^ cóo~ jaguór` co' dsíng'- guíiñ~.

24 Joba` i fii~ 'lée~ do caquiur` ta~ e nitáin' Paa~ fí` dsíi' 'nu~ jaléng` i 'lée~ do. Jogui caquiur` ta~ cajo e nibóøng~ dsea` do cóo~ loo` e laco' dsea` do nijmér~ júu^ jiali' e ta' jaléng` dsea` mii~ uii~ quiá'r~. 25 Dsa' lajee~ e niñúum~ Paa~ røø` e lico' dsííng`gui e nibóøm~ breiñ' do, lajee~ job cajmingí'- Paa~ i dsea` nu'luu~ quiá'- fii~ 'lée~ i sí'í` nijmeáng` ga` ír` do jo cajíñ'- casí'- reiñ':

—¿Su seab` fí` quíi~ 'nú' e nijmihuíng`na' jaang` dsea` i caliséng` fí` lí~ quiu' dsea` romano ta~ e jii~ ja` mí` calita~ bi dsíi' su dseáng'- óor` dsee~?

26 Jo mi~ canúu~ i dsea` nu'luu~ quiá'- i fii~ 'lée~ do e cajíng'- i Paa~ do lajo, joba' dsifí` ladob cangáiñ'- e cangojmée'r~ júu^ i fii~ 'lée~ do quiá'r~ jo casí'- reiñ':

—¿E~ nijmée^ 'nu` cóo~ i dseañu' do, co' dsea` caliséng` fí` lí~ quiu' dsea` romano tab~ jíñ'- e líiñ'?

27 Jo dsifib` cangoquiéeng` i fii~ 'lée~ do fí` lí~ sing' Paa~, jo cajmingí'- reiñ' do jo cajíñ'-:

—¿Su jáb'- e dsea` romanob líng` 'nu'?

Jo cañí' Paa~ quiá'- i fii~ 'lée~ do jo cajíñ'-:

—E jáb', íb` jnea~.

28 Jo cañí'tu i fii~ 'lée~ do quiá'- Paa~ jo cajíñ'-:

—Jial jnea~ eáam' cacáng~ cuu~ quié~ e e ca'uíin~ n dsea` romano.

Jō cañí'tu Paa- casí'r- i fií' 'lée- do:

—Dsua' jnea~ lín'n dsea` romano lati' mi~ cangáam'~baa.

²⁹ Jō jaléng' i dsea` i si'í^ nijmihuing` i Paa- do, caliúum` yaaiñ~ fi' quini` dsea` do. Jō jiguí i fií' 'lée- do caliúum` 'ñia'r' cajo mi~ caliñir' e dsea` romanob líng' i Paa- do; jogui ca'íb- fø' quiá'r- dsua' e nica'ñúng' neiñ' jéeng'gui.

Mi~ cangojéeiñ' Paa- fi' quini` dsea` quie' nifi' quiá'- dsea' Israel

³⁰ Jō mi~ cajneá- e jmü~ jō, cō' eáam' iing~ i fií' 'lée- do e niliñir' røø' e~ uiing~ e dsee- e jmóo' dsea` Israel quiá'- i Paa- do, jō cajé'bre e ñí^ cadena e 'ñúung'~ dsea` do, jō caquiur' ta~ e niseáng' jaléng' fií' jmidsea` cóo'~gui jaléng' dseata~ i quie' nifi' quiá'- dsea` Israel e niseáiñ' do colíng~ e quiá'- nisíñ- uii~ quiá'- i Paa- do. Jō mi~ nisiseáng' jaléng' i dsea` do, jō caquiur' ta~ e cagüi'íib' i Paa- do fi' dsí' 'nuñí^, jō cangojéeng' neiñ' fi' quini` jaléng' i dsea` i caseáng' do.

23

¹ Jōba' cajóøng- Paa- jaléng' i dsea` i quie' nifi' quiá'- dsea' Israel i caseáng' do jō casí' reiñ':

—Dsea` rú'uu', eáam' guiá- nica'ee- jnea~ fi' quini` Fidiée~ lati' lana, cō' ñí'baa e jmang' e guiá-ba' nicajmé- e fi' quini` dsea` do.

² Jō dsifí' lajōb i dsea` mogui~ quiá'- jaléng' fií' jmidsea` i sií' Ananías caquiur' ta~ quiá'- i dsea` i teáng- quiá'- laco' sing' Paa- e nijnéiñ'- do moni~ Paa-.

³ Dsu' i Paa- do cañír` dsifi' lado, jo casí'r- i jmidsea` Ananías do jo cajín'-:

—¡Fidiéeb` nibá` quíi- 'nu` cajo, dsea` jløng'! Song 'nu` guiin~ na lana quiá'- niquidsi" í" lajii~ laco' júu^ quiu' ta~ quiá'- Fidiéé` e laco' sí'íb^, jo ¿jjali' e 'nu` quiá' ta~ e nibøøng- dsea` jnea~? Co' fé' fí' ní~ júu^ quiu' ta~ quiá'- Fidiéé` e ja` cuøøng` jmé- dsea` lajo.

⁴ Joba' cañíi' i dsea` i teáng- do quiá'- Paa- jo casí'-reiñ':

—¿Su lanab fi' dsea` mogui~ quiá'- jaléng' fii` jmidsea` quiá'- Fidiéé`?

⁵ Joba' cañíi'tu Paa- quiá'- i dsea` do jo cajín'- casí'-reiñ':

—Dsea` rú'uu', ja` ñi` jnea~ e i dsea` na líiñ' dsea` mogui~ quiá'- jaléng' fii~ jmidsea`, joba' café'-a lajo, dsu' faco' ñi` jnea~ e lajo, ja` café'-a lajo jóng. Co' fí' ní~ jì` quiá'- Fidiéé` e cajme' dsea` mali~ lalab fé': "Ja` fo'^ ga` quiá'- dsea` i quiu' ta` fí' góo'."

⁶ Jo mi~ calilí'^ Paa- e i líng~ i dseata~ quiá'- dsea` Israel i caseáng' do líiñ' dsea` saduceo, jogui i líng~guiiñ' do quiíñ'~ jee~ dsea` Israel i líng' dsea` fariseo, joba' cajíng'- Paa- casí'r- i dsea` do cóo' júu^ teá` jo cajín'-:

—Dsea` rú'uu', dsea` fariseob líng' jnea~ cajo, jogui dsea` siju~ dsea` íb` jnea~ cajo. Jogui i dsea` na 'núiñ` jnea~ co' e já'- lín`n e jí'tu dsea` mi~ ningí e júuiñ`.

⁷ Dsu' mi~ cató' fé' Paa- e jo, jaléng' i dsea` i líng' fariseo do cóo'~gui jaléng' dsea` i líng' saduceo canaañ` e jmiquím'- dsí' rúíñ' lajee` yaaiñ~, jo ca'uíng- tú- 'lé' i dsea` i caseáng' do ie~ jo. ⁸ Co' jaléng' i dsea` i líng' saduceo do fé'r` e jo` jí'tu

dsea` mi~ ningí e nijúuiñ-, jogui fé'r` e ja` seeng` jaléng` ángeles o'gui sea` jalé` jmi'guí` quiá'- dsea` dsu' jaléng`gui i dsea` i líng` fariseo do jáb'- líiñ` jalé` e júu` jo. ⁹ Jo lajim` i dsea` do cató'r` míi~ calé` catú-, jogui i líng`gui i tífa' quiá'- júu` quiu' ta~ quiá'- dsea` Israel i quíng` jee~ dsea` i líng` fariseo, íb` dsea` caróor- jo casíng` yaaiñ~ jo cajíñ'-: —I dseañu' la jíi~ coo` e ga` ja` e mi' cajméer; lí` jangám- song nicasíiñ- cóo'~ jaang` dsea` guí` osi cóo'~ jaang` ángel é.

¹⁰ Dsu' eáang`gui ta' jaléng` i dsea` do míi~ lacoo` ya'. Jo i fii` 'lée- do cafóm`bre fíng cajméé` i dsea` do cui` Paa-. Joba' cató'r- tú- 'ni' máng` 'lée- quiá'r- e laco' niguíng`neiñ' lí` iuuiñ-, jo nidsi- jeáang`neiñ' fí` nu~ jaléng` i 'lée- do calé` catú-.

¹¹ Jo mi~ canuu` coo`gui jmi~ lajo, cajmijnéeng` 'ñia' Fíinaa' Dsea` Jmáang- fí` quini~ Paa- jo casí'-reiñ' jo cajíñ'-:

—Cuóø'~ bí` uø', Paa-, co' laco' nicaguiá'^ júu` quíe- e fí` Jerusalén la, lajob 'né- guiá'^ júu` quíe- e cajo fí` Roma.

Mi~ casíng- dsea` jial nijngáiñ'- Paa-

¹² Jo mi~ cajneá- e jmi~ jo, i líng` i dsea` Israel do casíiñ- røø` e nijngáiñ'- i Paa- do, jogui cacuoø' júu` rúíñ` lajee` yaaiñ~ do e dseáng'- ja` nidø'r- o'gui ni'í'r` jíi~ coo` cartí` nilí'r` e nijngáiñ'- Paa-.

¹³ Jo jaléng` i dseañu' dsea` Israel i casíng- lajo tíir' lí'gui lí'- tuláiñ-. ¹⁴ Jo cangolíiñ` fí` quini~ fii~ jmidsea` quiá'- dsea` góor` dsea` Israel cóo'~gui fí` quini~ dsea` cóøng'~ quiá'r- jo casí'-reiñ' lala:

—Jnea'^ nicacuó^naa' júu` quí-naa' lajee` yee~naa' e ja` ni'né` niquiee~naa' jíi~ coo` cartí`

nilí'naa' nijngáng'naa' Paa-. ¹⁵ Jogui 'nú' lana cóo'gui i dseata i quie' nifí'quí'ii' caguaang-gui na, nifí'na' fii' 'lée- e nijajeáaiñ- i Paa- do dsa'ó' fí' quini'na', jogui nijmee-na' e niligøoiñ' lico' nifí'na'r e nijmingí'na'r jalé' e dsee- e sea' quia'r- la'uiing- laná'- . Jogui jnea^, dsea' tuláng-naa', nijmeáng- guiá- yee-naa' e nijngáng-naa'r guiá'^ fí' nú'-gui e nigüeáiñ' catí' la.

¹⁶ Dsua' jaang' siming', jóo' i dseamî rúng' Paa- do, nicalíñi'bre lajii' e guiá' guiá- i dsea' do quia'- e nijngáiñ'- i Paa- do. Joba' cangór- dsifí' lado fí' 'nu~ jaléng' i 'lée- do fí' li~ iuung- Paa- e cango-jmée'~rein' júu^.

¹⁷ Jo mi~ ca'ing' Paa- e júu^ do, dsifí' lajob cató'r- jaang' dsea' nu'luu~ quia'- fii' 'lée- jo casí'-rein' jo cajíñ'-:

—Jéeng' i siming' la fí' quini' fii' quí'-, co' liing- ee' júu^ quie'bre e catíng- í'.

¹⁸ Joba' i dsea' nu'luu~ quia'- i fii' 'lée- do cajéeiñ' i siming' do fí' quini' fii' quia'r-, jo lalab casí'r- i fii' quia'r- do:

—I dsea' sijníng' i sii' Paa- do cató'r- jnea~, jo camí'r' jnea~ e cagajéen- n i siming' la fí' quini'^, co' liing- ee' júu^ quier' quí'-ba' jíñ'-.

¹⁹ Jo i fii' 'lée- do catíiñ- guoo' i siming' do, jo cajéeng'neiñ' fí' coo' li~ ja' ii' dsea' núu, jo cajmingí' rein' jo cajíñ'-:

—¿E~ júu^ quie'^ quie'-e, siming'?

²⁰ Joba' cañí' i siming' do jo cajíñ'- casí'-rein':

—Fím' dsea' góo'o dsea' Israel nicasíiñ- røø' e nimí'r- 'nu' fí' e dsa'ó' niguiéen- Paa- calé' catú- fí' quini' jaléng' dseata i quie' nifí'quí'ii', dsea'

lí'íi' dsea` Israel. Jo i dsea` í` niguiar' guiá- e nijmigøøiñ` 'nu` e laco' nisíng- guirøø` cuaiñ` quiá- dsee- e sea` quiá- i Paa- do. Dsu' e jo nijmér- e lí' laco' 'nu` niguiéem`-ba' dsea` do, jo lajob nilí'r` nijngáng'-neiñ'. ²¹ Dsu' ja` já'- güilín', co' lí'gui tuláng- dsea` góo`o dsea` Israel nisijeeiñ` Paa- e ñing` guiá'^ fí' e iñ`~ nijngáng'-neiñ'. Jogui nicacuø' júu^ rúíñ' lajee` yaaiñ` e ja` ni'í' nidø'r- jíi~ coo` lajee` e nú'-gui e nilí'r` nijngáiñ'- Paa-. Jogui lana, guiáb- ñineáaiñ` e lico' sije`guir e niqúiá'^ 'nu` ta~ lajob e niguiéeng`-na' i Paa- na fí' quini` i dsea` quidsí' í' do.

²² Joba' i fii~ 'lée- do casí'r- i síming` do e ja` ii` nisíñ' do jíi~ jaang` lajíi~ júu^ e casíiñ'- do. Jo mí' cangî jo, ca'í'bre júu^ i síming` do.

Mi` caguiéiñ' Paa- fí' quini` dseata~ dsea` féng' i sii` Félix

²³ Jo dsifí' lajob i fii~ 'lée- do cató'r- gáng- dsea` nu'luu~ quiá'r- jo casí'-reiñ' jo cajíñ'-:

—Guiéeng`-na' guiá- tú- ciento 'lée- i ngí' tíi-, jogui setenta i nigüeá` cuea~, jogui tú- cientogui i nicá` ñisü', jo nidsé`ee' fí' Cesarea la ii- ñá- e uøø` na.

²⁴ Jogui caquiá'gui i fii~ 'lée- do ta~ quiá'- i dsea` nu'luu~ quiá'r- do e niguiéiñ'- do guiá- cuea~ i nigüeá` i Paa- do. Jogui jaléng' i 'lée- do nisínú'r^ júu^ e nijáiñ' Paa- e guiúm- biñ' fí' quini` i dseata~ dsea` féng' i sii` Félix i guíing` líng` ta~ fí' Cesarea.

²⁵ Jo i fii~ 'lée- do casíñ' coo` jí' cóo~ dsea` quiá'r- e catíng- i dseata~ dsea` féng' do jo lalab fé' e jí' do:

²⁶ “Jnea~ Claudio Lisias, fii~ 'lée- quiá'- dsea` Jerusalén. Jo nisín^n e jí' la e táng- 'nu`, Félix,

dseata~ dsea` féng' i jmi'gó` dsea` eáang' lí` quiá' ta~
 fí' na fí' Cesarea. Guicóo'ba'. 27 E laba' iin~n fíi`
 'nà, e jaléng' dsea` Israel i seeng' fí' la nicasaiñ' i
 dseañu' la i sii' Paa~, jò si'í' e nijngám' breiñ'. Dsu'
 dsifí' mi~ caliñi` jnea~ e dsea` romanob líiñ', dsifí'
 ladob cangó` o cóo'~ 'lée~ quié~ e jò calaam~baare.
 28 Jò co' jnea~ iin~n e calidseáang' dsii~ e uuing~ e
 'náiñ' i dsea` do, joba' cajóøñ~nre fí' quini~ dseata~
 i quié' nifí' quiá'~ dsea` Israel. 29 Jò job caguó'~
 júu^ e ni'náiñ` dsea` do uíi'~ e ja' jmiti~ Paa~ lajii'~
 júu^ quiu' ta~ quiá'~ Fidiéé' e laco' títng` i dsea`
 góor` dsea` Israel do e jmóor'. Dsu' ja' e dsee~ sea`
 quiáiñ'~ e eáang' fa' dsi' í' e nijngáng'~neiñ' o'gui
 e nitáng'neiñ' fí' dsí' 'náiñí'. 30 Dsu' mi~ caliñii~ e i
 dsea` Israel do niguiar' guiá~ e nijngám'~bre Paa~,
 joba' fí' nab niguiéen'~n dsea` do cóo'~ 'nà. Jògui
 nicafíi~bái jaléng' i dsea` i 'náiñg' ír` do e nab nijmér~
 júu^ cóo'~ 'nà e~ uuing~ e jmóor` dsee~ quiá'~ dsea`
 do. Jò lanab jii'~ lí' júu^ quié~e, dseata~ Félix.
 Guicóo'ba'."

31 Jò 'ñia' e uóø` jò jaléng' i 'lée~ do cajéem~bre
 Paa~ fí' e fíi` lí~ sii' Antípatris lí' lacó' ta~ caquiú'
 i fi~ quiá'r~ do. 32 Jò mi~ cajneá~ e jmíi~ coo'gui
 do, jaléng' i 'lée~ i cangolíng^ e ngí' do caquim'~tur
 fí' Jerusalén fí' lí' si' 'núr~ do. Jògui jaléng' i 'lée~
 i dsiing~ cuea~ do cangolíim~bre cóo'~ Paa~ cartí'
 Cesarea.

33 Jò mi~ caguilíng~ i 'lée~ i jéeng' Paa~ do cartí'
 Cesarea, jò cajú'bre e jì' do i dseata~ dsea` féng' i
 guuing~ quiú' ta~ fí' jò, jògui cajám'bir Paa~ cajo.

34 Jò mi~ calí' í i dseata~ Félix do e jì' do, joba'
 cajmingí'r i Paa~ do jie~ fíi` lí~ seeiñ'. Jò mi~ caliñir'

e fi' li~ se' Ciliciab seeng` i Paa- do, joba' casi'-reih' do jo cajih'~:

³⁵ —Mi~ nigüilíng- jaléng' i dsea` i jmóo` dsee- quíi'- do, joguib nisi~naa' e~ uiing~ e 'nhih' 'nu`.

Jo mi~ cangî jo, caquiua'r ta~ e jéeb' dsea` quía'- i Paa- do, jo fi' dob cajmée`reih' í' fi' dsíi' 'núu' li~ caquiua' dseata~ Herodes ta~.

24

Mi~ cajmi'óng' 'ñia' Paa- fi' quini~ dseata~ dsea` féng' i sii` Félix

¹ Jo mi~ cangî 'ñiá` jmih~ lajo, caguié- i dsea` mogui~ quía'- jaléng' fi~ jmidsea` i sii` Ananías do fi' Cesarea colihng~ cóo'~ coo` tú- mihng'~ dsea` cóong'~ quía'- dsea` Israel cóo'~ gui jaang` dseañu` i tiing` féeng'~ dsea` eáang' i sii` Tértulo. Jo jaléng' i dsea` la caguilih'~ fi' Cesarea do, jo caguijméer^ dsee- quía'- Paa- fi' quini` i dseata~ dsea` féng' i guing~ fi' jo.

² Jo mi~ cahuí' ta~ e caguijéeh' Paa- fi' quini` i dseata~ do e quía'- e nisíng- e júu^ do, joba' canaang` i Tértulo do e 'nhih' Paa- fi' quini` i dseata~ Félix do jo lalab cajih'~:

—'Máam' 'nu`, dseata~ dsea` féng' quí-ii', e la'eáang' 'nu`ba' e see-naa' juguiá- júu^ røø. Jogui la'eáang' e eáam' tih'~ cajo, jmiguiab' jalé' e guiá- nica'uíng- latøøng- góo'naa'. ³ Jo jaléb' e jo eáam' íaang` dsì` jnea'^, dseata~ quí-ii' Félix; jo gui'máam'ba' quía'- jalé' e jo. ⁴ Jo ja`iin~n e jmi'hing'guí 'nu` eáang', fa' nijiéeb' o' e ninúu^ lajíi'~ júu^ quí-naa' cateá' lajo. ⁵ Jo lana nicadsé'naa' jalé' e ga` e jmóo` i dseañu` na fi'

latøøng⁻ fí jmiǵüi[^] e 'nóor⁻ m#i[~] quiá⁻ jaléng[^] dsea⁻ Israel e laco[^] ni'náng⁻ dsea⁻ quiá⁻ rúin[^]. Jogui lám[^]bir cajo⁻ dsea⁻ mogui[~] quiá⁻ coo⁻ 'lé[^] dsea⁻ Israel i sii⁻ nazareno. ⁶ Jogui ja⁻ jmi'gór⁻ lajii[~] e t#i[^]naa[^] fí guá⁻ fé[^] qui⁻ii[^] fí Jerusalén; co[^] iin[~] nidsijéeiñ⁻ dsea⁻ i ja⁻ líng[^] dsea⁻ Israel fí dsí[^] sinúu[^] guá⁻ qui⁻ii[^] do, jo⁻ uing[~] e joba[^] e caséeng[~]naa[^]re. ⁷ Jo lamí⁻ iin[~]naa[^] ni'[^]naa[^] i[^] quiá⁻r⁻ jii[~] laco[^] fé[^] júu[^] quiu[^] ta[~] qui⁻ii[^], dsu[^] dsifí[^] lajob⁻ i fii⁻ 'lé⁻ i sii⁻ Lisias do caguíin⁻ dsea⁻ do laguidseaang⁻ fí jaguó⁻naa[^]. ⁸ Jo cajíin⁻ e lajaléng[^] jnea[^] dsea⁻ cuøø⁻naa[^] dsee⁻ cat#ing⁻ e nija'n#ing[^]naa[^]r fí quini[^].

⁹ Jogui mi[~] calí⁻ fé[^] Tértulo e jo, jogui café[^]gui jaléng[^] dsea⁻ Israel i teáang⁻gui cóo[^]r⁻ do, jo jíin⁻ e dseáng⁻ já⁻ba[^] jalé[^] e jmóo⁻ i Paa⁻ do, jo røøb⁻ dseáng⁻ s#iin⁻ cóo[^] i Tértulo do e jmóor⁻ dsee⁻ quiá⁻ Paa⁻.

¹⁰ Jo mi[~] cangi[^] jo, i dseata[~] Félix do cajméer⁻ li cóo[^] guóor⁻ e sí[^]r⁻ Paa⁻ e cuøøm⁻ nifé[^] dsea⁻ do júu[^] quiá⁻r⁻. Joba[^] caróo⁻ Paa⁻ jo cajíin⁻:

—Eáam[^] iáang⁻ dsii⁻ e nijmi'øng[^] 'ñiá[^]a quini[^] 'n#i[^], dseata[~] qui⁻ii[^], cuaiñ[~] quiá⁻ jalé[^] dsee⁻ e jmóo⁻ i dsea⁻ na quié⁻e. Co[^] ñi[^]baa[^] guiú⁻ e 'n#b⁻ dsea⁻ i quidsí[^] i[^] røø⁻ quiá⁻ dsea⁻ góo⁻naa[^] dsea⁻ Israel lajii[~] ningóob[^] eáang[^]. ¹¹ Jo cuøøm⁻ nilidseaang[~] o[^] e nabi ngóo[^] guitu[^] jmi[~] e caguié⁻ e fí Jerusalén e jmifén[^]n Fidié⁻. ¹² Jo ja⁻ cadsé[^] jaléng[^] dsea⁻ na jii[~] coo⁻ dsee⁻ e laco[^] ni'n#iñ⁻ jnea[~], fa[^] e sín[^]n j#n[~]n cóo[^] dsea⁻, o[^]gui tá[^]a m#i[~] jee[~] jaléng[^] dsea⁻ fí sinúu[^] guá⁻ fé[^] quiá⁻ dsea⁻ góo⁻ e si[^] fí jo, o[^]gui fí dsí[^] sinúu[^] guá⁻ jiu[^] quiá⁻ dsea⁻

góo'o cajo, o'gui lacaang` lí jíe' fí jee` fii. 13 Jo jaléng` i dsea` 'nning` jnea` i teáang` la ja` niguié'r` jii` coo` dsee` quie`-e e jmóor`, co' ja` e røøn` jii` coo` laco'gui la fé'r`.

14 'Dsui e já`- e jmóo'o lajii` e iing` Fidié` i jmiféng` 'lii` dsea` cøøng` quie`-e, dsea` Israel, laco' cøøng` røø` cóo` fí guiá`- quia`- Dsea` Jmaang`. Jo fé' i dsea` góo'o na e jnea` ja` jmitii` lajii` júu` quia` ta` quia`- Fidié` e cajme' Moi`; dsui o' já`- e lajo, co' jnea` gui jáb`- lín`n jalé' e júu` jo cóo` gui jalé' e júu` e cajme' dsea` i café' cuaiñ` quia`- Fidié` malii` gui eáang`. 15 Jogui jáb`- lín`n røøb` laco'gui i dsea` í e jí'tu jaléng` 'lii` la'eáang` cóo` Fidié` nañí fa' líiñ` dsea` guiúng` osi i sitíng` e 'léé` é. 16 Joba' cuøø`-bi dsii` e ee` e guiá`- fí quini` Fidié` jogui fí quini` dsea` rún`n dsea` jmiçú` cajo.

17 'Dsui mi` cang` tú`- 'ní jii` e ngii` fí lí jíe', joguiba' caquin` túu` fí Jerusalén e ngocuøø`-ø cuu` jaléng` dsea` tiñíng`, jogui ngocuøø`-ø Fidié` laco' litíng` dsea` góo'o dsea` Israel e cuø'r` dsea` do. 18-19 Jo lajee` táan`n jmóo'o jalé' e jo e ning` e caliguiún`-n fí quini` Fidié` laco'gui la fé' dsea` góo'o dsea` Israel, jo ie` jo ja` 'ga' lí siseáng` dsea` e jøør` quia`- lajii` e líi` quie`-e, o'gui mi`- téé` jii` capí` cajo. Jo job mi` caguilíng` coo` tú`- máng` dsea` Israel i jalíng` fí lí se' Asia, jo cadséiñ` jnea` fí dsii` guá`- fé' e si' fí Jerusalén do. Jo i dsea` íb` i catíng` e nigüilíng` fí la e 'niñ`- jnea` faco' sea` dsee` quie`-e quini`. 20 Jogui co' ja` dsee` caliseá` quie`-e, joba' i dsea` i teáang` la lana cuøøm` nijmér` júu` song cadsé'r` dsee` quie`-e e líng` ee` cajmé`-e mi` cajeeiñ` jnea` fí quini` dseata` i quie`

nifí quí- jnea[^], dsea` lí^ʰ dsea` Israel. ²¹ Co' laj^u e tóo` dsii- e cafa'-a cóo[^] júu[^] teá' lajee` sínⁿ fí quini[~] i dsea` quidsí' íⁿ do jo cafa'-a: “Lana 'nú' cuø'na' jnea~ dsee- dsuco' e já'- línⁿ e jí^l tu jaléng[^] 'lí[~] mi~ ning[^] e júuiñ[~].”

²² Jo co' niñib' i dseata~ Félix do guiá- jial jalé[^] júu[^] quiá'- Dsea` Jmáang-, joba' mi~ canúur- jalé[^] júu[^] e cajíng[^] Paa- do, caje[^] bi quiá'- e niquidsir' íⁿ lajminá- quiá'- dsea` do jo casí'-reiñ[^]:

—Mi~ nigüéeng- i fií[~] 'léé- Lisias, îguibing[^] ni-jmé[^] júu[^] røø' jnea~ cuaiñ[~] quiá'- e dsee- e sea[^] quí[^] e 'n[^]ing` jaléng[^] dsea` 'n[^].

²³ Joba' casí'- i dseata~ Félix do i dsea` n[^]luu~ quiá'- i fií[~] 'léé- do e güi[^] iuum[~] bi Paa- sijníiñ[~] lajee` jo, lifa' cuøøm[^] e jaléng[^] dsea` i cúing[^] dsea` do nijmicóo[^] reiñ[^] lajee` iuuiñ[^] do.

²⁴ Jo mi~ cang[^] gui tú- 'ní jmi~ lajo, caguiéb[~] tu i dseata~ Félix coling[~] cóo[^] dseam[^] quiá'r- i sií Drusila i líng[^] dsea` Israel, jo caguilíiñ[~] fí lí[~] tídsi' íⁿ quiá'- dsea`. Jo dsifí lajob caqui^u i dseata~ do ta~ e nilité[^] Paa- e fí lí[~] quidsir' íⁿ do. Jo mi~ caguié- Paa- fí jo, jo canaaiñ[^] guiar' júu[^] quiá'- Dsea` Jmáang- jial laco' nijáng[^] yaang~ dsea` fí jaguó[^] dsea` do. Jo canúub- i dseata~ do jalé[^] e júu[^] quiá'- Paa- do. ²⁵ Dsa' mi~ canaang[^] Paa- e fé'r jalé[^] júu[^] quiá'- jial nisíng[^] yaang~ dsea` fí guiá-, jogui jial ja` nibeáng[^] dsea` dsee- yaaiñ[~], jogui jial mi~ nití- íⁿ e niquidsí' Fidié[^] íⁿ quiá'- lajaang[^] lajaang[^] dsea` jmigüi, joba' mi~ canúu- i dseata~ Félix do jalé[^] e júu[^] quiá'- Paa- do, jo cafóm[^] bre jo cajíñ[^] casí'r- Paa-:

—Guøm[^]tú' fí lí[~] iuun[^] do lana. Nab nijmee[~]e júu[^] lí[^] e jøøn[~], jøguiba' nitøø[^]túu 'næ fí la.

²⁶ Jøgui cajo i dseata[~] Félix do cuub[~] íng' dsír' e nicuó[^] Paa[~] ír' e laco' e nileáíñ[~] dsea[^] do. Jo uing[~] joba' e tø'r' Paa[~] sojié' e síiñ[^] cóiñ[~]. ²⁷ Jo tú[~] jí[^] cangocá' e jmóor[^] lajo. Dsø' mí[~] cangí[^] jo, cagüi'í[^]b' i Félix do e líiñ[^] dseata[~] dsea[^] féng', jo ca'í[~] jaang[^]gui dsea[^] cuaiñ[~] quiá'r[~] i sii Porcio Festo. Jo co' i dseata[~] Félix do iñ[~] e guiáb[~] nijér[~] cóo[^] dsea[^] Israel, joba' caseám[^]bre Paa[~] lado la sijñí[^]m[^]biñ[^]!

25

Mí[~] caguié[~] Paa[~] fí[^] quini[^] dseata[~] dsea[^] féng' i sii Festo

¹ Jo coob[^] mí[~] catí[^] í[^] e nilíng[~] Festo dseata[~] dsea[^] féng', jo mí[~] cangí[^] 'ní[^] jmí[~] lajo cagüi'í[^]bre fí Cesarea jo cangó[^]r[~] fí Jerusalén. ² Jo mí[~] caguié[~] fí jo, dsifí[^] lajob jaléng[^] fí[^] jmí[~]dsea[^] cóo[^] gui jaléng[^] dsea[^] Israel i laniing[~] i neáng[^] fí Jerusalén ie[~] jo cagüi[^]ñ[~] e jmóor[^] dsee[~] quiá'[^] Paa[~] fí quini[^] i dseata[~] Festo do. ³ Jo jaléng[^] i dsea[^] jmóo[^] dsee[~] quiá'[^] Paa[~] do camí[^]r[~] jmí[^]ee[^] i dseata[~] do e laco' níquiá'[^] dsea[^] do ta[~] i Paa[~] do e nidséng[^]-tur fí Jerusalén e quiá'[^] nitidsí[^] í[^] quiá'r[~] fí jo, dsø' iñ[~] jmér[~] lajo e lí[^] laco' nilí[^]r[~] e nijngáng[^]-neiñ[^] guiá[^] fí e tú[^]í[^]b[^]. ⁴ Joba' cañí[^] i dseata[~] Festo do quiá'[^] i dsea[^] jmóo[^] dsee[~] quiá'[^] Paa[~] do jo casí[^]-reiñ[^] jo cajíñ[^]:

—Fí[^] dob iuung[~] Paa[~] sijñí[^]ñ[~] fí Cesarea, jo 'ñiá[^]'baa í dsii[~] ninín[^]'n fí do e jo[^] jmí[^]í[^]ng[^] 'ñiá[^]'a. ⁵ Jo jaléng[^] dseata[~] quí[^]-na' 'né[~] nidsilí[^]ñ[~] cóo[^] jnea[~] fí Cesarea, jo song sea[^] dsee[~] e níca[^]é[^] i

dseañu^h do, joba' fi' job cuøøng` jmee⁻na' dsee⁻ quiá'r⁻.

⁶ Jo caje^bi dseata[~] Festo fi' Jerusalén jñiá⁻ si guí⁻ jmi^hgui. Jo mi[~] cangí jo, joguiba' caquiñ^h- fi' Cesarea. Jo mi[~] cajneá⁻ e jmi^h jo, jo cangó⁻bre fi' li[~] nigüear^h e niquidsir' í^h. Jo caquiá'r^h ta[~] e calité^h Paa⁻ fi' jo. ⁷ Jo mi[~] tí li[~] ca'í⁻ Paa⁻ fi' jo, dob niteáang⁻ jaléng^h dsea` Israel i jalíng⁻ tí Jerusalén i jmóo` dsee⁻ quiá'r⁻ do, jo cangoquiéiñ^h fi' quini^h i dseata[~] do jo canaiñ^h jmóor` dsee⁻ quiá'⁻ Paa⁻, jo iib` eáang^h e dsee⁻ e cuø'reiñ' do, dsu^h jii^h coo` ja` e cadser^h fa' dseáng^h e já⁻ lajii^h e dsee⁻ e jmóor` quiá'⁻ dsea` do.

⁸ Joba' cañi^h i Paa⁻ do fi' quini^h i dseata[~] do cóo^h júu^h e jmi^høng^h 'ñia'r jo cajíñ^h:

—Jii^h coo` e ga` ja` mí cajmé⁻ jnea[~], o'gui fa' nicafá⁻a ga` uii[~] quiá'⁻ jalé^h júu^h quiu^h ta[~] quiá'⁻ dsea` góo`o dsea` Israel, o'gui fa' nicafá⁻a ga` uii[~] quiá'⁻ guá'⁻ fé^h quiá'⁻ dsea` í cajo, o'gui quiá'⁻ dseata[~] dsea` féng^h i guing[~] quiu^h ta[~] fi' Roma.

⁹ Jogui co^h i dseata[~] Festo do iñ[~] e jér⁻ guiáb⁻ cóo^h jaléng^h dsea` Israel, joba' cajmingí'r⁻ Paa⁻ jo cajíñ^h casí^h reiñ' lala:

—¿lin^h e guó^h fi' Jerusalén, jo fi' job niquidsi jnea⁻ í^h quií^h lajii^h e 'nñng` dsea` 'nu^h?

¹⁰ Joba' cañi^h Paa⁻ quiá'⁻ i dseata[~] Festo do jo cajíñ^h:

—Fí lab iuun⁻ fi' li[~] quidsi' dseata[~] dsea` féng^h dsea` guing[~] fi' Roma í^h, joba' fi' lab li[~] catíng⁻ e nitidsi' í^h quié⁻e. Jogui guiáb⁻ ñi^h 'nu^h cajo, dseata[~] qui⁻ii, e jii^h coo` e ga` ja` mí cajmé⁻ e quiá'⁻ jaléng^h dsea` góo`o. ¹¹ Jogui song nica⁻ee⁻ dsee⁻ e lahuñg^h

e dsī í' e nijngáng' na' jnea~, cuøøm` lí jmee`na' lajõ, jõ ja` e fá'a jii' cõõ. Dsua' song ja`gui sea` jii' cõõ dsee` quié` e laco' jii' e 'níng` dsea` jnea~, jii' jaang` dsea` sea` fí' quía'r` e nijáin' jnea` fí' quini` dsea` i' 'ní' ní` quié` e. Joba' mī e 'ñiab' i' dseata` dsea` féng' i' quia' ta` fí' Roma niquidsir' í' quié` e.

¹² Jõ mī cangî jõ, i' dseata` Festo do casáin' cõõ jaléng' i' dseata` rúin' caguiaang`gui do. Jõ lí jõ cajín' casí'r` Paa`:

—Lí' laco' nicamî 'nu` uø' e i' dseata` dsea` féng' dsea` quia' ta` fí' Roma do, í'bing' niquidsí' í' quí', jõ cõõ` íb` niguó' lana.

Mī casáing` dseata` Festo cõõ` jaang` dseata` dsea` féng' i' sii` Agripa

¹³ Jõ mī cangî tú` 'ní' jmiī lajõ, i' dseata` dsea` féng' i' sii` Agripa do colíing` cõõ` i' dseamî rúin' i' sii` Berenice cangolíin' fí' Cesarea e cango'eer` i' dseata` Festo do. ¹⁴ Jõ huøøb` jia` cajer` cõõin' do fí' Cesarea. Joba' lajee` jõ, i' dseata` Festo do casí'r` i' dseata` dsea` féng' Agripa do lajii' e lí' quía' i' dsea` i' sii` Paa` do, jõ cajín' casí'`reín':

—Lana lab iuung` jaang` dseañu' i' sijnáing` i' caseáng` dseata` Félix mī cagüi'ír'. ¹⁵ Jõgui mī cataan`n cateá' fí' Jerusalén, jaléng' fii` jmidsea` quía' dsea` Israel cõõ`gui jaléng' dsea` cøøng' quía'r` caguiliin' 'níin' i' dseañu' i' sii` Paa` do fí' quini`, jõgui camí'r' jnea` e fa' niquiá' ta` e nijúum` dsea` do. ¹⁶ Joba' cangiī quía' jaléng' i' dsea` i' jmóo` dsee` quía' Paa` do e ja` lajõ tíng` dseata` dsea` féng' i' guing` fí' Roma fa' e quia'r' ta` e dseáng' nijúung` dsea` lajee` ná'gui e niquidsir' í' quía' i' dsea` røøng` dsee` do jõgui e nisíin' cõõ`

i dsea` i 'nning` ír` cajo e laco' nijmi'óng` yaaiñ`
 cóo'~ jalé' e dsee` e 'nning` dsea` ír` do. ¹⁷ Joba'
 mi` cagüilíng` i dsea` i jmóo` dsee` quiá'- Paa` do
 fi' la, jo` e cajmi'íing` 'ñiá`a, co' dsifi' mi` cajneá`
 e jmi` coo`gui do cangó`baa fi' li` niquidsii` í`,
 jo caquiá'-u ta` e calitéb'^ i Paa` do fi' li` iuuiñ`.
¹⁸ Dsu' jaléng` i dsea` i caseáng' i 'nning` ír` do ja`
 canú`u fa' e fé'r` uii` quiá'- i Paa` do laco' jii`~
 e lamí` í` dsi` jnea`. ¹⁹ Co' lajii`~ dsee` e jmóor`
 quiáiñ'- e quiá'- lajii`~ júu^ e já'- líiñ` quiá'- Fidié`
 quiá'r-, jogui quiá'- jaang` dseañu` i sii` Jesús i
 nicajúng` do jogui fé'r` e jí`biñ' do. ²⁰ Jo co' jo`
 ñi` jnea` ee` nijmee` e cóo'r` quiá'- jalé' e dsee` e
 jmóo` dsea` quiá'r- do, joba' cajming`í`ire e song
 iñ` e nidsér` fi' Jerusalén e nitidsi` í' quiá'r- fi' jo.
²¹ Dsu' 'ñia'r` cajíñ'- e ja` iñ` dsér-, jogui nicamir`
 e i dseata` dsea` féng' i guing` fi' Romabing' i
 niquidsi' í' quiá'r-. Joba' caquiá'-u ta` quiá'r-
 e lamí` iuum`bir sijñiñ` cartí` niguiéen`nre fi'
 quini` i dseata` dsea` féng' do.

²² Joba' cañi' i dseata` Agripa do quiá'- dseata`
 Festo jo cajíñ'-:

—Iim`bi jnea` nuu`u júu^ quiá'- i dseañu` do
 cajo.

Joba' cañi' dseata` Festo quiá'- i dseata` dsea`
 féng' do jo casí`-reiñ':

—Dsa'ób` ninúu`^ lajii`~ júu^ quiá'r-.

Mi` caguié` Paa` fi' quini` dseata` dsea` féng'
Agripa

²³ Jo mi` cajneá` coo`gui jmi` lajo, i dseata` dsea`
 féng' Agripa do cóo'~gui i Berenice do caguilíñ`-
 cangotáaiñ`~ laco' dsea` 'goo` fi' sinúu` li` tidsi` í'

quíá'- jaléng' dsea` jo jée' jaléng' fii~ 'léé- quiá'r- cóo'~gui jaléng' dsea` niing- i jalíng- cóo'r~. Jo mi~ caseáng' jaléng' i dsea` do fí' do, i dseata~ Festo do caquiá'r' ta~ e cangotée' 'léé- i Paa- do jo cangojéng`neiñ' fí' lí~ nisiseáng' dsea` do. ²⁴ Jo mi~ caguiér- fí' jo, lalab cajíng'- i dseata~ Festo do:

—Dseata~ dsea` féng' Agripa cóo'~gui lajüing` dsea` i siseáng' la lana cóo'~ jneaa~aa', nab nisíng' i dseañu` do lana. Jo lajüim` dsea` Israel nicajacóor` dsee- quiá'- i dseañu` na lajee` cataan~n fí' Jerusalén jogui fí' la fí' Cesarea cajo, jogui dsíng'- ta'r' mii~ e mi'r' jnea~ fa' e niquiá'~u ta~ e nijúum~biñ' na. ²⁵ Dsu' jnea~gui lín~n e ja` e mi' 'léer' jüi~ cóo' fa' e dsi' í' e nijúuiñ~. Jo 'ñia'guir nicami' e i dseata~ dsea` féng' dsea` guing~ fí' Romabing' i niquidsi' í' quiá'r~, joba' nica'f' dsii- e fí' job niguiéen'~nre. ²⁶ Jo co' ja` ñi'guú e~ dseáng'- e nifí' i i dseata~ dsea` féng' do cuaiñ~ quiá'- i dseañu` na, joba' catóø-øre la'uii~ fí' quini' 'nu', dseata~ dsea` féng' Agripa, e laco' niquidsi' í' quiá'r-. Jo lajoba' sea` e nitóo~ jnea~ fí' ni~ ji' e niguiéen'~n quiá'- dseata~ dsea` féng' i guing~ fí' Roma. ²⁷ Co' gab'jiu lí' lín~n e niguiéen'~n jaang` dsea` i sijníng` jogui ja` ñii- e~ nitóo~o fí' ni~ ji' quiá'- lajüi~ e 'nínng` dsea` ír` do.

26

Mi~ café' Paa- fí' quini~ dseata~ dsea` féng' Agripa

¹ Jo mi~ cangf' e café' dseata~ Festo júu^ quiá'r~, joba' casf'- dseata~ dsea` féng' Agripa i Paa- do jo cajíñ'-:

—Cuóøm` fo'^ júu^ quíi'- lana.

Jō dsifí ladob cajmée` Paa` li` cóo`~ guóor` e quiá'- nifér` jō lalab canaaiñ` fé'r`:

² —Dseata` Agripa, eáam` iáang` dsii` e nifá'^a júu` quié`-e fí` quini`^ 'nũ` lana e nijmi'óng`^ 'ñiá'^a quiá'- jalé` dsee` e nicajaca` dsea` góo`oo' dsea` Israel quié`-e. ³ Jō có' cuíb` 'nũ` jalé` e tĩng` jnea`^, dsea` lí'ñi' dsea` Israel, cóo`~gui jalé` júu` qui`-ii' e siĩ~naa', jōba' miĩ` jmi'ee` quini`^ lana e ninúu`^ jalé` júu` quié`-e e nifí`^i 'nũ` car` niteám`'baa.

Jial seeng` Paa` nú'-gui e calicutiñ` Dsea` Jmáang`

⁴ 'Lajim` dsea` góo`oo' dsea` Israel ñir` jial calisén`n jee` ír` fí` góo`oo' jōgui fí` Jerusalén latí` jíi`~ le'eáam`^baa. ⁵ Jōgui ñi`bi` guiá` jaléng`^ i dsea` í` e dsea` fariseob líng` jnea`~ latí` jíi`~ maliĩ~, jōgui cuóom` nijíñ`- lajō song` iĩñ`. Jōgui lajee` jaléng`^ jnea`^, dsea` lí'ñi' dsea` Israel, dsea` fariseo i lajang`-gui jmiti` lajíi`~ júu` qui`-ii' ta` qui`-ii' quiá'- jial 'né` nijmiféng`^ dsea` Fidiée`. ⁶ Jōgui lanagui nicajéeiñ` jnea` fí` la e quiá'- nitidsi` í` quié`-e, dsucó' e jnea` jáb`- lín`n lajíi`~ júu` quiá'- Fidiée` e caséé` 'liĩ` dsea` áang` qui`-ii' e jí'tu jaléng`^ dsea` mi` ningí` e júuiñ`. ⁷ Jō e lab júu` e cacuø` Fidiée` 'liĩ` dsea` áang` qui`-ii' do, jō lajì` guitu` 'lé` dsea` góo`oo' dsea` Israel sijeem`bre i dsea` i cajing`- Fidiée` i nisíñ` fí` jmigüi` la. Jōba' uóø` jmiĩ` ja` tã dsea` góo`oo' e jmiféiñ` Fidiée` jōgui e jmóor` lajíi`~ e iing` dsea` do. Jō uí`~ e já`- lín`n e nicagüéng` i dsea` i sijeeng`naa' do, jōba' cuø` dsea` góo`oo' dsea` Israel jnea` dsee` lana, dseata` qui`-ii' Agripa. ⁸ Jōba' çjali` ja` iing` 'nú`, dsea` góo`oo' dsea` Israel, já`- líng`na' e Fidiée` cajméer` e cají'tu Jesús jee` jaléng`^ 'liĩ` mi` cangí` e cajúíñ`?

*Mi~ cajíng' Paa~ jial cajmeáiñ' ga` jaléng' dsea`
quiá' Dsea` Jmáang`*

⁹ 'Dsu' e já'ba' e ca'f̂ dsii' ie~ lami~ jéeng'gui do e cajmeáan' n ga` jaléng' dsea` quiá' Jesús i seeng' fí Nazaret. ¹⁰ Jo laj_o laj_ob cajmé' e fí jee~ fiñ Jerusalén, e cangomñi~ júu^ fí quini~ jaléng' fii~ jmidsea` e catán' n fíing' dsea` quiá' Dsea` Jmáang` fí dsí' 'nuñí'. Jogui mi~ huí' ta~ e júung` jaléng' i dsea` í, dob sín' n e cuøø~ júu^ quié' e cajo. ¹¹ Jogui jmiguiúung` née' bi cajmeáan' nre e laco' nitár` laj_uí~ júu^ e já' lñiñ` quiá' Dsea` Jmáang` do. Jo jalé' e na cajmé' e fí lacoø` sinúu^ guá' qui' ii', dsea` lí'ñi' dsea` Israel. Jogui dseáng' e eám' 'ni' camán' nre lajaléiñ' do, co' jì' gui ngii~ e jmáan' nre ga` cartí doñí' jìe' fí seem` bre. Laj_ob cajmé' e lajee~ ná' gui e calicuín' n Dsea` Jmáang`.

*Mi~ cajíng' gui Paa~ júu^ quiá' mi~ calicuíñ' Dsea`
Jmáang`*

(Hch. 9:1-19; 22:6-16)

¹² Jo coø` ya', lajee~ e iuun~ fí ngóo' o fí Damasco cuaiñ~ quiá' e jmáan' n ga` jaléng' dsea` quiá' Dsea` Jmáang` i seeng' fí do, jo ie~ jo ningóo' o quiee~ ta~ coø' o' gui júu^ quiá' jaléng' fii~ jmidsea` quiá' dsea` góo' oo' dsea` Israel e nijmeáan' n ga` jaléng' dsea` cúing` Dsea` Jmáang`. ¹³ Jo laj_ob fiñ~ guñi' 'nu', dseata~ Agripa, e lajee~ gui' ná' iuun~ fí e ngóo' o fí Damascob, í' e ngóo' guieñí' jóob` camó' o coø` jì e jì' jlo'^ e eáng' gui jíing` jì' laco' gui jì' iee~. Jo e jì' do jáa' fí yú'^ jmigüí, jo cajneá' fí lacúng' laj_íng` li~ ngóo' naa' do lajee~ e tée' naa' fí ngóo' naa' fí Damasco. ¹⁴ Jo dsifí mi~ cangí e cajneá' e jì' do, laj_ñ baa' la' ó' ngóo' naa'

do caquing'-naa' fi' ni~ uo~. Jo canu~ jnea~ e liing~ i~ guicafé' cóo'~ jmií' hebreo e tór' jnea~ jo guicajín'- lala: "Saulo, Saulo, ¿jiali' jmaán'~ jnea~ ga? Co' jalé' e jmoo' na e jmaang'~ uóø'ba' na, laco'gui dsingúng~ jaang' güitá^ mi~ iá' fiire' si~ su' mo'uóø're' song ja` núu'~re'."

15 'Jo cangii~ quía'- i guicafé' do jo cafá'-a: "¿I~ 'nu', Fíi'?" Jo cañí'tu i guicafé' do jo guicajín'-: "Jneab~ Jesús i ngi' 'nu' jmaán'~ ga` lana. 16 Jo lana, ráan'- jo jmeé~ sín'-, dsuco' lana cajmijnéng' 'ñiá'a fi' quini'^ e laco' nijme'^ lajii'~ e iin~n jogui niguiá'^ júu^ quie~ e fi' quini' jaléng' dsea` quía'- jalé' e nicañi'~ la lana jogui cóo'~ jalé' e nabi niliñi'^ quie~ e cajo. 17 Jogui lana nilaam~baa 'nu' jee~ jaléng' dsea` góo' dsea` Israel i 'ni' níng~ 'nu' cóo'~gui jee~ dsea` i ja` líng' dsea` Israel cajo. Jogui jneab~ nisín^n 'nu' jee~ jaléng' dsea` i ja` líng' dsea` Israel. 18 Jo ta~ lajoba' nisín^n 'nu' e laco' güi'ée'~ dsea` jial laco' ninea' moguir~, jogui e jo` niliseeng'guir e dsee~ quía'r~ quiu' ta~ ír', co' lí'^ lí' 'né~ e niqui'~ jing' yaaiñ~ fi' quini'baa, jo lajoba' jo` niliseeñ' e quiu'gui fii' i 'ling'^ i sii' Satanás ta~ quía'r~, jo nináiñ' e jnea~ dsea` nicaa~ nifi' quía'r~. Jo nisín^n 'nu' jee~ jaléng' dsea` i ja` líng' dsea` Israel lajo e laco' já'- nilíng' i dsea` î lajii'~ júu^ quie~ e, joba' niñiñ' e ni'ling~ jalé' dsee~ quía'r~, jogui ni'íñ' lajii'~ e catúng~ e cuóø-ø jaléng' dsea` quie~ e, dsea` i caguíng' Fidiéé' e laco' ni'uíng~ dsea` güeang'^ quía'r~."

Mi~ cajmée' Paa~ núu'r~ quía'- lajii'~ e cangár~ do

19 'Jo lajob líí', dseata~ Agripa, cajmé~baa núu'~u lajii'~ e camó~o jogui canu~u e jáa' fi' yú'^ jmigüi'.

20 Jo la'uii~ canaan~ e jmóo`o ta~ guia' júu^ quiá'-
 Dsea` Jmáang~ fí jee~ jaléng` dsea` seeng` fí Dam-
 asco, jogui mi~ cangf̂ jo fí jee~ jaléng` dsea` seeng`
 fí Jerusalén, lí^ latøøng~ lí se' Judea. Jogui lajobi
 fí jee~ dsea` góo`oo' dsea` Israel e fíi~ire e nijáng`
 yaaiñ~ fí jaguó` Dsea` Jmáang~ jogui e niqúí'-
 nijíng` yaaiñ~ fí quini` Fidiée~, jogui e 'né` ni'é-
 jmang` e guiáb~ e laco' cuø' lí e nicaquí'- jím`
 yaaiñ~ fí quini` Fidiée~. 21 Jo uíi~ jalé' e júu^ e
 guiaa~ dob, casang` jaléng` dsea` góo`oo' dsea` Is-
 rael jnea~ fí siguí' quiá'- guá' quí-ii', jo jì'gui lamí-
 iñ~ e nijngám` bre jnea~. 22 Dsü' Fidiée~ eáam`
 jmicóo'r~ jnea~, joba' guiáb~ seen~ latí' lana. Jogui
 dseáng` ja` jmitúng` dsii~ e guia`bñ júu^ quiá'-
 Dsea` Jmáang~ fí jee~ lajñng` dsea~, jiuuiñ~ tá' e
 cóøiñ~. Jogui ja` fá'a jíi' coo` júu^ e ja` cóøng`
 røø` cóo' jalé' e café' i dsea` i café' cuaiñ~ quiá'-
 Fidiée~ malí~gui eáang', fa' la Moi~ e caséer` júu^ e
 la guím` 'né` niliti~ fa' la e fé' lala 23 e dseáng`-
 nisí'í'ba' e nijúung~ Dsea` Jmáang~, dsü' mi~ ningf̂
 e nijúuiñ~ do, íbre dsea` la'uii~ nijí'tur jee~ jaléng`
 'líi~. Jogui íbre dsea` niguiár~ júu^ jee~ jaléng` dsea`
 góo`oo' dsea` Israel jial nileáng` jaléng` dsea` í jee~
 dsee~ quiá'r~ jogui cajo jial nileáng` jaléng` dsea` i
 ja` líng` dsea` Israel jee~ dsee~ quiá'r~. Jo e júu^ e
 niguiá~ Dsea` Jmáang~ do líí' la líí' coo` jì' e jnea' e
 jmicóo'~ jaléng` i dsea` í'.

*Mi~ caféng' Paa~ dseata~ Agripa jial ni'uíng~
 dsea` do dsea` quiá'- Dsea` Jmáang~*

24 Jo mi~ calí~ fé' Paa~ e júu^ jo e jmi'óng` 'ñia'r',
 jo dsifí' lajob café' i dseata~ Festo do cóo' júu^ teá'
 jo cajíñ'-:

—¡Ngaam` 'nu`, Paa-, nica'léeb' quíi'- e nicajmítin' eáang', jo cóo' e jo nica'uíing- e nicalicaam~ba'!

²⁵ J_oba' cañíi' i Paa- do quiá'- dseata~ Festo jo cajíñ'- casí' reiñ':

—Ja` ngaang~ jnea~, dseata~ quíi'-ii' Festo, dsu' 'nu' i' o' l'í'- rijím, co' lajalé' e fá' jnea~ la j Mang'- júu^ guiáb- j_ogui j Mang'- júu^ jáb'- cajo. ²⁶ Nab guiing~ dseata~ dsea` féng' Agripa, jo ñi'bre la'uiing~ jalé' e júu^ na. Jo ja` 'gól'o e fá'a fí' quinir~, co' ñi'baa røø e ñi'bre la'uiing~ lanú'- cajo jalé' e guiá- e cajmée` Jesús fí' jmigüi' la, dsuco' jalé' e jo o' e calí- lí' ja` ii' jøø- osi lí' ja` jnéeng- é. ²⁷ Jo_gui' 'nu', dseata~ dsea` féng' Agripa, ñi'ñib' jnea~ e jáb'- líng' 'nu' jalé' júu^ e caguaí' i dsea' i café' cuaiñ' quiá'- Fidiée~ malí~gui eáang'.

²⁸ J_oba' cañíi' i dseata~ Agripa do quiá'- Paa- jo cajíñ'-:

—Ji_u~ba' ja` mí' calí' jnea~ e ni'uín-n dsea` quiá'- Dsea` Jmáang-.

²⁹ J_oba' cañíi'tu Paa- quiá'- dseata~ Agripa jo casí'- reiñ':

—Nañí' si ji_u~ osi jmigui_u'bi é ja` mí' calí'i' 'nu', dsu' iing~ Fidiée~ e lajím' 'nú' ni'uíing-na' dsea` quiá'- Dsea` Jmáang- laco'gui la líng' jnea~; jo dsu' o' laco' jnea~ lana e 'ñúun~n cóo'~ ñí' cadena.

³⁰ Jo mi~ cangí e cajíng'- Paa- e júu^ jo, jo caróob- i dseata~ dsea` féng' Agripa do cóo'gui i dseata~ Festo do colíng~ cóo' i rúñ' dsea` ngáang~ cóo'r i sii' Berenice lí'^ lajíng' i dsea' i neáang' do ie~ jo.

³¹ Jo mi~ cangí jo, ca'uøøm~bre e cangosiiñ' e júu^ do lajee~ yaañ' fí' lí' jíé'. Jo lalab siiiñ' lajee~ yaañ' jo fé'r':

—I dseañu' la ja' e mi' ca'leer' jii'~ coo' fa' dsi' í' e nijúuiñ' o'gui e sijning'gui fí' dsí' 'nuiñí'.

32 Jogui cañí' i dseata' dsea' féng' Agripa do quiá'~ dseata' Festo jo casí'~reiñ':

—Cuøøm' nileáng' i dseañu' la lana faco' mi' ja' mi' camir' 'ñia'r' jéeng'gui e niquidsí' i dseata' dsea' féng' i guing' fí' Roma do í' quiá'r'~ lajii'~ e lí' quiá'r'.

27

Mi' casíñ' Paa' fí' Roma

1 Jo mi' catigua' júu' quiá'r' e niguiéiñ' jaléng' jnea' fí' Roma li' se' Italia, joba' Paa' cóo'~ i dsea' sijning' caguaang'gui do cangoliñ' e jée' jaang' fi' 'lée- i si' Julio; jo i dsea' í' iuiñ' jee' coo' íng' 'lée- quiá'~ dseata' dsea' féng' i guing' fí' Roma.

2 Jo jnea' Lucas cangó'oo' coling' cóo' Paa'. Jo cangó'naa' e tée'~naa' fí' dsí' coo' móo' e jáa' fí' coo' fi' e si' Adramitio e nisi' t'í' lí' nigüi'í' e nidsé' fí' lacaang' oo' jmi' quiá'~ li' se' Asia. Jogui ngóo'bi coling' cóo'~ jnea' jaang' dseañu' i si' Aristarco i seeng' fí' Tesalónica, coo' fi' lí' se' Macedonia.

3 Jo mi' cajneá' e jmi' jo, caguié'naa' fí' coo'gui oo' jmi' e si' Sidón. Jo fí' job i fi' 'lée- i si' Julio i jmóo' í' Paa' do cacuø'r' fí' Paa' e nidsí'eeiñ'~ jaléng' dsea' cuiñ', jo lajob i dsea' í' nijmicoo'r' dsea' do cóo'~ jalé' e 'né' quiá'ñ'.

4 Jo mi' cangí' jo, ca'uøø'naa' fí' oo' jmi' e si' Sidón do e quíng'~naa' guí, joba' canging'naa' fí' lí' lí' ca' fí' coo' guóo'~ uø' e néé' ni' jmi'ñí' e si' Chipre fí' lí' ja' 'ga' lí' bá' e guí do, dsuco' eáng' jna' laco' ngóo'naa'. 5 Jo canging'naa' fí' 'ni' jmi'ñí'

la tóo` lí~ se' Cilicia cóo`~gui lí~ se' Panfilia cartí caguié~naa' fí' coo` fií e sií Mira, coo` fií lí~ se' Licia.

⁶ Jo fí' job i fií' 'lée~ i sií Julio do cangár~ coo` móo' quiá'~ fií e sií Alejandría, jo iu~ fí' ngóo' fí' lí~ se' Italia. Jo fí' dsí' móo' job cangotóo'~naa' e quiá'~ cangó'~naa' fí' lí' sí' ngóo'~naa'. ⁷ Jo jmiguiab' jmíi~ ngocá' e ngí'~naa' tá'~jiu lado. Jo e quié' ta' eáam' caguié~naa' fí' coo` fií lí~ sií Gnido. Jo eáam' bi í' e guí' do laco' ngóo'~naa', joba' cayee~naa' fí' quini~ coo` fií e sií Salmón, jo cangíng~naa' lí' lí' 'ni' e uó' e sií Creta e néé' ni~ jmiñí'^. ⁸ Jo cangim~baa' guidseaang^ lado lacuee' 'ni' jmiñí'^ cartí caguié~naa' coo` lí' sií Buenos Puertos, e néé' quiá'~ coo` fií lí~ sií Lasea.

⁹ Jo jmiguiab' jmíi~ nicangocá' e téé'~naa' fí' lado la tóo' ni~ jmiñí'^, jogui ningóo' lidseáam~ cajo e téé'~naa' dsí' móo', co' ie~ jo nijaquiéeng' jii' güib~, joba' eáam' nidseáang~. Joba' cajíng'~ Paa' casí'r~ i dsea' i ngolíng~ dsí' e móo' do ie~ jo, jo cajíñ'~:

¹⁰ —Dsea' rú'uu', móo' jnea~ e eáam' nidseáang'~ quí~ii' laco' ngóo'~naa' la. Jo dseáang'~ ni'íing~ quí'~naa' e móo' la cóo'~gui jalé' lee~ e quié', jogui la quié' tí' jneaa~aab' dseáang'~ quí~ii' e ni'íing~naa' cajo.

¹¹ Jo dsu' i fií' 'lée~ do, eáang'gui cajmí'gór` dsea' fií e móo' do cóo'~gui fií i quié' e móo' do laco'gui e cajmí'gór` Paa'. ¹² Jo co' e oo~ jmíi' e sií Buenos Puertos do ja' 'goo' fa' e fí' jo ningíñ~ lajee' jii' güi~, joba' lajiiñ' la'ó' ngolíñ~ do ca'í' dsíir' e guiú'~gui e ni'uóm'bre e fí' oo~ jmíi' jo, jo nijmér~ quijí' jial niguilíñ~ fí' coo'gui oo~ jmíi' lí~ sií Fenice, coo' oo~ jmíi' e néé' lí' se' Creta e jøøng~ lí' lí' guiéel'

cóo'~gui lí' lí' ée^ guóo'~ uó'. Jòba' ja' dseáng'~ fa' mi' cajer' fí' jò lajee' jii' güíi', co' fí' jòb lamí' í' dsíir' nijér'~ lajee' jii' jò.

Mi' caróo'~ jmiñí'^ e eáang'

13 Jò mi'~ canaang` e uáam~jiu e guí' e jáa' fí' lí'^ lí' huóø` do, jòba' ca'f' dsíir' e nitam'~túr' fí'. Jò ca'uóøm`bre e fí' oo`~ jmiñ' do e teáaiñ'~ dsíí' móo', jò cangíiñ' quiáb'~ e 'ni' Creta do. 14 Dsu' jò' huóø` cali'ñ' ca'ñ'~ guí' e teá' eáang' e jáa' lí' lí' ñíi'~ laco' ngóo' e móo' do, jò fí' lí' jiéb'~ canaang` cá' e móo' do. 15 Jò canaang` øøng' fí' lí'^ jiéb' fí' lí' í' guí'. Jò dsuco' jò' lí'naa' fa' e nidsé~gui røø` e móo' do laco' í' guí', jòba' lí'^ ngó'naa' jié' fí' ta' quiu' guí'b'. 16 Jò cangiing~naa' lí'~ caluu' coo` guóo'~ uó'~jiu e sii' Cauda e née' ni'~ jmiñí'^, co' fí' jòb ja'gui í' guí' e teá' eáang'. Jogui eám' cacá'~ jaléng' i dsea' i quie' e móo' do ta' e casitír' e móo'~jiu e ngí' fí' caluu' móo' fé' quiá'r~ e laco' nileáng'naa' fing lí' cali'ne~ lajò. 17 Jò mi' cangí' e caséer' e la fí' ni'~ móo' quiá'r~, jò cajmeáañ' ta'~ 'nii' e mi' quiá'~ e ni'ñá'r' e móo' fé' do laco' nicuó'~ bí' quiá'~. Jogui dsuco' 'gó'bír' fing cacung'~ móo' quiá'r~ jee' cüu' tóo' fí' lí' sii' Sirte, jòba' cabír' fí' ni'~ jmiñí'^ coo' 'majii' e ii' eáang' jogui neaang` rúng'~ cóo'~ móo' laco' ja' ningí'~ jminá'. Jò cangolíim`bre laco' jii'~ ta' quiu' guí'. 18 Jòba' mi' cajneá' e jmiñ' jò, eáang'gui huñng' ni'í' guí' jogui eáang'gui niróo'~ jmiñ' cajo, jòba' canaaiñ' uø'r' e lee' e tée'~ dsíí' e móo' do jò cabír' fí' é' jmiñí'^. 19 Jò mi' catí' 'ni' jmiñ' lajò, canaaiñ' uø'bre cóo'~ layaang` guóor' jalé'~ 'nii' e guiquíng'~ 'mi' quiá'~ e móo' do. 20 Jò jmiguiab' jmiñ' cangocá' e jii'~ iee' ja' jnéeng` o'gui jnéeng` jaléng'~ náu' mi' canu' cajo.

Jō cō' ja' niquiúm'⁻bi e í' guí' cōo'⁻gui e rōo'⁻ jmíi, jōba' dseáng'⁻ ni'í' dsi'naa' e jō' nití'⁻baa'.

21 Jōgui cō' jmiguiab' jmíi~ ningóo' e ja' quiee~naa' i'naa', jōba' carōo'⁻ Paa'⁻ jee~ jaléng'⁻ i' dsea' do jō cajíñ'⁻ casí'⁻ reiñ'⁻:

—Dsea' rú'uu', guiú'⁻guiḃ ca'uíng'⁻ quí'ii' fa' mi~ cajmee~na' núu'⁻na' lajii'⁻ júu^ quie~e e ja' ca'uøø~naa' fí' oo'⁻ jmíi Buenos Puertos fí' lí' se' Creta, jō ja' cangongíi~naa' e lana, o'gui ca'íng'⁻ jii'⁻ cōo' quí'ii' facō' mi~ canúu'⁻na' júu^ quie~e.

22 Jōgui lana fí'⁻i 'nú'⁻ e ja' jmitúng^ óo'na' jii'⁻ cōo', cō' jii'⁻ jaang' 'nú'⁻ ja' nijúung~na'; jii'⁻ móo'ba' e ni'íng'⁻. 23 Cō' dsi'lóo^bi cajnéng'⁻ jaang' ángel quiá'⁻ Fidiéé' quie~e i' jmóo' lajii'⁻ ta~ quia'⁻ dsea' do, 24 jō cajíñ'⁻ casí'r'⁻ jnea~ lala: “Ja' fðøñ'⁻, Paa'⁻, cō' dseáng'⁻ 'néb'⁻ e niguie' fí' quini'⁻ dseata~ dsea' féng'⁻ i' guíng'⁻ fí' Roma. Jō la'eáang' cōo'⁻ 'nub' cajo Fidiéé' nileáiñ'⁻ lajii'ng' dsea' i' teáang'⁻ cōo'⁻na' fí' dsi' móo' na.” 25 Jō lajob lí', dsea' rú'naa', cuøø'⁻ bí' yaang~na', cō' jalé'ba' e jíng'⁻ Fidiéé' dseáng'⁻ jmiti~bre, jōgui nitab~ dsii'⁻ e dseáng'⁻ nilitib' laco' jii'⁻ e cajíng'⁻ i' ángel do casí'r'⁻ jnea~. 26 Jōba' fí' cōo' ni~ guóo'⁻ uø'⁻ e néé' ni~ jmíiñ'⁻, fí' jōb 'né' nidsitíng'⁻naa', cō' niffim'⁻ móo' jéeng'gui.

27 Jō cōo' uøø', mi~ cangí' tú'⁻ seamaan~ e tée'naa' fí' lado, jō caguié'naa' fí' jmiñ'⁻ lí' sii' Adriático; jō dseáng'⁻ lamí' rōo'⁻bi jmíi, jōba' fí' la fí' nab dsée' móo' lí' tée'naa' cōo'⁻ e guí' e í' do. Jō uøø' guienúu' quiá'⁻ e jmíi~ jō mi~ calilí'^ i' dsea' quie' e móo' do e nijaquíém' nitíng'naa' uø'⁻ quí'⁻. 28 Jōba' caguiar' í' jial tí' a'gui e jmíi do, jō calilí'r^ e ni'a'gui jii'⁻ guiguí' dsí' jñúu'⁻ metros. Jō mi~

caguiliñ⁻ tí doguijiu, jò caguia'tur í[^] calé[^] catú⁻, jò calilí^{r^} e a'gui jíi[~] guieguiée metros. ²⁹ Jò cò[^] 'gó[^]bre fíng casicóøng⁻ e móo[^] do cóo[^] cuu[~] 'loo[^], jòba' cabír[^] quiú[^] 'lo[^] ní[^] lí⁻ caluu[^] e móo[^] do e laco[^] jò níngí⁻ gui e móo[^] do. Jò lajee[^] jò féiñ[^] Fidiée[^] e jò güili^{h^} gui e nijneá[^].

³⁰ Jò dsu[^] i dsea[^] i quie[^] e móo[^] do ca[^] dsír[^] e nicuí⁻bre jò nitú[^]bre e móo[^] do. Jòba' canaaíñ[^] jíe⁻bre e móo[^] pí[^] e tée[^] dsí[^] móo[^] fé[^] do e laco[^] nijmí[^]øng[^] yaaíñ[^] ni[~] jmí[^]. Jò jmóor[^] lafa[^] e nibír[^] 'lo[^] ní[^] e sea[^] fí[^] quini[^] e móo[^] do. ³¹ Jò dsifí[^] mí⁻ calilí[^] Paa⁻ e jmóo[^] i dsea[^] do lado, jòba' casí^{r^} i fií⁻ 'lée⁻ do cóo[^] gui jaléng[^] 'lée⁻ quiá^{r^} jò casí^{r^} reiñ[^] jò cajíñ[^]:

—Song ja[^] nijé⁻ jaléng[^] i dsea[^] na dsí[^] e móo[^] la, ja[^] lí[^] 'nú[^] leáng[^]na' cajo.

³² Jòba' i 'lée⁻ i ngolíng⁻ dsí[^] e móo[^] do caqui^{u^}r 'nii[^] e 'ñú^{u^} e móo[^] pí[^] do, jò cató[^] fí[^] ni[~] jmí^{h^}í[^].

³³ Jò lajee[^] e nú[^] gui e nijneá[^] ie[~] jò, Paa⁻ caqui^{u^}r ta[~] quiá[^] jaléng[^] i dsea[^] i ngolíng⁻ do e nidó^{r^} capí[^]jiu jò casí^{r^} reiñ[^]:

—Lana níngóo[^] tú⁻ semaan[~] e í[^] dsí[^]naa[^] e ne[~]duu[^] e nidsijée[^] quí⁻ii[^], jò jíi[~] i[^]naa[^] ja[^] mí[^] caquiee[~]naa[^] laco[^] jíi[~] e quí[^] tñ[^]naa[^]. ³⁴ Jòba' fñ⁻ i 'nú[^] lana e 'né[^]ba[^] cøb[^]jiu í[^]na[^], cò[^] la guím[^] 'né[^] quí⁻na[^] lajo, cò[^] cóo[^] e jòba' cuø[^] bí[^] quí⁻na[^] e seeng[^]na[^]; jò jneaa[~]aa[^] jíi[~] còo[^] ja[^] e nilí⁻ii[^], jíi[~] camí[^] jñ[^] guí[^]naa[^] ja[^] ní[^]íng⁻.

³⁵ Jò mí⁻ cangí[^] e fé[^] Paa⁻ lajo, jò catúíñ⁻ còo[^] iñí[^] jò cacuø^{r^} guí[^]máang[^] Fidiée[^] fí[^] quini[^] jaléng[^] i dsea[^] do. Jò lí⁻ jò caffíñ[^] e iñí[^] do jò canaaíñ[^] gø[^]bre.

³⁶ Jò lajím[^] i dsea[^] do cangotáaiñ⁻ e cagø[^]bre cajo.

³⁷ Jō lajiī-naa' la'ó' ngóónaa' dsíí' e móó' do tí'baa' tú- ciento dsí' setenta y seis dsea`. ³⁸ Jō mī cangî caquiee~naa' guiá- lajiī-naa' do, cabíb' ì dsea` do e micui'iee` e téé' dsíí' e móó' do e laco' jo`gui ii` e móó' do.

Mī cango'ang' móó'

³⁹ Jō mī cajneá- e uóø` jō, jaléng' ì dsea` ì quie' e móó' do ja` ñir' jial sii` e uó- quiú` e tí' lí' tíiñ'- do, dsu' cangá-bre coo` lí' cuóøng` e nijé- e móó' do lí' ja` téé' cuu` eáang', joba' fí' job ca'f' dsíir' e nitíiñ' cóo' e móó' do. ⁴⁰ Jō caquiur' e 'nii` e guineaang` 'lo'^ ní^ do, jō dob cajiúr' fí' é' jmī. Jogui cajléiñ' e 'ma` e íng` ta~ e quiu' ta~ quiá'- fí' e móó' do. Jō mī cangî jō, caséer' fí' yá'^ e 'mi' e íí' fí' quini` e móó' do, jō cacá- guí e laco' cuóøng` ngí- jminá-gui e móó' do. Jō lajoguib canaang` dsiquiéeng` e móó' do fí' 'ni' lí' nilí' guóo' uó-. ⁴¹ Dsu' nú'-gui e nitíng' uó- quiú` e móó' do, fí' jee~ cuu~ tóob' nú'- jmiñí'^ ca'í-, jō fí' job cacú'- . Jō latøøm- fí' quini` quiá'- cacú'- fí' jee~ cuu~ tóo' e jii'~ jo` cuóøng` lí' jø'. Jogui lí' lí' caluu` e móó' do canaang` licuíb' cóo' bí' quiá'- e jmī e róo- do.

⁴² Jō jaléng' ì 'lée- ì teáang'~ dsíí' e móó' do cali'iiñ~ e nijngám'-bre jaléng' ì dsea` ì téer` 'ñúung'~ do e laco' ja` nileáng- yaaiñ~ do e nicuir- fí' 'ni' jmī mī nináiñ' e nitér- jmī. ⁴³ Dsu' ì fii~ quiá'- ì 'lée- do ja` cacuør' fí' lajō fa' e ì 'lée- do cajméer' lajō, co' la guím` 'né- nijáiñ' jaléng' ì dsea` ì téer` 'ñúung'~ do fí' quini` dseata~. Jō lí'^ caquiur' ta~ quiá'- jaléng' ì dsea` do e ii` jaléng' ì tíng` té- jmī güidsitáam'~bre dsifí' lado, jō nitíiñ' jminá^gui fí' lí' nilí' guóo' uó-. ⁴⁴ Jogui jaléng' ì caguiaang- gui do nitér- jmī cóo'~

'majii- osi ni~ cuíi~ 'majmá' quíá'- e móo' do é. Jo lajob catí'naa' cóo~ e guíá- fí' lí~ nilíí' guóo'~ uó- lajalé'naa' do.

28

Mi~ caguié- Paa- cóo'~ gui i dsea` caguaiang- gui do fí' Malta

¹ Jo mi~ nicaláang- naa' lajii- naa' do fí' ni~ jmiñí'^, joguiba' caline~ naa' e nisií' Malta fí' ni~ guóo'~ uó- lí~ catí'naa' do. ² Jo i dsea i seeng' fí' do eáam' guíá- ca'éer` cóo'~ jnea'^ lajii- naa' do. Jo có' jmiñí' tujé' ie~ jo, jogui dsíng'- güíi- cajo, joba' i dsea` seeng' fí' do caji'r' jì e fe' jo cató'r- jnea'^ e nidsiquiéeng' naa' e fí' ca' jì do. ³ Jo ie~ jo i Paa- do cangoquier` cóo` seang' cuii~ quííí' jo cató'r' fí' ni~ jì; dsu' lajee' job cagüí'í' jaang' mi' i guíing- fí' jee~ e cuii~ do mi~ calilí're' e guíi- jì, jo cacu're' luguoo' Paa-. ⁴ Jo mi~ cangá- i dsea i seeng' fí' do e cacu' i mi' do luguoo' Paa-, joba' canaang' sí' rúíñ' lajee' la'ó' teáañ- do jo jíñ'-:

—Líí' fíng o' jaang' dsea` 'mób- i dseañu' na, có' caláam-bre fí' ni~ jmiñí'^, dsu' cóo'~ e calíñ- nagui jo` cuóøng' ií nileáng- ír', có' jo` catíng- e seeíñ' quíá'- Fidié'.

⁵ Jo dsu' Paa- dsifí' ladob cabó'r` guóor' fí' ni~ jì, jo catóm' i mi' do, jo jíí'~ cóo` ja' e calíñ-. ⁶ Jo lajii' i dsea i seeng' fí' do síjer' fa' e nilíyee' lí' cacu' i mi' do guoo' Paa- osi e nijúum- bir lajee' jo é. Jo ngocá' biiu e síje' i dsea` do su líing~ ee' nilíing- Paa-, dsu' ja' e calíng- dsea` do jíí'~ cóo`. Joba' dsifib' cajmisíng- i dsea` do e í' dsíir', jo canaaiñ' fé'r' e i Paa- do lííñ' jaang' diéé'.

7 Jo quiá' e fí lí tée'naa' ca' jì do nisea' tú' 'ní jmaang' uó' quiá' jaang' dseata' dsea' féng' i niseeng' fí Malta i sii' Publio. Jo í eáam' guiá' ca'íñ' jnea' jogui cajmicóo'r' jnea' lajee' 'ní jmi' e cajé'naa' fí do. 8 Jo ie' jo tiquiá' i Publio do niráaiñ' dsée'r' e líiñ' jmohu' e i' guiíñ' jogui e eáang' siuiñ'. Joba' cangó' Paa' e cango'eer' dsea' do. Jo mi' caguié' fí jo, cami'r' Fidié' uii' quiá' dsea' do. Jo lí jo, caquidsir' guóor' fí mogui' dsea' do, jo lajob cajmi'leáaiñ' dsea' do. 9 Jo mi' caliñi' jaléng' gui dsea' dsée' i niseeng' e fí do e ca'láang' i tiquiá' Publio do, jo cangolím' bre fí lí táang' i Paa' do e laco' dsea' do nijmi'leáang' neiñ' lajii' jmohu' e líiñ'. Jo lajalém' biñ' do ca'láaiñ' ie' jo. 10 Jo lajñing' i dsea' do eáam' cali'íáang' dsíir' cóo' jnea', jogui cajmicóo'r' jnea' cajo lajee' gaang' sí' e cataang'naa' fí Malta do. Jo mi' cangí jo, mi' cangotóo' túu' fí calé' catú', cajmicóo' bre jnea' cajo cóo' jalé' e 'né' qui'naa' guiá' fí lajee' e tée'naa' fí ngóo'naa' fí Roma.

Mi' caguié' Paa' fí Roma

11 Jo mi' cangó'naa' fí jo, tée'naa' fí cóo' móo' e jié' e nicaje' fí Malta lajee' jii' güí'; jo e móo' do nijáa' fí cóo' oo' jmi' e sii' Alejandría. Jo jéeng' gáng' dié' dsea' suung' i lí, jaang' i sii' Cástor jogui jaang'gui i sii' Pólux. 12 Jo ca'uøø'baa' fí Malta, jo cato' túu' fí e ngóo'naa' fí Roma. Jo mi' cangí jo, caguié'naa' fí cóo' fí lí sii' Siracusa, jo fí job cajá'naa' 'ní jmi'. 13 Jo fí job ca'uøø' túu' e tée'naa' dsíí móo', jo cangó'naa' la tóo' 'ní' jmiñi' cartí caguié'naa' fí cóo' fí e sii' Regio. Jo mi' cajneá' e jmi' jo, co' lí' lí uøøb' jó' gui', jo

mi~ cajneá~ coo`gui jmi~ lajob caguié~naa' coo`gui oo~ jmi~ li~ sii` Puteoli. ¹⁴ Jo fi' job cají~ rú'naa' cóo~ jaang` gáng~ dsea` quiá'~ Dsea` Jmáang~. Jo íb` catø'~ jnea'^ e cajé^naa' cóo'r~ fi' jo lajee~ coo`semaan~. Jo tá'~ jia lajob caguié~naa' cartí` Roma. ¹⁵ Jo jaléng' dsea` quiá'~ Dsea` Jmáang~ i neáang' fi' Roma niñi`bre júu^ qui~naa' e téel~naa' fi'. Joba' cangolíñ^ e cangojmijíñ' jnea'^ cartí` coo` fi' li~ sii` Foro de Apio jogui fi' coo`gui li~ sii` Las Tres Tabernas. Jo mi~ caneeng~ rú'naa', dsifi' ladob cacuø' Paa~ gui'máang^ Fidié~, jogui eáam' cali'iaang` dsíir' cajo. ¹⁶ Jo mi~ caguié~naa' fi' Roma, cacuøb' i 'lée~ do fi' e nigüea` Paa~ quiá'~ dsea` jiéng', jogui e jaam` 'lée~ i nijmé~gui í^ ír`.

Lajee` táang` Paa~ fi' Roma

¹⁷ Jo mi~ cangí` 'ni' jmi~ lajo e caguié~ Paa~ fi' Roma, joba' camir' fi' e calité'^ jaléng' dsea` quie` nifi' quiá'~ dsea` Israel i neáang' fi' Roma do. Jo mi~ tí li~ caseáng' í lajiiñ' fi' jo, joba' lalab casí~ Paa~ jaléng' í:

—Dsea` góo'naa', ja` e mí jmé~ jnea~ jíi'~ coo` e ga` uii~ quiá'~ dsea` góo'oo' dsea` Israel o'gui cóo'~ jalé' e tíng` jaléng' 'lii~ yáa'~ qui~ii'. Dsa' fi' Jerusalén cajáng' dsea` góo'oo' dsea` Israel jnea~ fi' jaguó` dsea` romano, ¹⁸ jo mi~ cangí` e cajmingí'~ i dsea` romano do jnea~ jalé' e 'níng` dsea` góo'oo' jnea~, cali'iiñ~ fa' mi~ caleáam`bre jnea~ co' ja` e uiing~ sea` quie~ e fa' dsí~ í' e nijmeáíñ' jnea~ cartí` nijúun`n. ¹⁹ Jo co' dsea` góo'oo' ja` cali'iiñ~ fa' e caleáng'tu i dsea` romano do jnea~ e júu^ røø, joba' cali'íing~ jnea~ 'ñiá'a e i dseata~ dsea` féng' i guing~ fi' Romabing' i niquidsí' í' quie~e, nañí' fa' ja` e dsee~

sea're' quié~ e jii'~ coo, o'gui sea` jii'~ coo` dsee~ fa'
 e ni'nning~ jnea~ dsea` góo' o cajo cuaiñ~ quiá'- jalé'
 e júu^ jo. ²⁰ Jo uing~ e joba' e catóø-ø 'nú' fí' la e
 laco' niliñí^na' jogui nisi~naa' coling~ e~ uing~ e
 'ñúun~n la lana, co' uing~ e já'- lín`n e nicagüéng~
 i sii` Dsea` Jmáng~ do fí' jmigüü` la, jo íb` dsea` i
 sijeeng~ jaléng' dsea` góo'oo'.

²¹ Jo cañí` i dsea` do quiá'- Paa~ jo cajíñ'-
 casí'-reiñ':

—Jii'~ coo` jì' ja` mí' ca'ing'~ jnea'^ e jáa' fí' Judea
 fa' e fé` uii~ quí'~, o'gui jii'~ jaang` dsea` rú'naa'
 dsea` Israel i nigüilíng~ fí' la fa' nicajíñ'- júu^ ga`
 uii~ quí'~ cajo. ²² Dsu' ii~naa' nú^naa' júu^ quí'~
 lana quiá'- jalé' e í' o', co' ne~baa' guiá~ doñi` jiéb`
 fé` dsea` ga` quiá'- jaléng' 'nú', dsea` cuíng'na'
 Dsea` Jmáng~.

²³ Jo lajob cajméer`, catéer` coo` jmii~ lí~ niseáng'
 jaléng' dsea` Israel e fí' lí~ guing~ Paa~. Jo mí~ tí' lí~
 nisiseáng' lajiing` dsea` fí' do, joba' canaang` Paa~ e
 guiar` júu^ fí' jee~ i dsea` do quiá'- jial iing~ Fidiéé~
 nicár` nifí' quiá'- lajaang` lajaang` dsea` jmigüü`. Jo
 guia' Paa~ e júu^ do tí' la'eeb` jo cartí' ca'lóo~. Jo
 sí'r` i dsea` do e laco' já'- niliñ` júu^ quiá'- Jesús
 la'eáng' cóo'~ júu^ quiu' ta~ quiá'- dsea` Israel e
 cajme' Moi~ cóo'~gui jalé' e fé' fí' ni~ jì' quiá'- i
 dsea` i café' cuaiñ~ quiá'- Fidiéé~ mali~gui eáng'.

²⁴ Jo i ling~ i dsea` do jáb'- calíñ~ e júu^ e guia'
 Paa~ do, jogui calisém`bi cajo i ja` calijíi'~ e júu^ jo.

²⁵ Jo co' ja` røø` síng` i dsea` do laca'ing'~ ca'íñ~
 quiá'- lajii'~ e júu^ e guia' Paa~ do, joba' canaaiñ`
 dsilíim`bre. Jo lalab casí'- Paa~ i dsea` do:

—Lanab dseáng' cajíng'~ Jmiguü` quiá'- Fidiéé~
 casí'r~ 'li~ dsea` cóøng'~ quí'naa' la'eáng' cóo'~

jaang` dsea` féng' i café' cuaiñ~ quiá'- Fidiéé`
malii`gui eáang' i sii` Saií^ mi~ cajíñ'- lala:

26 Gua~ jo güisií~ jaléng' dsea` Israel

e nañi' fa' jialgui e ninúr- dsu' ja` iin~ ningáin' jii~
coo`;

jogui nañi' fa' jialgui e nijøør-, dsu' ja` iin~ ninír` jii~
coo`.

27 Co' dsíng'- ja` iing~ jmitíng` jaléng' i dsea` í

jogui ja` lí'r' í dsíir' røø`

jogui jnir' loguar~ cóo'~gui jminir` cajo e laco'

ja` lí'r' núur` o'gui jøør- o'gui lí'r' ningáin'`
cajo.

Jo lajob ja` lí'r' niquí'- jíng' yaaiñ~ fi' quinií-

e laco' jnea~ qui'- jmi~ nijmi'leáan`nre jóng.

Jo lanab lí' júu^ quiá'- Saií^ e cajme'r' malii`gui
eáang'. 28 Jogui güiliñb^ 'nú' guiá- e latí lanab

ninaan- niguiaa- júu^ quiá'- Dsea` Jmáang- jee~
jaléng' dsea` i ja` líng' dsea` góo'oo' dsea` Israel

quiá'- jial nileáng- Fidiéé' ír' jee~ jalé' dsee-
quiá'r-, jo i dsea` í iim~bre núr- e júu^ jo.

29 Jo mi~ cangí e cajíng'- Paa- e júu^ jo, gui'nang'v
uøøm`bi i dsea` Israel do e jmiguíng- rúin' lajee`
yaaiñ~, co' ja` røø` síiñ`.

30 Jo mi~ cangí jo, caje`bi Paa- tú- jíng`gui e fi'
'núu' lí' quíir' do e sí' fi' Roma. Jo fi' job íñ' jaléng'

dsea` i dsilíng- i dsí'ee' ír'. 31 Jo dseáng'- eáam' ja`
'gó'r' guiar' e júu^ do quiá'- jial iing~ Fidiéé' nicár`

nifí quiá'- lajaang` lajaang` dsea` jmigüi. Jogui
e'guir jaléng' i dsea` i guilíng- do cajo jalé' júu^

quiá'- Fíi'naa' Dsea` Jmáang-. Jo jii~ jaang` dsea` ja`
ii` jníng' quiá'r- fa' ja` cuøøng` jmér- lajo.

Jo lanab jii~ lí' júu^ e cajme' Lucas e catíng-
Teófilo.

Júu 'má e cacuo fidiée
New Testament in Chinantec, Comaltepec
(MX:cco:Chinantec, Comaltepec)

copyright © 2002 Wycliffe Bible Translators, Inc.

Language: Chinantec, Comaltepec

Translation by: Wycliffe Bible Translators, Inc.

Chinanteco, Comaltepec [cco], Mexico

Copyright Information

© 2002, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Comaltepec

© 2002, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 29 Jan 2022

30c6f873-0dee-5863-8883-ba3c5eaa988c